



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.321/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.321/a




Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINMAGL 1.7.321/a

I D E A
M E D I C I N Æ
P H I L O S O P H I C Æ.

Continens Fundamenta totius Doctrinæ
Paracelsicæ, Hippocraticæ
& Galenicæ.

Authore

PETRO SEVERINO DANO
Philosophiæ & Medicinæ Doctore.




HAGÆ-COMITIS

Ex Typographia ADRIANI VLACQ.
Anno Domini M. DC. LX.

LIBRERIA
M. B. D. I. G. H. N. E.
F. H. I. O. S. O. P. H. I. C. A.

Consiglio Paternale di Firenze
Patetico, Hippocratico
A. G. L. I. C. I. O.

LIBRO SEVERINO D'ARNO
F. H. I. O. S. O. P. H. I. C. A.



LIBRERIA COMITALE


Ex Typographia A. G. L. I. C. I. O.
Anno Domini M. DC. LX.

SERENISSIMO ET ILLUSTRISSIMO

PRINCIPI AC DOMINO

FREDERICO II.

Daniæ, Norvegiæ, Slavorum & Gotthorum Regi,
Duci in Schleswick, Holsatia, Stormarn, & Diet-
marschen, Comiti in Oldenburgo & Del-
menhorst, Domino suo clementissimo.



Ntiquos illos Sapientes, & priscos Philosophos, REX SERENISSIME, non frustra ad Naturæ contemplationem, & rerum fontes ac Principia inquirenda excitatos, credere par est: sed iisdem stimulis impulsos, quibus & nos hoc seculo meritò obtemperare deberemus, ad causarum investigationem descendisse. Etenim, posteaquam necessitatibus undique obruerentur Mortales, temporum & tempestatum injuriis, sterilitates assidue experirentur, & novis ac inusitatis Elementorum resolutionibus, terræ motibus, inundationibus, peste animalium & hominum, miserè affligerentur: ut est Natura omnium, salutis & conservationis studiosa, prudentiores altiorisque ingenii homines, quærere cœperunt, quæ ratione his calamitatibus, salubri providentia occurrî possit. In hac quæstione dum strenuè versarentur, deprehenderunt causarum esse connexiones, alia ex aliis pendere, mirandoque ordine, posteriora ex prioribus, inferiora à superioribus, debiliora à potentioribus conservari, foveri, & gubernari: adeoque sterilitates & fertilitates, sanitates & morbos, mutationesque omnes ultimarum rerum, ex virtutibus priorum derivari. Ultima verò extiterunt ea, quibus vita carere non potuit, ut Vegetabilia, Animalia, Mineralia, aquarum, terrarum, aëris, & Cæli favores. Ita quatuor fontes, nutrices, & tutores, confestim apparuerunt, ex quorum benignis & fecundis thesauris, omnia suppeditarentur, ad vitæ hujus usuram necessaria: Ex silentiis verò, & inimicis resolutionibus desperatæ menses, corruptiones, pestes, destructiones, & infinitæ clades contingerent. Id solum restabat, ut ex tanta rerum copia & universitate discernere,

EPISTOLA

quæ, quibus consentirent, & conspiratione deprehensa, quibus legibus, effectus causis copularentur. Arduum fuit hoc, & immensa observatione inquirendum. Proinde, ut difficultati consuleretur provincias sortiti sunt. Alii frugum, vitium, arborum, armentorum, apum, & similium rerum natiuitates, transmutationes, felices proventus, defectus, & corruptiones, præcipue considerarunt. Hi proprietates Animalium, Plantarum, maximèque domesticarum, quæ victum & vestitum præbent, seminum naturas, locorum opportunitates, Cæli & astrorum societates, ex quibus temporum fecundæ occasiones colliguntur, studiosè notarunt: causisque fertilitatum deprehensis, opulenta segetum fide, & gregis indubitata spe, beatam ducebant vitam. Quinetiam Decretoria sydera, vitium, oleæ, frugum, glandiferarum arborum, syderumque ortus & occasus, auspiciatos vel inauspicatos, ob certos Lunæ aliorumque syderum congressus, cum prioribus observationibus conjungentes, futuras sterilitates, magna & utili admiratione, sæpe prædixerunt. Agricultura appellata fuit hæc Philosophia, prima summèque necessaria mortalibus. Alii deinceps, ultiores progressus fecerunt, & humanam provinciam adepti, alimentorum naturas, proprietates, præparationes, legitimas administrationes, morborum quoque origines, prædictiones, præservationes, curationes, regionum, temporum, aquarum, aeris & Cæli conspirationes, indefessis laboribus investigarunt. Obscurior hæc provincia & difficilior extitit. Generationes enim morborum & actionum naturalium dispensationes, occultæ penitus erant, nec semina, nec loca, sensuum beneficio deprehendi poterant. Proinde Medici, quorum industria hoc loco requirebatur, profundiores contemplationes aggredi cæperunt, & ad Naturæ penetralia propius accedentes, invisibilium seminum artificiosas liturgias, ex causarum proprietatibus & effectuum observationibus, paulatim deprehenderunt. Magna fuit industria & concordia Mortalium illis temporibus. Quisque suas observationes candidè in medium attulit. Etenim vitæ brevitatem ad Artis absolutionem, tantarum Observationum collectione, proditura, sufficere haud arbitrabantur. Quocirca discipuli Præceptorum Observationibus, legibus ac Methodis instructi, suas adjicientes, veritatem priorum confirmarunt, obscuritatem illustrarunt, angustiam copiosa suppellectile dilatarunt: Sed humana omnia ruinis & erroribus obnoxia sunt. Hanc paucorum industriam, & laboriosa Experimentiæ tædia, non tulerunt alii. Methodos quæsierunt, & Geometricas Demonstrationes earum rerum, quas sola Natura metiri potest. Tum verò paulatim migrare capit vera Medicina in linguas, relictisque rebus ipsis, ac observationum fide, Hypotheses quærere cæperunt, Demonstrationibus Geometricis accommodatas. Ita caliditatum, frigiditatum,

DEDICATORIA.

tatum, humiditatem & siccitatem parocinia, Gradumque ministeria, definitum numerorum limitibus descripta, in Medicinam introducta sunt: ex quibus faciles Demonstrationes morborum & remediorum deduci poterant. Experientia ibique difficultates pollicebatur. Sese surrexerunt tales hypotheses, adversus naturales & legitimas Medicina Methodos: & temporibus Hippocratis etiam Propugnatores invenerant: diligentia tamen ipsius & discipulorum repudiata, confestim succubuerunt. Ante annos vero mille ducentos, repetita incursione, Medicinam tum variis fluctibus agitatam, adoriebantur. Inclinabatur Seculum ad socordiam & desidiam: Vertiginis quoque poculum undique effundebatur. Ita senescentibus Experientia laboribus, maturescentibusque lingua honoribus, altiores radices egerunt. Ignavia operitulis. Brevitatem enim Artu, & compendiosam facilitatem ex Hypothesibus proficiscentem amplexata est potius, quam Experientia obscuras & longas exercitationes. Iam triumphus instabat, Mauritanis coronam pollicentibus. Hi avidè receptis tam facundis & facilibus Hypothesibus, à quibus, quia agendorum rationes frustra petebantur, Experientias quasdam, sed molles, non laboriosas, non profundè quasitas, non aditis & thesauris Natura, artificiosa contemplatione erutas, adjunxerunt: victoriaque spolia, in Luminaribus & Dispensatoriis, copiosè ostentabant. Quamvis autem immutabili triumpho, ut ipsis videbatur, novas has Methodos & Hypotheses decorassent: nihilominus Experientia, unica Medicina parens & nutrix, occulta quadam Scientia, tam agrotorum, quam Medicorum, lectum mereri videbatur, utrumque Caliditatum & Complexionum acrobologia, divitias in arum duraturas, pollicerentur. Hippocratem proinde, in seipia sua presecerunt. Ipsius Experientis injuste gloriabantur, & peregrinis violentisque interpretationibus, Divina illa Oracula, obtemperare coegerunt, quæ ipse senex Experientia submisserat. Ita quoties contra Empiricos instruenda esset acies, Hippocratem, quem ipsi quoque admirabantur, etiam invitum producebant, iniquitatis futurum testem, & si fata volunt, aliquando vindicem. Latè regnavit hac Monarchia, & ad nostrum usque seculum imperium invictum obtinuit. Confluxere omnes Græci, Arabes, Itali, Germani, Galli, & nomina tam potenti Monarchia dederunt, servitutis perpetua fide obligata. Oriebantur novi morbi, & adhuc indies oriuntur, qui calidis & frigidis Hypothesibus non respondent, quorum curationes, remediis Methodorum ministerio inventis, frustra instituntur. In his subtilitates mira quasitas sunt, & Caliditatem ac Siccitatem universa Myseria producta: quibus silentibus & ad miraculum insperata hujus innovationis obstruiscuntibus, Occulta proprietates elantulum irrepserunt. Gaudabant Potestates Hippocratica, neglecta earum desideria rursus Mortalibus placuisse. Abdita vero latebant, nec via patuit, ad earum vitales provincias perveniendi. Et si quis necessitate morborum, agrotorum misericordia & querelis, compulsus, Proprietatum investigationes,

EPISTOLA

tiones, avidus institisset, confestim deposita fidei memor, Proprietatum potestates, vel nomine, saltem obscuro, donavit, vel gubernationibus Qualitatum subiecit. Qui vero libertatis memores & Pietatis, Experientiae difficultatibus, laborum assiduitate, meditationum frequentia, obscuritates Proprietatum aperire conabantur, & aditus faciliores demonstrare, Desertores, Empirici & Circumforanei appellati sunt. Conatus quoque eorum displicuerunt, quia labores & sudores Medicorum requirere videbantur. Horum Collegia & Consilia, ob difficultates, brevis discipulos amiserunt. Multiplicantur interea morbi, & antiqui, illegitimi apparent, non respondentes descriptionibus Avorum. Difficultatem admirantur Medici, remediumque imbecillitates, ad Experientiam, vel inviti, confugiunt, à Mercatoribus ligna, à Circumforaneis unguenta, a vide accipiunt, ad multorum morborum curationes: remediaque componunt ex Manifestis & Occultis. Deceret imprimis humana libertatis memoriam repetere, & praesentium calamitatum necessitates asfirmare: deinde ad contemplationem Naturae, Causarum & Proprietatum accedere: neque ullis difficultatibus, sumptibus, vel laboribus, à tam felici provincia absterri. Nulla verecundia Graecis vel Arabibus obstringimur. Aegrotorum servi sumus, quibus Medicinam creavit Altissimus, & creatam nostrae industria commisit.

De hisce rebus & consiliis saepe cogitavi, REX SERENISSIME, ut qui ab ineunte aetate, Medicis & Philosophicis studiis me addiderim. Quia vero in operibus Artibus, saepe deprehendi Theoremata Galenica (multo minus Remedia) in difficiliorum morborum curationibus satisfacere non posse, & passim per Germaniam, Medicamenta quadam Paracelsica jactari audirem: coepi Scripta ipsius diligentius perlegere. In quibus difficultatum Charybdis representabatur, nominum obscura novitate, apparentium contradictionum multitudine, Preparationum anigmate, & nova Philosophandi ratione. At certe, quando obscuritas major apparuit, tanto plus crevit desiderium & diligentia. Itaque assiduitate, vigiliis, indefesso studio, laboribus, peregrinationibus, sumptibus & periculis, objectas difficultates superare contendi: Preparationumque fidei exercitatione, Proprietatum naturas, diversoria, & compositiones paulatim addidici. Tum vero Generationum & Transplantationum contemplationi strenue incumbens, Antiquorum decreta, qui Naturae historiam, Elementorum & seminum proprietates, agrorum cultus, astrorum observationes, Plantarum, Mineralium, & Animalium Generationes descripserant. evolere coepi, utilitate maxima. Etenim ordinum rationem interpretationum varietatem, & vitalis Astrologiae Methodos, quibus in tota sua Philosophia & Medicina utitur PARACELSUUS explicarunt. Aliorum quoque Philosophorum autoritate confirmatus, quorum nomina hoc loco recensere non est necesse, censuram utriusque Philosophiae instituere placuit: libertateque Philosophica fretus, fundamenta primum Natura immobilia collocavi, ex quibus effectuum causas, qui Natura imperio subji-
tur,

DEDICATORIA.

tur, agendorum rationes, Mechanicos progressus. & ordinatas causarum explicatio-
nes deduxi. Gratum tunc fuit umbras rerum superasse: gratius, Consonantiam Antiquo-
rum Philosophorum deprehendisse: gratissimum verò, Natura benignam providentiam
intellexisse, quod tam mite & amicum Balsamum morborum omnium curationibus de-
stinavit, cujus presidio tam duri Languores Mortalium benignè refocillantur. Neque mi-
hi soli hanc censuram retinere decrevi. Abhorret animus ab invidia crimine. Avorum
simplicitatem, studiorumque concordiam imitari decet, & societate officiorum neces-
sitatibus praesentibus succurrere. Proinde, quicquid laboribus, vigiliis, studiis, & peregrina-
tionibus lucrifeci, quod Medicinam & Philosophiam illustrare potest, quoad licuit,
aliis candidè communicavi, communicaturus plura, si hunc sortum non frustra in lucem
venisse animadverterim. Arduum cerè hic fuit, obscuris lucem, fastidiis gratiam, ve-
rustis novitatem, dubiis fidem, ignotis nomina dare. Et veniam hoc quoque pacto me-
rui, quod insuetas interpretationum vias saepe tentavi. Etenim Philosophorum vestigi-
is insistens, multa ab aliis praetermissa adjunxi, angustias Methodorum dilatavi, &
disparatas rerum familias conspirare feci. Neque Recitatores, neque nudi Transcriptores
fuimus. Ex fontibus iisdem, ex quibus Antiqui, & Recentiores abditoris Natura Inter-
pretes, rivos deduximus. Saepè confluxus rivorum afficientes, hilarè recreatione lucu-
brationum tædia mitigavimus. Tuæ verò Celsitudini, REX SERENISSIME, hos meos
labores dedicare volui, ut verecundi animi venerationem, aliquo saltem argumento de-
clarem, ac favorem & benevolentiam Celsitudinis tuæ, grata voluntatis significatione
celebrarem. Reges, etiam Monarchæ, tales factus olim in suas tutelas benignè recepe-
runt. Ipsi quoque Naturæ mysteria, magna mortalium utilitate strenuè quæsi verunt.
Vitalia enim sunt, & viventium spirituum ministeriis utuntur. Nostrium hoc Seculum
ad corpoream Philosophiam defecit, mortuâque rerum umbras sectatur, in quibus nec
Regibus quicquam dignum est, nec aliis utile. Quod si hæc prima lucubrationum mearum
rudimenta Celsitudini tuæ placuisse sensero, majora polliceri possum, & magis elabora-
ta, quæ votis multorum satisfacient. Is qui corda Regum moderatur, qui gubernationes
felices solus efficere potest, qui Sapientiam, per quam Reges regnant, largitur Deus
Optimus Maximus, Celsitudinem tuam quam diutissimè superstitem ac florentem nobis
conservet, & consilia tribuat, ut sopitis diuturni hujus bellitæ ærumnosis calamitati-
bus, optata tandem tranquillitas afflictæ nostræ patriæ restitui possit, Vale. Florentiæ
Ætruscorum, Calend. Novembris, Anno Salutis 1570.

Cels. T. additis.

PETRUS SEVERINUS,
Philosophiæ & Medicinæ Doctor.

Typographus Lectori.

QUandoquidem Clarissimi simul atque Doctissimi Viri Guilielmi Davissoni Commentariorum in Ideam Medicinæ Philosophicæ Petri Severini Dani Prodrum, proelo nostro commisimus, rem multis gratissimam me facturum arbitratus sum, si & Librum ipsum super quo Commentaria scripta sunt, publici juris facerem, tum quia Exemplaria Basileæ atque Erfurti excusa jam dudum distracta sunt, atque vix aliquod quovis pretio comparari potest, tum ut Curiosus quilibet ab ipso Fonte aquam haurire possit, cujus ope sitim suam sufficienter expleat. Accipe igitur hanc tertiam Editionem à multis erroribus repurgatam, atque promptissimæ nostræ menti ad utilia atque honesta studia promovenda fave, multumque vale.

PETRI SEVERINI DANI,
IDEA MEDICINAE
PHILOSOPHICÆ.

CAPUT PRIMUM.

*De Ortu & Progressu Artis Medicæ, Medicorumque
diversis Sectis.*



CLEBRIS est Memoria Æsculapii, Podalyrii & Machaonis apud antiquos: quod divina & admiranda Medicæ artis potestate, infirmitatibus humanis consuluerint: quamvis incertum sit, qua medendi methodo & lege usi fuerint. Primus Hippocrates inter eos quorum memoria ad nos pervenit, declaravit artis suæ Principia, prædictionum & curationum causas ac modos aperuit, observationesque medicas summa fide & diligentia posteritati reliquit. Artem verò medicam ante se inventam fuisse, testatur ipse in juramento, ubi filios præceptorum suorum, à quibus hanc artem didicit, se fratrum loco habiturum jurat. Vixisse quoque iisdem temporibus alios Medicos, qui ex hypothesebus dissimilibus & longè dissidentibus, morborum causas & curationes deduxerint, constat ex multis locis Hippocratis, in quibus adversus dictos Medicos, eorumque hypothese disputat. Post Hippocratem, ad Galeni tempora, etsi plurimi intercesserint Medici, Asclepiades, Archigenes, Herophilus, Diocles, Erasistratus: eorum tamen memoria in obscuro est. Deprehendimus apud Galenum, & hos quoque, artem ad certa Principia revocasse, morborum causas & curationes, suis hypo-

4

thelibus

thesibus consentaneas, constituisse: ut Empiricorum cœtus sileam, qui omnibus temporibus, & ad hæc usque nostra secula, celebres fuere. Hoc vastum Medicinæ pelagus, & tantam Medicorum confusionem, Galenus in ordinem revocare conatus, posteaquam deprehendisset Præceptores suos, persuasionibus & probabilibus conjecturis artem tradidisse: non contentus vaga & mobili hypothesium congerie, ex quibus opiniones & fallaces operationes, magis quàm Scientiæ & efficaces actionum processus resurgunt: indefesso studio, curis & peregrinationibus, certas Demonstrationum leges diu quæsivit: & tandem Geometricorum scholas accedens, Demonstrationes exquisitissimas deprehendit. Harum copiam & facultatem, brevi comparatam, ad Medica theorematum magna facilitate accommodavit. Itaque Geometricorum more, Principia, & Axiomata artis suæ constituit: omnia oriri ex quatuor Elementis: misceri Elementa certis ponderibus & mensuris: Symmetriam Mixtionis, sanitatis productricem, ametriam morborum & mortis: Rerum omnium actiones & virtutes ex Elementis prodire, & Formam specificam, vel proprietatem essentialem uniuscujusque rei, ex certo Elementorum congressu derivari. Contraria contrariis curari, calidum frigido, humidum sicco. Secundas qualitates, ex primis mirabiliter deducit. Quatuor humores Elementorum qualitibus primis & secundis insignitos adjunxit: ex quibus subtilitate compendiosa, morborum omnium elementalium, symptomatum curationumque causas & modos deduxit. Hac artis facilitate allesti quam plurimi, ut sunt humana ingenia à sudore ad otium plus justo prona, neglectis aliorum placitis & medendi rationibus, unum Galenum totius Medicinæ Ducem & Monarcham constituerunt: ejusque scripta in ordinem & novas Centurias redeigisse, honori fuit. Adjecerunt postea Arabes observationes, & remedia quædam Galeno incognita protulerunt. Nostra ætate nova morborum cohors, & antiquorum remedia in morbis nostris irrita & vana, magnas in arte medica peperere controversias: dum unusquisque ex Galenicis Principiis & tot seculis custodita ac quasi per manus tradita Methodo, tam insolentium Symptomatum, & cedere non volentium morborum, causas & curationes eruere conatur. Itaque paradoxum morbi, paradoxos Medicos peperere. Fernelius ad totam substantiam confugit, vel proprietatem occultam, ut & alii quamplurimi: sed Principia, Methodum, & curandi leges à Galeno positas, amplexus est, novos hos morbos solis alexiteriis & occultis remediis empiricè curandos asseverans. Singulorum

gulorum placita accuratius rimari, nostri non est propositi. Satis fuerit, famosiores Sectas, & eos qui fata Medicorum hastenus in Orbe gubernarunt, nominasse. Qui plura Medicorum genera cognoscere voluerit, Plinium & Historicos consulat. Quod ad altiores attinet Medicos & Philosophos, qui diviniore artis origine, potentioreque medendi ratione usi sunt, quia mortalium consuetudine neglecta, solitudines quæ siverunt, famæ popularis egregii hostes, Commentariaque reliquerunt, obscuritatum & ænigmatum plena, apud vulgus ac populares mortalium cœtus, memoriam famamque in totum amiserunt: quo fit, ut Historicorum Annales effugerint. Semen nihilominus immortale, & perenni multiplicatione in ævum duraturum, reliquerunt. Horum vestigiis insistenti THEOPHRASTUS ille PARACELSUS, nostris temporibus universam Medicinam immutavit. Elementorum naturas & condiciones longè diverso modo exponens, Generationum ac Transplantationum doctrinam cumulatè clareque proposuit. Astronomiæ vitalis Methodum revocando morborum Generationes & Transplantationes aliis Mechanicis adscripsit, repudiata humorum familia. Horum loco Mineralia introduxit, corporaque omnia ex Mineralibus constare autoritate mundanæ Anatomiae, demonstravit. Indicationes curandi, novas planè, sed magna latitudinis potestate explicatas, adjecit, & cœtus omnium Medicorum, inexpectata hac artis innovatione, tædio, pœnitentia, ira & confusione replevit. Etenim qui in Galeno nunc consensimus, artisque operibus fidem theorematum, quantum fieri potuit, stabilivimus, difficulter ab opinione antiqua dimovemur. Quoties meram bilem vomitione rejectam conspeximus? secta vena, discrimina humorum animadvertimus? frequenti Anatomiae inspectione, partium humani corporis situs, figuras, consensus, substantiam, usus & actiones didicimus? repletis evacuationem deberi, alterata in contrarium mutanda, naturali sensu cognovimus? His in hunc modum comprehensis, magna artis laude vertiginosos capitis affectus ex ventriculi consensu, febres, ictericias, viscerum obstructions, pilulis ex hiera simplici, alephanginis, cochiis cum elleboro, diaphænicone, diacatholicone, &c. sustulimus: digestionem præmissa cum syrupo de betonica, stœchade, oxymellite simplici & composito, ex mandato Hippocratis jubentis ante purgationes fluida facere corpora. Quoties venæ sectione, immaniissimos dolores, inflammationes seivissimas, ardentissimasque febres jugulavimus? Hac & hujusmodi ex hypothesebus nostris deducta, mirum in modum nos confirmarunt. Galenicaque

Ienicaque decreta irrefragabilia esse stabili autoritate persuaferunt. Præterea, quis non tam fecunda Hippocratis oracula, ex quibus hæc omnia, interpretante Galeno, & ad suas leges ac Methodos revocante, fluxisse constat, veneraretur? Jubet enim concocta medicari non cruda, neque in principiis: interdum pharmacandum, scilicet, in valde acutis, etiam eodem ipso die, si materia ad excretionem provocarit: tardare enim in talibus perniciosum. Concoctiones crisis & salutis esse indices, cruditates verò ubique suspectas. Quæ purgare oportet, quò maximè vergunt, eò ducenda, locis & viis utiliter eò ferentibus. Hæc & similia, opinionem tot seculorum memoria conservatam, custodiunt ac tuentur, repudiatis hæresibus tam recentibus quam antiquis. Aristotelica quoque principia & Philosophica, Galenicis domestica sunt ac consanguinea, ab uno eodemque fonte deducta: Iliadi Anatomiam Geometricis partitionibus adaptare conantur. Vehementer quidem urgent & persuadent hujusmodi rationum momenta: *sed rursus in magnis morbis & difficillimis, desperata esse omnia remedia, tam Arabum quam Græcorum, adeoque morborum ludibria: vanas esse indicationes, & Analogismos, vetularum & empiricorum absurdis remediis frequenter cedere.* Spuriis quoque & adulterinis Theophrasteos, qui fucatis nominibus Theophrasti remedia se usurpare jactant, in multis magnis morbis Galenicis superasse constat: quamvis incertam & periculosam eorum medendi rationem non approbem. Ex hac Sectarum diversitate, opinionum rationumque confusione, ac remediorum medendique via lubrica & incomprehensa, si quis eluctari potuit, plenum humanitatis fuerit, aliis opem tulisse, quibus in tam procelloso mari, naufragii periculum imminet. Nec eorum judicii standum, qui uni Sectæ addicti, aliorum inventa in universum rejiciunt. *Frugibus inventis glandes devorare velle, turpe est: turpius, judicii libertatem servitute amisisse.* Nos, sprete mancipiorum turba, liberis & incontaminatis ingeniis, Medicinæ Philosophicæ Ideam proponemus, & Principia dabimus, ex quibus de Sectarum omnium veritate & vigore, justam censuram facere quis possit, meliora ac puriora eligere, spretis opinionum errorumque labyrinthis, utcumque nominum ἀναβολογία methodica artis adumbratione, fraude fidem facere conentur.

Initio ipsius Medicinæ naturam, conditiones & proprietates declarabimus, longè alia ratione, quam hætenus in scholis usitatum fuit. Neque enim longa & tædiosa disputatione Lectorem fatigabimus, famosis illis quæstionibus: Sitne Medicina scientia, vel ars: partim ne theorica, partim

tim practica : neque salubrium , insalubrium & neutrorum , ut nunc , tunc olim , accuratas quidem , sed vacuas distinctiones adducemus. Longè aliam viam ingrediemur : nominibus relictis , quid sit Medicina , & quæ fundamenta habeat in Natura , scrutari consilium est. Hisce declaratis , officium Medici , & quæ in Medico requirantur , adjungemus. Tandem Medicinæ Ideam proponemus : conjungentes ea omnia , quæ ad cognoscendam humani corporis lithurgiam , usus partium , sanitatis & morborum originem , & ex altera parte , quæ ad Balsami naturalis , totius Creaturæ nuclei , ac morborum omnium Medicinæ unicæ & veræ , naturam cognoscendam , humanisque necessitatibus legitime accommodandam , facere videbuntur. Postremò singula membra particulatim rescabimus : demonstrationes & mechanicam singulorum lithurgiam , qua possumus brevitate adjiciendo , finem hisce rudimentis & rerum primis adumbrationibus imponemus. Quòd si laborem nostrum candidis & æquis judiciis placuisse animadverterimus , brevi fœcundiora adjungemus : comitesque dabimus huic nostro fœtui , solida & inconcussa radice stabilitos.

CAPUT II

Quid sit Medicina , & quæ Fundamenta habeat in Natura.

QUI hætenus de re medica scripserunt , Medicinam esse artem , ad sanitatem humani corporis conservandam , morbosque abigendos , debite omnia administrantem , dixerunt. Nos verò vulgares illas definitiones non quærimus. Majus est hoc quod in Animo versamus : sit ne subjectum aliquod in Natura , materia quadam sensibus obvia , quæ debite preparata & administrata , humanos languores auferre possit , adeoque Medicina recte appellari , & artis appellatione insignire æconomia suæ legitimam gubernationem , gubernatoremque artificem justè appellare. Ita enim artes omnes mechanicæ , materiam à Natura accipiunt , cujus naturam , proprietates & conditiones omnes , exquisitè rimantur : qua præparatione , quibus mediis , quo mechanico processu , ad usus necessitatesque humanas optimè accommodari possit , magnis laboribus inquirentes : quibus inventis & perceptis , artem constituunt , artificesque

cesque pariunt. Est tamen artium harum permagna latitudo. *Quedam* enim subjectis materiis dominantur, easque figuris formisque animo conceptis, ad arbitrium vestiunt, ut statuarii, fabri, figuli, &c. *Alia*, quia occultiores materias tractant, nec ita sensibus manifestas, Naturæ potiores partes tribuendo ministrantes debita adhibent, Naturæ negotium & curam omnem concedentes : ut agricultura. *Nonnulla* medio modo se habent, utriusque beneficio, tam artis quam Naturæ negotium peragentes : ut vitrarii, aurifabri, metallicorum & mineralium separatores. Hippocrates certè Medicinam inter eas artes retulit, quæ Naturæ gubernationem & imperium concedunt. Dicebat enim, *Naturas morborum medicatrices, Medicum verò ministrum.* Alii pares dignitates, & interdum Medico priores tribuere ausi sunt : sed laxa & ambigua valde Medicinæ significatione, de elementalibus & semine interno productis morbis, Hippocratem locutum fuisse, non animadvertunt. Et nos, cum de Medicina hîc loquimur, non intelligimus, venam secare, luxatos artus reponere, mortua membra amputare, herniosos & calculosos sectione sanare : *sed vitalibus & potentibus remediis, morbos illos radicales in corpore ex semine, auferre.* De Chirurgicis administrationibus, iuxta ægrotorum diæta, exercitiis & similibus dicturi sumus, ubi ea attulerimus, quæ Medico necessaria sunt. Mirabuntur hoc loco plurimi, nos in re tam facili horas consumere : scripsisse Galenum, Dioscoridem, Serapionem, Mesuen, copiosè de materia medica, & medicinarum facultatibus : certas quoque classes constituisse, ex quibus remedia eruerentur, scilicet ex Herbis, Mineralibus & Animalibus. Sed hac facilitate contenti non sumus. Etenim non tam remedia, quàm venena hisce ordinibus contineri, unusquisque mecum faciebitur : & tamen medicamenta remediaque à plurimis hætenus appellata sunt : perinde ac si ligna & lapides statuarum nomine insignirentur. Galenus posteaquam morbos ex intemperie introduxisset, simplici & cum materiæ affluxu, symptomatum manifestis injuriis animum adhibens, curationesque alteratione absolvi docuisset, & humorum vitia, ex quibus morbi derivantur, in copia, asperitate, visciditate, tenuitate, crassitie, mollitie, cruditate, collocasset : his adversa remedia, alteratis, calida, frigida, humida, sicca : causarum vitiis, expurgantia, levigantia, attenuantia, incidentia, relaxantia, constringentia, coquentia, compendiosè opposuit. Saporum deinde beneficio, applicatione & experientia, hæc desiderata remediorum genera, in Herbis, Mineralibus & animalium partibus, invenit : quamvis Empiricorum beneficio non omnia calida promiscuè

miscuè refrigeratis adhibenda esse didicerit. Animadvertit quoque, ex facultatum & actionum contrarietate, quæ in multis simplicibus manifestè deprehenditur, substantias dissimiles & sæpe contrarias proprietatibus insignitas, in re una simplicique contineri: quamvis levissimè, quasi per jocosum hoc negotium attigerit. Et quia sæpe, ferè semper in simplicibus remediis, adversabantur facultates quædam intentionibus conceptis, sive agendi potestate immodica, sive saporum & odorum insueta ingratitude, sive facultatibus in contrarium tendentibus: mixtione & compositione, cuncta obstacula sustulit: quæ desiderabantur, adjunxit. Arabes sacchari & mellis fecunditate, universam remediorum amaritudinem in mirabilem dulcedinem transformarunt. Correctiones quoque novas violentorum medicamentorum, scamnoneam cytoniis, colocynthidem lacte, helleborum radice raphani præparantes, attulerunt. Et tamen symptomatum violentiam, viriumque dejectionem deprehendentes (utrunque correctione venenum abstulisse se arbitrabantur) Confortativa & Cordialia magna necessitate adjunxerunt. Horum farragine, pyxidibus superba, quasi victoriæ triumpho, universa loca repleverunt: rati, quod res erat, finem de operis absolutione & perfectione judicare. Nec aliam medendi viam in scholis & aulis Principum hæcenus receptam animadverto. Quid enim ulterius ex opulenta Naturæ officina peterent, qui morbos, morborumque genitores, externis illis qualitatibus & mortuis superficierum umbris, infelici errore ascribunt. Sanari quidem hisce remediis morbos nonnullos, methodoque adhibenda, concedo: sed non esse veram & perfectam sanationem, nec vera sinceraque medicamenta, ex iis, quæ mox dicturi sumus, manifestum evadet. Singula enim suis locis opportunè explicanda sunt. Interea, si novitate insueta Lectorem multa contradicere volentem offenderimus, veniam petimus: & ii petimus, qui bona fide pollicemur, nos contradictionibus illis, debitis temporibus etiam cum scenore responsuros, & patientiæ usuram plurimarum difficultatum explicatione compensaturos. Etenim, si hoc loco, medendi varietatem remediorumque diversa genera declarare vellemus, multa distinctione, & copiosa rerum supellectile, opus esset. Rectius id facturi sumus, ubi morborum explicata natura, ortu & transplantatione, medicinarum quoque differentias adungere tenemur. Nec tanta opus esset clientela, tot satellitibus, si vulgares has medicinas amplecteremur, neque potiora in Naturæ sinu contineri arbitraremur. Quod si hæcenus jocosè egimus, nunc seriò dicemus, facultates omnes
has,

has, calfacientes, refrigerantes, humefcentes, exiccantes, abstergentes, incidentes, attenuantes, incrassantes, restringentes, attrahentes, & quod mirum multis videbitur, etiam purgantes, externas esse, corruptibiles, crudas, impuras, mobiles, infirmas; sæpe venenatas: quamvis benigna felicioris Naturæ, interni Solis, Mumix & Balsami permissione fruantur: cujus beneficio coherent, in unam œconomiam conspirant, & effectus interdum producant suæ naturæ limites plurimum excedentes. Hoc est illud Balsamum, Elementum, Semen, de quo dicebat Aristoteles, *Omnis anima potestas, alterius cujusdam corporis particeps esse apparet, ejusque diviniore, quam quæ Elementa appellantur: & quemadmodum nobilitate obscuritate vè Anima inter se discrepant, ita & natura ejus corporis differt.* Continet enim in se semen cujusque fecunditatis suæ causam nempe ipsum calorem, qui igneus minime est, neque id generis facultatem aliquam amulatur, sed spiritus qui in semine spumanteque corpore coercetur, & natura quæ in eo est spiritu, proportionem respondet Elemento stellarum. Quamobrem ignis nullum animal generat, neque constitui quicquam densis, vel siccis, vel humidis videtur. At verò Solis calor & Animalium, non modo qui in semine continetur, verum etiam si quid excrementi sit, quanquam diversum à Natura, tamen id quoque principium habet vitale. Itaque dura, mollia, lenta, rigida, aspera, levia, caloris & frigoris vi effici possunt: at propria cujusque ratio & essentia, nequaquam ex Elementis emergit. Hunc locum Aristotelis eo lubentius ascripsi, quia facilius ab iis persuademur, quæ consueta sunt: & rudimenta quædam habet conducentia ad noticiam illius Balsami, Elementi, Seminis, Mumix, quod ego pronuntio fundamentum esse totius Medicinæ, & morborum omnium medicamentum verum ac solum, modo debita præparatione, ab impuritatibus separatum, matura vitalique potestate ornatum, corporibus humanis adhibeatur. Et nisi hoc Semen in Natura nobis relictum esset, frustra morborum curationes aggredieremur: rectè caneremus incurabiles Podagras, Hydropes, Epilepsias, Lepras: amaritudinis pocula, magna ægrotorum anxietate Medicorumque tædio rectè misceremus, & cum Plinio justè dubitarem, parens ne melior, an tristior noverca fuerit Natura homini. De hac materia, re tam nobili & necessaria, nihil apud Galenum deprehendimus: quamvis interdum totius substantiæ mentionem faciat, eximia actionum potestate adductus, confestim tamen correctione hac utitur, se totius substantiæ appellatione, nihil aliud significare, nisi certam quandam commixtionem calidi, frigidi, humidum, siccum. Fernelius palam fatebatur, *In Natura excellentius quippiam contineri supra vulgatas illas*

illas Elementorum qualitates, & in errore versari illos, qui omnium actionum causas
 iis ascriberent : sed rerum difficultate perterritus, post longa viarum tædia,
 in ipso limine victoriæ adumbrata vestigia posuit : naturam, officia, proprie-
 tates & conditiones interni hujus Elementi se ignorasse, modesta confessus
 est interpretatione. Occultas enim & abditas proprietates in hac familia
 contineri affirmat. Quodd si nova omnia invisa sunt, qui hanc materiam
 scrutantur, hujus Balsami officia & proprietates inquirunt, magna anti-
 quitatis autoritate confirmantur. Etenim hæc est illa natura, in qua semina-
 ria rerum Rationes delitescunt, quibus Platoniorum Philosophia triumphat. Et nisi
 nominum invidia rebus infamiam pareret, dicerem hanc esse quintam essenti-
 am, à nigris illis Philosophis toties decantatam. Hippocratem si addu-
 xerimus hujus elementi interpretem & testem, irascentur Galenistæ, ægre
 ferentes se tanto patrono orbari. Is in libello de Antiqua medicina, po-
 steaquam eorum hypotheses repudiasset, qui caliditati, frigiditati, humi-
 ditati, siccitati, morborum causas & curationes ascripserunt, subjungit,
 πέντε δὲ δυνάμεις γίνονται. δυνάμεις verò appellat acerbum, acidum, amarum,
 dulce & πικρὸν. Quod enim morbos producit, viribus & agendi potestate pollet.
 Non est, inquit, calidum & frigidum, τὸ τὴν μεγίστην δυνάμιν ἔχον, ἀλλὰ τὸ σπουδὴν
 καὶ πικρὸν, &c. Rursus morborum curationes, non calefacientibus, refrigerantibus, ab-
 solvi docet : sed à Chæroniis qualitatibus, δὲ δυνάμειν : quod alibi repetebat,
 Naturas morborum medicatrices affirmans. Hanc Naturæ, δυνάμειν & caloris
 naturam sæpe inculcat. In libello de Carnibus dicit, ἵσχυον divinum ali-
 quid esse, omnia audire, intelligere & animadvertere. Si puram & ab aliorum
 Elementorum permistione absolutam Balsami naturam intellexerit, igno-
 ro : certè proprietates ac signaturas ejusdem, in Naturæ familia etiamnum
 habitantis, clarè exposuit. Theophrastus ille Græcus, Aristotelicæ Phi-
 losophiæ alumnus, libro de Causis plantarum, hanc materiam attigit,
 appellavitque τὸ ἐμβιον τῆς φύσεως, vitale principium in Natura, cujus virtute vi-
 rent vigentque omnia : cætera mortua sunt. Theophrastus verò Paracelsus,
 Germaniæ decus, multis nominibus sæcundum hunc Naturæ thesaurum
 ornavit : Balsamum, Mumiæ, Mercurium nominat : item Quintam essentiam,
 Arcanum, Elixir, Materiam perlatam, Mannam, &c. Sed cur tam diversa ex-
 positione, appellatione, officiorum proprietate, unius rei naturam, tot
 Philosophi declaraverint, constabit, si singulorum intentiones, scientiis
 & inquisitionibus subjectis accommodatas ad incudem revocaverimus.
 Platonici considerantes continuitatem hujus mundi cum Archetypo, depre-
 hende-

henderunt materiam quandam fœcunditate Rationum ab Animâ munda-
na conceptarum, gravidam : cuius ministerio explicarentur ac statis tem-
poribus prodirent, quæcunque sinu superioris Naturæ, quieto silentio
antea continebantur : atque hac ratione seminalem naturam tanquam se-
minum conservatricem & propagatricem appellaverunt. Aristoteles &
Theophrastus generationum causas & modos inquirentes, tam ordina-
tas Naturæ propagationes, conformationes & conservationes admirati,
animadvertentes neque Elementorum qualitates, tam augustis officiis sa-
tisfacere posse : quamvis magna fœcunditate plurimarum mutationum
rationes antea explicassent, *præstantiorem quandam materiam, potentioribus sig-
naturis & qualitatibus ornatam in Natura contineri, confessi sunt : quæ mobilem &
momentaneam Individuorum naturam stabili Specierum conservatione, ab interitu tu-
eretur, diviniorsque Natura participatione Rationum ordinatas signaturas in genera-
tionum liturgia dispensaret.* Rectè igitur Theophrastus, vitale Naturæ
principium appellavit, quod cæteris omnibus Elementis vivendi faculta-
tem suppeditet. Planius Aristoteles : quid mirum ? præceptore usus est
Platone, facultates Animæ generationi dicatas in corpore quodam habita-
re dicit, non turbidis externorum Elementorum qualitatibus contaminato,
*sed puro & divino : corporaque hac inter se differre, subtilitate, puritate, tenuitate,
crassitie, mobilitate, secundum facultatum, quas participant, conditiones & gradus.*
Deinde hoc corpus ab œconomia complexionum ac qualitatum absolvit,
nec caliditate, nec frigiditate, nec humiditate, nec siccitate, nec ullis ejus-
cemodi Rellollacei squaliditatibus vestitum, præter omnem Galeni expe-
ctationem, asseverans. Spiritum quoque dixit, ob subtilitatem & miram
agendi velocitatem. Certè, vocabulorum ἀνεκλογία hoc loco neglexit,
dum rem unam eandemque, spiritus & corporis appellatione donavit : phi-
losophicè tamen locutus est. Illi enim spiritualia corpora & corporales
spiritus longè antea receperunt. Quin etiam excrementa Animalium hoc
vitali Principio perfusa esse animadvertit : viventia enim producant. Po-
stremo, essentiam, propriamque uniuscuiusque rei rationem, in quibus
tota actionum potestas viger, huic corpori attribuit. Hæc decreta à Fer-
nelio quoque recepta sunt : sed verebantur ne materiæ & corporis appella-
tione, tam nobilem contaminaret Naturam. Ideoque rotam substantiam,
formam substantialem nominavit Hippocrates causarum naturalium,
ex quibus actiones fluunt, discrimina contemplatus, deprehendit nonnul-
las, tam in generatione morborum, quàm in curatione, languidas esse, in-
firmas,

firmas, sine impressione fixa & vitali : ut ex labore vel Solis æstu productas Ephemeræ : item, catharos ex frigidiore cœli occurſu : & corporum alterationes, quæ caliditatis, humiditatis, frigiditatis, ſiccitatis miniſterio perficiuntur. Aliàs virium ac facultatum valida poteſtate vigere, ex quibus impreſſiones fœcundæ, vitales, & ſolida radice conſtantes procederent. Illis neglectis, his, morborum generationes, ut & aliarum rerum omnium ex terra naſcentium exordia, inviſta veritate aſcripſit. Quia verò ſaporum inſignes differentias, hiſce materiis adjunctas cernebar, ex eorum familia nomina mutuatus eſt, dulce, acerbum, acidum, amarum, &c. Illud eſſe quod valida poteſtate præditum ſit, affirmans. Hiſcurationes & ortus morborum abſolvi docet. Et quamvis puram Baſami naturam non expoſuit : propè tamen acceſſit, remediaque conſtituit, quæ nos poſthac Specifica cruda appellabimus in remediõrum expoſitione, ubi hæc omnia copioſius clariuſque explicabuntur. Secretiores Philoſophi, qui Hermetem ſecuti, impuritatem à puro ſeparare didicerunt, corruptibilem & fœdam ſuperficialium Elementorum naturam animadvertentes, puriorem illam cryſtallinamque materiam, quintum Elementum, Eſſentiam, Baſamum, Materiam perlatam, & mille huiuſmodi nominibus appellarunt. Sed quid Philoſophorum decretis ſecuri inſiſtimus ? Cum iis negotium nobis eſt, qui de hiſ rebus ne per ſomnium quidem hætenus cogitarunt. Igitur exemplis ex naturæ officina deſumptis, docendi ſunt, *in ſingulis rerum ordinibus, quæ Elementorum ſinu ſoventur, contineri Naturam quandam radicalem, vitæ Principium, actionum fontem, fœcunditatis authorem, Generationum, Tranſplantationum, omniumque naturalium actionum moderatorem* : huius beneficio Elementa repugnantia concordi mixtionis lege ligari, & digeſtis temporibus, corruptis ac conſumptis diſtis Elementis, remanere nihilominus in hac materia vitæ Principium, Radicem, Speciem & Semen rei : tanta poteſtate vulgatas Elementorum qualitates excedere. Sic herbarum Baſamus, Mumia, Radix, Elementum, quomodocunque appellare libuerit, non in alimentario humore quo perfunduntur, deliteſcit, nec in fœculentis & craſſis ſordibus : ſed in excellentiore quadam humiditate deprehenditur, quæ magna fortitudine externis injuriis impreſſionibuſque reſiſtere ſolet, & reliquis Elementis admixtis corruptionem ſubeuntibus, etiamnum viget, ac Specierum ſignaturas inviolatas, ad novorum Individuorum procreationes conſervat, in hac Roſa hyeme habitat. Neque in omnibus plantis iſdem ſedibus conſentanea naturæ ſuæ domicilia quæſi-

vit : sed longè diversis, pro Specierum diversitate. In quibusdam enim radicem invenit habitationi accommodatam : in aliis stipitem : in nonnullis semen ipsum. Interea universam totius plantæ œconomiam, sua benignitate perfundit : nec quicquam est, vel in radice, vel foliis, vel stipite, quod ipsius præsentia vitali destituatur : quamvis recipientium diversitate, participationes contingant longè lateque inter se differentes. Quemadmodum autem in Animalibus ex universo corpore semen confluere prodiderunt Philosophi, quamvis in testiculis, & partibus Generationi dicatis, elaborationem, maturitatem & absolutionem primùm consequatur : eodem modo, omnes plantarum partes, semine vitalique hoc Sulphure gaudent. Nihilominus in quibusdam quæ testiculorum vicem gerunt, præparationem & maturitatem, semini necessariam consequitur. Ita enim digestum plurimis injuriis externis resistere potest. Qui hujus corporis differentias, proprietates & condiciones exquisitè cognoscere voluerit, rei rusticæ Scriptores consulat, & Generationum ac Transplantationum varietate comprehensa, magna rerum authoritate copiaque confirmatus, fatebitur universa Naturæ fundamenta contineri in hoc Balsamo, vitali Sulphure, radicali humido, Semine, Mumia, prima Materia, jam satis est : nec enim sufficiunt nomina, ad dona tam divitis Naturæ declaranda. A Plantis ad Animalia digressi, similem materiam etiam Philosophorum testimoniis confirmatam, deprehendimus : quamvis subtilitate & materiæ tenuitate, à plantarum Balsamo plurimum differat. Immortalitatis superbam spem faceret, si corporum solidorum & fixorum conjugium, facultates tam nobiles non repudiarent. *Hoc est illud Innatum calidum, quod in crescentibus plurimum esse pronuntiavit Hippocrates.* Galenus Concretorum & Abstractorum subtilitate, mentem Hippocratis se affecutum falsò putavit : calido abundare adolescentes, non calore, affirmans. At verò Hippocratis Innatum calidum æquivocum planè est, si cum calore & reliquis Elementorum qualitatibus comparentur, proprietate, natura & toto genere diffidens : tantum abest, ut ex commixtione & phantastica quatuor Elementorum complexione, originem suam ducere velit. Huic lithurgiam totius Animalis ascripsit Hippocrates : Facultates omnes, etiam diversissimas, locis temporibusque consentaneis, hujus beneficio absolvi prænuntiavit : Crises quoque & salutares concoctiones, ab eodem proficisci, constanter asseveravit. Si quis admiraretur tantam officiorum varietatem tot nominibus insignitam in unam eandemque materiam vel naturam confluisse,

xisse, scholas Philosophorum accedat, vel nostris patienter se accommodet
 arbitriis. Scimus enim opportunitatem, loca & tempora novimus, ubi
 votis ac avidæ ipsius expectationi satisfaciendum sit. Interea beneficii loco
 adjiciemus, *Balsamum hoc animale, universum corporis Anatomiam occupare, &*
pro diversa Tinctura, Impressione, Confluentia, quam diversis locis recipit, diversas
quoque producere actiones. Itaque si partes occupaverit mobiles, motum
 ciet: si sensibiles, sensum: alibi concoctiones, excrementorum separati-
 ones, alimenti distributiones, nutritiones, moderabitur: hic fecundi-
 tatis memor, Tincturas admittit & præparationes Generationi necessari-
 as. Quod si vivendi errore, noxium aliquid latenter ipsius Provinciam
 occupaverit, omnibus collectis viribus, Providentia insigni, hostem, nunc
 confestim aggredietur, nunc decreta digestaque tempora expectabit con-
 coctionesque molietur, quibus absolutis, sine sudore & sanguine trium-
 phum aget, debilitata paulatim in naturalem statum reducens: fortiore
 verò hoste, validioribusque satellitibus Provinciam occupante, ut suorum
 Civium ministerio abigi non possit, multa prius moliens succumbet, Me-
 dicorum ope frustra implorata. Præterea hoc est illud Balsamum, quod
 pro sale corpori datum ne putresceret, à Philosophis accepimus. Et quid al-
 iud est *Mumia balsamita, conservans mortale corpus à vermibus? Mineralium quo-*
que classes validissimum obtinent Balsamum. Solidam enim & homogeneam
 propemodum materiam occupavit, nec sensui, nec motui, in his, servire
 debuit. Itaque perfecta quædam Individua hic absolvit, quæ copia &
 puritate Balsami munita, non annorum longa serie, senectutis incommo-
 da admittunt, nec ullis externis injuriis labefactantur. Vivunt quoque:
 quamvis corporum compedibus implicata, vitales actiones depromere non
 possint: nihilominus si in actum reducantur, mira actionum virtute vita-
 les qualitates demonstrant, usque adeò, ut *vitalium qualitatum differentias,*
ex quibus actiones omnes proficiuntur, ad horum ordines reduxerit PARACEL-
SUS, nominaque plurimarum rerum inde desumpserit. Diversa quidem pro-
 prietate insignitum semen obtinuerunt. Individuorum enim propagati-
 one non multiplicantur. Altioribus parentibus ortus sui primordia ascri-
 bunt, qui natorum mobilem Rempublicam non ingrediuntur: quo fit,
 ut à plurimis vita penitus carere existimentur. At certè vitæ manife-
 sta indicia illis sæpe demonstrarunt, qui illorum officinas diligentius
 scrutati sunt. Crescunt enim, maturitatis tempora habent, nutriuntur, excre-
 menta pariunt, qua potentibus paroxysmis sæpe rejiciunt, magno Metallicorum pavore:

alia paulatim in superficie relinquunt. Et quid verbis opus est? *quacunque saporum & odorum valida facultate prædita sunt, ea quis mortua pronuntiabit?* Vitarum discrimina sunt & gradus, ut & Balsami hujus vitalis: nec omnia manifestè vivunt. Quod si Philosophis credimus, *qua manifesta vita fruuntur, ex iis componi videbimus, qua occultè quondam vixerunt.* Hactenus in Plantis, Animalibus & Mineralibus, vitale Principium, Balsamum, Semen, inesse demonstravimus, actionum omnium fontem & principem, in quo omnis omnium morborum Medicina viget, si tamen debita separatione & ab impuritatibus, & externorum elementorum commixtione expeditum, pura simplicique natura, humanis corporibus exhibeatur. Arbitrantur multi, materiam hanc seorsim haberi non posse, spiritualementem esse, invisibilem, cœlestem, occultam, Rationi magis quàm Sensui subjectam, & corporis ac materiei appellationem huic Naturæ accommodatam animadvertentes, horrore ac confusione repleti, conqueruntur universam Prædicamentorum doctrinam, scientiarum omnium fundamentum turbari, & inverti: Qualitatibus Substantiarum nomina magna temeritate accommodari: Abstractorum & Concretorum discrimina negligi. Alibi hanc Nominum intemperiem & ulcerosam Prædicamentorum dispositionem, ad sanitatem revocavimus, non sine saevo Chirurgiæ ministerio, hoc loco res ipsas scrutari consilium est. Itaque Naturam hanc spiritualementem esse dicentes, rectè sentiunt. Impressiones enim validiores, velociore, penetrationum potestas, illæsis dimensionum legibus, fuga vel volatilitas, si placet, spirituum & corporum discrimina faciunt. Sed docendi sunt reciprocam esse horum naturam: ex spiritibus corpora produci, & rursus corpora in spiritus resolvi. Præterea, ut corporum, ita spirituum quoque magnam esse latitudinem: adeo ut sæpe inter se collati spiritus crassiores, corporis appellationem meritis sortiantur: & corpora similiter penetratione alterationeque vigentia, crassioribus collata, spiritus nominentur. Harum rerum contemplatione neglecta, quoties actionum potestate vigentium, causæ inquirendæ sunt, ingenii volatilitate, ad cœlos ascendimus, spiritus & cœlestes qualitates ad hæc nostra deducimus: scilicet, quod in manibus est non aspicientes, qua audacia cœlestia intueri sustinemus? Dico enim, non solum spiritualementem esse hanc materiam quam in familia Herbarum, Animalium & Mineralium, antea contineri diximus, sed etiam cœlestem: & quod mirum multis videbitur, etiam *Astra nobiscum habitare, ac Astronomia sua leges inviolatas conservare, modo externis injuriis non impediuntur.* Hac sunt Astralia illa corpora, quibus

bus abundat Philosophia PARACELSI. Rursus invisibilem quoque esse confiteor. Nuda enim mortaliū coetus non ingreditur: sed vestimenta habet, quibus se tuetur ab inquinato Mortalium intuitu. Nihilominus affirmo, invisibilia vestimentis detractis, visibilia reddi posse, occulta manifesta, quæta mobilia, &c. Et quamvis animale Balsamum, subtilitate spirituale antecellat, neque fundetur in materia actionibus Artificum subiecta, non sine summa Creatoris Providentia: Plantarum tamen & Mineralium Balsamum tractari potest. Hac ratione adductus PARACELSUUS in Archidoxis Præparationum pronuntiavit, ex Animalium officina nec Quintam essentiam, nec verum Balsamum derivari: causam latenter antea assignavimus: quæ ex illis profisciscuntur, ut ex Mumia, sanguine, medullis, pinguedine, ad Vegetabilium ordines referri debere. Quæ subtilitate & proprietate animalis Balsami, deceptos fuisse illos arbitror, qui nullam talem materiam, qualem hactenus descripsimus, haberi posse affirmarunt. Decuisset Philosophos, non ad pauca respexisse, sed universam Naturæ latitudinem contulisse, ac tum demum de rebus iudicium fecisse: deprehendissent utique magnam Balsami varietatem, & admirando Naturæ mysterio decretum, ut quæcunque rerum genera actionum divinitate vigerent, quia in iis, actu plurima explicata esse actionum instrumenta oportuit, non potuisse similem, solidam & stabilem Balsami materiam admittere: quæ fruuntur illa, quæ obscure vivunt: quæ sexuum discrimina vel occulta vel nulla ostendunt, quæ varietate officiorum sensibilibus & mobilibus non distrahuntur, atque idcirco materiam exhibent Artificum arbitriis subiectam, qui hermaphroditica huius Balsami natura freti, Generationes & Transplantationes miras administrant. Ipsa quoque Natura demonstravit, in corruptionibus rerum secundis, servari posse Balsamum Naturæ Semen, vitale Principium, Mumiam primam Materiam (vilis est annona nominum in tanta rerum fertilitate) utcumque Elementa admixta, cortices, impuritates & feces dissipentur. Sic, granum quod terræ committitur, putrescit, resolvitur, perit: radicalis tamen servatur humiditas, in qua totius seminis Anatomia & potestas viget, novaque revolutione in mundanam scenam progreditur, ac corpus novum sibi fabricat, officiis destinatis accommodatum. Si natura per se separationes huiusmodi absolvit, quanto magis Artis beneficio adjuta? In Mineralium Metallorumque familia, ob supremam Balsami efficaciam, & similem Naturæ conditionem, testimonia manifesta puri perfectique huius corporis posuit. Aurum enim, argentum, gemmas produxit, Individua planè perfecta, & ab impuri-

impuritatibus externis separata. Quamvis & illa quoque compedibus, sed non communibus detenta, vires suas exerere non possint: in actum ex potentia, debita resolutione reducta, actiones ostendunt divinas. Si purum ab impuro, tam perfecte, solius Naturæ beneficio in his separatim conspicimus (una enim ab initio massa continebantur cum Sulphuribus, Salibus, Plumbo, Stanno, Ferro, Ære) artis opportunum ministerium si accedat, quid non futurum sperabimus? Quod si huiusmodi arcana Balsami, ante oculos ponerentur, longa rationum serie opus non esset. Possemus quidem, si non suprema, nonnulla tamen, nec infima, demonstrare: sed promissiones servitute obligatas fugimus. Satis hoc tempore factum arbitramur. Fontes enim aperuimus, & thesaurum absconditum, interpretatione, quantum faserat, palam fecimus. Subductis rationibus rerumque collecta multitudine, summam concludimus: Medicinam omnium morborum ab Altissimo creatam esse, & in natura collocatam, quæ debite preparata, & ab Elementis impuritatibusque admixtis separata, potestate & vitali robore universos humani corporis languores auferre potest: Idque non calefaciendo, refrigerando, humectando, siccando, non abstergendo, incidendo, penetratione, sed longe altiore actionum proprietate: fundarique in vitali principio, Semine, Balsamo, Vegetabilium, Mineralium & Animalium: cui omnium actionum in natura principium acceptum referimus: adeoque legitimam huius Naturæ præparationem & administrationem, Medicam constituere Scientiam, & Medicos rectè appellare.

CAPUT III.

Quod sit officium Medici, & quæ in Medico requirantur.

POSTEAQUAM Medicinæ fundamenta in Natura contineri demonstravimus, haud difficile fuerit Medici officium explicare. Etenim si materiam habet in Natura positam, cujus beneficio morborum curationes & sanitatis custodia absolvi possunt, huius materiei differentias, conditiones, proprietates, præparationes, & debitas administrationes imprimis investigare debet. Ita enim reliqui Artifices, materiam à Natura acceptam promovent, artificiosa præparatione supervacua rescindentes, imperfecta ad absolutionem ducentes, formas, figuras &

& signaturas introducunt humanis usibus accommodatas. Et turpe est Medicorum industriam, hac parte ab Artificibus superatam esse. Quid enim non experiuntur, quos labores, vigilias, ærumnas non sustinent, ut conditiones, proprietates & præparationes subjectarum materierum exquisitè ac penitus investigent? Itaque in annos & secula proficiunt, professionumque suarum limites magno honore amplificant. Quibus vestimenta curæ sunt, tædiis & molestiis ablatis, quantas commoditates adjecerint, quis non videt? Culinarii, Pistorum, Coqui, quantum profecerint, testis est Hippocrates, qui libro de Antiqua Medicina, proficitur, initio mortales ferino victu usos, morbis & calamitatibus frequenter implicatos, præparationes ciborum necessitate quasivisse, quibus inventis feliciter vixisse. Ac ne sordidas quispiam arbitraretur has artes Philosopho indignas, Antiqui inventionem ac auctoritatem earum Diis ipsis ascripserunt. Ego certe unicum Panificium, omnibus Modalium subtilitatibus & jejunis Prædicamentorum digestionibus antepono. Eadem sedulitate Fabri ferrarii, Lignarii, Aurifabri, Metallicarum rerum periti, artium suarum rudimenta promoverunt. Medici verò materiam, in qua omnium actionum, curationum & conservationum causæ delitescunt, intactam propemodum reliquerunt, neque pro subjecta materia agnoscere voluerunt. Etenim non morbos & remedia, sed humanum corpus, artis Medicæ subjectum esse, magno errore pronuntiaverunt. Longè aliter se res habet. Dico enim, non solum morbos & remedia, sed etiam humanum corpus vitalibus actionibus præditum, Anatomiam & naturæ suæ principia habere in familia Balsami & radicalis illius materiei. Hanc materiam tractare oportet Medicum, omni sedulitate proprietates, differentias & conditiones explorare. Ita enim inveniet Facultatum origines, quarum ministerio sanitas actionum integritate conspicua conciliatur. Videbit etiam Morborum exordia, Symptomatum causas, Remediorum diversitates, & agendi modos, Præparationum quoque leges, quod summum est. Hæc universa, quia Naturæ beneficio administrantur, in vitali quadam materia fundari & radicem habere necesse est: alioqui levissimo momento evanescerent, nec propagatione, potestatem & fecunditatem naturæ suæ demonstrarent. Conquerentur plurimi, nos obscuritate manifestam artem obruere: novam inauditamque Facultatum & Causarum Anatomiam introducere. Se toties humani corporis Anatomiam conspexisse: partium situs, substantias, conformationes, meatus, consensus animadvertisse: atque hinc multa artis officia didicisse. Hanc certe

certe administrare oportuit: sed alteram non neglexisse. Hac mortua est, altera vitalis. Non enim ex partibus & corporibus actiones procedunt, sed ex facultatibus partibus inhærentibus. Difficilior certe est vitalis Anatomia. Multis enim instrumentis ad sectionem indiget: nec unius Individui Analyfi contenta, copiosam rerum familiam ad examen ducit: ubi externorum sensuum testimonia non sufficiunt, sed occultiores, fidioliores, constantioresque testes provocantur. Itaque qui hanc Anatomiam aggredi voluerit, inprimis Seminis naturam & proprietates explicare debet: Elementorum condiciones & officia, Generationum, Mixtionum, Transplantationumque modos ac authores, Astronomiæ leges, separationes puri ab impuro, maturationes crudi, amaritudinis correctiones. Neque particulatim ista scire satis est, sed per universam Naturæ latitudinem, singula explicare oportet, & semina Cœlestia, Terrestria, Aërea, Aquatica, æquè cognoscere: Melissam cœlestem, Plejades terrestres, Chelidoniam aquæ, Vitriolum terræ, Gamandream aëris, Mannam terræ: & infinita hujusmodi. Astronomiam quoque cœlestem cæteris Elementis accommodare oportet. Hæc sunt ea officia, quæ nos in Medico requirimus: difficilia quidem, sed non incomprehensibilia. *Si enim in Natura condita collocataque sunt, Rationes quoque in Anima, necessitate inevitabili habebunt:* quas fuscitabit, in lucem proferet, qui diligenti assiduaque Naturæ inspectione, analogiam proprietatum, & seminum differentias didicerit. Quantum ad mores, vestitus, sermones Medico convenientes attinet, supervacaneum est multa præcipere. Etenim qui tantarum rerum contemplationi totus incumbit, si assiduitate & diligentia, non sine Numinis beneficio, superatis umbris, ad præclaram illam Rempublicam ascendere potuerit, mores quoque proferet Rempublicæ suæ consentaneos, nec artis infidelitate, fallaces eventus expectando, sermonis ornatu, morum majestate, superbo corporis habitu, quod desideratur in Arte, externis illecebris resarcire conabitur: Quicquid præceperimus, matrona meretrici dispar erit. In Chirurgicis quoque administrationibus, quæ manuum dexteritate perficiuntur, ut in repositione luxatorum artuum, deligatione congrua fracturarum, venarum sectione & incisione, versatum esse oportet. Turpe enim est præsentī Medico, desiderari ministros Medicinæ. Et in sanguinis missione sæpè mora nocuit: nec venas oportunas secare possunt communes Chirurghi. Diætæ leges justissime moderabitur, qui remedia opportuna adhibere potuerit. Numerosa officiorum multitudine triumphant, qui difficultate primorum & prin-

principalium officiorum perterriti, subterfugia quærunt, & inſcitiae patrocinia. Nos officium Medici, poteſtate magnum, brevi verborum ſupplectile compleſtemur. Quia actionum omnium naturalium fundamenta, in Materia illa radicali, Balſamo & vitali Sulphure continentur, debere Medicum, proprietates, differentias, preparationes, & adminiſtrationes hujus Naturæ, omni ſedulitate, cura & diligentia inveſtigare: idque analyſi ſupra dicta. Hæc brevitatem obſcuritatem oſtendunt: ſed in ſequentibus capitulis copioſius clariuſque proponuntur, dum particularim ſingula reſecabimus, quæ hîc univerſim propoſuimus.

CAPUT IV.

Univerſalis totius Medicinæ adumbratio.

Medice Artis amplitudo magna eſt. Univerſam enim harmoniam totius Creaturæ contemplatur: Elementorum diſpoſitiones, temporum ſtatas viciffitudines, Generationum & Tranſplantationum leges, quæ naturam mundanam continent ac conſervant tanquam baſes & fundamenta humanæ naturæ, ſedulo inquiri. Aſtrorum ortus & occaſus, & Planetarum periodi certis temporum intervallis definitæ, congreſſus, oppoſitiones, impreſſiones quoque & effectus qui hinc inferioribus Elementis imprimuntur: cometarum origines, Ventorum, tonitru, fulminum, pluviarum, roſis, pruina, &c. Oceani æſtus, & reciprocationes, Terrarum diverſitates, Plantarum diſcrimina, Metallorum, Mineralium ortus, progreſſiones & deſperationes, Animalium naturæ, gignendi modi, multorum Philoſophorum vigiliis inveſtigantur: dum unusquiſque ex hac rerum amplitudine, particulam ſibi deſumit ſeorſim excutiendam, ratus unius hominis ætatem & ingenium, ad tantæ Provinciæ diſpoſitionem comprehendendam, nequaquam ſufficere. Medicus verò indefeſſo ſtudio, univerſam totius Naturæ Oeconomiam ſolus ſcrutatur: Aſtronomorum & Aſtrotologorum decreta examinat: Meteorologicorum, Phyſicorum & Herbariorum rationes colligit: Agriculturæ proceres & Metallicarum rerum peritos conſulit. experientias ac obſervationes eorum addiſcit: Animalium naturas ſedulo inquiri: atque hæc omnia Principiis, Elementis, & certis

Genera-

Generationum & Transplantationum legibus includit. Hisce perceptis ad humanam Rempublicam descendit, & divina quadam Analogia, majoris Mundi dispositionem tanquam parentis, Microcosmo accommodat, Elementa constituit humana natura consentanea: in his *Semina foveri & Astra, cœlestia, aërea, aquatica, terrestria demonstrat*: quæ digestis decretisque temporibus, fructus producant sanitatis vel morborum nuncios. Itaque Planetas in corpore distribuit, Solem, Lunam, Saturnum, Iovem, Martem, Venerem, Mercurium: & stellas similiter, Saturninas, Joviales, Martiales, Venerneas, Mercuriales, Solares, Lunares: motuum leges addit, & statas temporum vicissitudines: Novilunia, Eclipses, Aspectus humanæ Astronomiæ, & horum effectus exponit: demonstrans, *fulmina, tonitrua, grandines, pluvias, calores, frigora, siccitates* (quæ in mundana Anatomia fructus sunt Elementi Ignis & Astrorum) *in nobis esse Febres, Epilepsias, Hydropes, Catarrhos, Paralyses, Apoplexias, &c.* Aërea quoque Astra in nobis habitare profitetur similesque effectus producere, sed languidiores. Nam & ea Meteora quæ ex Elemento Aëris proficiscuntur, non ea vigent potestate, qua cœlestia. Rursus *Aquarum Generationes in homine declarat: aurum, argentam, stannum, ferrum, plumbum, cor, cerebrum, pulmones, hepar, ventriculum appellat.* Mineralium separationes, *lepram, elephantiasin, alopeciam, pruritus, scabiem, morphœam, cancrum, astiomenum nominat, quod alibi vitriolum alumen, nitrum, sal gemmæ, colchotar, tartarum, dixit.* Postremo terrestrem œconomiam adjungit: *urticam, aronem, flammulam: pustulas, pruritus, herpedes asseverat, in humana lithurgia, ut melissam, violas, Chamadrion, vitales spiritus, cordis, cerebri, hepatis.* Itaque universæ Naturæ latitudinem, omnes omnium Creaturarum species & genera in homine intuetur. Si Mineralia, Metalla, gemmas inquirat, non periculosas & absurdas terræ latebras rimabitur. Si Canopum stellasque Ursæ oppositas, non immenso navigio novas insulas sectabitur. Si animalium miras & monstrosas species, non Arabiæ immanes calores experietur. Humana Natura omnia ostendet, & his longè majora mysteria: modò oculorum non vulgari acie, ad tam divinam Rempublicam ingressi, artificiosos illos Cives & Archeos deprehendere possemus. Multa quoque in mundana Anatomia dubia & incomprehensa, temporum decreta brevitate, obscuritatibus opem ferente, lucidè explicabit. Neque est alia ratio ad vitalis Astronomiæ Methodum restituendam accommodatior. Cognitis Elementis, Seminibus, Generationum & Transplantationum legibus constitutis,

stitutis, atque hinc sanitatis ac morborum causis & originibus derivatis, remedium Anatomiam aggredietur, quæ & ipsa fundamenta habent in doctrina Generationum & Transplantationum, præparationes & debitas administrationes inquirens. Has ego contemplationes verè Philosophicas arbitror: & Medicinam quæ hisce fundamentis innititur, Philosophicam appellare ausus fui. Et quamvis, ut antea quoque diximus, *universa Medicina, in Balsamo & vitali illo Sulphure contineatur, totius Naturæ thesauro, adeoque unica illius potestate, omnes omnium morborum curationes absolvi possint: nihilominus rerum affinitas & conspiratio suadet, Elementorum quoque doctrinam, Generationum & Transplantationum, Medico adjungendam esse.* Ita enim auctoritate stabili & perfecta Scientia instructus, provinciæ suæ gubernationem, summa prudentia administrabit. Quia verò patrociniū eorum suscepimus, qui adhuc in tenebris & umbra versantur, si non lucem, lucis certè fidelem adumbrationem, hisce legibus ostendemus. Principio, Elementorum conditiones, officia & naturas explicabimus. Deinde Semina & Astra omnium Elementorum una cum proprietatibus differentiisque suis, adjungemus. Tertiò, Principia constituemus omnium corporum, quæ sunt vestimenta & domicilia Seminum, in hanc mundanam scenam progredientium, opportunè subjungentes Generationum, Mixtionum & Transplantationum doctrinam, fecundam copiosa explicatione fructuum, ex Seminibus & Elementis prodeuntium. Tum verò tempestivum fuerit, ad humanam lithurgiam descendere, procreationem hominis declarare, partium conformationes, situs, consensus, facultates & actiones, adeoque sanitatis & actionum omnium naturalium causas & modos aperire. Morborum quoque Generationes, Transplantationes, Semina, Elementa, Principia, curandi rationes, Remediorum naturas, differentias, præparationes & legitimas administrationes adjungentes, Artem constituemus, Principiorum invicta veritate stabilitam.

CAPUT V.

Elementorum conditiones & officia.

Tanta opinionum varietate, confusionibus & erroribus implicata est doctrina Elementorum, ut nulla ingenii dexteritate, sententiæ ram

disparēs conciliari possint. De Terra, communi omnium parente, Aqua, Aëre, consentiunt multi: Igneum verò Elementum, quia remotum est, nec ita sensibus obvium, obscuram & dubiam explicationem sortitum est. Priora illa tria, fecunditate Generationum, Generatorum conservatione, & corruptionum testimonio, vitæ usura, repentè Elementorum appellationem obtinuerunt: de Igne verò vehementer dubitatum est. Aristotelici Cælum à corruptibili Elementorum familia planè sejunxerunt. A superiori Aëris regione, ad concavum Lunæ ignem collocarunt, motu levium corporum persuasi, quæ sursum rectà tendunt. Alii, inter quos est Plinius, Cælum vel Firmamentum, ignem esse dixerunt, & quartum constituere Elementum. PARACELSUS Mosaicæ Philosophiæ discipulus, hanc sententiam magna autoritate confirmavit: fructus & generationes Cœli, Firmamenti vel ignis, copiosè clarèque proposuit: ut Plinius Astrologorum non vulgarium decretis confirmatus. Neque corruptionem cœli vereri debent Peripatetici, si Elementum sit, si Generationes & fructus statis temporibus producat. Terram ante oculos habent æquali perpetuitate stabilem, utcunque in annos & horas, mutabili fructuum varietate ac vicissitudine gaudeat. Si tam gravi testimonio sola non suffecerit, Aquam & Aërem adjunget, de corporum Individuorumque perfectione cum igneo Elemento haud contendet. *Quantum Elementum ab Aristotele celebratum, aque in terra, aëre & aqua reperiri, posthac manifestum erit.* Relicta hac opinionum varietate cum PARACELSO profitemur, *Elementa totius Creaturæ prima receptacula, in duos globos distributa esse, & unumquemque globum duo Elementa continere, vicinitate conjugium faciente. Superiorem globum, Firmamentum, Cælum vel Ignem & Aërem: inferiorem, Terram, & Aquam.* In his quatuor Naturis incorporeis, inanibus, vacuis, Lucem & seminales rerum omnium Rationes, incomprehensibili Magia imposuit Creator, virtute Verbi & spiritus illius, qui super aquas ferebatur, Principia corporum adjungens quibus induerentur in mundanam scenam proditura. Hæc Elementorum vestimenta, oculos multorum Philosophorum fascinarunt: nucleum deprehendisse se rati, cortices & siliquas obtinuerunt. Rudis mortalitas, sensuum & corporum obscuris indiciis, de Elementorum & Principiorum naturis, rebus tam divinis & excelsis, censuram fecit. Hoc fonte derivata clades, universam Philosophiam inquinavit, obscuratis Generationum & Transplantationum legibus, Mixtionum confusa lithurgia, fecunda errorum progenie, qualitatibus & imaginariis complexionibus omnia replevit.

replevit. Et tandem eò inscitæ ventum est, ut Elementa à Principiis discerni non possent, confusis proprietatibus, & promiscuè usurpatis. Hippocrates certè, vel quicumque author fuit libelli illius qui De Humana Natura circumfertur, faterur in principio, se de Elementorum naturis non altius scrutari, quam Medicinæ usus & humanæ Naturæ conditio postularit. Demonstravit igitur ex unico Elemento non constare hominem, quia doleret: redarguens eos qui ex solo Sanguine, Pituita vel Bile, humanam Naturam componi asseveraverant. Itaque de Elementis loquitur Principiorum commixtione fecundis: quibus Elementi & Principii appellationem, particulari doctrina Generationum ac Transplantationum, promiscuè accommodare licet, Philosophorum libertate & exemplo freti: notiones verò rerum confundere, & simplices Elementorum naturas, ex concretis & multa veste indutis æstimare, absurdum est: Concludit ex Sanguine, Pituita & utraque Bile constare hominem: hæc esse Elementa, materiam, Principia, humanæ naturæ: sanitatis & morborum causas hinc pendere: ex his generari hominem, nutriri & conservari. Interdum dictis Naturis, calidi, frigidi, humidi, sicci appellationem accommodat: dicens, Generationem fieri non posse, nisi consentanea fuerint Principia, iustis Naturæ ponderibus librata, ut nec calidum à frigido, nec siccum ab humido superetur. *Appellationes enim ex proprietatibus rerum subjectarum, opportune proposito servientibus sumere fas est.* Ubi verò sanitatis & morborum ortus declarat, Sanguinem adducit, Pituitam & utramque Bilem: horum permixtione & mediocritate sanitatem custodiri: separationem, abundantiam & defectum, morbos parere. Transmutationes ac separationes ex efficientia calidi & frigidi, ex aliorum hypothese, antea absolvi dixerat. Hanc interpretationem consentaneam toti doctrinæ Hippocraticæ & præcipuè decretis, quæ in libello de Antiqua Medicina, de Dieta, de Natura pueri, de Morbis, continentur, adjunxi: ut temeritatem eorum facilius animadvertere possemus, qui ex hoc libello, definitiones & proprietates Elementorum absolutas, mira subtilitate deduxerunt. Nam quia de concretis Elementis locutus est Hippocrates, definitionem proposuerunt Principiis quàm Elementis magis accommodatam. Calidi, frigidi, humidi, sicci appellationes millies repudiasset, si prævidisset errores, fatuitates & ruinas illorum occasione in Medicam facultatem postea introductos. Etenim Elementorum essentias esse dixerunt: Mixtionum, sanitatis, & morborum autores. Curationum quoque
leges,

leges, suspecta facilitate, ex earum harmonia & contrarietate confecerunt : adeoque inaudita Demonstrationum methodo, ex qualitatum numero, Elementorum numerum & proprietates constituere ausi fuerunt. Summas illas qualitates & vehementissimas, non nisi in summis corporibus reperiri posse : eaque non esse infinita, sed quatuor solum, ubi ignis caliditatem (de utroque vehementer dubitant) animadverterunt. Rectius fecissent, si ex procreationum diversitate & numero, Elementorum ordines deduxissent. *In singulis enim Elementis, insignes sunt procreationum & seminum differentie* : quamvis vicinum vicino plurimum consentiat : quo fit, ut unum globum constituent. Deprehendissent Firmamenti fructus, quos ipsi vaporibus & exhalationibus, puerili errore, ascribunt, aërem fere similes, sed languidiores, & Manna, rores, multas species; *Aqua mineralia, metalla, lapides* : Terra herbas : ut Animalium ordines fileam. *Quicquid igitur tales fructus perpetua vicissitudine subministrare & fovere potest, optimo jure Elementum appellabitur* : summa caliditas, frigiditas, humiditas, siccitas, steriles hujus liturgiæ dispensatores fuerint. At dicent, Mistione & congressu generationes absolvent. Rectè : quæ miscentur & componuntur, generationes & fructus producant : Elementa verò, de quibus nunc agimus, constanter asseveramus non misceri. Philosophorum quidem autoritate receptum est, Elementa misceri : at verò Generationum fontes, *Seminum progressionem, & Transplantationum modos dum scrutantur, aliorum Elementorum ministerio utuntur*, prima illa & summa Natura fundamenta nequaquam attingunt. Et semina universa, quia mundanam œconomiam æmulantur, in Generationum lithurgia adumbratam Elementorum & Principiorum analogiam ostendunt. Atque hoc pacto rebus omnibus, quatuor inesse Elementa fate-mur, eaque misceri, conservari, beneficio Balsami & radicalis Tincturæ. Sic terram ipsam quatuor Elementis instructam, fecunda nutritione & multiplicatione semina sua fovere : esseque in Natura, Ignem terrestrem, Aërem terrestrem, Aquam terrestrem : rursus terram cœlestem, Aquam cœlestem similiter terrenam, igneam, aëream Aquam : postremo, aërem ignem, aquam, terram in Aëre. Ita omnium Metamorphoses Naturæ leges sequuntur. *Unumquodque igitur Elementum, suis fructibus producendis & conservandis abundè sufficit, nec destitutum aliunde particulas mutuabitur*. Neque conspirationem & consensum Elementorum tollimus. *Seminum beneficio colligantur. Astra sunt vincula rerum*. Hinc lites, amicitias, progressionem, proportionem, penetrationem, impressionem, & totius Creaturæ dispensatio dependet.

Elementa

Elementa custodes sunt, nutrices, matrices. Hic tanquam in abyſſo deliteſcunt ſemina, deſtinatis temporibus proditura: & irrequieta motuum viciffitudine penſum ubi abſolverint, magno quietis deſiderio, diverſoria repetunt, feliciorẽ ibi vitam ducentia, quàm hĩc temporibus & locis incluſa. Semina enim cum ſint propè innumerabilia (officiis particularibus & explicationi Naturæ ſerviendum fuit) ſi uniri debent, communiori vita, adeoque potentiori, opus habent: quod in cunãtis Naturæ operibus, mirabili artificio cultoditum inveniemus. Proprietatibus hiſce & ſimilibus jam confirmatus, dico: Elementa eſſe loca, matrices, domicilia, vitali validaque poteſtate munita, que ſemina generationi conſecrata, foveant, digeſtis temporibus ſuſcitant, ad maturitatem promoveant, emeritis receptacula concedant, immutabili quiete beata; & quia loca ſunt, incorporea ut ſint, neceſſitas jubet: niſi enim eſſent à dimensionum legibus abſoluta, nequaquam corporum, Principiorum & Seminum tantam multitudinem tam facile reciperent. Infinita tamen non ſunt, vitali virtute fines & terminos præſcribente: Quibus non ſolum ipsis ſtandum eſt: ſed etiam Seminibus, Principiis, etiam corporibus, utcumque ſuperba dimensionum explicacione triumphent. Vacua vel inania ſunt, ſimili propemodum providentia: alioquin inæquali favore quibuſdam Seminibus plus obligata, aliorum rationes obſcurius recepiffent, & minime ſinceras repræſentaffent. Atque hæc eſt legitima Elementorum notio, ex proprietatibus & officiis derivata: quam ſi ſequemur, nec miſceri Elementa, nec corruptibilia, nec momentanea affirmabimus. Analogia & proprietatum ſimilitudine, etiam aliis rebus, Elementorum appellationem, Philoſophorum authoritate confirmati, & hic & alibi sæpe accommodavimus. Rerum notionẽs, eſſentiarum ſtabilitatem imitari decet: Nomina artificum arbitriis ſubjecta ſunt.

CAPUT III.

De Seminibus, Aſtris, Radicibus rerum, Eorumque proprietatibus & differentiis.

Elementorum abſtruſa & vacua natura ſeminibus ornata eſt, idque virtute ejusdem Verbi explicante unitam multitudinem, & imperſcrutabili ſeparatione ſingula
D
locis

locis temporibusque consentaneis adaptante. Indissolubili nexu Elementis conferta coherent, vix ulla mentis subtilitate disjungi possunt. Sensuum censuras planè repudiaverunt. Nec enim molis magnitudine, nec partium distantia, nec ullis dimensionum vinculis alligata, vitali puritate & potestate, Elementorum abyssos ubique penetrarunt, servatis sine confusione legibus à Creatore præscriptis. Progredientia verò, Principiorum infelici conjugio plurima perpetiuntur, partium distantias, extensiones admittunt, locorum infueris angustiis includuntur, & temporum tam tardas revolutiones mirantur. Nec unquam ad calamitosos hos carceres declinarent, nisi inevitabili legis mandato decretum esset, vitæ, essentia, bonitatis vestigia, universis Creaturæ partibus adesse debere. *Nec enim Entia in uno sistere gradum poterant, admirabili potestate repleta.* Horum itaque ministerio mundana provincia administratur, temporum prædestinationes, motuum leges, generationum & transplantationum constantes lithurgiæ absoluntur. Hæc continuitatem rerum custodiunt, corporaque ad infinitatem, & hoc quod nihil est, magno impetu labentia, stabili virtute retinent. In his pulchritudo, scientiæ, artes, dispositiones Mechanicæ, figurarum & magnitudinum splendore conspicuæ, continentur. In his colores, sapes, odores & universæ qualitates delitescent: horum virtute perfusa corpora reddunt formosa, viventia, & multis illecebris obducuntur, sensibus insidiaturis. Ex his actionum omnium vigor & potestas derivatur: cetera languida sunt actionum impedimenta. Hæc complexiones & proprietates rerum constituunt, multiplicationes moderantur, stabilitatem custodiunt, & mille hujusmodi dotibus ornata sunt. *Surda & cæca est omnis Philosophia, qua horum contemplatione neglecta, privationes, informes materias, & mortuas qualitates sectatur.* Etenim Elementorum cognitionem, sine his, adipisci non possumus. *Semina enim vel Astra, officia Elementorum explicavere.* Hæc invisibilia sunt, pura à cætu generationum & corruptionum separata: illa nobiscum negotiantur, commorantur, sensibus (sed Sapientum) sæpe representantur. Et quia corporum commixtione, seminum vires contaminari, in hac rerum lithurgia animadvertimus, puritatem illius Reipublicæ in qua sublati corporum vinculis, sola tanquam in patria habitant, quis non intelliget virtutem quoque & supremum Balsami vigorem, cujus beneficio incorrupta in ævum custodiuntur, & Essentiæ vitæque incomprehensibilem copiam, qua dum fruuntur, nec esuriunt, nec sitiunt, nec aliis vim inferunt. Hujusmodi Elementorum proprie-

proprietates seminum natura demonstravit. *Corporum Principia, Elementorum permixtorum conditiones, mixtiones, generationes, sine exacta seminum notitia deprehendi nullo modo possunt. Postremò in morborum curationibus, quia remedia omnia perfecta & universalia, in radicali, vitali & seminali Natura materia, in Balsamo, in Astris contineri diximus: operæ pretium fuerit, Astrorum, Balsami vel seminum naturam summa diligentia perscrutari: nec ulla, Materiæ vel Formæ, vel Privationis, vel caliditatis, frigiditatis, humiditatis, siccitatis interpellatione, ab hac provincia excusabimur. Itaque differentias & proprietates seminum, quatenus compendii ratio admiserit, subnectemus: plurima consultò prætereuntes, quæ Medicinæ & munda-
narum rerum œconomiam transcendunt. In Elemento caelesti vel igneo, quia semina obtinuerunt corpora perfectissima, Individua quoque similia produxerunt, in sæculum duratura, ut Solem, Lunam, Planetas, & Astra omnia. Providentia & bonitate Creatoris factum est, ut invisibilia reliquorum Elementorum astra, in hoc supremo Elemento visibili specie repræsentarentur, motuumque leges & temporum prædestinationes clare explicarentur. Hæc caelestia individua, vitali seminum potestate tota perfunduntur. Nec mortua sunt corpora, ut vulgus arbitratur. Quamvis enim ætatum discrimina non ostendant, nec defatigentur, nec aliis vitæ conditionibus, aliorum Elementorum Individuis communibus obligentur: fructuum nihilominus digestiones, maturitates, partus, ortuum & occasuum testes, demonstrant. Hæc sanè vitæ sunt munera. Et tamen mirabuntur pluri-
mi sydera caelestia gravida esse: pluvias, ventos, tonitrua, grandines, nives, illinc ad nos demittere: puritate & incorruptibilitate Firmamenti persuasi. Ubi verò generationum lichurgias diligentius inspexerint, mirari desinent. Procreata enim & seminum fructus, nequaquam suis exordiis respondent: corpora-
litate, instabilitate, corruptibilitate ac horum asseclis, immanè quantum discrepant? In peregrinis quoque matricibus fructus deponunt, & insigni providentia cuncta videntur ad terram inclinare, ejusque fecunditatem promovere. Sic Firmamenti procreationes in Aëre absolvuntur: hinc inferiori globo communicantur. Aërei similiter fructus ex centro ad circumferentiam procedunt: ibi coagulationem & perfectionem consequuntur. Affinitate superiorum, obcuritate implicati sunt. Et quæ sensus fugiunt, sensuum iudicio ab Entium ordine stolidè relegantur. Aqua semina in Terræ gremio pariunt: deinde ad superficiem tendunt. Terra verò in hanc circumferentiam in qua vivimus vigemusque, fructus suos educit. Ita universorum Elementorum*

rum procreationes ad humanam provinciam, veluti ad desideratum terminum voluntario festinant impetu: & benigna irrigatione omnes Naturæ partes fovēt. Fructus enim, procreationes, radii impressiones & vitales effluxus astrorum, quæ Elementorum sinu continentur, confluent, conspirant, ac consentiunt. Atque hinc Mixtionum fundamenta dependent, quemadmodum mox declarabimus. Itaque et si inferiora Elementa, non tam pura corpora, tam perfecta Individua, seminum officiis accommodata, ostendant: nihilominus in suis thesauris corpora obtinent in sæculum duratura, quibus vel seminum vel Specierum perpetuitatem ab interitu tuentur. Cœlestium interea perfectionem sine invidia venerantur. Et quia corporibus illis destituta, visibilia Astra demonstrare non possunt, infinitas errorum occasiones præbuerunt. Quot, quanti, Philosophi, totam Astronomiam soli Firmamento ascripserunt: reliquorum Elementorum vicissitudines, non ab innatis astris, sed à cœlestibus absolvi prodiderunt: & si Diis placet, etiam seminarias virtutes & fecunditates, ex cœlo inconsideratè deduxerunt. At certè, *quæcunque in cœlo explicata conspiciuntur, in cæteris quoque Elementis, virtute & vitali potestate continentur*: à quibus actiones proficiscuntur: in quibus Scientiæ mechanicæ rerum processus vigent: in quibus temporum decreta momenta custodiuntur. Corpora ubique mortua sunt. Sic æstatis, hyemis, veris, autumnus ydæra, in Terra continentur, in Aqua & Aëre: quæ nisi conspirarent cum astris Firmamenti, steriles cœlestium impressiones utique accusarem, si temporum Transplantationes, & confluentiarum prævaricationes annonæ calamitates pariunt. *Mutua enim seminum conspiratione, familiaritate, nutritione, totius Naturæ fecunditas stabilitur*: impressionum reciproca vicissitudine nexus conservatur. Harum legibus vitiatæ sterilitates & defectus sequuntur. Sed quænam sunt illa corpora astralia inferiorum Elementorum? Sane duplicata sunt. Puriori, quæ cœlestium perfectionem amulantur, in conspectum non veniunt, nisi artificum industria, divina adaptatione ab adiunctis separentur. Potestatem, vitam, actionum vigorem ubiq; demonstrant. Quemadmodum verò inter se differunt semina, officiis & proprietatibus: ita hæc quoque corpora differre asserimus: herbarum corpora ab arborum, animalium, mineralium, metallorum, gemmarum, &c. Et in his herbis, aliud corpus esse melissarum, aliud valerianarum, aliud calamentarum, aliud urticarum, aliud serpentinarum: in arboribus, aliud quercuum, aliud pyrorum, fagorum, cupressorum, abietum, &c. In animalibus, aliud homi-

hominum, aliud leonum, aliud boum, canum, cervorum, &c. In Mineralibus, aliud vitriolorum, aluminum, vitroforum, salium, &c. aliud marcasitarum, antimonialium : aliud Metallorum. *Hæc sunt illa corpora, Semina, Astra, Radices, Balsama, vitalia principia, prima materia, in quibus nunc sæpe diximus, & posthac dicemus, universam Medicinam fundari.* Ex his quædam perenni Individuorum successione, in sæculum custodiuntur, permanentque in duplicatis corporibus, mundanæ provinciæ æconomiam dispensatura : quo ordine continentur semina omnium perfectorum animalium, plantarum, arborum & quæcunque nova sobolis suffectione æternitatem æmulantur. Alia, corporum quidem conjugium admittunt, sed instabile : absoluta officiorum dispensatione, certis temporum intervallis circumscripta, decrepitum corpus, morti destinatum destituunt, ad diviniora se recipientia diverforia, ubi nec esuriunt, nec sitiunt, nec ullis Astrorum impressionibus obnoxia, Mixtionum & Transplantationum superba imperia aspernantur. Recidivis generationibus, constanti circuitu, documenta ponunt, se vitali vegetaque Repub. delituisse, non ex mortuis fontibus temerario radorum, atomorum, qualitatum congressu, prodidiisse. Horum omnium natura manifestius declarabitur in Generationum & Transplantationum doctrina. Nunc proprietatum tam diversarum nomina, & nominum notiones rebus in hærentes explicabimus : quibus omnibus conjunctis, astrorum vel seminum naturam compendiosè ante oculos subiciemus. Inprimis occurrit seminis appellatio : quamvis angustam nimis significationem apud vulgares Philosophos obtinuerit hætenus. Ii enim solum id semen existimant, quod visibili materia fecunditatem sui generis conservare possit, ut in animalibus perfectis, plantis quam plurimis. A reliquis omnibus, mineralibus, metallis, astris cœlestibus & æreïs, semen auferunt : quia diversitatem in mechanico generationum processu non consideraverunt. Officiorum immensa sunt discrimina. Neque eo modo propagari decuit mineralia vel metalla, quo animalia & plantæ propagantur. Cœlestes quoque fructus & æreos, longè dissimiles esse oportuit. Quare officiorum similitudine immutata semina, diversorum Elementorum differentibus ornata corporibus magna generationum diversitate fructus suos produxerunt. Et quemadmodum in animalibus & plantis nonnulla infœcunda sunt, quamvis in se contineant vitale Principium, Semen & innatum Balsamum : ita quoque in procreationibus aquæ & impressionibus cœli, quædam sunt steriles & evanidæ,

quamvis à radicibus deriventur, in quibus seminis ratio, & vita principium delitescit (Impressiones hæ, Elementorum officinas peperere, qualitatum adulterino imperio subjectas) quadam verò fecunda & Tincturam post se relinquunt, definito temporum intervallo durantem: hinc morborum, Insectorum, & plurimarum rerum exordia dependent. Si perenni vicissitudine, digestisque temporibus fructus & Individua huiusmodi, ex fontibus suis producant (quod seminis officium est) qua stoliditate, cælestibus, æreis, aqueis astris seminis appellationem denegabimus? Rursus mutata rerum vice, astra in plantis & animalibus contineri docemus, astrorumque appellationem horum principiis consentaneam esse. Etenim sive stas motuum periodos quæsieris, in omnibus actionibus naturalibus, herbarum, animalium & mineralium, in alimentorum concoctione, excrementorum separatione, in tota nutritione, in augmentis, in procreationibus, motuum rata constantia & æquabilitas custoditur. Vitales pulsus, musicis pedibus & consonantiarum rythmis alligatos, quis nescit? Ubi tantam in cælestibus astris motuum subtilitatem invenit humana solertia? Morborum statos circuitus, menstruorum excretiones, quæ stabili motuum ordine nominis usuram acceperunt, Oceani æstus, reciprocationes, prætereò: nihil est in universa inferioris huius naturæ familia, quod non innatis astris totam Astronomiam officiis prædestinatis accommodatam absolvere possit, ætatum discrimina constituere, quietis & laborum tempora gubernare, actionum, dimensionum, durationum terminos & limites invariabili decreto definire. Rursus si efficacem agendi potestatem desideras, si radiorum repentinos impetus penetrationum auctores: in animalium, plantarum ac mineralium Oeconomia cuncta invenies.

Quid igitur abhorremus animadvertentes astrorum appellationes rebus inferioribus adaptatas? Officium quod absolvit, nominis triumphum promeruit. Radices rerum propterea dicuntur, quia in iis fructuum dispensationes, maturitates, totaque fecunditas mundana arboris custoditur. Et quemadmodum fructuum durationes momentaneæ, stabilitate radicum reparantur, statisque temporibus mundanæ Anatomix restituntur: ita in seminibus, generationum & procreationum omnium origines quiete delitescunt, utcumque silentio mortalibus ætatis diuturnum desiderium produxerint. Quod si vitali potestate repleta, corruptiones impediunt, contrarietates concilient, corporum inclinationes ad putredinem festinantes cohibeant, Balsami utique appellatione merito gaudebunt. In summa, si cælestia dicantur, recte dicuntur:

dicuntur : si terrestria nominaveris, haud errabis : si Elementa, si Principia appellerentur, tanta natura societate conjunguntur, ut reciproca nominum insignia, sine aliorum injuria sibi adfiscant. Rerum æconomia sufficientia beata est, nominum provinciam invidia occupavit. Itaque quamvis arduum sit tantas rerum dotes, tot munera, brevitate verborum circumscribere : juvabit tamen, præcipuis collectis officiis, ex amplissimo maris gremio, in tutum tranquillumque portum nos recipere, idque tali formula.

Semina sunt vincula utriusque nature, visibilia invisibilibus conjungentia : In quibus motuum leges, temporum prædestinationes, generationum & transplantationum liturgiæ, & universæ mundanæ anatomie dispensationes continentur, tanquam in vitalibus potentiis incomprehensibili sapientia decoratis : Quorum ministerio agentium impressiones a patientibus admittuntur vel repelluntur, summa infimis conjunguntur, & totius Naturæ sympathia custoditur : Ex quibus sapor, odores, colores, & qualitates vitales omnes, quantitates, numeri, conformationes & signaturæ cæteræ, in Mechanico generationum & transmutationum processu procedunt.

Rudimenta hujus Naturæ posui : Nec fas est omnia palam interpretari : qui experientia labores & difficultates non recusaverit, si contemplationum vitales fontes, pia assiduitate invenerit, ex his initiis majora proferet, quam prima facie polliceri videntur.

CAPUT VII.

*De Principiis Corporum, & Elementorum permixtorum
Natura.*

Quicumque de Principiis altius contemplati sunt quam Generationum & Transplantationum leges requirunt, eorum decreta, hoc loco nec rejicimus, nec approbamus : aliter enim de Principiis differunt : & ampla est vocabuli significatio. Singulis namque rerum ordinibus propria adjuncta sunt Principia. PARACELsus cum dicit, corpora omnia constare ex Sale, Sulphure & Mercurio, non repugnat Aristoteli, qui rerum Principia statuit, Materiam, Formam & Privationem : nec Platoni dicenti Deum, Exemplar & Materiam esse Principia omnium. Singuli quippe diversas Creatu-
rarum

rarum œconomias scrutantur. Nobis, Generationum & Transplantationum causas & processus declarare propositum est. Itaque Elementorum & seminum proprietates demonstravimus:prehendimusque etiamnum aliquid desiderari, antea quam ex suis abyssis, in hac mundana scena, Generationum & Transplantationum lithurgias absolvere possent. Naturam igitur talem adungere oportuit, quæ divisibili proprietate, temporum, locorum omniumque dimensionum necessarias explicationes admitteret: & quæ vitalibus seminum potentiis terminum constitueret, adeoque universæ Naturæ fores clauderet. Hæc est corporum natura. Quamvis autem sensuum inconsideratis arbitriis, explicationem habere videantur obscuritate expeditam: nihilominus, ubi originem, differentias & conditiones inquirimus, plurima occurrunt, quæ multorum Philosophorum ingenia fatigarunt. Audax & improvida mortalitas, invisibilium cognitionem, sensuum ministerio sibi pollicetur, cum visibilia & corporea eorum legibus comprehendere non possint. Externa quædam corporum vestigia comprehensa sunt: ut proportionem, gravitates, colores, calores, frigora, odores, sapes, magnitudines, figuræ, numeri: quæ tamen corporibus adventitia sunt. Horum facultate, Methodorum adumbratione fertili, impia temeritate, invisibilia, etiam cœlestia, interpretari conamur: neque Gigantum infelix audacia absterret. Quod si originem tam corporum, quàm qualitatum corporibus inhærentium, primò investigaremus: rerum difficultate & majestate admoniti, nequaquam tam brevibus mensuris tantam amplitudinem metiri nos posse consideremus. Et enim, qualitatum, magnitudinum, figurarum, numerorum exordia, in feminibus contineri diximus: qua ratione in generationibus producantur, demonstrari potest: quamvis arduum sit *insuetas tentare vias*. Corporum verò principia & progressus si quis inquirat, protinus defatigabitur, à locorum desertis solitudinibus confestim abhorrente animo. Veretur enim, ne specierum consuetis diversoriis relictis, vacuitatum & infinitatis abyssu submergatur. *Species verò universæ, Rationes sunt & seminum soboles*. Ita ad alteram naturam viæ omnes interceptæ videntur. Hinc famosæ illæ dubitationes de Materia prima: cujus conditiones multis nominibus à Platone describuntur: appellat enim speculum, receptaculum, nutricem, matrem, locum: & tamen fatetur notionem ejus esse *ἀπὸν μὲν ἀναίσθησίας καὶ νόθον λογισμὸν ληπτὸν*. Aristoteles Privationem adjunxit tanquam stimulum Naturæ, insatiabili appetitu, generationum perpetuas vicissitudines promotorum.

moturum. De his alibi tempestivius agetur : nunc instituti memores, corporum origines, differentias & proprietates, quatenus Generationum ac Transplantationum doctrina requirit, aperiemus. Dicimus igitur *essentiam, existentiam, vitam & actum Entium universorum Elementa esse. Hac quo propius unitatem & fontem Naturæ attingunt, eo magis uniantur* : adeo ut in quibusdam idem sit vita, essentia, actus & existentia, nulla differentia, quam vel ratio animadvertere, vel sensus deprehendere possit, inter se discrepantia. *Progredientia verò, & ab unitate in multitudinem delapsa, separantur, & differentias demonstrant rationi manifestas* : etiam sensui, in ultimis rerum ordinibus. Itaque Elementa & Semina, de quibus nunc egimus, in suis fontibus quondam unita fuere, nec officiorum varietate & multitudine (quibus una existentia, actu, vita, essentia, satisfacere non poterant) distrahebantur. Posteaquam verò æternæ legis immutabili decreto, sæculi mundani œconomiam administrare iussa sunt, officiis, existentis, vitis, essentiis, separata sunt. Nec somnare debemus ex *confusione, Chaos, hac tam ordinata produisse : sed ex æternis divina sapientia thesauris. In hac prima Creaturarum constitutione, semina à suo fonte progressa, in alio fundari necesse fuit. Neque hic quiescere oportuit : sed fructuum constanti multiplicatione, Generationum & Transplantationum vicissitudines moderari, adeoque mundanæ Revolutionis comprehensas periodos absolvere. Si seminum imagines peregrinari oportuit : Elementorum quoque consentaneam imaginibus Naturam comitari æquum fuit. Et quemadmodum semina in hac provincia generationi subjecta à parentum suorum perfectione, potestate & puritate plurimum discrepant : ita loca, matrices, receptacula, nutrices, hæc obtinuerunt, à primorum Elementorum, domiciliorum, nutricum, &c. simplicitate, vigore, virtute, tantundem discrepantia. Neque enim disjungi possunt : & officiorum similitudine conspirant, suisque natis signaturas tribuunt iisdem legibus confœderatas. Proprietates enim utrinque, analogicè tamen inviolatæ custodiuntur, quantumvis à conspiratione & unione primorum distare videntur. Hæc conjugii fœdera faciunt, ut nunquam corporibus destituantur semina : quascunque magnitudines, figuras, distantias, numeros, explicare tenentur, momento, cogitatione citius, adfunt corporum rudimenta officiis consentanea, aderuntque sine defectu, donec seminum expleta sit prædestinatio. Et quia in singulis seminibus, dona sunt plurima, Scientiæ & mechanici processus propè innumerabiles, nec singula iisdem momentis Materiæ faciem occupare possunt,*

possunt, stas temporibus, *Formarum copiosa varietate Materiam vestiunt.* Qua vicissitudine, stabilitatis opinionem, apud nonnullos Philosophos nata est Materia: cum sit nihil minus instabile. Sed jam diximus comites esse indissociabiles. Nunquam enim à seminibus destituentur corpora: & corporum usuræ vicissim seminum officiis in ævum sufficient. Atque hæc est prima Corporum origo: cujus obscuritates planius explicarem, nisi Compendii ratio vetaret. Differentias nunc corporum adducemus: & quæcunque posthac dicturi sumus, de corporibus, Elementis, seminibus, non ad simplicia illa, sed concreta elementorum corpora, seminum virtute perfusa, referemus.

Prima differentia corporum ex Elementorum ordinibus deducitur: quod alia sint terrena, alia aquea, alia aërea, alia cœlestia: quæ penetratione, mobilitate, agendi potestate, plurimum discrepant. *Rursus alia corpora, Elementorum proprietatibus magis insignita sunt, alia seminum.* Quæ Elementorum proprietatibus magis insigniuntur, ea sunt, in quibus nulla dynamis interna latet, saltem steriles caliditates, frigiditates, humiditates, siccitates, levitates, gravitates, in quibus nulla est impressio fecunda: etiam sine sapore planè insipida deprehenduntur. Hujusmodi corpora à multis Philosophis hætenus Elementa appellata sunt: & tamen fructus sunt seminum aliorumque Elementorum, perenni fluxu & irrigatione generationibus inservientes. Talis est natura terræ, aquæ, aëris & ignis nostri: talis est natura plurimarum impressionum cœlestium, ut nivis, pluviarum, ventorum quorundam, caloris, frigoris, siccitatis, humiditatis & similium impressionum aërearum. Fontes & flumina ferè omnia hoc ordine continentur, nisi quibus admixta est nova aliorum corporum tinctura: Terra quoque omnis, quæ nec Mineralium, nec herbarum seminibus gravida est. Multa sunt hujusmodi corpora. Multis enim alimentum & domicilium debent: alioquin universa seminum genitura transplantationibus confunderetur. PARACELSUS interdum dicit hujusmodi corpora destituta esse Arcanis: *alibi, non habere in se Chæronium Naturæ*, steriles saltem qualitates Relollaceas innatas, in quibus nulla est confluentia, nulla conspiratio cum astris morborum: proinde nec ullam medicinam ex his confici posse. Eadem est sententia Hippocratis, in libello de Antiqua Medicina, ubi profitetur, πάντα ὑπὸ δυνάμεων γίνεσθαι τὸ σπέρμα, ψυχρὸν, ξηρὸν, ὑγρὸν, non esse τὸ μεγάλην δυνάμειν ἔχον: propterea in his nullam esse virtutem ad sanandos morbos, &c. Sed de his in remedio-

rum

rum doctrina copiosius agemus: rerum affinitate adducti, quia in ordine eorum corporum continentur quæ Elementorum proprietatibus magis vestita sunt, hoc quoque loco de iis mentionem fecimus. *Ab his diversa sunt corpora, quæ seminum proprietates imitantur, quarum impressiones faciundæ sunt, & tincturam post se relinquunt constantem. In his saporum, odorum, & qualitatum omnium vitalium vestigia manifestè deprehenduntur.* Et quamvis concurrant, caliditates, frigiditates, humiditates, siccitates: ab iis tamen actiones non procedunt: pro præsentia saltem assistunt, Legatorum comites. In his corporibus separatio fieri potest virtutum ab invalido, puri ab impuro. Immensam horum varietatem Astrologi in Elemento cœlesti, ad septem classes reduxerunt, animadvertentes lyderum omnium proprietates, vel Saturninas, vel Martias, vel Joviales, vel Solares, vel Venereas, vel Mercuriales, vel Lunares esse. Hos imitati Philosophi fructus Elementi Aquæ similibus differentiis comprehenderunt. Herbarum quoque & omnium Plantarum œconomiam similiter dispensarunt. Tertia corporum differentia hæc est: *Alia sunt exordiis suis viciniora, alia longius processere. Viciniora ob naturæ similitudinem, cœlestia, spiritualia, vitalia, valida vegetaque appellantur: alia terrena, crassa, concretaque, mortua & invalida dicuntur.* Nihilominus in una eademque natura conjuncta, mutationum vicissitudine, spiritualia corporum affectiones tandem admittunt. Hæc igitur differentia non amplius est corporum seorsim subsistentium: sed in compositionibus & constitutionibus Individuorum confluentium: quemadmodum in Generationum, & Transplantationum doctrinâ demonstrabimus. Quia verò corpora omnium Individuorum, ab Elementorum matricibus productorum, composita esse animadverterunt Philosophi: quæsitum est diu, quæ sit natura, proprietas, differentia Principiorum ex quibus componuntur. Nonnulli sensuum autoritate contenti, concretorum & communium Elementorum discrimina, proprietates & officia, in singulis Individuorum corporibus deprehendentes, ex horum mixtione & congressu corporum omnium proprietates ac differentias deduxerunt. Nec dubium est, *quin in corporibus universis concretis, quatuor Elementorum rudimenta conspiciantur.* Œconomiam enim mundanam minima quæque semina æmulantur. Alii, Hermetis discipuli, corporum artificiosa separatione, & hæc communia Elementa manifestius conspexerunt: præterea alia quoque Principia potentiora, seminum proprietates, conditiones & naturas explicantia,

E 2

magna

magna utilitate introduxerunt. *Tria sunt illa, nominibus specierum, in quibus facultates uniuscujusque Principii manifestissime vigent, ornata: liquores Mercurii, oleosa Sulphuris, crassiora verò concretaque Salis.* Rerum contemplationi penitus incumbabant Philosophi, nominum illecebris neglectis. *Hæc igitur tria, Sal, Sulphur, Mercurius, corpora universa conficiunt.* Cave autem ne arbitreris, eos, Sal commune, Sulphur & Mercurium vulgi intelligere. *Ex iis enim nullum corpus constituitur, cum sint Individua in suo genere absoluta.* Unumquodque horum tria pariter in se Principia continent. Habet enim Sal commune in se Sulphur vel oleum, Mercurium vel liquorem, & adhuc substantiam quandam solidam vel fixam salis naturæ propinquissimam: similiter sulphur vulgare, liquorem continet, oleum & sal, eodem quoque modo Mercurius aquam habet, oleum & sal. *Sed quia differentias trium substantiarum, ex quibus universa corpora componebantur, proprietates, conditiones, in nullis totius Naturæ speciebus magis explicatas animadvertenterunt, placuit ex iisdem appellationes mutuari: idque Philosophica auctoritate.* Si enim aliis conceditur figurarum & colorum externa similitudine nomina rebus imponere, quæ inscitia eos accusabimus, qui actionum & proprietatum ab essentia immediatè fluentium, consonantiam imitati, ejusdem familiæ rebus easdem appellationes accommodavere? *Nec P A R A C E L S U S primus hæc principia introduxit: neque ab aliis introducta nominum caligine obduxit, ut multi cavillantur.* Magnus est numerus Philosophorum qui seculis aliquot ante natum T H E O P H R A S T U M Principia prædicta attulerunt, proprietates, officia, differentias, copiosè clareque proposuerunt: quamvis nominum varietate, copia & instabili vicissitudine (ita necesse fuit) difficultatem contemplationibus suis obduxerint. Horum nomina, auctoritates, loca referre possem, nisi alio properaret calamus. Ut autem consilium Philosophorum clarius conspiciatur, necessitate trium primarum, ac utilitate animadversa, ita agemus. Promissum cui Philosophi vulgaresque Medici, alterationum, transmutationum, sanitatis, morborum & mortis causas rimantes, post longa viarum tædia defatigati, ad Elementa quædam pervenerunt communia omnibus corporibus: in quibus fundamenta posuerunt totius Naturæ. Ex eorum congressu, proportionemque mirabili, nec satis explicata mixtione, causas Generationum, Transplantationum, facultatum, omniumque actionum, expedita facilitate, deduxerunt. Similes deinde qualitates invenerunt æquæ communes, caliditatem, frigiditatem, humiditatem, quas summæ &

& potentissimas dictis Elementorum corporibus stabili conjugio junxerunt. Harum permixtione, materia opem ferente, secundas, tertias, & quando libuit, quartas qualitates protulerunt. Tanta causarum Principiorumque fecunditate onusti in mundanam œconomiam ingressi, generationes eorum quæ in sublimi fiunt, mutationes, effectus, proprietates, interpretati sunt, calidi attractionem, rarefactionem, congregationem homogeneorum, separationem heterogeneorum, frigidi repulsionem, condensationem, & hujusmodi facultates sæpe commemorantes. Rursus iisdem qualitatibus & complexionibus, herbarum facultates ascripserunt: quamvis materiæ tenuitatem & crassitiem in secundarum facultatum explanatione, id est, incisione, attenuatione, abstersione, levigatione, incrasatione, penetratione, adjungere recoacti sunt. Tertias quoque facultates, diureticas, sudorificas, menstrua cientes, eadem lege, multa prius postulantes, complexi sunt.

Alexiteriorum verò vim, Alexipharmacorum, Specificorum & purgantium, ex prædictis qualitatibus & complexionibus, nulla industria derivare poterant: Itaque occultæ proprietatis & totius substantiæ hæc opera esse confessi sunt. Totam autem substantiam dixerunt inexplicabilem proportionem commixtionis quatuor Elementorum: ut nihil relinqueretur à contagione qualitatum immaculatum. Bosseri, novorum morborum remediumque copia compulsi, occultas illas proprietates, vehementer amplificaverunt. Et jam dubitationi satisfactum arbitrabantur, si ab oculari proprietate, hos vel illos effectus prodiisse, rusticè dixissent. Tandem usque adeò placuerunt hæc inscitæ vela, ut titulos librorum suorum, errorum & imperitiæ futuros testes, iisdem nominibus inscripserint. Sic inusitata metamorphosi, ex manifestis Philosophis, occulti facti sunt, ex Dogmaticis Empirici. *Quid Philosophia titulos injuste usurpamus, si præclare illa Natura opera, in quibus universa potestas viget, tanquam miracula cum plebeis admiramur? Quocirca rudem hanc, & imperfectam causarum cognitionem aspernati profundiores Philosophi, altiori analysi, naturalium rerum Principia inquisiverunt, nec sensuum solummodò testimoniis contenti, artificiosam corporum resolutionem adjungere: cujus beneficio, substantiarum facta separatione, ex quibus componebantur singula corpora, in conspectum venerunt proprietates, quæ antea compositionis virtute occultabantur. Tum demum patuit quibus Principiis tot talesque effectus editi essent. Ita ex specierum ampla provincia distincta secretaque Individua,*

clarè actionum fontes proximos demonstrarunt. Diu multumque de Opio dubitatum est, quæ ratione in tanta amaritudine, stupefaciendi virtus excelleret? Nos, substantiarum facta separatione, sulphur vel oleum quippiam deprehendimus, planè narcoticum: ejusdem naturæ sulphura antea conspexeramus, eadem industria, in multis Naturæ partibus, in vitriolo, nitro, salibus ferè omnibus, in sulphure vulgari, in herbis plurimis. Itaque nec calori, nec frigori, nec humiditati, nec siccitati, nec tenuitati, nec crassitie, hanc opii proprietatem ascripsimus, sed tali corpori; id est sulphuri narcotico. Eadem separatione, anatomia, analysi, in opio sal quoddam diaphoreticum deprehendimus, quod subtili resolutione penetrando sudores movet: cujus similitudinem in multis Naturæ partibus similiter demonstrare possumus. Corporibus autem in hujusmodi separatione deprehensis, Salis, Sulphuris, Mercurii, nomina imposuimus. Quia in illis tribus Individuis, omnes omnium corporum differentiæ, proprietates, conditiones, manifestissimè conspiciuntur. In vino dubitatum est, quæ ratione, cum calidum sit, cum collapsas vires, tam subito recreet, hilaritatem inducat; diurnorum & gravium morborum causa esse possit, ut Podagræ, Hydropis, Contrakturæ, Colicæ, Calculi. Separatione conspeximus exiguum esse spiritum, liquorem Mercurium, qui humani corporis spiritibus consentaneus sit: copiosam deinde substantiam illaudata aqua, nec sapore nec odore commendabili: sal quoque tartareum, faculentum, cujus proprietates, in plurimis naturæ Individuis sæpe edocti, mirari desivimus; quæ ratione, temporis progressu vitiata lichurgia facultatum humani corporis, tam immanes Podagræ dolores, Colicæ, Calculi, ciere posset: quæ proprietate labefactatis visceribus, universum corpus, aquoso & falso liquore impleret, & in quibusdam consumto vitali humore, tabida membra in miserabilem contractionem adduceret. Hujusmodi plurima, Anatomia salium nobis declaravit. Purgantium quoque facultates ex eadem familia manifestas fecimus. Quid igitur agendum, quæ via ingredienda, ut has corporum proprietates, tam validas, tam potentes deprehendere possimus? Certè, qui Elementa illa communia, complexionem & qualitates, fundamenta Naturæ posuerunt, viam ostendunt facilem, compendiosè ducentem ad fastigia, sine multo sudore. Qui verò ad finem itineris pervenerunt, Methodorum analogis onusti, ubi ad actiones procedunt, studiorum suorum documenta daturi, mirantur, tam languidas subtilitatum progressionem, tam tarda Naturæ obsequia, miraculis, dubitationibus & infinitis erroribus implicantur:

Φάσγαντες

Φαειντες ειναι τοσοι ιπωες, ητοι. Ita divites dimittuntur inanes. Alii
 verò, qui invisa illa Principia corporum, Sulphur, Sal, Mercurium pro-
 posuerunt, aditus difficiles ostendunt, ærumnis, laboribus, infinitisque
 difficultatibus implicatos. Ite filii, vendite agros, ades, vestes, annulos, com-
 burite libros, emite calceos, montes accedite, vales, solitudines, littora maris,
 terra profundos sinus inquire: animalium discrimina, plantarum differentias, mi-
 neralium ordines, omnium proprietates, nascendi modos notate: rusticorum Astro-
 nomiam & terrestrem Philosophiam diligenter ediscite, nec vos pudeat: tandem car-
 bones emite, fornaces construere, vigilate & coquite sine tadio: Ita enim perve-
 niatis ad corporum proprietatumque cognitionem, alias non. Hæc mandata gra-
 via essent, nisi laborum beata præmia pollicerentur. Etenim manife-
 stam occultarum proprietatum explicationem continent, actionum fon-
 tes, agendi modos, temporum prædestinationes aperiunt, consensum
 & confluentiam totius Naturæ demonstrant. Hisce divitiis ornatos,
 & multa experientia confirmatos, Philosophos constituunt legitimos
 Naturæ interpretes & ministros. Quocirca quibus veritas curæ est,
 hanc viam ingredi debent. Scabie occupentur, qui relictæ, tam felices
 itineris comites esse nolunt. Elementa quidem communia illa, permixta,
 concreta, mineralisata (si libet) & nos intelligimus, ac facilius, clarius,
 majori utilitate explicare possumus. Originem enim & Naturam eorum
 didicimus, & antea aliquoties exposuimus: differentias, condiciones
 in artificiosis rerum separationibus vidimus: conspirationem cum tribus
 corporum Principiis, Sulphure, Sale, Mercurio deprehendimus: nihilo-
 minus facultatum causas, actionum Principia, nulla industria ex eorum
 familia derivare potuimus, utcumque complexionum subtilitate & Mate-
 riæ adminiculo quod in illis desiderabatur, refarcire conati sumus. Nul-
 la igitur alia via relicta est, quâ excusari possimus ab hac corporum Ana-
 tomia vel analysi. Sed qua methodo, quibus legibus, Anatomia hæc
 aggredienda est? Principio, corpora omnia inferioris globi, in tres ordines distri-
 buenda, in Animalia, Vegetabilia, Mineralia. Individua deinceps horum
 ordinum diligenter examinanda, & Individuorum partes, sive arte, sive
 natura comparatæ sint ad humanos usus. Ita inveniemus in singulis ordi-
 nibus illustres trium Primarum differentias. Est enim in rerum familia, Sal ani-
 male, Sulphur animale, Mercurius animalis: est Sal vegetabile, Sulphur vegeta-
 bile, Mercurius vegetabilis: est Sal minerale, Sulphur minerale, Mercurius mine-
 ralis. Ita ex animalium partibus vel excrementis, sal illud potentissimum
 eduximus,

eduximus, quod Nitri vel Urinæ dicitur: sal Armeniacum quoque. Rursus Sulphuris proprietates, conditiones, differentias plurimas, in pinguedinibus, medullis, adipe, sevo, & oleolis animalium partibus deprehendimus. Liquores non ita palam à Natura propositi sunt. Salis Alkali originem ex Vegetabilibus derivatam didicimus: & plurima herbarum salia, levi artis ministerio, proprietatibus diversa confecimus, Resinæ, olea, gummata, & pingua omnia quæ ex Vegetabilibus producuntur, quot, quantas differentias Sulphuris nobis ostenderunt? Sunt & herbæ quæ sine omni separatione, salis naturam & conditiones vehementer æmulantur, ut chelidoniæ, aron, flammula, persicaria, urtica, &c. Alia Sulphuris, ut viscosæ & pingues, serpentinæ, consolidæ, panaces, Spinofarum multæ species: Alia Mercurii, ut boratæ & fugaces, melones, cucumeres, anguriæ, fungi, rosæ, violæ, &c. Eadem in arboribus & fruticibus ratio est. In genere Mineralium quid attinet, species Salium, Sulphurum, Mercuriorum recensere? Cum in nullo ordine manifestius conspiciantur. Tot enim proprietates, differentia, trium primarum in hac familia, tam clarè explicata sunt, ut nominum prærogativam Philosophico jure cæteris ordinibus eripuerint. Quòd si artificiosa analogia, has corporum proprietates, in inferiori globo animadversas, Astris & corporibus superioris globi, legitimè accommodare poterimus, plurimas difficultates obscuritate involutas, compendiosa facilitate aperiemus. Cognitis & perceptis hisce Individuorum differentiis, quæ manifestissime trium primarum proprietates referre videntur, tum demum artificiosa separatione ignis ministerio, singula individua examinanda sunt, & similiter Individuorum partes: in Animalium genere, Vegetabilium & Mineralium. Hic apparebit, ex quali Sulphure, Sale, Mercurio, constituitur sanguis animalium, Mumia, ossa, viscera, excrementa, &c. Quanta sit varietas Sulphurum, Salium, Mercuriorum in herbis, Mineralibus: quæ convenientia, repugnantia, differentia. Atque hoc pacto copiosam facultatem supellestem, & corporum infinitas differentias brevi comparabimus: quibus instructi, actionum causas sine obscuritate explicabimus. Nulla est enim constans proprietas ullius corporis, quæ non vel in Sale, vel Sulphure, vel Mercurio ejusdem corporis deprehendatur. Hac vera est corporum Analysis. In hac Anatomia exercitatum oportet esse Medicum. De officiis trium Primarum opportunius agemus in doctrina Transplantationum & Mixtionum: ibi palam fiet, qua necessitate tot & talia, ad

ad corporum procreationem concurrere oportuit. Nec omnia iisdem locis tradi possunt. Scimus non paucas relictas esse dubitationes: quid mirum? multa nescientes de malis dubitare necesse est. Nihilominus, si diligenter hæc examinaverint, quæ hoc Capite, de origine, differentiis, & proprietatibus corporum attulimus, fores Naturæ resertas, magna gratitudine tandem fatebuntur, *Iniquum est Naturæ thesauros temere prostruere: & exemplum Aëæonis absterret. Qui potest capere capiat: ea enim lege accepimus.*

CAPUT VIII.

De Generatione rerum Naturalium & Mechanica
Lithurgia.

ELEMENTORUM condiciones, seminum naturam, corporum origines & proprietates exposuimus hætenus: in quibus solida totius Naturæ fundamenta complexi sumus. Tempestivum nunc fuerit explicare, quo pacto hæc Principia ex fontibus suis progrediantur mundanæ Oeconomiae Lithurgiam dispensatura: qua potestate, quibus adminiculis, quo ordine, Generationum constantes leges absolvantur: quo pacto ex tam pusillis & invisibilibus sæpe exordiis, tam vastæ corporum magnitudines procreentur. Differentia quoque Transplantationum & Generationum exponenda. Quæ omnia, quia Mixtionis perpetuo utuntur ministerio, hujus quoque natura, quatenus compendii ratio admiserit, adjungenda. Oportuit sanè hunc Mundum, adumbrata generationum perpetuitate æternitatis imaginem eousque repræsentare, donec exhaustæ fuerint Rationum omnium prædestinationes in mundana Revolutione absolvendæ. Itaque cum unius corporis vel individui natura, tot officiis satisfacere non potuit, admiranda Creatoris providentia, inventa est corporum renovatio: ut novorum Individuorum continenti suffectione Rationum proportionati fluxus educerentur. Hæc corporum renovatio Generatio est, cujus fundamentum in semine consistit, Semen enim in radicali materia fundamentum, continuitatem Naturæ custodit: cætera corpora, emerita, cruda, fugiunt, ad vacuum festinant, corruptibilia quoque & omnibus impressionibus obnoxia sunt. Illud verò si

F

matri-

matricem nactum fuerit, vel locum sua natura convenientem, potestate mirabili novum corpus sibi fabricat, officiis accommodatum. Convenientia loca Seminibus Elementa sunt. In iis enim foventur, nutriuntur, augeantur & absolvuntur. Corporum quoque Principia, Rationum prædestinationibus, Scientiis, Donis, suffectura, ibidem suppeditantur, & vitali fomentatione perfusa cuncta suscitantur. Elementa hoc loco nobis dicuntur, communia illa totius Naturæ corpora, Terra, Aqua, Aër, Firmamentum: sed proxima receptacula seminalis materia, five externa sint, five innata, five cavitates habeant, five non, five solida, five humida fuerint: ut plurimum tamen humida sunt, ad similitudinem seminum, quæ generationum initiis spiritualia & humida esse oportuit. Progressu temporis semina adolescentia in propriis provinciis similes Elementorum officinas sibi constituunt, ad imitationem mundanæ Reipublicæ, à quibus fomenta & debita hospitii jura repetunt. Itaque omnia videntur propter semina facta esse, & in iis contineri totius Creaturæ dispensationem, ut antea quoque admonuimus. Quæcunque enim hic alterationes, mutationes, motus apparent, non sunt nisi fluxus seminum, corporum consumtionibus, restaurationibus, transplantationibus, vicissitudines definitas ostendentium. Nec rectè sentiunt, qui Generationum dicunt progressionem à non Ente ad Ens, nisi in verso Naturæ ordine, non Entia asserere velint ea, in quibus vita, potestas, essentia, scientia, status & hujusmodi vigent: Entia verò, in quibus mortes, infirmitates, defectus, distantia, imagines, opiniones, motus, & turbulentæ confusiones deprehenduntur. Fateor semen non esse hoc quod postea futurum est, fluxu ad maturitatem vel exaltationem terminato: attamen hac duo differentiam Entis ad non Ens vix admittent, si Philosophorum decreta sequi velimus, non vulgi vanas persuasiones. Quæ nova indies fieri videntur, in semine antea delitescunt, meliorique vita fruuntur. Rursus quæ hic corrumpi dicuntur, non festinant ad non Ens: sed destinatis muneribus absolutis, ad fontes suos recurrunt. Omnia dona Naturæ, omnis vita, Scientia, immortalis est. Spiniosiores videbuntur hujusmodi contemplationes rudioribus, & in Philosophia Adepta non versatis, nec ad explicationem Generationum operæ pretium aliquod asserre. Sed longè aliter se res habet. Duæ sunt famosæ dubitationes, quæ naturalium rerum scientiam vehementer obscurant: unde profectæ, quò pergant Formæ, Species, quæ nobiscum definitis temporum intervallis negotiaturæ, Generationum, Transplantationum & Mixtionum ministerio mundanæ Comœdiæ lithurgiam peragunt. Utraque

Utraque hîc sublata est. Dicimus enim in semine ea omnia vigere, quæ hîc generationum & corruptionum vicissitudine fluere & refluere videntur, adeoque *Formam ipsam uniuscujusque rei, esse αὐτοφύην, non extrinsecus accedere, non à datore Formarum post Elementorum consentaneam mixtionem infundi, non à stellarum momentaneo positu in inferiorem naturam derivari, non ex Atomorum fortuito congressu integrari, sed in ipsis seminibus delitescere: idque variis modis.* Hæc dogmata sunt Paracelsica, à Christiana Religione non abhorrentia, Platoniorum decretis vicina. Quòd si Hippocratis auctoritate confirmata sint, quis novitatem accusare poterit? Is, in aureis illis libellis de Diæta, facultates earum rerum descripturus, mensuras, utendi rationes, à quibus sanitates & morbi contingunt, generationum & transmutationum omnium exordia, progressus, divina contemplatione illustravit. Locus est in principio primi libri de Diæta, cujus Capita hîc annotare libuit, partim ut comparatione facta deprehendere possimus, quantum defecerit hæc ætas à præclara illa & antiqua Philosophia Hippocratica. Principiò dicit constitui hominem & alia animantia omnia ex duobus facultate quidem differentibus, usu verò & officiorum familiaritate conspirantibus, Igne scilicet & Aqua. Decet enim Philosophum in Generationum doctrina & omnium earum transmutationum, quæ in materia perficiuntur, ac corporeis adminiculis egent, primùm radicem, materiam, fundamentum (quomodocunque appellare libuerit) adducere: in cujus sinu, thesauris, omnia illa continentur, quæcunque ad Generationem vel transmutationem absolvendam necessaria sunt. Multa verò necessaria esse ad Generationis lithurgiam diximus: *Elementa vel Matrices, Semina rationibus fecunda, corporum Principia.* Singula hæc comprehensibili Donorum varietate instructa sunt. Nihilominus in minima Materię portione sensuum testimonio planè similari, omnia illa quantumvis diversa comprehensa, Naturæ divinitatem venerari jubent. Neque temerè vel confusè comprehenduntur: sed vitali & valida planè potestate infallibili Scientia instructa. Documento sunt tam ordinatæ Donorum explicationes. Hanc *Materiam tot officiorum Donis gravidam, nominare difficillimum est, & rursus facilitum.* Difficultatè inveniètur, qui uno nomine, thesauros tam divitis naturæ explicare conabitur: nec enim fieri potest. Facilitatem admirabitur, qui tot, tam diversorum nominum appellationibus, unam Naturam obtemperare conspexerit. *Si una dicatur, unitatem intelligit: si multa, multitudinem profert: si duo, si tria, si quatuor, &c. tot Syros, Parmenones,*

subito emittit. Si *Elementalis* dicatur, *Elementa in se continet*: si *seminalis*, *semina*: si *corporalis*, *corpora*: si *spiritualis*, *spiritus*, &c. Itaque cum dicit Hippocrates, omnia constare ex Igne & Aqua, non repugnat sibi ipsi, quamvis in libro de humana Natura, ex calido, frigido, humido, sicco, corpora omnium constituta esse pronunciaverit; neque Thaleti, omnia ex Aqua constare pronuntianti: neque aliis, qui ex Aqua & Terra rerum origines derivare videntur. Quicquid nominaverint Philosophi, aliorum vires adesse volunt, quæ ad Generationem absolvendam requiruntur. Sic in libro de Natura humana, ex calido, frigido, humido, sicco, constare hominem dicit, vel ex Sanguine, Pituita & utraque Bile. Elementorum enim proprietates, usus, officia continent. Neque propterea feminum condiciones neglexit, nec Elementa inania seminibusque orbata proposuit: sed ubique positis Elementis, definita radice, materia, separationes adjungit & feminum progressiones. Et cum fateatur nihil novi in Generatione fieri, utique intelligit semina antea latuisse in Elementis quomodocunque positis & appellatis. Occasio omnium errorum hæc est. Cum dicit corpora humana constare ex calido, frigido, humido, sicco, multi intelligunt Elementa absoluta, communia, simplicia: sed perperam. Non enim ex calido, frigido, humido, sicco, simplici vel absoluto, sed ex tali vel tali, corpora omnium animantium constituuntur. Itaque ex tali calido, frigido, humido, sicco, ex tali Sanguine, Pituita & duplici Bile, ex tali Igne & Aqua, talia prodire necesse est, qualia sunt semina, quæ Elementa vel Materiam, Radicem rei, talem vel talem effecerunt. Similiter in tali Sale, Sulphure, Mercurio, talia semina habitare necesse est. Loca enim, Matrices, Elementa, corpora, seminibus consentanea esse debent, alioquin non fiet Generatio. Sed quid est quod in his omnibus consensum & conspirationem fecit? Quid est quod Elementa & corpora, seminibus consentanea & talia reddit? In seminibus est illa potestas: hæc adsciscunt consentanea, dissentanea repellunt, promovent, augent, absolvunt omnia. Pusillis exordiis tam difficiles officiorum dispensationes adimpleri, quid dubitamus? Ubi erit Cadaver, congregabuntur Aquilæ. Hippocrates igitur in libello De humana Natura, causas inquirens morborum & sanitatis, commodius quatuor adduxit Elementa vel Principia, Sanguinem, Pituitam, utramque Bilem, vel calidum, frigidum, humidum, siccum. Ita enim absurda eorum sententia evidentius redargui potuit, qui dicebant hominem ex uno solo constare, tam aspectu, quam facultate simplici: alioquin nulla subesser absurditas. Omnis enim

multitu-

multitudo ex unitate proficiscitur. Adeoque toto libello magis considerare videtur Elementa hominis jam absoluti, ex quibus separantur morborum femina prope infinita, quæ tamen ad quatuor illa ubique reducere conatur. At hoc loco nobis proposito ex libro 1. de Diætâ, Generationis universam doctrinam proponit: ideoque Elementis paucioribus contentus est. Dicit enim omnia constare ex Igne & Aqua, vel ex calido & humido, vel ex semine & sanguine materno, vel ex genitura suis facultatibus instructa: idem enim dicitur in omnibus his loquendi formis. Quænam igitur est facultas horum Elementorum? Τὸ πῦρ (inquit) δύναται πάντα διὰ παντὸς κινῆσαι, τὸ δὲ ὕδωρ πάντα διὰ παντὸς θάψαι. Ταῦτα δὲ ξυναμφοῦντα αὐτῶν καὶ ἐστὶ, πῶς τε ἀλλοιοῦσι πᾶσι, καὶ ἀλλήλοισιν, ἐκάτερον δὲ χωρὶς οὔτε αὐτῶ ἐαυτῶ, οὔτε ἀλλῶ δυνά. Hoc est: Ignis omnia aniversum movere potest, Aqua omnia per tota nutrire. Hæc verò duo sufficientia sunt, tum aliis omnibus, tum sibiipsis: seorsim verò utrumque neque sibiipsi, nec aliis, &c. Quomodo hæc duo sufficientia dicis, ὁ Hippocrates? antea apud te legimus ex quatuor Elementis omnia componi. Audi quid respondeat. Τοῦτων δὲ περικλείεται ἐκάτερον, πῶς τε τῶ μὲν πυρὶ, τὸ θερμὸν καὶ τὸ ξηρὸν, τῶ δὲ ὕδατι, τὸ ψυχρὸν καὶ ὑγρὸν. Hoc est. Cæterum utrique horum hæc adsunt. Igne quidem caliditas & siccitas, Aquæ verò frigiditas & humiditas, &c. Hæc omnia mutuis officiorum ministeriis vicissim foveri asserit: certisque ponderibus & mensuris, seminalibus Rationibus proportionum terminos definitibus, in generatione confluere. Alioquin nisi ad imperium seminum, quantitates, mensuras & proportionem suas adducerent, omnes generationes tollerentur. Sed qua potestate, tot, tam diversæ seminum progressionem in Natura conspiciuntur? Separationes virtute ea fieri docet. Οὕτω δὲ πύτων ἐχόντων, πῶς καὶ καὶ παντοδαπὰς ιδέας διακρίνοντι αὐτὰ ἀλλήλων, καὶ σπερμάτων καὶ ζώων, ὅθεν ὁμοιον ἀλλήλοισιν, οὔτε τὴν εἶσιν οὔτε τὴν δύναμιν, ἀπερὶ οὗ πῦρ καὶ τὸ αὐτὸ ἱσχυμένον, ἀλλ' αἰεὶ ἀλλοιομένον, ἐπὶ τῇ καὶ ἐπὶ τῇ ἀνάμοιᾳ ἐξ ἀνάγκης γίνεσθαι, καὶ τὰ ὑπὸ τούτων διακρινόμενα. Hoc est: His ita se habentibus, multa & omnigena forma ac species tum seminum tum animalium à se invicem secernuntur, quæ nihil inter se simile habent, neque visu, neque facultate. Etenim cum nunquam simul in eodem consistent, sed semper alterentur, necessarium est etiam, quæ ab ipsis secernuntur ac producuntur, dissimilia fieri, &c. Separatione igitur semina in Matricibus quietè delitescunt, digestis temporibus suscitantur, in mundanam Scenam prodeunt, admirabilia Scientia Generationum Corruptionumque fluxus & refluxus moderantur. Hujus Separationis uberiorem explicationem qui desiderat, legat libros Philosophiæ

phiæ Theophrasti Paracelsi Atheniensibus dedicatos. Posteaquam hæc fundamenta Generationum stabilivit Hippocrates, tandem audacius progreditur, inquit: Ἀπλῶς μὲν οὐδὲν ἀπάντων ἡχημάτων, οὐδὲ γίνεται, ὅτι μὴ καὶ παλαιὸν ἦν, συμμιγνόμενα δὲ καὶ διακερνώμενα ἀλλοιοῦνται, νομίζεται δὲ παλαιῶν ἀνθρώπων, τὸ μὲν ἐξ ἀδηνῆς φῶς αὐξηθὲν, γενέσθαι, τὸ δὲ ἐκ τοῦ φάος τοῦ εἰς ἀδην μειωθὲν, σκοπέσθαι. Ζῶα δὲ καὶ κτείνεα καὶ τέλα, καὶ οὐτε τὸ ζῶον σκοπεῖν οἶοντε μὴ μὲν πάντων, καὶ γὰρ σκοπεῖν οὐκ οἶοντε, οὐτε τὸ μὴ ὄν γενέσθαι, μὴ ὄντος παλαιῶν γενέσθαι, &c. Hoc est: Nihil sit quod prius non erit, neque quicquam perit, sed permixta & discreta alterantur. Homines verò opinantur hoc ex Orco in lucem autem generari, illud verò ex luce in Orcum imminutum perire ac corrumpi. Animalia sunt tam illa quam hæc, nec ullum animal mori potest, nisi universa pariter corrumpantur: unde enim moriantur? neque quod non est generatur, cum non sit unde generetur, &c. Diligenter nunc expendat unusquisque an non intellexerit Hippocrates seminales illas Rationes Naturæ, in quibus fundamenta omnium rerum, ipsius quoque Medicinæ contineri, toties jam diximus. Ab iis enim Generationes, Transplantationes, Elementorum mixtiones, conformationes, nutritiones, augmentationes, & omnes naturales actiones proficiuntur. Appellat *Seminum prima diversoria, Elementa, Abyssos, Orcum*. Ita Orpheus quoque & prisca Theologi consueverunt, Tenebras, Noctem, Quietem, Orcum, eadem significatione accipientes. Ita in hymno Noctis Orpheus. Νύξ γένεσις πάντων, ἡμιτελής χθονεῖα καὶ οὐρανία πάλιν αὐτῇ, ἐκκυκλία, ἡ φάος ἐκπέμπει ἐκ τῶν νερτέρων, καὶ παλιφύγει εἰς αἰθῆρα, δεινὴ γὰρ ἀνάγκη πάντων γενέσθαι. Et ne vereatur quispiam invisas ibi vigere tenebras, addit ἀστεροφγῆς κυανουργή. Desiderium quoque illius Reipublicæ quibus non infunderet his illicibus, ληθομέλειν ἀγαθήν, πόνων ἀνὰ πτευσὶν ἔχουσα, ἥσυχον χαίρειν καὶ ἡρεμίαν πολυύπνου. Homines arbitrantur, quæ hîc abire, corrumpi, perire videntur, ad tenebras, Orcum, caliginem, festinare: Sapientes verò aliter sentiunt, relictiis tenebris ad lucem & vitam pergere. Qua huc in Generationem prodeunt, augeri videntur: qua hinc corruptione abeunt, diminui. Ita crescentibus numeris diminuuntur proportionibus & vicissim auctis proportionibus, diminuuntur numeri. Animalia appellat tam illa quam hæc, quia in se potestatem habent constituendi & conservandi animalis. Alibi nutrimentum distinxit, in hoc quod nutrit, & quod veluti nutrimentum est, tertio, quod nutrimentum futurum est. Tales loquendi formulæ Philosophis usitatæ sunt. Æquum enim est, ex Causis Effectuum appellationes deducere: & filii, ut honorum, ita nominum quoque hereditatem, jure conse-

consequuntur. Quin etiam cum dicat, nullum animal mori, manifestè ostendit, se Animalis appellatione, non hoc propriè intelligere, quod ex carnibus, ossibus, ligamentis, venis, sanguine, nervis, compactum est: sed hujus compositi Speciem, Principium, Causam, Radicem, Semen, Alioquin si una species periret, omnes pariter corruerent. Vacuum enim in Speciebus committeretur, quod longè majus in Natura flagitium est, quàm vacuum in corporibus sive quantitate. Idem planè in libro de humana Natura confirmatur. εἰ γὰρ ἐν τῇ ἐκλίψει, πάντα ἀναφανισθῆναι. Quid igitur est Generatio & Corruptio? Sunt fluxus & refluxus seminum, quæ dum fluunt, augentur, minuantur verò dum resuunt. Nihilominus horum fluxuum termini in Natura constituti sunt, quorum limites prætergredi non licet. Hanc vicissitudinem rerum multis exemplis illustrat. Πάντα δὲ καὶ θεῶν καὶ ἀνθρώπων αἶω καὶ κάτω ἀμειβομένη, ἡμέρῃ καὶ ἐνφρόνῃ ὅττι τὸ μῆκιστον καὶ ἐλάχιστον, ὡς καὶ τῇ σελήνῃ τὸ μῆκιστον καὶ τὸ ἐλάχιστον, πρὸς ἑφῶδον καὶ ὑδαίνον, ἡλίον ὅττι τὸ μακρότατον καὶ βραχύτατον, Hoc est: Omnia divina & humana vicissitudinem habent sursum ac deorsum. Dies & Nox ad summum & minimum. Sic Luna augmenta & decrementa rata custodit. Aqua similiter fluentes & resuentes, Sol ubi ad augem pervenerit descendendo, ad opposita festinat legis pravariatione, &c. Hæc ex prioribus facillè intelliguntur: ab Orpheo in duobus Hymnis, Noctis & Naturæ, confirmata vidimus. Utramque enim circularem appellat ἐγκυκλίαν καὶ κυκλοπερίαν. Solem & Lunam augmenta & decrementa vicissitudinesque similes admittere dicit Hippocrates; tamen Individua hæc, corpora perfecta, perpetua, incorruptibilia obtinere, antea confessi sumus. Sint sanè perfecta: nihilominus impressiones admittunt, fluxus, effluxus vitales distribuunt, fructus producant momentaneos, dissipabiles, corruptioni subiectos. Ita Luna nasci, generari, crescere, decrescere, occidere, rectè dicitur singulis mensibus. Nisi enim congressu, mixtione, confluentia, vitales fluxus & impressiones novas reciperet, virium æquali potestate, corporis perpetuam simplicitatem æmularetur. Illud argumentum sterile est: Cœlestia si corruptibilia producant, admittunt, &c. corruptibilia quoque erunt. Nec valent exempla ex inferiori globo desumpta. Alius est Generationis modus, & Individuorum insignis varietas. Pergit deinde Hippocrates in expositione vicissitudinum Naturæ & circulari seminum proprietate, inquiens: φάσιν ὅτι, σκότος, ἄδη, φάος, ἄδη, σκότος ὅτι, φοιτᾷ καὶ μετακινῆται, κῆνα ὦδε, καὶ τὰδε κῆσε. Πάσῃν ὥρῃν διαπερσόμενα κῆνα τὰ τῶνδε, τὰ δὲ τῶντα, κῆνων, καὶ ἃ μὲν πηήσασιν ἐκ σίδεραν, ἃ

ἢ πῆσσαι, δοκέειν εἰδέναι, καὶ ἂ μὲν ὁρῶσι, ἔ γινώσκουσιν, ἀλλ' ὅμως αὐτοῖσι
πάντα γίνεται, δι' ἀνάγκην θεῖν καὶ ἂ βούλονται καὶ ἂ μὴ βούλονται, &c. Hoc est:
Lux Jovi, tenebræ Orco, Lux Orco, tenebræ Jovi. Accedunt & transmu-
tantur illa huc, hæc illuc. Omni tempore transigunt illa res horum, hæc au-
tē illorum: & quæ quidem faciunt non sciunt, quæ verò faciunt, scire sibi
videntur, & quæ vident non cognoscunt: attamen omnia ipsis fiunt per divi-
nam necessitatem, & quæ volunt, & quæ non volunt, &c. Quid Orcum
vocet antea dictum est. Hic Jovem opponit Orco. Ita quoque Orpheus
Jovem mundanæ Reipublicæ præfecit, ejusque beneficio semina sive cælo,
sive terris, sive ponto latitantia mortalibus ostendi. Ζεῦ βασιλεῦ διὰ τὸν
κεφαλὴν ἐφ' ἣν τὰ θεῖα γαῖα θεὰ μήτηρ ὁρᾷ καὶ ὕψι χεῖρες ἔχει, καὶ πέντε, καὶ
πάνθ' ὅποια ἐργὰς ἐν τῷ ἐπέξει. Signaturis seminum ornata corpora & pulchritu-
dine vestita, lucis imaginem repræsentant: deflorescentia vero, seminumque vi-
gore destituta, caligine obducuntur. Hinc seminibus refluentibus, & coetus
mortalium relinquentibus, tenebrarum nomen impositum fuit, consuetudi-
ne veritatis Naturam vincente. Perenni hac rerum vicissitudine, communi-
catione, consensu & amica officiorum conspiratione, leges mundanæ con-
servantur. Etenim quæ hic in provincia Jovis lucent, ea imitantur, faci-
unt, absolvunt, quæ antea in Noctis quæta officina ab Exemplaribus
definita, constituta & decreta sunt: vicissimque quæ ibi vigent, horum
fecunditatem, potestatem, agendi modos, vitali continuitate in ævum
promovent. Nec laboriosam sortem obtinuerunt: sine sollicitudine, de-
fatigatione, ratiocinatione, dubitatione, pensum absolvunt, Scientia
ingenita vitali, ipsa denique Essentia. Tales Scientiæ quia cognitionis
consensum & conscientiam non habent, dicuntur non scire ea quæ faciunt,
& tamen videntur scire: operibus enim documenta ponunt divinæ Scien-
tiæ. Rursus quæ vident non cognoscunt, quia specierum externa recep-
tione Scientiam suam non possident. Tandem omnium harum actionum
vicissitudinem & reciprocationum causas, divinis verbis adjungit, dicens:
Φοιτῶντων δ' ἐκείνων ὡδὲ, τῶν δὲ ἐκείσε, συμμεισγυμένων πρὸς ἀλλήλα τὴν πεπε-
μένην μοῖραν ἑκάστον ἐκκληροὶ καὶ ἐπὶ τὸ μέζον καὶ ἐπὶ τὸ μέσον, &c. Hoc est. Omni-
bus inter se ultro citroq; commutantibus & conspirantibus, unumquodq; destinatum fatum
explere, limitibus suæ Naturæ custoditis: fierique à feminibus omnia per divinam
necessitatem asserit, & quæ volunt & quæ non volunt. Hæc est prædestinatio
illa à PARACELSO toties decantata. Ab Orpheo similiter in Hymno No-
ctis adjungitur, δεινὴ γὰρ ἀνάγκη πάντα κεκτῶναι. Idem Orpheus Naturam
appel-

tas, qua ubique turget, primum arbitrari jubet. Atque hæc est vera & genuina sententia Hippocratis, priscae Philosophiæ consentanea, & tanto Philosopho digna. Scio nonnullos qui Galenicum Hippocratem in superbo folio locare conantur, hujusmodi interpretationem strenuè, quoad poterunt, repudiaturos: quòd si rerum evidentia convincantur, refugium inventuros commune & popolare: libros illos non esse genuinos Hippocratis, sed suppositios, Polybii, Theffalii, vel alterius cujusdam docti. Sed quia neque Galeni censura inter adulteros relati sint, & dictionem habeant Hippocrati usitatam, dogmataque contineant ab eodem Authore, aliis libris iisdem rationibus confirmata: si libros De natura humana, De antiqua Medicina, De natura pueri, De locis in homine, De carnibus, De alimentis, De insomniis, De morbo sacro, De aëre, aquis & locis, Hippocratis esse confitemur: hos quoque aequali jure inter legitimos nitque recipimus. Ubi Annales temporum evolverimus, Philosophos ejus ætatis Democritum, Heraclitum, Empedoclem, Anaxagoram, Parmenidem, antiquæ primæ & sacre Philosophiæ alumnos fuisse apparebis, naturæque penetralia superatis umbris debitè didicisse: quemadmodum & hoc loco Hippocratem fecisse demonstravimus. In summa: nos hunc Hippocratem, Orphei, Democriti, Hermetis, Heracliti, Parmenidis, Platonis decretis insistentem, genuinum agnoscimus. Qui votis & avida inquisitione Hippocratem inquirunt Galenicis hypohesibus magis consentientem, difficultate summa, non sine iniqua Authoris metamorphosi invenient. Exposita nunc universali Generationum doctrina, fontibus & rerum radicibus demonstratis, tempestivum erit, ad singulas Elementorum familias descendere, & in eorum fructibus vel procreationibus, Generationum, Transplantationumque varietatem particulatim declarare. Nam quemadmodum inter se differunt Elementa hæc communia subtilitate, crassitie, mobilitate, pondere, gravitate, penetratione, & semina pariter, in Elementis tanquam in Matricibus collocata: ita quoque Generationum diversitatem locis & seminibus consentaneam, accidere necesse est. Semina enim terrena, longè alia ratione procedunt ad Generationem quam aquea, aërea, vel cœlestia: crassiore corpore obducta, non ea mobilitate vigent, qua superiorum semina. Itaque tardas habent Generationum progressionem, difficiles mixtiones, & reliquas mutationes his affines. In ipsis quoque procreationibus terrenis, ratione seminum, quædam celeres habent periodos: ad Exaltationem & infrequentem declinationem subito festinant. Alia longioribus intervallis circuitus absolvunt: habent enim, ut magnitudinis, ita durationis quoque innatam legem. Quatuor itaque illustres Generationum differen-

differentias invenimus ratione Elementorum & seminum: Tereſtres, Aqueas, Aëreas, Cœleſtes. Nec difficile nobis erit, Elementorum, ſeminum & Principiorum explicata natura, Generationum proceſſus demonſtrare. Inprimis ſeminum vel radicum notionem huic noſtro propoſito congruentem, ex amplius illa Definitione prius propoſita, compendioſè adducemus: cujus miniſterio Generationum mechanicos proceſſus facilius expediemus. Semen itaque eſt vitale Principium, in ſe continens Spiritus mechanicos & Tincturas univerſæ Anatomia propria ſpeciei, quibus ſuum ſibi fabricant corpus, colores, ſapores, qualitates, magnitudines, figuras, & reliquas ſignaturas conſentaneas officiis & prædeſtinationibus prædictorum ſpiruum & rei producendæ. Quæ omnia quia mundanam provinciam adminiſtrare debent, corpus ſibi conſtituunt Generationi & conſervationi Individuorum aptum, quo contineri & conſervari poſſunt, quod prima materia, Radix, & fundamentum illius rei dicitur. Mirabuntur plurimi, nos more inſolito, Dialecticorum neglectis præceptis Definitiones conſtituere. Iubent enim Materiam loco Generis in Definitionibus collocare: nos inverſo ordine, Differentiam, Formam, τὸ τι ἔναι, adeoque Eſſentiam loco Generis poſuiſſe. Etenim juxta eorum Methodos dixiſſemus, Semen eſſe corpus ſpumofum, in quo continetur Spiritus proportionem reſpondens Elemento ſtellarum. Item, Semen eſt excrementum reſiduum, alimenti utilis atque ultimi, perſuſum ſpiritu & calore innato. Sed certè confluentiam rerum, & cauſarum connexionem non intellexerunt. Principia, Abyſſos, Radices, Noctem Orphei, Orcum Hippoc. Iliadum THEOPHRAſTI, magna Veritatis jaſtura prætermiſerunt. Quod ſi catenam auream Homeri, ſocietatemque inviſibilis Naturæ cum viſibili animadvertiſſent, conſiterentur utique, in Principali eſſe hoc quod non eſt Principale, in Continente Contentum, & fluens in eo quod non fluit, Poſterius in Priori, Effectus in Cauſis, Simulachra in Exemplaribus, &c. Itaque poſtrema corpora ſenſibus obvia, invalida ſunt, ſterilia, mortua: etiam vulgi judicio Seminis appellatio illis negata eſt. Apud Philoſophos tritum eſt, cortices & ſiliquas non gignere. Quid igitur ipsis facultatem continendi, conſervandi, injuſtè tribuimus. Spirituum mobilem, fugacem & momentaneam naturam timentes multi, nullam ſine corporibus Facultatum naturalium adminiſtrationem abſolvi poſſe docuerunt: adeoque in corporibus, tanquam in primis Radicibus & fundamentis contineri omnia. Hi obſurdo timore velut ſomniantes, multa in vanum molientes, cedere nituntur ne aves apertis fenestris avolent. Longè alia natura eſt ſpiruum Mechanicorum & ſe-

& seminalium Principiorum. Vincula sunt visibilia & invisibilia, temporalium & æternorum, corruptibilium & incorruptibilium, superiorum & inferiorum. Utriusque igitur Naturæ proprietates ostendere debent, ita tamen ut neutrius conditiones purè & exquisitè referant. Deficiunt enim à puritate, statu, æternitate, potestate superiorum: inferiorum mutabilem & momentaneam sortem longè superarunt. Quin etiam vincula cum ab omnibus dicantur, quibus placet secundas causas à prioribus gubernari, & Mundum hunc Providentia divina administrari (nihil enim est in universo rerum ordine his sublati, quod media natura extremis vicina, amica societate dissidentaneas naturas copulare possit) potestate utique & stabili constantia vigere debent. Si quid in rebus nostratibus stabile, firmum, constans apparet, à stabilitate & virtute seminalium Rationum deficere necesse est. Itaque fugæ periculum à Spiritibus Mechanicis, Generationumque Principiis hoc pacto abstulimus. Fateor stabilitate & fuga, quoad nos, inter se differre spiritus illos Mechanicos: neque enim eodem pacto generari decuit Animalia, Mineralia & Vegetabilia: sed feminum insignem varietatem obtinuerunt, & propagandi modos seminibus accommodatos. Quod verò sæpenumero irritæ fiant Generationes, non ob fugam vel instabilitatem spirituum seminalium contingit: sed quia Generationum initii rudimenta corporum tenuia adhuc & invalida constituerunt, confluentius & impressionibus aliorum Astrorum exposita, & locorum benigna fomentatione sæpe desitiuntur. In hac lithurgia si omnia Generationi adversentur, corpora primùm fugient, & ad interitum festinabunt: spiritus verò & Principia in suis Abyssis & Radicibus immobiliter persistent. Si verò moderatiores fuerint impressiones, loca non planè inimica, Generationis relicta spe, Transplantationis consilium adgredietur Natura, fietque quod non vult, ut cum Hippocrate loquamur. Iuris sui relicta severitate pacem conficiet, alteri pares, interdum potiores in administratione Provinciæ partes concedens. Hæc omnia mox in exemplis manifestius apparebunt. Sufficiat ostendisse corpora à spiritibus contineri & sustentari, hos deinde à Principiis vel seminariis Rationibus, Definitionemque à nobis adductam Naturæ legibus consentire. Quibus appellationes novæ displicent, inculcabunt Spiritus à nobis Mechanicos nominari. At certè, si differentias rerum tueri consilium est, licuit, semperque licebit, res antea non signatas novis nominibus notare. Deprehendimus enim nonnullos spiritus artificiosa Scientia non instructos, sine Mechanica arte, nudos vapores, fumos manes, & fugaces umbras corporum, aliorumque spirituum: alios deinde Scientia innata decoratos, & artificiosa Mechanica instructos, qui saporum, colorum, odorum, figura-

figurarum, magnitudinis, ordinis & proportionum infallibilem notitiam possident. Tales spiritus Mechanicos contineri in vitali Principio Generationum asserimus: illisque potestatem & agendi robur tribuimus: ex incorporeis & invisibilibus Elementorum thesauris corporea & visibilia producere fate-mur. Nec enim sufficiunt postrema & emerita hæc corpora prædestinationibus Rationum in mundana revolutione absolvendarum. Scimus & antea quoque demonstravimus, fructus Elementorum se invicem mutuo fovere: sed hæc fomenta languida essent, jamdudum exhausta, nisi ex Elementorum sæcundis Abyssis, & in Seculi consumptionem duraturis divitiis, nova in horas corporum prodiret soboles. *Benedictione divina semel repleta æternum non deficient.* Ex his thesauris, quod desideratur in corporibus jam productis, Elementorumque fructibus refarcient, & ordinata Generationum progressionem, decretis temporibus, desiderata & nota augmenta conficient, corporumque diversitatem Signaturis aptè accommodatam adjungent. Aliis enim corporibus colores vestient, aliis sapor, diversis odores, idque subtilioribus, propè spiritualibus, ut tincturis & potenti penetratione crassiorem corporum compagem ornare, ac usibus necessariis idoneam reddere possint. Hæc enim postrema corpora plurimum distantia à *spiritum Mechanicorum subtilitate*, mediis indigebant vinculis, ut continuitate gubernationis communi imperio subicerentur, adeoque vita fruerentur: quæ vincula, *ambigunt quodammodo inter Naturam corpoream & incorpoream.* Corpora tamen sunt, sed spiritualia: & spiritus rursus, sed corporei. Hujusmodi corpora qua vicinitate spiritibus Architectonicis & Radicibus vel seminariis Principiis proximè cohærent, Primæ Materiæ appellatione à Philosophis insignita sunt. Videor jam in lithurgia abstrusa Generationum versari, & fores Naturæ hæc interpretatione plurimis aperuisse. Reliquum fuerit Generationum ordines subicere, & exemplis abditam hanc contemplationem, quantum fieri potest illustrare. In globo inferiori, in quo duo Elementa conjuncta conjugium efficiunt, insignes Generationum differentia occurrunt, Animalium, sc. Vegetabilium & Mineralium: quæ seminum & Elementorum varietate Generationum diversos processus obtinuerunt. Quamvis de Mineralibus ambigunt multi, vivant ne & crescant. Item, an vitali semine generentur, vel potius fortuito corporum ac Atomorum congressu cohæreant. Quibus respondimus antea, & mox planius responsuri sumus, demonstrata eorundem Generatione. In Animalibus distinctum est semen maris & femine: ideoque mutuo con-

gressu junctis seminibus concipiunt & pariunt. Generatur verò seminalis hæc materia, non in testiculis, non in cerebro, non in spinali medulla, non in partibus similaribus, non in visceribus, non in sanguine: *sed ni balsamo illo animali, in vitali illo Sulphure, in spiritu vita, in Mumia, in radicali & Prima materia animalium, de quo plura diximus in secundo Capitulo hujus libelli. Hic Balsamus, hæc Radicalis materia, universam Anatomiam totius animantis occupavit.* Nec cordis, cerebri, hepatis, vel testium domiciliis clauditur, quamvis & illæ partes ut Principes & Radices, plurima validæque virtute hujus Balsami perfundantur: sed carnes, ligamenta, ossa, nervi, tendines, arteriæ, venæ, humores, & quidquid in animalibus continetur, officiis & actionibus accommodatum, universa, potestate, & præsentia hujus Balsami vivunt vigentque. Ita enim antea docuimus, tincturis & impressiõibus omnium partium pollere. Ipsa enim earundem substantias, figuras, situs, magnitudines, in prima generatione fabricavit. Hæc spiritualis materia imprægnata turget, & Paroxysmum profert ante fluorum emissionem: idque in quibusdam animalibus statis temporibus. Sunt enim certa quædam tempora in omnibus ferè animalibus, quibus gravidæ hujus materiæ efflorescentias, & impetus præcedentes, alienata quasi à sensu Mente (tanta est fluorum potestas) ostendunt. Hominibus propter Speciei nobilitatem & Individuorum multitudinem in mundana revolutione præfinitam, tempora hujusmodi non sunt attributa: Sed hyeme, æstate, vere, autumno, æquè imprægnatur, turget, floresque emittit seminalis illa materia. Hic flos, verum est semen Animalium. Principium enim est, & continet in se spiritus Mechanicos totius Anatomix potentes, Ex hoc fonte prodit semen, quod nec crudum est nec imperfectum, ideoque neque digestionem neque elaborationem egens. *Materia vero seminalis, quæ in testiculis & membris Generationi dicatis continetur, & ipsa non levi potestate & præsentia toties jam dicti Balsami viget.* Consensum præterea & conspirationem cum Balsamo vel seminali humore reliquarum partium totius Animalis obtinet, eodemque temporis momento florescit, turget & Paroxysmos habet. Sed hanc materiam cruditati & imperfectioni subjectam, Generationis membra, elaboratione & debita digestionem, ad maturitatem producant. Talem enim testam adjungere oportuit semini: & corpora illa prima, tam tenera & fluxibilia, à spiritibus & Generationum Principiis contineri, cogi & Signaturis partium opportunis vestiri debuerunt, Alioquin irrita futura esset Generatio, idque non spirituum

tuū & Principiorum fugacitate, sed corporum imperfectione debilitateque. *Hæc est vera seminis origo & natura in Animalibus.* Hippocrates quoque ex validissima Radice totius animalis, semen derivari hoc indicio testatus est: quia tantilla materia evacuata, tantæ fiant in corpore mutationes, & tanta virium jactura. *Validius autem in corpore nihil est Balsamo, vel vitali Sulphure.* Alii dixerunt, & rectè, *semen ex toto non mole sed viribus secerni.* Si cui arteriæ qui ponè aures sunt resecantur aut exurantur, si quis viscerum principalium imbecillitate vel morbosa dispositione teneatur, huic quoque languere Balsamum & spiritum vitæ necesse est, neque fœcunda imprægnatione ad Generationem florescere: multus est Aristoteles in hoc, ut ostendat semen ex alimento confici. Sed quid miratur? Ex iisdem nutrimur ex quibus constamus. Nutritionis vero modum non satis exposuit. Interpretes & Medici eum secuti, quia corporibus facultatum causas detestando errore ascripserunt, alimentum quoque corporeum adhibuerunt. Sed longè alia est Nutritionis ratio. Etenim non solum animalia, sed plantæ quoque, subtilissimis spiritibus, non corporibus nutriuntur: spiritibus tamen ex quibus coagulatione, in Naturæ lithurgia corpora tandem constitui possunt. *Spiritus sunt qui esuriunt & sitiunt, qui attrahunt, expellunt, concoquant, consumunt, & omnes actiones naturales perficiunt.* Hæc in sequenti Capite latius explicabuntur. Reprehendunt nonnulli Aristotelem, quod testiculos ad seminis confectionem & generis custodiam principatum habere non concesserit, sed melioris duntaxat usus gratiæ conditos esse: eo argumento, quod quædam animalia, ut serpentes, & pisces omnes, semen fœcundum profundant, quibus tamen testes à Natura denegati sunt. At certè si seminis naturam & originem, quam hætenus exposuimus percipissent, varietate Balsami & seminalis humoris in animalium diversis generibus animadversa, intellexissent, quæ seminalem materiam obtinuerant crassam, lentam, externis injuriis resistentem, ut serpentes, pisces, Insecta omnia, in iis testium usum supervacaneum fuisse. Nec enim verum est quod prodiderunt ipsi, semen in testiculis generari: absurdum est quod addunt, formam eam à qua semen est & appellatur, ex iis prodire. Interdum con jecturis veritatem attingunt: sed confestim in errorum Labyrinthos corporum ponderibus gravati relabuntur, quia Mechanicos rerum, processus nesciunt.

Quæ Animalia sine manifesta seminis excretionem generant, ut purpuræ, anguillæ, ranæ, Insecta plurima, ea omnia mutuis amplexibus, florem illum

illum Balsami, spiritusque Mechanicos in Matrices & Generationum diversoria demittunt. Ibi materiam consentaneam amplexantur, continent, cogunt, diducunt, formant novam, attrahunt, & omnia absolunt Generationi necessaria. Quod manifestas vias corporum in his & similibus Generationibus, ac naturalibus functionibus Atomistis demonstrare non possumus, excusamur Hippocratis autoritate; qui consensum & conspirationem Naturæ ubique celebrat, affirmans *nullam viam Naturæ difficilem, omnia patere, etiam per ossa abscessus fieri.* Quis spiritibus & seminariis Naturæ Rationibus fores obfirmare poterit? *Ubi erit Cadaver congregabuntur Aquila.* Sunt & animalia, quæ fecunda multiplicatione, Individuorum copiam producere debuerunt: in iis sinus & diversoria plurima in matricibus & Generationum locis formavit Natura. *Minima enim gutta seminis universam Anatomiam totius speciei continet:* quia spiritus Mechanici & Principia Generationum à dimensionibus & corporum angustiiis excipiuntur. Neque existimare debemus in semine partes esse dissimiles, quamvis similari specie represententur, ita quod aliud sit corpus cerebri, aliud cordis, aliud hepatis, diversum lienis, pulmonum, ventriculi, carniū, venarum, arteriarum, ossium, nervorum, &c. Sed hanc multitudinem temporis progressu ex uno semine exituram, non mole, non corporum multitudine, æstimari oportet: sed Donorum, Rationum, Scientiarumque varietate, qua pollent spiritus Mechanici. *Tanta est spirituum potestas; ut si Scientiam habuerint cordis, ex alimento attracto cor conformabunt, si cerebri cerebrum, si hepatis ex eodem alimento hepar, carnes, venas, ossa, nervos, arterias, oculos, aures, & universa membra, quæ ad animalis constitutionem concurrere oportet: idque debito ordine definitisque temporibus.* Ea enim perfecta est Scientia, potestate plena, quam in Natura vigere clamant & contentur Creatura omnia. Ita qualibet herba refert presentem Deum. Ita hac Scientia sunt, proportionēs, numeri, mensura, quantitates, qualitates, figuræ, Elementa, & tria corporum Principia consentanea: talis Mercurius, tale Sulphur, tale Saturnus, consensus, ordines, temporum prædestinationes, & omnia quæcunque ad Mechanicam artificiosamque Generationum lithurgiam requiruntur. *Hoc est lumen Naturæ, cujus toties apud PARACELSUM mentio fit.* Ob hanc scientiam, Naturam dicebat Hippocrates esse *ἀπαιδευτήν*, id est à nullo edoctam. Æquivoce enim nostra scientia cum illa confertur. Nos sensibus, Memoriis, Rationum deductionibus & multa sollicitudine præcepta ordinate conjungentes, scientias acquirimus; illis inata est, non veluti

veluti Accidentia subiectis innaſcuntur : ſed eſt ipſa earum Eſſentia. Vita, poteſtas, ideoque validius agere poteſt. Noſtra mortua eſt, ſi cum hac conferatur. De his alibi copioſius agemus. Diverſos nunc Generationum modos in animalibus adducemus. Perfeſta animalia ex proprio ſolū ſemine generantur & generant. Validum quippe ſemen obtinuerunt, in ævi conſumptionem duraturum utcunque Tranſplantationum calamitoſis mutationibus variabili Individuorum ſorte in horas agitur. Quædam verò animantia ex Parentum ſemine & ex Putredine, ut loquuntur Philoſophi, æquè generantur, ut mures ex quiſquiliis putrefactis, & ex Parentibus apes ſi Virgilio credimus. Hanc Generationem & ex Putredine ſemen nanciſcitur, PARACELſUS interdum appellat ex Cagaſtro : alteram verò ex Illiaſtro. In illis ſemen eſt, Vegetabilium natura finitimum. Fundatur enim in Mumia quadam vitali, lenta, tenaci. Ideoque externis impreſſionibus reſiſtere poteſt, & ad tempus latere, ſive ſub dominio alterius ſeminis, ſive in Matricibus ſopitis & frigidis : ſolum verò, vel externorum Aſcendentium radiis excitatum, proferit ſignaturas ſpeciei ſuæ, animalque conſtituit : & Scientiæ tam diu occultatæ illuſtria documenta demonſtrans, Naturæ mirabilem poteſtatem venerari nos jubet : Ita vermiculi in caſeis generantur, & crabones in excrementis equorum. Ab his diverſa eſt eorum Animalium Generatio, qua conſueſta non ſunt, nec ſemen in Natura habent ſtabile, neque ex Parentibus, neque ex Cagaſtro. Horum ordine continentur locuſtarum genera quædam, & eorum Inſectorum quæ ſingulis ætatibus nova & inaudita ſpecie mortalibus oſtenduntur : ea quoque Animalia de quibus narrant Avi noſtri, nos verò ſomniantis inſcitiz & credulitatis injuſtè eos inſimulamus, ut Unicornu, Phœnix, & Serpentium quædam fabuloſæ ſpecies, multorum arbitrio. Ab horum explicatione quia Mundanæ Anatomiz limites excedunt, hoc loco excuſamur. Generantur & Animalia quædam non ex proprio ſemine, ſed ex ſeminibus diverſorum Animalium confuſis commixtiſque, quæ tamen naturæ ſocietate conſpirantia, iſdem temporibus ad Generationem impetus habent, Ut equus & aſina mulum, canes & lupi, perdiceſ & gallinæ : de quibus commodius in Tranſplantationum doſtrina, quam mox ſubjungemus, agetur. Qui plura de his rebus cognoscere voluerit, & Naturæ hanc varietatem, utili & honeſta contemplatione accuratius perſcrutari, Pliniū. Ariſtotelem, Theophrastum, & reliquos Philoſophos conſulat. Noſtri non eſt inſtituti Hiſtorias Animalium hoc loco enarrare : ſed fundamentis Generationum propoſitis, & ſeminis explicata natura, Exempla hæc, clarioris doſtrinæ

causa, adjunximus. Semen itaque, quale descripsimus, utero conceptum, vel locis Generationi consentaneis, vivit. Vitalis enim Balsami, Mumia, Sulphuris, &c. portionem obtinuit. Motu quoque manifesto vita inditia ostendit. Contrahitur enim, & in globum cogitur, vitalique pulsu, quamvis exiguo ac tantulo semini proportionato moveretur, alimentumque spirituosum attrahere incipit. Matrices interea contrahuntur, & amico favore artissimè semen complectuntur. Tum vero Scientia & Dona spirituum ordinate explicantur: Elementa constituuntur ex alimentis consentanea, signaturis debitis ornata, ex quibus tria prima corpora, cordis, cerebri, hepatis, venarum, arteriarum, ossium, ligamentorum & ceterarum partium separantur. Non quia in Elementis tales jam contineantur partes vel partium portiones, non quod ex ossibus, venis, arteriis, nervis, ex corde, cerebro, hepate, Elementorum exordia profecta sint: neque quod in semine contineantur totidem spiritus ex similibus Parentum partibus derivati: sed quia tot talesque Scientiæ, in Generationum Principiis & Mechanicis spiritibus latent. Itenim ex iisdem Elementis, cor, cerebrum, hepar, nervos, venas, arterias, ossa, conformare noverunt: quemadmodum, ex eodem pane canis canina membra producit, homo humana, & cetera animalia similiter. Nec propterea confundimus Patientium & Agentium consensum. Scimus, & ubique requirimus alimenta, Elementa, corporum Principia domestica. Sed hoc tueri consilium est, numerum, substantiam, situm, conformationem & signaturas omnes, non ex Maria, sed ex Efficiente proficisci. In minimis & abjectissimis animalibus tanta Naturæ mysteria indies celebrari, quotusquisque non admiretur? Etenim totius Universi creationem æmulantur, ex invisibilibus propemodum Principiis, vi Scientiæ innatæ & Vocis, Elementorum familias primum disponunt: Mox trium Principiorum, tot, tam diversas proprietates, officiis destinatis accommodatas separando, partes constituunt debitis figuris ornatas: idque ordinata proportionem, definitis temporum spatiis. Asserunt nonnulli similes partes, ex seminis materia produci: ali vero & augeri ex materno sanguine illabente. Quibus jam sæpe respondimus, negantes corpoream & nimis materiata seminis naturam. Ipse Hippocrates, & Aristoteles quoque, materiam illam, seminis testam esse confitentur, & spiritibus moveri incipientibus, in membranas, putamina, & tegumenta cogi. Crassior enim est, quam ut alimentum primum esse possit spiritibus. In prima siquidem compositione & genitali motionem, Elementa sibi adsciscunt, & tria Prima, subtilissima, tenuissima, prope

prope invisibilia: ex quibus, progressu temporis, solidiora & magis corporea constituunt. Primis enim corporeis præparatis, & idoneis signaturis qualitatibus insignitis, eorum ministerio solidiora adjungunt. Jam rudimenta viscerum apparere incipiunt, locis separata: jam canales adjunguntur per umbilicum utero alligati, vel vasa his finitima iisdem usibus accommodata: jam solidiori alimento per dictas vias attracto cuncta benigne nutrita augentur ad justam & desideratam fœtus absolutionem. Hæc omnia copiosius clariusque in Generatione humana mox proponuntur. Ad Vegetabilium Generationem accedamus. Horum Generatio manifestior est. Balsamum enim obtinuerunt non ita spirituale, sed magis corporeum & sensibus obivum. Semina eorum corpus habent viscosum, lentum, & crassum. Et quamvis antea declaravimus, spiritus illos Generationum authores à corporibus non contineri, sed continere potius corpora: nihilominus usitatis loquendi formulis utimur, & posthac sæpè utimur. Hos enim labores iis destinavimus, qui Philosophorum profundas & infuetas locutiones nondum capere possunt. Itaque vulgato more dicemus, spiritus Mechanicos, Generationum Principia in talibus vel talibus corporibus contineri. Etenim videntes corpora, & animata esse conjectantes, quia vivant, vitales que actiones edant, haud sine ratione spiritus vitales Animam ipsam haberi à corporibus dicimus: idque in Vegetabilibus & Mineralibus manifestius conspicitur. In iis enim spiritus architectonici, cum corporibus, sed non crassis illis & externis, conjugium fecerunt constans & duraturum. Ideoque Animam esse in corpore putamus. Verum si Anima videretur & sentiretur, si spiritus illi oculi sub aspectum caderent, vitæ copiam, potestatem & Scientiam corpora undique complectentem, & usque ad extrema æqualiter se porrigentem, terminosque corporibus constituentem, animadvertentes, utique in corporibus esse Animam spiritusque vitales negaremus: sed vicissim corpora ab his haberi, contineri & gubernari. Hanc admonitionem non his solum inquisitionibus, sed & aliis nostris contemplationibus communem esse volumus. Interpretationum varietate, nominum copia & claritate, *λογισμῶν* quo ad possumus fugimus. Diximus seminalem materiam Vegetabilium, in corporibus crassis & solidioribus habitare: idque collatione facta ad Animalium semina. Hæc corpora non sunt illa externa, crassa, concreta, quæ sensibus obvia sunt: sed interna, spiritualia. In corporibus tamen, quæ actionibus Artificum subjiuntur, in quibus vigent virentque *Δυνάμεις* Hippocraticæ Chæronia PARACELSI, in quibus colorum

rum & saporum virtutes, imò colores & sapes ipsi proximè fundantur. Atque hac est primà Materia Vegetabilium in quo deluescent spiritus Mechanici totius Anatomia uniuscujusque speciei potentes. Continetur verò Materia talis in Anatomia totius Plantæ, in radicibus, surculis, stolonibus, foliis, caulibus, floribus, & in ipsis fructibus ac seminibus proprie dictis. Quia hæc omnia benignitate Balsami & Mumie perfruuntur. Sed tamen in quibusdam particulis, quæ testium analogiam obtinuerunt perfectius præparatur, tutiusque conservatur adversus externarum impressionum injurias, tales partes feminalem materiam propagatione traducunt. Nam ut Animalibus, ita in Plantis quoque diversi sunt propagationum modi. Quædam enim seminibus vel granis, rotundis, oblongis, trigonis, quadratis, &c. propagantur: quædam surculis, ut vites: ramis, ut salices, Populus: radicibus, ut bulbacea ferè omnia, allium, porrum, cæpe, pæonia. In nonnullis Gumma & Resina effluentes semen & vitale Principium custodiunt, ut in lilio & equapio narrat THEOPHRASTUS. Plurima avulsione, ut Brassica, Ruta, Ocimum, &c. Spontanea etiam Plantarum generatio ad Naturam maximè accedit. Vitale enim Principium in his Matricem occupavit constantem, terram ipsam. Itaque anniversariam fructuum, foliorum, caulium, & similium partium dispensationem statutis temporibus proferentes, debitum Naturæ persolvunt, cælestiumque syderum Revolutionem imitantur. Verisimile quoque est sponte provenisse omnia: nisi ea quæ Transplantationum industria & urbana cultura usibus necessitatibusque humanis inventa sunt. Ita nascuntur herbacea omnia. Quædam non nisi in aliis nascuntur, ut viscum, Agaricus. Polypodium & in terra & in arboribus innascitur. Sunt & Plantæ quæ radice, semine, caule, avulsione & sponte proveniunt. Hanc fecundam Generationum naturam efficit vitale Principium, corpori eoque robusto, firmo conjugio devinctum: Transplantationum quoque & culturæ facilem obedientiam. Ita enim semina Vegetabilium à Natura condita sunt, ut actionibus sensibilibus hominùmque arbitriis submittantur. Quæ providentia vivendi quædam necessitatem mortalibus mitigavit: de quibus in Transplantationum doctrina mox agetur. Tempora horum seminum ortus & emergence diversæ sunt. Quædam enim Vere, quædam Aestate, quædam Autumno germinant, pariuntque, citius nonnulla, alia tardius. Confluentiam Naturæ admirabitur, qui certorum syderum ortu occasuque impetus hos in Plantis contingere animadverterit. Hinc Decretoria sydera vitium, oleæ, frugum, arborum, ab antiquis scriptoribus appellata sunt illa, quæ

quæ iisdem temporibus oriuntur vel occidunt, hoc est, matura fecunditate fructus suos emittunt, quibus dictæ Plantæ turgent, vitali eorum Principio, Balsamo, seminali materia florescente, & ad germinationem impetus ciente. *His enim temporibus impressiones facilius recipiuntur, quia aperta sunt omnia, radiisque patentia.* Quæ enim latent, radiorum impressiones non recipiunt, nec confluunt. Hæc Naturæ mysteria diligenter addiscere oportet. Nam præterquam quod Sterilitatem causas & prædictiones demonstrent, etiam in Morborum generationibus, temporibus, & circuitibus, plurima obscuritatibus & erroribus involuta manifestè explicant. Conferentes enim externorum seminum habitudinem, tempora & Ascenduntia, cum internis feminibus in corpore nostro latentibus, quæ ut plurimum externis consentiunt, veras causas anniversariorum morborum inveniemus. Et ita explicari debet tertius liber Aphorismorum Hippocratis, non ex imaginariis humorum fluxionibus. Postremò, *loca idonea requiruntur in Generatione Vegetabilium.* Hic segetes, illic veniunt felicius uvæ. Sunt etiam Plantæ quæ peregrinari non volunt, ut de Sylphio loquitur. Ita vitis amat colles: Salix, populus, Iysimachia, persicaria, Aquas; trifolium, satyrion, herba Paralysis, Prata: thymus, origanum, chamæptis, polium, Montes, &c. His omnibus amicè conspirantibus prospera succedet Generatio. *Quæ semina propagantur, locis consentaneis recepta foventur, & custodiuntur, quousque tempora germinationis, ortus ascensionis, adfuerint.* Tum verò corticibus & putaminibus disruptis alimentum copiosius crassiusque attrahunt. Antea enim per occultas vias spirituale propemodum nutrimentum hauserunt. Ipsa quoque semina Naturæ providentia alimento ad digesta usque germinationis tempora suffecturo, donata sunt. Cujus præsidio (quamvis ociosa videantur, inania & mortua) custodita, tarda digestionum tempora patienter expectant. Interea digestionem & fecunda fermentatione, vitale Principium corroboratum fructuum felici multiplicatione, somni quietisque diuturnitatem justissimè compensat. Nam quæ subito ad germinationem festinant, neglecta fermentatione, evanida fructuum progenie, festinationis pænas luunt. Ita Hyemes optavit serenas Virgilius, ut frigoris beneficio ligata semina, robusta fermentatione virescumerent, ac radicibus deorsum jactis, alimentum haurire inciperent, priusquam à calore evocaretur germen. Elementa nunc constituantur domestica, conspicua varietate distincta quæ antea occultis disserentiis soli Scientiæ notis delitescabant. Nunc verò destinatum officium

H 3

explen-

explentes tribus corporum Principiis, ex quibus univ[er]sa partes constituuntur, fomenta Donis & Scientiis suffectura abunde suppeditant. Delitescabant & hæc quoque Principia fecunda unitate seminis vel Scientiæ comprehensa, nec ulla varietate sensibus manifesta, antea deprehendebantur distincta: nunc verò Generationis progressu, proprietates & Donorum varietates quæ in seminum Principiis continentur, ostensura, manifestis corporum differentiis explicantur. Atque hoc pacto ab Elementis illis communibus corporum Principia distinguuntur. Illorum enim officia communiora sunt, & Materia rationem obtinent: horum verò proprietatibus & actionibus destinata; mirabili proprietatum potestate vigent: Nihilominus in dissolubili nexu ita Elementis corporum Principia coherant, ut Natura legibus nunquam: vix ulla Artis industria, idque non perfecte, separari possint. Quia verò constantiam & soliditatem requirebant corpora, in mundanam scenam proditura, Principio tali opus erat, quod coagulatione corporibus opportunam soliditatem tribueret: id Salis officium obigit. Hujus beneficio Christalli congelatio, Metallorum robur, Adamantis durities, ossium, carniū, arteriarum, viscerum, arborum, herbarum consistentiæ absolvuntur. Alii Elementorum frigiditatibus & caloribus, multa in vanum molientes hujusmodi officia temerè adscripserunt. Salis est illa proprietas, virtus, Scientia, Donum, non frigoris. Salium Anatomiam investigantes, Coagulationum differentias deprehendimus: frigiditatis verò Anatomia sterilis est. Porro, nisi plura adjuncta fuissent corporum Principia, soliditate, & concreta salium proprietate ligati spiritus Mechanici, Actionum Principes, officiorum injusta committerentur dispendia. Adjunxit idcirco Natura Principium, quod copiosa, pingui, viscosaque substantia, Salis propositam congelationem benigna commixtione temperaret. Sulphuris officium id fuit. Adhuc desiderabatur tertium, quod assidua irrigatione, duo priora, actionum frequentia, ad siccitatem & senium in horas festinantia, foveret, fluidaque & labili substantia mixtionem omnium facilem redderet. Hac necessitate adjunctus est Sali & Sulphuri Mercurius. Tria hæc corporum omnium Principia, officiis, proprietatibusque plurimum disjuncta, unam similemque corporum substantiam sensibus exhibent: tanta est Mixtionis virtus: actionum tamen diversitate, Artis beneficio, sæpe ipsius Naturæ, hæc tria distinguuntur, & separata sensibus repræsentantur. Miscentur autem non solum corporum Principia, sed etiam Elementa: non corporea illa postremaque, verum spiritualia & Prima: in quibus Dimensionum penetrationes locum non habent: idque spiri-

spirituum Mechanicorum virtute, de quibus mox latius in Mixtionum & Transplantationum contemplatione. Huc nos avexerunt trium Principiorum officia, ut obligatam solveremus fidem. Pollicebamur enim in doctrina Principiorum nos in Generationum artificiosa lithurgia, necessitatem & conditiones eorundem demonstraturos. Nec dubium est, quin adhuc contradictiones & dubitationes multæ relictæ sint: quas omnes, vel plurimas certè explicare possem, nisi Compendii ratio obstaret: & lege Philosophica cautum esset, ut & ipsis Discipulis quadam sint relictæ tadia. Ita enim probantur ingenia, ac idonea redduntur Philosophorum Scholis. Ad propositam contemplationem revertamur. Semina in suis Matricibus, fermentatione, digestionemque roborata, & alimentorum benigno affluxu constitutis Elementis & Principiis, iisque potestare Spirituum opportunè mixtis, validioris alimenti necessitas assidue incumbit. Itaque Radicum rudimenta, fibris & meatibus, umbilicorum vasis similibus, constituuntur. Jam folia, caules procedunt: jam stipites, fructus, semina, & reliqua omnia signaturis suis ordinatè vestita, Scientiam Naturæ, hominibus ostundunt. Fecunditatis & multiplicationis causam, hoc est, cur ex uno grano tot proficiantur, Hippocrates, ut & alia multa præclara ad hanc doctrinam pertinentia, clarissimè demonstravit in libello de Natura Pueri, his verbis. Πολλὰς ἐξ ὀλίγων διὰ τοῦτο γίνεται, ὅτι ἑλκεῖται τῶν φερομένων ἐκ τῆς γῆς δύναμιν πλεονάζουσα, ἢ ἐξ ἑνὸς γενέτω. καὶ ἐκ ζῆς καὶ παρ' ἐν αὐτῇ κατὰ ποσὶν, &c. Hoc est: Ex paucis multa contingunt, quia universa terra nascentia copiosorem virtutem ex terra attrahunt quam secum à Parentibus attulerunt: deinde, quia non semel effervescent, sed sapientius, &c. Restant Mineralium generationes à prioribus plurimum differentes. Non enim seminis beneficio, Individuorum propagatione speciem custodiunt: sed semina eorum & species in seminariis Naturæ Rationibus vigent: ab illis destinatis & præscriptis temporibus prodeuntia, terminum Naturæ expectant, sine ulla liberorum hæreditaria successione, quorum ministerio æternitatem æmulari possent. Nihilominus species eorundem non defecerunt, nec in ævum deficient. Conservantur enim in Nocte illa Orphei, Scientiarum & vitæ ubertate repleta, in Illiastro THEOPHRASTI, in seminariis Naturæ Rationibus, in Orco Hippocratis, in locis & Elementorum beatis recessibus, ubi sine defectu & solitudine destinatum expectant fatum, singula suis temporibus: quibus instantibus, vitalibus Principiis & spiritibus Mechanicis comitata Mundanam Provinciam ingrediuntur, loca & alimenta consentanea petentes: Hæ Generationes
difficiliter

difficiliter ab iis comprehenduntur qui Cabalisticos fontes non degustarunt, & in Philosophia adepti etiamnum ceciderunt. Quibus ut hic multa candidè communicavimus, ita in Contemplationibus nostris de Vita longa, harum rerum obscuritatem sine invidia aperiemus. Nihilominus & horum generationem prætermittere hoc loco non licet. Nam sine hujus notitia, demonstrari non possunt novorum morborum generationes, ut morbi Gallici, Pestis, sudoris Anglici, prunellæ Ungariæ, & cæterarum Epidemiarum. Scio plurimos Mineralium generationem fortuitis externarum causarum efficientiis ascribere, non internis & seminalibus Principiis. Vitam quoque ab universo hoc genere, eodem errore abstulerunt. Si maturitatis tempora considerassent, si Paraxysmorum ratas periodos, si Venarum ordinatas progressionem, corporum consentaneas compositiones, saporum, colorum tam efficaces virtutes: vitam, aliaque viventium symptomata, ætatum discrimina, crudelitatis & maturitatis tempora, morborum & mortis necessitatem, & his utique concessissent. Deficiunt enim, & singulis ætatibus nova prodeunt: quamvis multa mortales lateant. Si Principia ostendunt vitalia Scientiis & Donis instructa, idque proprietatibus tam multis, tam potentibus, neque vita, neque Scientia hujus comite, destituentur. *Semina eorum in suis Abyssis delitescunt ubi digesta tempora expleverint, cum spiritibus Conjugium ineunt: cum spiritibus dico, ex quibus corpora tandem constitui possunt. Qui quamvis initio invisibiles sunt, corporum tamen Principia, Elementa, & ornatum omnem in se continent.* Sed quo pacto, loca, matrices & domicilia opportuna invenient? Novit equus præsepe suum. *Avis nidum: & exemplum Aquilæ sæpe adduximus.* Vires superioris Naturæ, Scientiæ Rationes ubique penetrant, ubi confluentiam invenerint, Anatomie suæ rudimenta constituentes, Donorum varietate Scientiæ abditam majestatem proponunt, lætanturque se in vanum non venisse: præsertim si quod volunt Generatione absolvere possunt, sine aliorum resistantia. Matricibus & locis nunc repertis, corporum visibilium magisque concretorum commercium admittunt, alimentumque attrahere incipientes, vaporosos fumos pro spiritibus ostendunt. Tunc verò Elementa constituunt, non communia illa, sed Mineralibus propria: corporum quoque Principia similiter, hoc est, Sulphur minerale, Sal minerale, Mercurium minerale, ignem minerale, Aërem minerale, Aquam minerale, Terram minerale. Quibus absolutis, coagulationes, colores & qualitates omnes, quæ in vitalibus eorundem Principiis vigeant, proferunt, metalla-

que

que demonstrant, vel mineralia his finitima. Nec majus est artificium in formis & figuris Vegetabilium sive Animalium, quam in colorum, saporum, odorum, coagulationum, actionum, proprietatum (quæ in his præcipue vigent) ordinata explicatione. Æquè enim mirari licet *colorem Saphyri, duritiem Adamantis, perspicuitatem Chrystalli, pulchritudinem Auri, ac organa vesperilionis.* Quinetiam in his formæ naturales non sunt prætermissæ. Aliis enim formis coagulationes Vitriolorum, aliis Marchasitarum, aliis Nitroforum, aliis Chrystallorum, Berillorum, & Adamantis representantur. Est & hæc insignis proprietas in generatione Metallorum, quod semen obtinuerint commune hermaphroditicum, multis Speciebus consentaneum: quæ ratione temporum, locorum, & aliorum Ascendentium in generationis administratione confluentium, superatæ vel superantes, specierum individuas signaturas constituunt, & peregrinorū affinitate nativas familias deferentes, regressus faciles, difficileque experiuntur. Animalium perfectorum semina, sexuum distinctione separata diximus: Insectorum verò obscuris sexuum notis contineri. In *Vegetabilibus*, quamvis maris & foeminae testimonia sæpe deprehendimus, nihilominus in *universum semen eorum Hermaphroditicum concessimus.* At vero in *Mineralium semine non solum sexuum non explicatam varietatem, sed etiam Individuorum, etiam Specierum, in uno eodemque semine unica Principia magna Naturæ potestate admirati sumus.* Hac de causa Generationem habent Transplantationi vicinam. Etenim si loca occupaverint immundo Sulphure, ut loquuntur Philosophi, turgida, immundas Metallorum species producent, plumbum, stannum, ferrum, cuprum, Sulphurum & Salium admixtorum indolem ostendentes. Horum Ascendentium impressione, mutantur seminum Elementa & corporum Principia, novaque conjugia admittunt. Quod si loca invenerint non ita valida externorum Ascendentium potestate repleta, vel consentaneorum virtute perfusa, fiet quod volunt. Alimentorum amica ubertate nutrita, Elementa constituent, & corporum Principia. Occulta deinde & vitali Digestione, coagulationes, colores, perspicuitates, & reliqua Donorum insignia absolvant, Individuaque perfecta hoc pacto proferant. Hæc est Generatio Auri & Argenti: cujus operositatem occulto quodam sensu, ut arbitror, olfacientes mortales, insaturabili & impia fame, æqui & iniqui neglecto discrimine, universas Naturæ leges confundunt, ut alimento tam exquisitè præparato, tandem potiantur. Sed justo Naturæ decreto ligatum alimentum, possessoribus benignum, & vitale fomentum denegavit:

vit: multis desperatam tabem attulit. Gemmarum originem, quia Metalla videntur esse transplantata, posthac aperiemus. Quæ verò propriè Mineralia dicuntur, ut Sales, Alumina, Sulphura, Vitriolata, Thermae, & his finitima, ab iisdem fontibus ortus sui primordia ducentia, eodem quoque pacto ad Generationem procedunt. In his novarum Generationum illustria exempla deprehenduntur. Efflorescentias quoque habent, & Paroxysmos Cœlestium fructibus & Generationibus non dissimiles. De quibus plura in eorundem expositione adducemus. Eadem est ratio arenarum, lapidum, glarea, sabuli, cretae: quamvis & ipsa Metalla Mineraliaque omnia, horum corporum & similium adjuncta habeant rudimenta, tanquam siliquas & cortices in quibus delitescunt. Nec prætermittenda est Aquarum & Fluminum generatio. Quæ & ipsa Principia habent, seminaque: sed sine conspicuis saporum vel odorum virtutibus. Ideoque corpora obtinuerunt, Elementorum condiciones potius quàm seminum referentia: ut in corporum differentiis annotavimus. Qui singularum specierum proprietates exactius cognoscere voluerit, libros THEOPHRASTI PARACELSI de Generatione Mineralium perlegat: item de Procreationibus Elementi Aquæ. Ipse quoque Fodinas, Thermas, & Salium naturales officinas accedens manifestius externa rerum accidentia, dispositiones, & condiciones conspicatus, majori cum fructu, causas & invisibile Naturæ lithurgiam postea cognoscat. Atque hæc de Procreationibus inferioris globi dicta sufficiant. Superioris verò globi generationes longè aliter se habent. Neque enim Animalium generationi assimilantur, nec seminibus recurrunt anniversariis, nec corporum tarditate fructus remorantur: & cum ad generationem procedunt, fructus edunt instabiles. Itaque proprias habent generationum leges. De Cœlestibus imprimis agemus. Facilius enim demonstrantur quia corpora obrinuerunt sensibus obvia, in quibus fructuum dispensationes absolvuntur. Et humana ingenia ita sunt affecta, ut ubi corpora visibilia desiderantur, ibi virtutem potestatemque Naturæ protinus silere arbitrentur: quare Aëreas generationes difficilior assequuntur. Diximus antea, in Elemento cœlesti vel Firmamento, Individua perfecta contineri: in quibus partium dissimilis confluxus, dissolutionem non molitur: sed stabili vigore in ævum persistunt. Nihilominus vitali spirituum copia vigent: ex quibus statis temporibus fructus produci possunt, inque corporei. In inferiori globo etiam perfecta quedam Individua vidimus, ut Gemmas, Aurum: sed in his corporum vinculis ligati spiritus, actionum potestate, viva argumenta demonstrare non poterant. Cœlestia.

Iestia verò fructuum assidua dispensatione viventium officia demonstrant, Tempora quoque digesta (vitæ infallibilia signa) in his deprehenduntur. Silent enim & fermentatione spirituum, vigorem promovent, donèc ad exaltationem & maturitatem pervenerint. Tum verò evacuantur, & spiritali ac invisibili, sed copiosa fecunditate, in Aëris capacitatem delabuntur (*Unumquodque enim Elementum, non in propria, sed in peregrina regione parturit*) Ibi Scientiæ & Donorum varietatem explicant, consentaneis corporum vestimentis induti. Quamvis autem seminalem materiam in fructibus non relinquunt, veluti terrena: nihilominus in suis thesauris, vitale Principium Scientiis & Donis instructum in ævum possident, fructuumque fecunditate præscriptis temporibus recurrunt. Hæc Principia, hæc Scientiæ, proprietates & differentias cœlestium fructuum constituunt. Ita quædam stelle, ventorum generationibus destinantur: in quibus Scientiæ & spiritus Mechanici, talium corporum productrices latent. Inter has, aliæ Australes producant ventos, aliæ Boreales, aliæ Orientales, aliæ Occidentales. Quæ ut motuum diversitate, ita corporum quoque proprietate Scientiis & Principiis analogæ, dissident. Et quamvis, colorum, saporum, & odorum signaturas non repræsentent: consistunt enim in superficiebus, quæ tales qualitates sensibus exhibere non possunt: nihilominus impressionum efficientia testantur, & hæc, & alia virtutum insignia sibi non esse denegata. Caliditates, frigiditates, humiditates, siccitates, sensibus occurrentes, multos deceperunt, ut his nudis qualitatibus, actionum & proprietatum causas attribuerent. Ita Austri βαρῆγοι, νωθεοί, καρυβαρῆγοι, διαλυτικοί, ab Hippocrate dicuntur, non quia humidi & calidi: sed quia corpora eorum, proprietatibus Opiatis, Cicutarum, Solanorum, &c. instructa sunt. Antea enim diximus in fructibus cœlestibus etiam Melissas, Cicutas, Papavera, Mandrogoras, contineri. Formæ sunt dissimiles: actionum proprietatumque conspiratio, apud Philosophos similitudinem conficit. Rursus Aquilonis proprietates adjungit. ἢ ὃ βαρεῖον ἢ βῆχες, φάρυγγες κοιλία σκληραὶ, δυσχεραὶ Φρικώδεις ὀδύνηαι πλευρῶν σπῆλαι. Non quia frigidus & siccus: sed quia corpora Aquilonis proprietatibus berberizatis, acerosis, Acatiarum, imbuta sunt. Et quantumvis evanidi videntur ventri, manent tamen iis vestigia Donorum & divinæ Scientiæ: quod proprietatibus hisce, & motuum certis progressionibus demonstratur: Rursus stellæ sunt pluviarum, grandinum, nivis, fulgurum, tonitruis, serenitatis, turbinum, tempestatis & reliquorum Meteororum: in quibus

vitalia Principia & Mechanici spiritus eorundem fundantur, suisque temporibus ad Generationem procedunt. Sunt enim certa tempora omnium Astrorum, in quibus ad maturitatem perveniunt & fructus emittunt. In Luna manifestum est, singulis mensibus nova generatione fructus profert Parentum seminibus & impressionibus similes. Sic Plejades, Arcturus, Canis, Orion, sua habent Plenilunia & Interlunia. Quædam his in anno, orientia, scilicet & occidentia effervescentias habent & fructuum dispensationes. Quædam semel, ut Zodiaci signa. Nonnulla sæpius, ut & alia tardius. Quædam repentinas habent efflorescentias, ut Martialis sydera omnia: quædam verò moderatas: alia tardas. Rursus, quædam continuè efflorescunt: quædam verò certis Paroxysmorum repetitionibus. In his omnibus propemodum fructibus, quia saporum vel odorum manifesta discrimina non animadvertuntur, Elementorum proprietates magis representantur, quàm trium Principiorum idque ob salutem Animantium. Nam quæ sydera proprietatibus pollent, Principiorumque naturam æmulantur, ubi efflorescunt vel oriuntur, morbos Epidemicos leviores vel graviores producant. Horum perniciem tarditate ortuum benigniorumque confluentia mitigavit Natura. Quamvis tales resolutiones ad novarum generationum classes commodius referantur: de quibus in doctrina Transplantationum. De his plura habetis in libris Meteororum PARRACELSI: Et nos in Astrologicis Commentariis, de motuum & maturitatum Proportionibus, exactius aliquando hæc omnia interpretabimur. Aëreæ generationes planè sunt similes: quàm debiliores occurrant & moderatiores. Quamvis autem in Aëris regione non conspiciantur Astra, nihilominus & ibi stabili sede imposita esse vitalia generationum Principia, destinatis temporibus fructuum dispensatione effervescentia, præterquam quod rata & immobili Natura Providentia confirmetur, quæ singula Elementa Astris & seminibus ornavit, nec quicquam in rerum ordine vacuum vel deforme passa est, etiam fructuum resolutiones testantur. Sunt enim venti, tonitrua, pluvia, manna, theriacibini, rores, &c. quæ à potestate cælestium Meteororum, manifesto discrimine sejunguntur. Eodem pacto Astra vel semina inferioris globi, ut Mineralium & Vegetabilium radices, præter dictas generationes, in quibus seminum progressionem corpora constituunt seminibus ornata, etiam alias resolutiones cælestibus aëreisque similes obtinent. Ex quibus terræ motus, fluxus & refluxus marini, venti nonnulli Provinciales, & Meteora omnia, quæcunque ex superiori globo demittuntur, etiam hinc generationum exordia sumere possunt.

possunt. Idque non obscura potestate. Quippe in generatione Lunæ, ad cuius Interlunia, Plenilunia, Quadraturas, maturitates plurimorum syderum regulantur, & hæc inferiora Astra Tincturam imprimere possunt efficacem. Ex his quoque Resolutionibus, Sterilitates, Pestes, Endemii morbi, sæpè Epidemici dependent. Sed ne instituti nostri inmemores, latius quàm compendii ratio admiserit vagemur, universam hanc contemplationem, brevi verborum formula complectentes, finem huic Capiti imponemus. Itaque Generationem esse progressionem seminum asserimus: In qua, ex fontibus, abyssis & vitalibus Principiis, ordinata corporum explicatione, in hanc Mundanam scenam, definitis temporibus, progredientia, Individuorum Renovatione. Specierum perpetuitatem custodiunt: fierique in hac liturgia, ex invisibilibus visibilia, ex incorporeis corporea, potestate vitalis immortalisque scientiæ in universa Natura vigentis. Cujus efficientia Elementa & corporum Principia officiis consentanea, colores, sapes, odores, caliditates, frigiditates, humiditates, siccitates, magnitudines, situs, conformationes, consensus durationes, digesta tempora, & omnia corporum ornamenta, admirando ordine producantur: Diversos quoque Generationum esse Modos ratione Elementorum & seminum: Adeoque in quibusdam plane neglecta esse Sexuum discrimina: In nonnullis obscura Rudimenta apparuisse: In aliis verò Sexuum perfectæ separatione Individuorum proprietates manifestius explicatas. Nunc voti memores Genium quieto silentio placabimus. Cras ingens iterabimur æquor.

CAPUT IX.

De mixtione & hujus comite transplantatione.

Quicumque de Mixtionis natura, subjectis, progressu, terminis, cæterisque conditionibus hætenus differuerunt, Elementorum, Seminum, Principiorum proprietatibus, & Generationum legibus non satis antea comprehensis: eorum decreta usque a leo sunt obscura, dubia, incerta, falsa, puerilia, ut misericordiam potius quàm reprehensionem mereantur. Ii enim neglectis Naturæ operibus, dubitationes attulerunt extraneas, & Mixtionum modos proposuerunt, de quibus spiritus Mechanici Mixtionum authores nunquam som-

niarunt. In angustias primum reduxerunt Naturam, sola corpora & famosas il-
 las Qualitates, Caliditatem, Frigiditatem, Humiditatem, Siccitatem, pro-
 ponentes. His jactis fundamentis, ociosis dubitationibus, & terminos non ha-
 bentibus, inquirere cœperunt: an corpora, id est, Substantiæ Elementorum,
 ut ipsi interpretantur, vel Qualitates, id est caliditas, humiditas, frigiditas,
 siccitas, totæ totis permiscerentur. Quibus certaminibus tanquam Sisyphi
 faxis, ingenia nostra hætenus exercuerunt, & multorum etiamnum exercent.
 Vidi ego Philosophos quorum tecta nive cooperiebantur, qui universam vi-
 tam in his nugis consumserant: & tamen saxum in vertice collocare non pote-
 rant. Certè puerilius de multis differebant, quam ii, qui Philosophiæ titulos
 sibi non vendicarunt. Quòd si ratio uniuscujusque verbi ociosi reddenda est,
 quanta illis restabunt debita, qui vitam his usuris iniquè traducunt? Tales
 Quæstiones multas deprehendimus in tota eorum Philosophia & Medicina.
 In proposita verò dubitatione, post multas ambages, hæc sententia principa-
 tum obtinuit: Substantias *πᾶσι* *ἑλκ* non misceri: Qualitatum vero consumma-
 tam esse mixtionem. Mixtionis autem rationem hoc pacto explicarunt. Qua-
 tuor illas simplices Mundi Naturas, id est, Elementa paribus quodammodo
 viribus confluere: deinde se invicem in exiguas, non autem minimas portio-
 nes distrahere, eoque se ordine componere, ut sibi invicem arctissime cohæ-
 rescant, nihilque sensu notari possit, quod non ex quatuor earum portionibus
 constet: Qualitates verò totas totis permisceri, & mutua quadam repugnan-
 tia, sese vicissim ad moderationem redigere, fierique illarum confusione Tem-
 peramenti genus per universam Compositi molem diffusum. Huic Tempera-
 mento omnium Facultatum naturalium causas ascripsit Galenus: & uniuscu-
 jusque rei proprietatem, ex tali vel tali caliditatis, frigiditatis, humiditatis, sic-
 citatis temperie proficisci, turpissimo errore prodidit. Operæ precium est ex-
 aminare fundamenda hæc, ex quibus universa Medicina Galenica constituta
 est. Etenim actionum Principia, morborum causas, remediorum facultates,
 compendiosa subtilitate hinc derivantes, Artem posuerunt Methodorum ad-
 umbratione superbam. Primum itaque cum Mixtio motio sit quadam, motore ad-
 dere oportebat. Nihil enim sit sine causa. Si Elementa se invicem ad Mixtionem movere di-
 xerint, quæremus porro, qua potestate tales facultates suis elementis concedant: simplici-
 bus enim corporibus simplices motus congruunt. Deinde quibus internuntiis
 tam justis & consentaneis ponderibus ad Comiticia confluant. Quibus men-
 suris, portiones illas exiguas non autem minimas, dissecant. Qua justitia po-
 sitiones Anatomisticas absolunt. Rursus, si Qualitatum ministerio Substantias com-
 poni,

poni, mensurari, & justis legibus confluere voluerint, in multas obscuritates & desperatas difficultates incidere eos necesse est. Quippe Qualitatum originem & naturam non intelligunt. Nec enim satis est, quod definiant Qualitates esse, secundum quas tales esse dicimur: vel, per quas Substantiæ efficaces sunt: vel, in quibus contrarietas viget: vel, in quibus intensiones & remissiones admittuntur. Sed originem, naturam, proprietates, differentias, actiones Qualitatû declarare, hoc verè Philosophicum est, & Medico imprimis necessarium. In summa motorem adungere oportet, Principium vitale Scientia instructum, Formam, Speciem, semen, Astrum, quomodocunque appellare libuerit: cujus potestate & infallibili Scientia tam divina Mixtionis officia administrari possint. Hoc est illud Principium, quod antea Generationum omnium fundamentum & radicem demonstravimus. Hujus Scientia & vitali potestate semina ex Iliado in mundanam Anatomiam, ex Orco in Lucem prodeuntia, Elementa & corporum Principia domestica sibi ipsis constituunt, eaq; ponderibus & mensuris soli Scientiæ notis permiscunt. Idque non corporum mutua appositione: spiritualia enim adhuc sunt, dimensionumque legibus non subiecta: non Qualitatum discordia & inimica contrarietate: familiaria enim cum sint tam Elementa quam corporum Principia, amica societate confluunt. Sed vitalibus Tincturis per omnia penetrantibus omniumque virtutes secum ducentibus, & validis vinculis universa componentibus. Hæc vincula qui ignorat, Vitæ potestatem non didicit: quia Mortis Anatomiam solam exercuit. Qui mortem cum Vita copulare voluerit, mortuisque rebus Vitæ officia attribuire in vanum laborabit. Sed relictis eorum placitis, Mixtionis necessitatem & naturam exponemus.

Quia Donorum varietates, & proprietatum differentia, quæ in vitalibus seminum Principiis unitæ latent, in Mundana Anatomia explicari debuerunt, & ex unitate in multitudinem progredi: diversis quoque Elementis, ac corporum Principiis opus fuit: quæ tamen diversa & multa manere non permisit Naturæ solertia. Cuncta enim viventia, vita unitate, Principia, & Exemplaria sua imitantur. Itaque Mixtionem molita est Natura, & diversarum rerum, sed conspirantium, unionem. Subiecta Mixtionis sunt Elementa, & corporum Principia, ex alimentis virtute & Scientia Mechanicorum spirituum producta. Nam tum primum Mixtio fit, cum ex incorporeis corpora, sed planè spiritualia, consiciuntur. Estque Mixtio Elementorum inter se, Elementorum cum Principiis, Principiorum inter se, & omnium simul. Tum multa primis Proportionum progressionibus unita conjunguntur. Alimento deinde copiosiore attracto, Mixtiones quoque continenter progrediuntur. Ita sunt compositiones & Mixtiones multæ. Ele-
menta

menta enim ac Principia corporum, à spiritibus vitalibus Mechanicisque, in horas consumuntur: assidua proinde opus est restitutione, mixtione, & compositione. Rectissimeque ab Hippocrate dictum reperio, *nutriri nos ex iisdem ex quibus constamus, & Generationem nutritione continuari.* Sunt & alii Mixtionum modi, de quibus copiosè egimus in libello nostro, De Mixtione & rerum Confluentia: ubi corporum Principia, Elementa ac Radices rerum distinximus, in Perfectas sive primas, & Corruptibiles sive supervenientes: Ex quibus tres Mixtionum ordines consecimus. Aut enim miscetur perfectum perfecto: aut corruptibile vel impurum corruptibili: aut perfecto corruptibile. Longè enim alia Mixtio prodit si perfectum perfecto, id est, purum puro, quàm si impurum vel corruptibile impuro vel puro misceatur. Quantum enim inter se distant subiecta, tantum etiam distabunt uniones, termini vel durationes. Pura enim puris permixta, longa habent digestionum tempora, priusquam ad dissolutionem perveniant. Impura confestim ad interitum festinant, serius ocius, secundum subiectorum analogiam. Etenim Elementa & Principia Animalium, tempora habent durationum à Vegetabilium & Mineralium Elementis Principisque plurimum distincta: hæc rursus à Procreationibus superioris globi. De corruptibilibus Radicibus, Elementis, Principiis, earumque Mixtione cum puris, copiosius agemus in morborum Generationibus: mortis enim Anatomiam, & morborum continet.

Expofuimus nunc Mixtionum necessitatem, subiecta, terminos, diversosque modos: diximusque non communia illa & pervulgata Elementa, sed propria & unicuique radici consentanea, in Generationum lithurgia commisceri. Id felicius contigit, si alimenta ratione locorum, & externorum Ascendentium in Generationis progressu confluentium, opportuna fuerint: si Tincturis & facultatibus validis destituta spiritibus Radicum vel seminum obtemperaverint. Ita enim conditiones Elementorum magis imitabuntur quam seminum. Quod si alimenta validis Tincturis imbuta fuerint: si seminum proprietatibus viguerint: si *diversas* Hippocraticas, Chæronia THEOPHRASTI, ostenderint: sive locorum vel matricum ratione hoc contigat, sive diversorum seminum confluxu, sive externorum Ascendentium validis & Chæroniis impressionibus: miscebuntur quidem hæc, nisi planè dissentanea fuerint nulla societate cum Radicibus conspirantia: sed signaturæ variabuntur, fietque quod non volunt semina. Tales Mixtiones pro Generatione Transplantationem conficiunt. Est enim Generationum symptoma Transplantationem, omnibusque Generationum ordinibus accidit. In genere Anamaliū perfecta quæ sexuum distinctione separata sunt difficulter Transplantationem admittunt

mittunt: & hoc non omnia: solummodo illa in quibus magna est feminum & Naturæ affinitas, idque non nisi seminibus permixtis, ut lupi, canes, equi, asinæ: perdices, gallinæ, &c. Hujusmodi Animalia Radices habent magna Naturæ societate conjunctas. Quapropter spiritualia eorundem Elementa, corporumque Principia, Mixtionem admittunt, sed non perpetuam. Diximus enim subjectorum ratione, terminos Mixtionum breves vel diuturnos evadere. Ita quod ex congressu talium Animalium nascitur, sterile ut plurimum existit, ut muli. Elementa enim & corporum Principia, quæ permixta primam compositionem fecerunt in eorum Generatione, non tam stabili lege ligantur, ut durare possint ad feminis constitutionem: sed paulatim dissolvuntur. *Vitalia enim Generationum Principia, quia incorporea sunt, Mixtionem omnem respuunt.* Hoc est quod dicunt Philosophi, Species rerum non misceri. In genere Insectorum, cæterorumque Animalium, in quibus sexuum discrimina manifesta non apparent, frequentiores & faciliores contingunt Transplantationes. Seminalia enim eorum Principia, multarum specierum Scientia instructa, æquivocas Generationes admittunt. In Vegetabilibus & Mineralibus, Transplantationes, quasi comites Generationum existunt. Ut autem in his facilius intelligi possit Transplantationum ratio, observandum alias esse *Transplantationes Individuorum, alias verò Specierum.* Individuorum Transplantationes dico, in quibus manente Radice signatura mutantur, ut colores, sapores, magnitudines, figuræ, &c. ita tamen ut maneant etiamnum imperium Radicis & familiæ suæ certa signa quamvis vehementer immutata referre possint. Hujusmodi Transplantationes in omnibus contingunt Generationibus, locorum, temporum, & externorum Ascendentium ad Generationem conspirantium efficaciam, & proprietates Individuæ naturæ constituunt durabiles vel momentaneas, secundum impressionum virtutes. *Specierum verò Transplantationes intelligo, ubi omnibus signaturis immutatis nova familiæ insignia manifestè representantur.* Non quòd vitalia & invisibilia seminum Principia, quæ Species, à Philosophis propriè dicuntur, confundantur, sed quòd Elementa & corporum Principia Mixtioni subjecta, alienas recipiant signaturas, quæ non continebantur in Scientiis & prædestinatis Donis suorum Principiorum. A validioribus causis sunt hujusmodi Transplantationes, Quod enim primam Elementorum Principiorumque compositionem, adeoque Radicem & Primam materiam immutare debet, valida Tinctura præditum sit, oportet. Neque hoc satis est. Nisi enim Scientiarum & Dono-

rum societate, Elementorum quoque & Principiorum familiaritatem obtinuerint semina vel Astra prædicta, ut Generationis, ita Transplantationis, pariter destructum erit consilium. Quapropter in Vegetabilibus cum semina sint plurima, in quibus multorum Individuorum (quæ sensuum inditio specie quodammodo differre videntur) Scientiæ & prædestinata Dona conjungantur, non mirum est si levi momento in novas familias transeant. Sic Syfimbrium in Metham, Rapam in Raphanum, Imperatoriam in Angelicam, Triticum in Lolium, Ocimum in Serpyllum degenerasse, & multas hujusmodi Transplantationes conspeximus. In quibus omnibus semina videntur æquivoca, quæ multorum Individuorum ferè omnibus proprietatibus dissidentium Principia esse possunt. Sic in semine Tritici Forma Lolii delitescit, sed ministra, æquivoca, accidens : quæ si externa subsidia nacta fuerit, contempto imperio, non ministri, sed domini munia obibit, id est, secundum suam prædestinationem Scientiamque omnia moderabitur, suasque signaturas inducet. Eodemque modo in Syfimbrio Menthæ rudimenta latent ministrantque, quousque Syfimbrii Elementa, Principia, imperium robore vitalique potestate obtinuerint. Quodd si aliorum Astrorum radiis confluentibus, Menthæ exordia incrementa sumserint robusta, dominabitur Mentha, servietque Syfimbrium. In Rapa & Raphano similiter, & cæteris omnibus. Hæ Transplantationes, hac ætate multas ostendunt herbarum species, & aliarum quoque rerum ac Antiquis incognitas. *Individuorum Transplantationes in Vegetabilibus usque adeo sunt frequentes, ut hinc nominis usuram receperint Philosophi.* Ita cicurantur agrestes, mitigantur sapes, mutantur colores, maturitatis tempora accelerantur vel retardantur, totaque Natura arbitriis Mortalium se submittens, utili delectabilique varietate nos recreat. Tempora quoque observare oportet in Transplantationibus. Generationum enim definitæ sunt periodi, in quibus efflorescentiæ & impetus seminum Indicatorios dies demonstrant : quæ si negligantur, Transplantationes irritas efficient. Neque enim Animalium tantum est ad coitum aviditas, ut inquit Plinius : sed multo major est terræ & satorum omnium libido, quam tempestivè uti plurimum interest conceptus. Sic mala, cotonea, pruna, post Brumam tempestivè transplantantur : Mora, ante vernum æquinoctium : cerasi, amydalæ circa Brumam. His enim temporibus, cum mutua sit in insitis cupiditas utrinque coeundi, faciliores sunt amplexus, seminalibus Tincturis Germinatione excitatis. Tum vero radicum rudimenta fibris demittuntur :
fibris

fibris dico, in quibus valida trahendi potestas inest. Atque hoc pacto ex alieno alimento suum faciunt. Loca quoque opportuna in Transplantationibus requiruntur, sive semine, sive insitione administrentur: neque enim omnia ex æquo Matricis analogiam habent. Mineralium semina quia hermaphroditica sunt, & multis Individuis, specie quodammodo differentibus, communia, æquivas Generatione obtinuerunt, i. e. Transplantationi permixta. Gemmæ etenim specifica Transplantatione producuntur, validioribus Tincturis occupata prima communique Metallorum Radice; idque receptis antea Individuis Metallorum signaturis. Ita ex radicibus plumbi transplantatur Adamas, ex radicibus Luna saphyrus, ex radicibus Veneris smaragdus, ex radice Martis Beryllus, &c. Individuæ verò Transplantationes Metallorum, ubique conspiciuntur in Metallis, Marchasitis, Sulphuribus, Salibus, Thermis. Quin etiam artificiosæ Transplantationes Salium, ut aluminis, vitrioli, salis nitri, ammoniaci, Sulphurum, antimonialium, cupri, ferri, plumbi, stanni, Naturæ mirabilem potestatem satis ostendunt. De quibus copiosè & doctè in multis locis disserit P A R A C E L S U S. Postremò superioris globi Generationes Transplantationibus quoque frequenter implicantur: idque si iidem temporibus ad maturitatem pervenerint, & radiorum societate conspiraverint: suntque fructuum vel Individuorum solummodo in his Transplantationes, scilicet alteratis fructibus vehementia, frequentia, copia, diuturnitate, vel his contrariis accidentibus. Maturitatis tempora eodem modo promoventur, & mira varietate errores contingunt, Astrologorum judiciis difficultatem injicientes. Quæ inexplicabiles planè redderentur, confluentibus impressionibus inferioris globi hætenus incomprehensis, mutationesque insperatas sæpè adducentibus: nisi Planetarum, Principaliumque syderum, quorum potestate temporum vicissitudines constituuntur, naturæ proprietates, digesta maturitatum tempora, Generationum modi, Anni quoque universales constitutiones, tam ex inferioris globi quàm superioris resolutionibus pendentes, laboriosa experientia, & subtili iudicio certis legibus tandem comprehenderentur. Magnas insuper Conjunctiones, & Eclipses, mirabiles Transplantationes, & nobiscum durabiles, adducere cui non est manifestum? Causam facile inveniet, qui prædicta diligenter examinaverit. Cometarum similiter origines, & insolentium Meteororum, Transplantationi ascribimus. Sic Astrorum silentium & occultorum resolutiones, sive Mundanæ Reipublicæ legibus astrictæ sint, sive superioris familiæ Oeconomix, sæculorum

mutationes, novas Generationes & rerum omnium senescentes Transplantationes efficiunt. Quibus Mundana Provincia obtrigit, in Elementorum abyssis, silenti obedientique desiderio prædestinata expectant tempora: tum demum resolutione valida, sæpè amara, novam faciem rebus mortalibus inducunt: durabilesque fiunt vel momentaneæ Transplantationes, secundum Astrorum naturam & Tincturarum potentiam. De his plura utique dicerem, nisi dissuaderet is, cui obtemperare consilium est. Urticarum vicinitas præcocius Rosis sæpè spem floris abstulit. At tamen in novorum morborum expositione liberalitati locus erit. Dispersos nunc Centuriones in ordinem revocantes, acie instructa dicemus: *Mixtionem esse seminum ad Generationem procedentium instrumentum: Cujus ministerio Elementa & corporum Principia domestica seminibus colligata, unitatem suorum exemplarium emulantur, variariaque Mixtionum uniones ratione subjectorum. Spiritualia deinde corpora veram Mixtionem à penetrationis dimensionum periculis expeditam constituere: Idque vitali virtute Mechanicorum spirituum. Transplantationem Generationi, interveniente mixtione accidere, communemque esse Generationum omnium ordinibus, siue levioribus Tincturis Individuæ Naturæ proprietates immutentur, siue validioribus Specierum signaturæ Transplantatæ novæ familiæ insignia demonstrent. Postremo validiorum occultorumque Astrorum resolutiones, Transplantationes tam potentes comitari, ut novarum Generationum appellatione vigorem Principiorum declaraverint. I puer, vestimenta suspende: fluctibus superatis leniori posthac utemur remigio.*

CAPUT X.

*De generatione humana & transplantationibus generationi
supervenientibus.*

Fundamenta Mundanæ Naturæ posuimus. Æquum nunc est humanam Anatomiam aggredi; non illam solum quæ cadaverum superficiosa prope modum dissectione, situs & nudas partium conformationes scrutatur: sed longè magis vitalem, quæ origines, proprietates singularum partium, Scientias, & agendi potestates inquiris, Primum itaque vitalis Principii seminisque natu-

naturam adducentes, Mechanicum processum ad Generationis œconomiam adjungemus. Elementa quoque & corporum Principia humanæ Naturæ consentanea, Mixtiones radicales & supervenientes, nutritiones, conformationes, signaturarumque omnium abolutiones, quæ proprietatibus Radicum coherent, quæ possumus brevitate adjicientes, Generationis humanæ contemplationem absolvemus. Neque fastidiosa repetitione singula quæ de seminibus, Elementis, corporum Principiis, Generationibus, Mixtionibus, & Transplantationibus hætenus demonstrata sunt, replicabimus, sed Naturæ operibus, tanquam illustribus vivisque exemplis, veritatem omnium confirmabimus, obscuritatem illustrabimus, prolixitatemque brevitate compensabimus. Diximus antea *vitale Principium humana Naturæ, in materia quadam radicali fundari, in Balsamo scilicet animali, in Sulphure, Mumia vitali, cujus perpetuo conjugio denitetur, Mundanaque Reipublica perpetuus civis, propagatione individuorum, corporumque renovatione aternitatem emulatur.* Quæ ad supercœlestis corporis Naturam, proprietates, copulationem cum Naturali, durationem, &c. attinet, in Commentariis de vita longa, commodius explicabuntur. Hic enim naturalis corporis affectiones scrutamur, in quo vitalia Principia humanæ Naturæ & Mechanici spiritus tanquam in solida radice in seculi consumptionem duratura, fundantur. Hæc prima materia, quamvis spiritualis quodammodo sit, si primæ materiæ Vegetabilium vel Mineralium compareretur: nihilominus Tincturas in se habet potentissimas, in quibus tanquam in Mechanicis spiritibus Scientiæ omnium partium humanæ Anatomix delitescunt. Neque locis inter se distinctæ jacent hæ Tincturæ: Sunt enim Astra, sunt spiritus, in quibus corporum dimensiones & distantia non admittuntur. Quamvis autem confusa videantur, differentias nihilominus proprias, inviolatas conservant. Argumento sunt tam ordinatæ explicationes. Talis radix, Tinctura, Semen, Balsamus, Mumia, Astris opportunis vestita universo corpore humano viget, quamvis partium diversitate signaturas variet. Id quod Hippocratem non latuit: Afferuit enim in libello de locis in homine: *ἐν τῷ σώματι τὸ σπινθηρὸν παντὶ ἐχει δοῦναι καὶ τὸ μέγιστον.* Et paulo post: *ὅτι ἐν τῷ σπινθηρῷ, πάντ' ἐν τῷ μέρει.* Itaque non in testibus, non in cerebro, non in spinali medulla propriè consistit semen, sed in Mumia, Balsamo, vitali Sulphure, quod per universum corpus dispergitur, suoque favore omnia complectitur. Testes verò corpus semini idoneum præparant, cujus beneficio ab externis injuriis, tanquam in testa, illæscæ custodiuntur spirituales Tincturæ Generationis authores, donec nutrificatione & definita

digestione corroboratæ, signaturis & partibus interea absolutis, in lucem tutò prodire possint. Hæc materia, quia cum spiritibus & Tincturis seminalibus magna familiaritate confluit, & symptomata omnia, que seminum efflorescentiis contingunt, in Anatomia testium tam manifestè ostendit, multos seduxit, ut arbitrentur in hac sola totam seminis potestatem contineri, & tamen non obscura symptomata in universo corpore conspiciuntur in dictis effervescentiis. Fœmineum sexum tali Balsamo, Mumia, vitali sulphure, semine, destitui absurdum est. Et rationes eorum qui id astruere conantur fuitiles sunt. Qua ratione ad Paroxysmum, ebullitionis efflorescentiam, turgorem, excitetur seminalis Mumia, manifestum est. Frustra tamen, & in vanum ab externis causis excitatur, nisi geminationum interni impetus concurrant. Quibus concurrentibus, & debite omnibus conspirantibus semina maris & fœminæ utero excepta, mutuo amplexu miscebuntur (spiritualia enim sunt, consentanea, ab una eademque Radice profecta, iisdem Donis, Scientiis, signaturis instructa) uterisque contrahetur, & arctissimè claudetur, tam amico & desiderato recepto hospite. Tanta est Matricum & seminum naturalis confluentia. Et quia Mechanici spiritus, Tincturæque radicales, vitalis caloris copiosam supellectilem secum adduxerunt, motum utique in utero eorundem spirituum confestim ostendent, obscurum tamen & tam pusillis exordiis sufficientem. Itaque cordis ac arteriarum officia statim aderunt, vitalique pulsu, acreum spiritualeque alimentum, juxta virtutem, Scientiam, & potestatem Mechanicorum spirituum attrahent: idque per occultas vias. Tum vero spiritualibus Tincturis in centrum collectis, crassiorem seminis materiam tanquam testam, undique sibi obducent, & paulatim, in membranas transmutabunt. Jam rudimenta viscerum locis opportunis ordinatè disposita apparere incipient. Hisce temporibus, Elementa, & corporea singularum partium Principia, ex alimentis augmenta suscipiunt, ac novas Mixtiones, quarum virtute spiritualia in corporea tandem transformantur: Hanc Generationis divinam administrationem, Hippocrates docta profunda interpretatione persecutus est, in libello de Diæta. Ubi generalem quoque Generationum omnium, & seminum naturam, quam antea ad mentem ipsius exposuimus, proposuit. Obscuritatem explicatione tollemus, locumque ascribemus ob causas supradictas. Posteaquam ostendisset Hippocrates seminum progressionem ex Orco in Lucem, fluxumque Generationum & Corruptionum universali doctrina declarasset,

ad

ad hominis descendit Naturam, inquit: Τα δ' ἄλλα πάντα καὶ χυχὴ ἀνθρώπου καὶ σῶμα θεῶν ἢ ψυχὴ διακοσμεῖται. Hoc est, Et alia omnia, & Anima hominis, corpus vero Animæ consentaneum fabricatur, &c. Principia illa vitalia, Radicales Tincturas, Mechanicos spiritus, in quibus scientia, vita & potestas viget ψυχὴν appellat, alibi θερμὸν, ut in libro De carnibus, hic sæpè πυρ. Quales autem fuerint Scientiæ & Dona vitalium spirituum, Animæ, calidi, ignis, &c. tales signaturas in corporibus exprimi, corporumque ornatum universum in Anima contineri asserit. Ita Anima est Principium corporis organici: ab hac enim fluit corpus: hujus virtute Elementa, Principia, miscuntur, augentur, ex spiritualibus in corporea mutantur, figuris, magnitudinibus, coloribus, & similibus picturis Animæ consentaneis, hoc est, quæ ad prædestinata officia absolvenda operæ præcium obtinent, vestiuntur, Εἰς ταῦτα ὁ εἰς ἀνθρώπων, μέρος μερίων, ὅλα ὅλων, ἔχοντα συγκροτῶν πῦρ καὶ ὕδαρ &c. τὰ μὲν λαμβάνοντα, τὰ δὲ δίδοντα, καὶ τὰ μὲν λαμβάνοντα πῦρ καὶ ὕδαρ, τὰ δὲ δίδοντα μέριον, &c.

Declarat alimentorum beneficio omnia suppeditari, partes partium, totatotorum, hoc est, & Elementis humanis, & corporum Principiis, fomenta idonea suppeditari. Alimenta enim quæ ingrediuntur temperamentum, habent Tincturas & fructus Ignis & Aquæ, ex quibus prima rudimenta seminum profluxere. Quid Ignem & Aquam appellet, ex superioribus inquire. Patet Elementa, totorum conditionem habere: Principia verò partium. Nisi enim alimentum tam Principiorum quam Elementorum proprietates obtinuerit, sterile utique futurum est. His ita accidentibus & amica societate commixtis, quædam, inquit, accipient, quædam verò dabunt: & quæ accipient, plus facient, quæ verò dabunt, minus, &c. Partes sane accipient & tota dabunt. In partibus enim, id est, in Principiis corporum, proprietates insunt, & validiores Tincturæ, quàm in totis, id est, in Elementis. Ideoque Elementa, partium sunt nutrimenta. Ipsæ quoque partes, aliæ aliis sunt validiores, & à debilioribus alimentum trahunt. Sed quid est quod omnia hæc moderatur, alimentorum attractiones, Mixtiones, partium dispensationes, consentaneorum conspirationes, dissentaneorum verò expulsioniones? Φύσις ἀνθρώπων inquit: hæc est illa quæ hoc expellit, hoc attrahit, quæ dat, quæ accipit, καὶ τῷ μὲν δίδουσι, τῷ δὲ λαμβάνει, καὶ τὰ μὲν ἐπὶ τὸ μέσον ἵκοντα ἀναλαμβάνεται εἰς τὴν ἐν ἀόσωνα χάριν, τὰ δὲ ἐπὶ τὸ μέσον περὶ δέχοντα συμμιχρμένα ἐξαπλάσσει εἰς τὴν μείζω τῆς ἐν.

Minora minoribus locis adaptat, majora majoribus, idque commixtione alterata
& be-

& benigne temperata. Quæ Elementorum ordinibus consentanea sunt in alimentis, adeorum ordinem segregat, quæ partium & Principiorum similiter, τὰ ἡ εἶνα μὴ ὁμοῦ ποτα ὡθεῖται ἐν ζωῆς ἀποδείξει. ἡ δὲ δύναται τὸ μὴ ὁμοῦ ποτα, ἐν τοῖς ἀ- συμφωροῖσι χωρίοις ἐμμένειν, παλαιαὶ δὲ ἀγνοούμενα. Συμμισγόμενα ἡ ἀλλήλοισι συγγνώσκουσι. πῶς οὖν ἡ δὲ τὸ συμφορον τῷ συμφορῶ. τὸ ἡ ἀσύμφορον, πλεμῆ ἡ μάχεται ἡ ἀλλοδαπὰ ἀπ' ἀλλήλων. Peregrina, hoc est, quæ non sunt ὁμοτροπα, ab alienis sedibus pelluntur. Ea enim propria est facultas omnium vitalium Elementorum, ut in suis regionibus, nihil alieni, vel dissentanei ferre possint: sed omnia collectis viribus à se expellunt. Peregrinum autem est, quidquid non habet signaturas conspirantes, id est, in quibus, nec tempora congruunt, nec colores, nec odores, nec sapores, nec corporaturæ. In his corporum Principia necessario dissentanea sunt, Elementa quoque. Quapropter locorum favore destituta, qui ignoti sunt hospites errant, locumque in diversorio non inveniunt. Domestica verò cognoscuntur, quia signaturæ sunt similes, & Radices habent communes ad Mixtionem consentientes. Hoc est tritum illud Philosophorum dogma, Naturam Naturam propriam letari. Διὰ τὴν ἀνθρώπου ψυχὴν, ἐν ἀνθρώπων ἀναλεῖται, ἐν αὐτῇ ἡ δὲ ἐν, ἡ τῶν ἄλλων ζώων τῶν μεγάλων ὡσαύτως. Quia nec peregrina Elementa, nec Principia admittuntur in Anatomia humana, propterea, inquit ψυχὴν (intellige Naturam, Semen, Radicem vegetalem humanam) in solo homine augeri, & in nullo preterea alio Animali. In cæteris quoque similiter Animalibus majoribus, id est, perfectis, in quibus sexuum perfecta est distinctio, & univoca Generatio. Insecta enim & his finitima frequentes admittunt Transplantationes, ac peregrina semina suis tentoriis foveant. Ad hunc modum sæpe loquitur P A R A C E L S U S. Dicit enim ex eodem alimento canem caninam producere naturam, carnem, semen, radicem: hominem, humanam: suem, suillam: leonem, leoninam, ob potestatem Mechanicorum spirituum, qui alimenta omnia suis signaturis ornare possunt. Manifestè verò explicat potestatem Ticturarum radicalium, Principiorum vitalium, spirituum Mechanicorum, seminis (una enim eademque res diversis his nominibus insignita) cum dicit: ἐκάτω δὲ ψυχὴ μέζω ἡ ἐλάτω ἔχουσι περὶ τοῦ ἐαυτῆς, ἡ περὶ ἐσθ' ἡ δὲ ἀφαιρέσει δρομένων τῶν μερῶν ἡ δὲ αὐξήσιν ἡ μείωσιν τῶν ἐπαρχόντων δρομένη. hoc est: Natura quæ majora & minora habet, sibi ipsi particulas suas fabricat, quæ neque adjectione, neque subtractione opus habent: jam verò existentes, augmento & decremento indigent, &c. Sed quo pacto ante augmenta tot partium differentiarum in una Natura continentur?

Cec.

Certe non in corporibus, neque tenuibus partium rudimentis sensum fugientibus, sed in vita, Scientia, potestate seminis & Tincturarum radicalium. Ibi neque locorum intervallis distinctæ jacent, neque confusione differentias amittunt, sed unitæ, proprietates illas custodiunt, quas ordinata progressionem promovent. Ex alimento enim attractæ, ex invisibilibus visibilia, ex incorporeis corporea rudimenta demonstrant. Sed unde augmenta & nutrimenta hæc proficiuntur? Τρέφεται ἢ αὐξεται ἄνθρωπος τῇ ψυχῇ ἢ τῷ σώματι. ἀνάγκη δὲ τὰ μέρη εἶναι πάντα τὰ εἰσόντα, ἢ τὴν οὐρανὴν μὴ εἶναι μοῖρᾳ ἐξαρχῆς, οὐδὲ ἀνδρὸς ἡγεῖν, οὔτε ποταμὸς ἐπιστομῆς τροφῆς, οὔτε ὁλίγος, ἢ ἰσχυρὸς ποταμὸς αὐξήμενον. ἔχον δὲ πάντα αὐξεται ἐν κώρῃ τῇ ἑαυτοῦ ἐκαστον. hoc est: nutriuntur & augentur Diata qua homo utitur. Necessarium vero est partes continere omnia qua ingrediuntur. Cujus enim Principium, Scientia, prædestinatio, fatum, rudimentum (ea enim omnia virtute vocabuli τῆς μοῖρας designantur) non adfuerit ab initio, nequaquam augebitur, sive copiosum sive exiguum affluat alimētum, neque enim habet cui adhæreat, & quod augescere faciat: nunc vero cum omnia habeat, augetur unumquodque in proprio loco &c. Alibi clarius exposuit quænam sit humana diætæ, ex iisdem, inquit, nutrimur ex quibus constat, iisdem dico potestate non actu, id est, quæ partes habent in semine, quæ Scientiis & Mechanicis spiritibus humani seminis subijciuntur. Corporea enim aliorum interpretatio plane cruda est: Nec enim satis est quod dicunt constare nos ex quatuor Elementis, & iisdem nutriri: propius accedere oportet, ac fores clausas aperire, si nucleum edere propositum est. Qui sitis premitur, liquoris familiaris speciem animo concipit: hujus imaginationis comes individuus est appetitio, & talis imaginatio appetitu tali formata, sitis est. Huic imaginationi idem est liquor desideratus: quia species quæ imaginationem formavit, liquoris propria est, & liquor talis imaginationis officio, prædestinationi, termino, fato, scientiæ satisfacere potest. Ita nutrimenta eadem sunt cum iis quæ nutriuntur: & tamen hæc sunt invisibilia, illa vero visibilia: hæc incorporea, illa vero corporea. Itaque nisi talis antea fuerit imaginatio, scientia, fatum, prædestinatio (ignoscite Aristotelici quod Imaginationem Naturæ attribuiam) non generabitur, non miscebitur, non augebitur quicquam: non fient ex invisibilibus visibilia, ex incorporeis corporea: non explicabuntur figuræ, magnitudines, colores, sapes, odores, & reliquæ signaturæ corporum sive copiosum sive exiguum affluerit nutrimentum, quia non habent fundamenta, radices, principia, quorum potestate, tutela, patrocinio, in novæ Reipublicæ societatem recipiantur.

L

Antea

Antea per jocos dixetat γένεσθαι ἐν αὐτῇ μίξιν, hîc demonstrat γένεσθαι ἐν αὐτῇ ξησιν. Latine loquerer, nisi flagella Peripateticorum timerem. Omnibus his debite confluentibus, augetur unumquodque in loco proprio: loca verò progressionem seminum ordinatè imitantur. Analogiam alibi explicabimus. Hanc artificiosam Generationis dispensationem, silentio, quiete, in nocte, placidè, absolvi docet. Trahuntur alia intrò, alia verò foras protruduntur. Exempla Fabrorum adducit & aliorum artificum, qui sine violentia artificia sua peragunt. Ita omnia Generationis initia in Naturæ officina, sine strepitu administrantur, quousque nutritis spiritibus Mechanicis & auctis, loco tam angusto amplius contineri non possint, neque tam exiguo alimento nutriri. Tum verò quæ antea unita fuerant, certis proportionum mensuris separantur, & locorum distantias admittunt. progredientibus enim proportionibus, termini qui ante distare non videbantur, manifestis intervallis distrahuntur. Contingunt tales progressionem, posteaquam nutritione prima Elementa & corporum Principia constituta fuerint, Mixtione opportuna conjuncta, & in tantum aucta, ut progressionem facere possint: idque prædestinatis temporibus, si nullus error inciderit. Itaque οὐδὲν ἦν ἐμπόδιον τῷ πεπεωμένῳ μοίῳ ταῦτα διακρίνεσθαι πρῶτα, καὶ ἅμα συμμίσχεσθαι. ἕκαστον μὲν γὰρ διακρίνεσθαι, &c. Sunt certa digestaque tempora omnium seminum, Ascendentium, Radicum, quibus mutationes, mixtiones, maturitates, augmenta, ætates absolunt. Hanc definitam temporum mensuram appellat Hippocrates τῷ πεπεωμένῳ μοίῳ. PARACELSVS, prædestinatum digestumque tempus. Quæcumque nunc in semine partes, expletis prædictis temporibus nutritione & harmonica Mixtione augmenta fecerint, progredientur, à reliquis quodammodo separata, positione scilicet: vita enim communi etiamnum fruuntur, & nutrimento per vias confluentes attracto, mixtiones continuas assidue molientur, donec ad ultimam prædestinationem pervenerint. Χώρῳ δὲ ἀφείψαντα καὶ τυχόντα ἀρμονίᾳ ὁρθῶς ἐχέσθαι συμφωνίας τρεῖς, ἑυκρίβδῳ διεξιῶν ἀφ' ἑαυτῶν, ζωὴ καὶ αὐξάνειν τοῖσιν αὐτοῖσιν, οἷον καὶ πρὸ οὐδεν, καὶ δὲ μὴ τύχη τ' ἀρμονίᾳ, μὴ δὲ ξύμφωνᾳ παρὰ τοῖσιν ἐξέσθαι ἡμῶν ἢ πρῶτον συμφωνίᾳ, καὶ δὲ δὲ πρῶτον ἡμῶν ἢ τὸ ἀφ' ἑαυτῶν ἐνὸς ὁποῦν μοίῳ, πᾶς ὁ τὸν ὅλον μοίον, ὅς γὰρ ἂν περὶ αὐτοῦ, ἀλλ' αὐτῶν ὅτι ἐκ μέρους εἰς τὸ μέν, καὶ μίξις. διότι ἔγνωσκον ὅτι ποιεῖσιν. Hoc est: locum verò permutantia, si opportunè nata fuerint harmoniam tres symphonias habentem, omniaque universim penetrando conjungentem, vivunt, & incrementa suscipiunt ex iisdem ex quibus antea. Si verò harmoniam non assequuti fuerint, neque gra-

pia

pia acutis consona fiant, prima symphonia vitiabitur, & quamvis secunda generetur
 cum una omnino destructa sit, omnis tonus vanus erit: non enim concentum habebit
 sed ex majori ad minus transibit ante destinatum satum, quia non cognoscunt quod fa-
 ciunt, &c. Consuetum est Pythagoricis & occultioris Naturæ interpretibus,
 proprietates, Mixtiones, ac progressiones rerum naturalium numeris ad-
 aptare, eorundemque involucris multa mysteria occultare, Itaque essentia-
 lium numerorum proprietatibus omnes Scientias, tam Mundanas quam
 Supramundanas docuerunt. Ab aliis postea ridebantur, quod ex numeris, &
 nudis quantitativis substantias produci posse arbitrentur. Hi consilium
 tantorum Philosophorum non satis acceperunt, neque numerorum essen-
 tialium proprietates & potestates intellexerunt. Sanè, si constantes ac perpetui
 sunt numeri partium, numerorumque proportionibus & Mixtiones ordinatae in Genera-
 tionum lithurgia, casu utique non contingent, neque à posteriori, sed in Scientia
 Mechanica, de qua toties jam diximus, continebuntur, ubi magnitudines,
 figurae, colores, sapes, & reliquæ quoque signaturæ fundantur: Quod si
 in Scientia continentur, otiosi non erunt, sed virales, potestate pleni, ac proportio-
 nes ordinatas in progressionibus explicabunt, documentumque dabunt, pondere, men-
 sura & ordine creata esse omnia. Ita nihil est in universo quod ordinem effugiat, quod
 non proportionem ad harmoniam unitatemque redigatur. Et quamvis huic aut alteri
 dissonum videatur, alii tamen confestim consonabit. Tales consonantiae in
 Naturæ lithurgia singulis momentis absolvuntur. Semina enim in Genera-
 tionibus ab unitate labentia, partes tanquam numeros & sonos, ordinata
 progressionem producant, Elementa constituunt, ac corporum Principia,
 numeris antea in Scientia definita, quæ si consentanea fuerint, harmoniam,
 mixtionem, proportionem & consonantiam efficient: consonantiam dico
 ex tribus debite confluentibus constantem, scilicet, seminali Tinctura, Ele-
 mentis, & corporum Principiis. Hæc enim ad Mixtionem conspirare antea
 ostendimus. Nec est ulla particula corporis, quamvis minima, in qua tres dictæ har-
 monia concentum non efficiant. Requiritur enim seminalis Tinctura, Balsamus,
 Mumia, Radix, vitale Principium, si communi vita frui, si toti & cæteris parti-
 culis conspirare ac confluere oportet: requiruntur corporum Principia, hoc
 est, Sulphur, Sal, Mercurius, signaturis suis ornata, si proprium ac peculiare
 officium absolvere tenentur: requiruntur Elementa Principiis consentanea, &
 domestica, si nutriti, vivere, incrementaque sumere unicuique Naturæ lege
 injunctum est. His tribus debite conspirantibus in omni Mixtionum pro-
 gressionem tonum efficient, id est, officium destinatum plenè & manifestè ab-
 solvent,

solvent, alimentoque pristino continentur attractio auctæ, progressiones novas instituent. Quod si peregrinæ impressiones, eæque valide in Generationum primis his mixtionibus confluerint, Harmoniam non assequentur trinam, vitiabiturque omnis tonus, Principio scilicet destructo. Hoc est quod antea diximus, Specierum Transplantationes in Generationum exordiis, & facilius & frequentius accidere. Neque enim spes ulla residua est, in supervenientibus Mixtionibus vel Generationibus emendari posse Transplantationes primas. Centum proinde amittunt, & peregrino admisso hospite, relictis propriis ordinibus, officiis, iisque excellentioribus ac majoribus, ante destinatum Fatum alterius Reipublicæ cives & ministri evadent. Atque hoc pacto in minorem ordinem concedunt, & Scientiæ suæ prædestinationes relinquentes, faciunt quæ non volunt, & quæ non sciunt. Ita enim in omnibus Transplantationibus evenire ostendimus: ut in Mola, Monstris, & similibus. Mixtionum harmonias musicis proportionibus hoc loco accommodavit, quia in his maximæ varietati concordia conciliatur: Natura verò varietate delectatur: & postea asserit quæ plurimum diversa sunt maximè concordare. Hactenus prima Generationis exordia exposuimus, in quibus partes singulæ ex alimento auctæ, in conspicuam varietatem desinunt. Quia verò posthac alimento indigent copiosiore & solidiore, nec occultæ viæ sufficiunt, membranæ quoque in quibus involvitur foetus, indies crascescentibus, canales formantur umbilicales, radicibus proportionem respondentem: qui secundinæ conjuncti, venas omnes & arterias ex utero in secundinam dispersas colligunt, spiritumque & sanguinem foetui subministrant. Nomina membranarum, vasorum, alantoides, amnios, *χάριον*, vel secundina, acetabula, &c. ociosum est recensere: Generationem & usum antea declaravimus. Vellem in aliis rebus principalioribus, causarumque rationem magis habentibus, tam fecundi fuissent nominum dispensatores, Antiqui: ita enim à nominum invisa novitate nos defendissent. Quæsitum est à multis, quæ partes primùm à Natura conformantur. Aristoteles *cor primùm conformari ait*, quod vitæ sit Principium & radix, cæterisque partibus motum, sensum ac nutrimentum suppeditet. Medici negant à corde venas vel nervos oriri: sed tria viscera principalia, cor, cerebrum, hepar, tanquam fundamenta cæterarum, primùm conformari ajunt, ab his deinceps, à corde quidem arterias, à cerebro spinalique medulla nervos, ab hepate venas produci, magna rationum ac observationum mole contendunt. Utrique ab Hippocrate & Veritate deficientes de lana caprina rixantur, quæstionibus.

nibusque ociosis fatigantur. Non enim Generationis Mechanicam lithurgiam quam exposuimus animadvertunt, nec Scientiæ potestatem, à qua omnia profisciscuntur, intelligunt: sed corporea partium rudimenta in semine fingunt, maximeque principalium viscerum, quibus separatis & à calore coactis, membra tandem ostendant, quorum exordia obrinuerant. Hippocrates verò in eodem libello, de Diæta, ita pronuntiat: Διακρίνεται δὲ τὰ μέλαι αἷμα πάντα καὶ αὐξάνεται καὶ ἔτε πρόσθερον ἢ δυνέτερον ἔπερα, καὶ ὑπερβαίνει τὰ δὲ μείζω φύσιν, πρότερον φαίνεται τῶν ἱλασόντων, ἢ δὲν πρότερον γινόμενα. Hoc est: separantur verò membra omnia simul & augentur, neque ullum prius altero, neque posteriore: qua vero majora sunt natura, quamvis non priora fiant, prius tamen apparent. Idem confirmat in libello, De locis in homine, in principio. Εἰ μοί, inquit, δοκέει ἀρχὴ μὲν ἡ δέμια εἶναι τὸ σῶμα αἰσθητὸν, αἰσθητὰ πάντα ὁμοίως ἀρχὴ καὶ πάντα τελευτῇ, καὶ κελουρὸν γὰρ φέρεται ἀρχὴ καὶ τέλος. Dicit se nihil in corporea reperire, cui possit principium ascribere, & primam Generationis sortem concedere, neque postremum quippiam: quia si circulum descripserit quis, principium vel finem non inveniet. Ita circulo comparat feminis naturam, figuræ simplici, uniformi: idque quantum attinet ad partium corporearum varietatem, in seminibus actu subsistentium. Ii verò qui rudimenta corporea principalia viscerum, in semine contineri affirmant, non circulo, sed triangulo, quadrangulo, pentagono, vel similibus figuris angulos & terminos habentibus, feminis naturam conferre compelluntur: in iis enim principia & fines inveniuntur. Quod ad corpoream feminis molem attinet, varietas certe deprehendi potest: feminis verò natura planè spiritualis est, & tale quoque nutrimentum secum ad matrices attulit: ex crassiori corpore cortices, membranas, involucria ac testes formabit. Spirituale verò cum sit nutrimentum illud femini conjunctum unitatis & circuli proportionem custodiet, quousque alimento copiosius attracto corporeas admittet affectiones ac distantias. Tum verò anguli apparebunt, principia, termini, fines & quæ majoribus dimensionibus prædita sunt prius sub aspectum venient: interea minora, non feriantur. Qui Aristotelem reprehendunt, quod cor primum conformari dixerit in Animalibus, jecori primas attribuunt, quod primo planta vitam vivat in utero fetus, neque in plantis reperiri quippiam proportionem cordi respondens. Quibus antea satisfecimus. Diximus enim copiosum spiritum vitalem semini conjunctum esse, & pulsu ac spiratione, quamvis occulta, cordis officium absolvere: & quid dico cordis officium, cum non cordis sed spirituum proprium sit. Quod si hujus spiritus analogiam plantæ inesse

negaverint, Naturam invenient repugnantem : neque Balsami ve gerabilis proprietates satis examinarunt. Æquè absurda est eorum opinio, qui *venas ex hepate, arterias ex corde, nervos ex cerebro oriri affirmant*. Qui diligentiores etiam in corporea Anatomia fuerunt, ut Fallopius, hanc nimis materialem partium originem repudiarunt: officia nihilominus cerebro, cordi, hepati, consentanea, à nervis, arteriis & venis absolvi rectè pronunciaverunt: esse enim consensus ac conspirationis vincula, de quibus sequenti Capite latius augetur. De sexuum distinctione ita sentimus. Contineri in una Radice, Principio vitali, Scientia, tam maris quam fœmina exordia: supervenientibus verò Mixtionibus & Tincturis, separari: fœminamque transplantatum esse masculum, non monstruosa Transplantatione quemadmodum Aristoteles arbitrabatur, sed naturali & necessaria, utpote quæ leges, prædestinationes ac Scientias habeat in Natura, in ævum perdurantes. Itaque in una radice continentur: quo fit ut sæpe mares fœmineo semine abundant, & vicissim fœmina masculino. Neque calori vel frigori hanc Transplantationem ascribimus, sed supervenientium Mixtionum Tincturis. Si menstrui signaturas obtinuerint validas, universum semen proprietatibus & partibus menstruo domesticis ornabitur. Si verò masculas signaturas adduxerint, masculum producent ac masculina membra. Rursus, si separatio absoluta & perfecta fuerit, fiunt viriles planè masculi & fœminæ similiter. Si verò separatio non fuerit prorsus absoluta, evadunt Androgyni, id est, viri effœminati, & masculæ fœminæ, Sabellis doctæ ligonibus versare glebas. Et quia tales Tincturæ, quas supervenientes appellavimus, facile frequenterque introduci possunt, sequitur eundem marem, nunc fœmineo, nunc virili semine pollere, & eandem fœminam, nunc virili, nunc fœminea genitura abundare. Testem horum omnium producemus Hippocratem, in eodem libro, de Diæta, dicentem. *Ξυνίστασθαι δὲ δύναται καὶ τὸ θῆλυ καὶ τὸ ἀρσεν πρὸς ἀλλήλα, διότι ἡ μὲν ψυχὴ, τὸ αὐτὸ πᾶσι τοῖσι ἐμφύχοισι. τὸ δὲ σῶμα ἁπλῶς φέρεται ἐκείνῃ. ψυχὴ μὲν ἔν αἰὲ ὁμοίῃ, καὶ ἐν μέλει καὶ ἀπὸ αἰσθησιν, ἔρδ' ἀλλοιοῦται, οὕτε διὰ φύσιν, οὕτε διὰ ἀνάγκην. σῶμα δὲ οὐδέποτε τῶν τοῦ οὐδενὸς οὕτε πατὴρ φύσιν οὐδ' ὑπὸ ἀνάγκης, τὸ μὲν ἁπλοῦς εἶναι εἰς πάντα. τὸ δ' ἑυμίσγεσθαι πρὸς ἅπαντα ἢν μὲν οὐκ ἄρσεναι τὰ σώματα, ὅπου ἐλθέτω ἡ μὲν φέρων φύσιν, &c. hoc est: simul verò consistere, & se invicem constituere possunt masculus & fœmina, quia Anima eadem est omnibus animatis. Corpus autem unuscujusque differt. Anima igitur semper similis est, & in majore, & in minore: non enim alteratur, neque per Naturam, neque per necessitatem. Corpus nunquam idem est, neque Natura neque necessitate, nunc separatum ab omnibus, alias commixtum, &c.*

Animam

Animam hic appellat, ut sæpe antea, Radicem, vitale Principium. Hoc quia utrique sexui commune est, in omnium Animalium generibus propterea, inquit, simul consistere possunt, in eadem Radice fundari, & se mutuo propagare masculus ac foemina. *Anima enim species, vitalia Principia rerum, radicales Tincturae, stabiles sunt, perpetua, Mixtioni non subjecta.* Itaque eadem, & sibiipsis plane similes persistunt, sive in Individuis minoribus, id est, debilioribus, sive maioribus, id est, validioribus habitent: nec ulla necessitate corporeis prædestinationibus implicantur: spirituum verò corporalium beneficio, corporibus alligantur. Hos spiritus, in quibus corporum Principia & signaturæ fundantur, Animæ opponit: dicitque in omnibus differre, quia Mixtionum, separationum, Transplantationum ac diversitatum prædestinationes necessitatesque obtinuerunt: ex alimentis, locis, & reliquis Ascendentibus ad Generationem confluentibus, assidue mutantur, & mutata, Individuæ naturæ proprietates similiter alterant. Quare in una Radice, Anima, continentur principia maris & foemina: supervenientibus verò Tincturis ac corporibus spiritualibus, Individuas signaturas assciscunt, sexuumque manifestam distinctionem proferunt. Si igitur corpora (scilicet spiritualia seminibus consentanea, & ad Generationem Mixtionemque opportuna) quæ separantur à mare & foemina, mascula fuerint, utraque viriles masculi nascuntur, nisi alimentorum delictis, Mixtiones supervenientes viciatæ fuerint. Interdum & hæc spiritualia corpora, quæ nunc Animæ opposuit Hippocrates, Animæ appellatione designat: ut cum dicit, Animam hominis Animæ misceri, idque Philosophica libertate: de qua nominum varietate alias diximus. Gemellorum causas, & Generationis modum antea exposuimus. Atque hæc est vera lithurgia humanæ Generationis, hic Mechanicus processus, quem ubi didiceritis, historiam ac absolutionem fœtus in utero, apud Hippocratem quærite, in libro, De Natura pueri, de Diætâ primo, item de Genitura: & vestram quoque experientiam, naturalium operum diligenti inspectione confirmate. Principia demonstravi ex intimis Naturæ penetralibus desumpta, in quibus causæ & varietates omnium accidentium quæ Generationi eveniunt, virtute continentur.

Quod ad Transplantationes seminum morbosas attinet, commodius in expositione morborum hæreditariorum agetur. A supernaturalibus & monstrosis Transplantationibus hoc loco excusamur. Itaque copias in angustam contrahentes asserimus: *Generationis humana Radicem, Fundamentum, Principium. in Balsamo illo vitali contineri, quod universi corporis Anatomiam occupavit. Idque tam in foeminis quam in maribus vigere, mutuoque congressu effervesce & suscitari, fecundaque*
Spiri-

spirituum Mechanicorum sobole ad testium Anatomiam, & hinc ad Matricem naturali impetu confluere una cum materia seminali, quæ in testibus præparata Spiritualia Principia feliciter custodit. In spiritibus vero Mechanicis vigere Scientiam, cujus potestate Elementa, corporum Principia consentanea, ex Alimentis oportuna Mixtione aucta, ex invisibilibus visibilia, ex incorporeis corporea tandem evadunt: Partiumque numerum, situm, consensum, figuras, magnitudines, reliquasque signaturas secundum prædestinationes dictæ Scientiæ definitis temporibus absolvi: Sexuum discrimina ex supervenientibus Tincturis pendere, in communi verò Radice & Principio unita conspirare.

Ita numeris omnibus absolutum fœtum, posthac in lucem producemus.

CAPUT XI.

De Usu Partium, Actionumque omnium administratione, & de fructibus Astrorum in Revolutione humanæ Astronomiæ.

QUÆ ad originem humanam attinent, & primam seminis progressionem, superiori Capite exposuimus. Oportuit sane explicari potestates & Scientias illas Animæ quæ corporum societate perficiuntur. Ita enim in lege definitum est: nec poterant Entia in uno sistere gradu, tanta numerorum proportionumque fecunditate gravida. Itaque quibus hæc provincia contigit, definitis temporibus progredientia, corporum conjugii implicantur, ac corporeas subeunt affectiones, differentes secundum analogiam corporum, & conjugii Mixtione contrahi conjugia diximus, fierique societatem visibilium ac invisibilium corporum, & spirituum, spiritusque in corpora tandem degenerare: corpora dico spirituum signaturis ornata, & apta officiis, Donis, Scientiis ac prædestinationibus spirituum: corporaque in officina Naturæ postrema esse, à spiritibus foveri, custodiri & gubernari. Quin etiam in hac seminis progressionem Elementa, corporum Principia, numeris ac proportionibus certis definita ad Mixtionem confluere, & analogiam progressionibus debitam, in-violatam conservare, Nunc vero progressionem seminis finita, fœtuque numeris omnibus absoluto & in lucem edito, necessitates ac officia partium actionumque omnium administrationes scrutari consilium est. Ita enim Naturæ Scientiam magis admirabimur, & providentiam per omnia diffusam magna pietate confitebimur.

Quia

Quia igitur in omni Generatione, Elementa & corporum Principia consentanea, à Radicibus & seminalibus rerum Principiis constituuntur, ad imitationem universæ Creaturæ, hæc verò in Generationis fluxu, custodiri necessario debent, quod ex his nutrimenta, augmenta ac Mixtiones omnium proficiantur: prima utique necessitas fuit earum partium quæ horum ministeriis destinantur. Elementa verò distincta sunt in duos ordines, superioris, scilicet & inferioris globi. Firmamentum enim ac Aër, Aqua & Terra, Natura societate conspirant conjugiumque efficiunt. Ita partes quoque horum ministeriis accommodatas consentire necesse est. Sic Generationis initio, quia omnia sunt spiritualia & unita, Elementa quoque hæc similia sunt, ac partibus spiritualibus officia sua peragunt, id est, spiritibus ipsis, sed corporeis. Hanc unitatem seminis respexit Hippocrates, ubi asseruit nos constare ex duobus, Igne scilicet & Aqua. Multa enim hæc unita sunt quæ sensus non potest discernere. Sunt Radices seminales, corporum Principia, & dicta Elementa, quæ maximè conspicua sunt, & in quibus omnia foveantur. Ita favore ac patrocinio unitatis in Naturæ Academia omnes hæc locutiones admittuntur: ex semine nascimur vel ex uno: ex quatuor Elementis, vel ex Igne & Aqua: ex Sulphure, Sale ac Mercurio. Proprietates verò & officia rerum unitarum confundere non decet. Nam quantumvis tria illa in Natura unita videantur: proprietates tamen sine confusione illas custodiunt. Semen proinde quod fecundum est, Elementa habet corporum domesticis Principiis insignita, juxta Radicis vel Principii vitalis Scientiam: & confestim superiora Elementa, Firmamentum sc. & Aër, vitali pulsu, occultaque respiratione, officia cordis, arteriarum, pulmonis, diaphragmatis, asperæ arteriæ, laryngis, &c. absolvunt: quamvis antea admonuerim, officia non esse partium, sed spirituum. Inferiora similiter Elementa, Aqua sc. & Terra, nutritione his consentanea omnia foveant (semina quippe nutrimentorum suffecturam suppellectilem ad matrices secum duxerunt) idque spiritualium corporum ministerio: atque sic officia ventriculi, hepatis, lienis, venarum, renum, cesophagi, intestinorum, &c. peragunt. Omnium enim harum partium scientias ac potestates continent, & in hac foetus constitutione prædestinationum necessitatibus satisfacere possunt: naturæ mysterium hoc modo declarantes, videlicet, quæ unitati ac Radici propinquiora sunt, plurimarum diversissimarumque partium ab unitate descendunt prædestinationibus sufficere. At verò spiritibus Mixtione continua crascescentibus, distantia, separationes ac Donorum divisiones contingunt, alimenta quoque accedunt crassiora, impuritatibus comitata. Elementa quoque & universa quæ in semine continentur, analogiam progressionis sequuntur. Itaque spirituum ac Scientiarum

facta separatione, partes conformantur singulæ suis Scientiis accommodatæ. Primum enim Elementa & corporum Principia domestica sibi asciscunt spiritus illi *Mechanici* (i.e. talem Ignem, Aerem, Aquam, Terram, tale sulphur, tale Sal, talem Mercurium) qualia prædestinationibus, officiis & Scientiis talibus respondere possunt. Ex his primum spiritualia corpora producuntur, id est, caliditates, frigiditates, humiditates, siccitates, colores, saporès, odores, perpetuò tales, quales in prædestinata spirituum Scientia vigent. Quibus omnibus opportunè mixtis, & nutritione assidua auctis paulatim à spirituali descendentes Anatomia, in corpoream familiam degenerant: corporaque principio humida spiritualiaque constituunt, in horas crascescentia & ad senium festinantia. In his postremis corporibus signaturæ priorum vigent: in his tentoria figuntur tanquam in notis diversoriis. Posteriora enim ex prioribus ortus sui primordia duxerunt. Quapropter proprietates, actiones, officia omnium partium, spiritualibus illis corporibus ascribimus. Ventriculum concoquere, quia spiritualia corpora obtinet, proprietatibus & Scientiis talis Sulphuris, Salis ac Mercurii vigentia, quæ alimenta ingesta resolvere, separare, digerere & signaturis consentaneis vestire possunt: signaturis tamen in potestate alimentorum antea latentibus. Hoc est in chylum convertere alimentum, quod ventriculi officium est. Si spirituum potestate & Scientia, hæc officia administrabantur in semine, ventriculo nondum conformato, ratione scilicet Principiis analoga, facta progressionē, commutatione in corpora, figuras molientur, magnitudines, situs, consensus, officia & Donis accommodatos. Concavo itaque facto ventriculo quia alimentum crassum ac corporeum recipere debuit, œsophagum & intestina adjungunt: non quod tempore posterius conformentur illa, sed quia aliter Naturæ opera interpretari non possumus. Manifestas autem vias concedent œsophago & intestinis, quia alimenta ac excrementa plane corporeæ vehere & secludere tenentur, fibras, villas, involucra, anfractus, substantiarum varietatem, reliquasque signaturas, ex iisdem principiis simili ratione declarare oportet. Rursus quia proprietates spirituum, ex quibus constituitur hepar, ex tali Sulphure, Sale & Mercurio, procedunt, in quibus Scientia ac potestas attrahendi, separandi, digerendi, & ad maturitatem perducendi chyli vaporosam substantiam (halitus enim specie attrahitur, superstitiosum planè est quod de obliqua venarum Mesaraicarum inter duas intestinorum tunicas insertionis utilitate adferunt: frustra enim manifestas vias spiritualibus corporibus instituunt) hanc utique materiam ad maturitatem perductam signaturis consentaneis ornabunt & in sanguinem commutabunt, quod hepatis officium est. Renes similiter, in quibus

quibus tertia alimentorum separatio perficitur, secundum Scientiam trium Principiorum Salis, Sulphuris & Mercurii, *attractiones, separationes, & digestionis vaporosi sanguinis absolvent.* Lienis mechanicam lithurgiam eodem modo interpretari oportet: quamvis hujus officium non sit ita commune. In his omnibus Sali, Sulphuri & Mercurio, proprietatum actionumque causis ascribimus, non caliditati, humiditati, frigiditati, siccitati: Temperamentumque singularum partium non ex mixtione calidi, humidi, frigidi, sicci, integrari, sed ex mixtione Sulphuris, Salis & Mercurii, inter se, & cum Elementis consentaneis, Scientiis ac prædestinationibus prædictorum Principiorum & ipsius Radicis. Atque hoc est Temperamentum nostrum, id est, ipsa natura indolesque rerum, ex Scientiis & signaturis Principiorum productum. Etenim actionum proprietates, quæ in partibus naturalibus conspiciuntur, ut attractionis, retentionis, separationis, digestionis & evacuationis, in Salium, Sulphurum, Mercuriorum, vitali Anatomia, sæpe quoque in externa, deprehendimus: caliditatis, frigiditatis, humiditatis, siccitatis Anatomiae fundamenta non invenimus. Non alia ratione officia earum partium, quæ Elementis superioris globi, id est, Firmamento, & Aeri famulantur, inquirere decet. Quia enim ex tali Sale, Sulphure & Mercurio constituitur cor, in quibus Scientiæ & prædestinationes vitalium motuum vigent jugi ac circulari contractione & dilatatione, fructuum coelestium aëreorumque attractione, attractionum fructu & digestionem, digestorum dispensatione, quiescentium Elementorum vitali & assidua suscitatione, cordis officia peragunt. Principia hic cum dico, Sal, Sulphur, Mercurium, vitalia intellige: in eorum enim Anatomia, tales motus conspiciuntur: motus quoque cœli planè vitalis est, cujus imaginem æmulari student spiritus cordis. In aliis quoque rebus, exaltatis, id est, in actum reductis spiritibus mechanicis, in quibus motuum prædestinationes & Scientiæ continentur vel breves vel diuturni tales motus apparent. Fluxus & refluxus marini ex talibus spiritibus proficiuntur. Nitrosa Sulphura ubi exaltantur Astris excitatis motus similes ostendunt, sed momentaneos, quia Radicem non habent continuam, Hinc fundamenta pulsuum peti debent, & omnium accidentium quæ pulsibus eveniunt. Sed dicet aliquis: quæ igitur necessitas fuit partium, si omnia spirituum beneficio administrantur? Per magna certè. Etenim corporei quodammodo sunt spiritus illi Mechanici, à quibus officia corporibus finitima proficiuntur, multum deficientes ab integritate, potestate & simplicitate primorum spirituum vitalium Principiorum, in quibus Scientiam, vitam, potestatem vigere diximus: à quibus con-

tineri, foveri, ac gubernari spiritus corporeos & ipsa corpora confessi sumus. Itaque cum tam vicino conjugio corporum teneantur, corporeas quoque affectiones sustinent, locaque postulant, Radices & fundamenta, in quibus actionum fontes ac fructuum thesauros constituent. Hoc pacto partes corporis sunt quasi matrices, radices, penuria, *Astra*, in quibus concentrantur & ununtur virtutes spirituum per orbem, id est, per totam Anatomiam, dispersæ. Neque enim in solo pectore continetur Anatomia spirituum cordis, sed per universum corpus mirabili continuitate dispergitur: neque in dextro solum hypochondrio clauditur Anatomia hepatis, sed simili continuitate orbem suum per universam corporis Anatomiam propagavit: neque uterus, testes in suis locis segregati jacent, sed continuitate, à prioribus tamen diversa, per omnia diffunduntur. Sensus, motus, imaginationes, memorias, spirituum corporeorum ministerio perfici, subtilissimorum tamen, hinc clarum est, quod corporeis affectionibus planè obtemperent. Motus à spiritibus cieri, iisque corporeis, manifestissimum est: corporum quoque carnosas fibras legitime dispositas requirunt: horum congressu & facili conjugio motus animales validissimi maximeque conspicui absoluntur, obscuriores verò solo spirituum beneficio administrantur, ut in actionibus naturalibus frequentissimè apparet in totius corporis vitali libramento. Neque verum est quod à nonnullis Anatomicis affirmatur, eundem esse spiritum Motionis & Sensus authorem, actiones verò differentes edi instrumentorum ratione: sed spiritus quoque Donis, Scientiis, prædestinationibus & signaturis his respondentes inter se distant. Absurdiores sunt alii, qui neglectis spiritibus, Motum posterioribus, Sensum prioribus nervis, puerili errore ascripserunt. Sensus quoque corporibus spiritualibus perfici, proxima sensuum instrumenta, sentiendi rationes & affectiones concurrentes, satis demonstrant. De interiori & communi eadem ratio est, servata analogia. Imaginationes & Memorias in spiritualibus corporibus, sed subtilissimis, potentissimis & maxime vitalibus versari, testantur insomnia, morbi, corporum & Imaginationum obsequia, & simplicia nonnulla, quæ certas Imaginationes, sæpe admirandas, suscitant. His actionibus Centrum, Radix ac fundamentum constitutum est cerebrum: ideoque ex tali Sulphure, Sale & Mercurio constitutum est, in quibus Scientiæ, prædestinationes, Dona ac officia talium spirituum contineri possunt, & per universam eorundem Anatomiam perenni defluxu continuari. Quemadmodum enim de corde, hepate, utero, &c. diximus, Anatomiam eorum longè lateque propagari: ita cerebri quoque non solis calvarie limitibus coëscet, sed reliquo corpori benigne communicatur. Corpus enim humanum unum esse oportuit: unitatem

tem verò in tanta partium separatione, diversitate & distantia, Anatomiarum vel spirituum vitalium conspiratione ac confluxu molita est Natura. Hæc est necessitas earum partium quæ continuitatis vincula sunt, ut arteriarum, venarum, nervorum, carniū quoque, ossium, membranarum, sanguinis, & humorum, si rerum evidentibus inditiis fidem adhibere licet. Neque enim absurdum est multis usibus unam eandemque particulam à Natura accommodari. In prima feminis constitutione, Elementis & corporum Principiis etiamnum spirituum libus, solo spirituum ministerio continuitas custodiebatur: nunc verò spirituum libus in corporea transmutatis, vincula quoque corporea adjuncta sunt: nam hoc pacto à radicibus & centrīs, tanquam per orbes & fibras, spiritus mechanici continuè peregrinari possunt. Obscurior est altera continuitas, quæ carniū, membranarum, sanguinis, ossium, beneficio perficitur: neque enim omnes carnes ejusdem sunt naturæ, sed magna Principiorum diversitate constant, quorum similitudo consensum facit. In ossibus, medullis, membranīs, tunicis, ligamentis eadem ratio est. Sanguinis dissimilem naturam in diversis locis & venis inter nostros Medicos, ob frequentem cadaverum dissectionem, pauci animadvertunt: & industriam Antiquorum derident, qui singularium venarum mirabili sectione, morborum vehementium insultus præcaverunt, & præsentium pernitiem sæpe sustulerunt. Profectò, si Anatomiam sanguinis particularem instituisent, & Principia ad incedem revocassent, aliter sentirent. Ipsæ quoque signaturæ sanguinis, diversis locis, etiam sensibus diversæ repræsentantur. Quid mirum? Elementum est aqueum, Astris Mineraliumque differentibus Tincturis ornatum. Itaque his vinculis universaliquè Elementorum & spirituum conspiratione, extrema internis junguntur, remota remotis, & omnium societate unitatis absolvitur custodia. Admirabuntur nonnulli nos sanguinem & humores, in partium numero recensere. Ii ob errores ac vagos impetus, ut dicunt, à corporum & partium familia, hujusmodi discreverunt. At certè, si consentanea à consentaneis trahuntur, si unumquodque in proprio loco felicius retinetur & custoditur, nec omnia sursum, deorsum cæco impetu in ordinatè defluunt: sanguine quoque à Natura lex præscripta erit, locus designatus, Scientia attributa, cujus ductu legi obtemperans, in propriis diverforiis, sine aliorum injuria se continebit, officiaque destinata absolvet. Quinetiam Elementum cum sit, & Astra habeat, eaquè definitis temporum momentis exorientia, vitalibusquè paroxysmis vitæ manifesta testimonia demonstrantia, quis mentis compos, extra corporis Rempublicam in errantium grege collocabit? Elementa enim partes continent, fovēt, nutriunt. Ita Firmamentum Astra sua,

M. 3.

Aqua

Aqua Mineralia, Terra Vegetabilia. Ita sanguis in corpore humano radices habet, Astra, Mineras, &c. fructus vero producit in carnibus, membranis, vitali spiritu, id est, in Elemento Aeris & Firmamenti: id quæ continentur. In carnibus Martis Anatomix subjectis, fructus producit Martiales, Veneris Anatomix Venercos, Lunæ Lunares, Saturni Saturninos: id est, ibi fructus producit ubi proprietates trium Principiorum ferri delitescunt, alibi, ubi proprietates trium Principiorum Veneris, Lunæ, Saturni, Mercurii, Solis: & si lubet, hic verbenas, alibi erucas, laſucas, plantagines, producet. Astra enim iisdem potestatibus prædita sunt: quamvis Elementorum diversa ratione signaturas & nomina transmutent. Longè igitur supra partium dignitatem collocabimus sanguinem, & in societatem ac gubernationem humanæ Reipub. magna necessitate advocabimus. Infelicitè quoque in partium descriptione, humorem illum neglexerunt, quæ in articulis quidem maximè apparet, ac omnium ossium membranis utili necessitate adhæret. Gravissimorum enim morborum sedes est, symptomata committit plurima. Chirurgi, Medicorum superata diligentia, nomine notarunt, quamvis Barbaro, Synoviamque dixerunt: Hippocrates in libro, de Locis in homine, prætermisit: sed officia, proprietates ac conditiones descripsit. Μυξα inquit, πᾶσιν ἐστὶ, φύσις. καὶ ἔστι αὐτὴ καθ'αυτὴ ἡ υγιαινέουσα τῶ ἀρθρῶ, καὶ ἂν τὸ τοῦ ἐκκίνηστος ἐστὶν, ὥστε ὁλισθαίνειν τὸ πρὸς ἐάντιον. πῶν δὲ καὶ ὁ δύννη γίνεται, ὅταν δὲ τοῦ σαρκὸς ὑγροσὶν ῥυή πνευσάνη, &c. id est: *Mucus* omnibus à Natura est, & cum hic purus fuerit, articuli sani sunt, & ad motum apti, quia lubricitate mutua juvantur. Labor verò & dolor fit, ubi à carne humiditas dolorosa affluxerit &c. In hac Myxa contingunt Cephalalgia, κέφαλαίη Hippocratis, die Tähme THEOPHRASTI, Arthritides, Podagra, Chiragra, & vulnèrum pernicioſa symptomata, de quibus suis locis tempestivius agemus. Adipem in partium familia admiserunt: attamen minori dispendio huius jacturam & alterationes, quàm Synovix (vocabulum Provincia dignum est, ut socordix Medicorum nos admoneat) sustinemus. Fel quoque prætermiserunt necessarium sanguinis condimentum, modò debita Astrorum Resolutione destinata officia absolvar. Vesicam verò fellis, partibus ascripserunt. Ita relictis colonis cum tuguriis messes instituunt. Errores hi prima facie leves videntur excusationem admittere: sed magnam cladem toti Medicinæ intulerunt, morborum confusa contemplatione, inutilique distinctione dilaniata, Indicationes ac curationes vehementer turbant. Longè aliud fuit consilium ipsius qui dixit τὸ ἰσχυόν, ἡ ὀρμὴν, ἡ ἐνισχυόμενα: quod satis ostendit in libro De Flatibus. Partium nunc ordines ex necessitate prædestinationum deductos,

Etos, constituemus. Primus earum est, quæ actionibus Elementorum Inferioris globi inserviunt, ut ventriculus, hepar, lien, œsophagus, intestina, mesaraica vena, renes, vesica fellis & urina, venæ: sanguis enim ipsum est Elementum & partium dignitatem transcendit. Actionibus verò Elementorum superioris globi inserviunt, cor, pulmones, aspera arteria, diaphragma, arteria. Spiritus enim vitalis per arterias diffusus Elementum est. Nec operæ precium est minimas quasque particulas hisce actionibus opitulantes hic recensere: ab aliis Anatomicis petere licet. In secundo ordine partes continentur quæ officiis sensuum ac motuum accommodata sunt, ut cerebrum, oculi, aures, lingua, nates, muscoli, ossa, tendines, ligamenta, nervi, membrana. Tertius ordo partibus debetur Generationi destinatis. Ad quartum & postremum ordinem referemus eas, quarum ministerio colligantur & conspirant universa, quæ vincula sunt continuitatis corporis. Diximus enim easdem particulas multis usibus satisfacere posse. Neque hoc aliquem offendere debet, quod Elementi appellationem toties variemus: rerum fecunditati nomina obedire æquum est. Ita quamvis propria esse Elementa & Principia, in singulis particulis sæpe demonstraverimus, nihilominus universalia totius corporis, à quibus sustentantur & foventur particularia, non oportet negligere. Urtica enim in mundana Anatomia, propria habet Elementa & Principia: attamen ab universalium Elementorum fructibus, fomenta assidue haurit. Est etiam partium inter se privata quædam societas. Conspirant enim partes quæ prædestinationibus Elementorum superioris globi famulantur cum iis quæ sensuum ac motuum ministeria absolvunt: rursus quæ officiis Elementorum inferioris globi destinantur, cum iis quæ generis custodiam tuentur. Quia verò ad morborum cognitiones & curationes, naturalium partium administrationes debite explicatæ, maximum momentum adferunt, Concoctionum lithurgias quæ possumus brevitate adjungemus, Quæ ab aliis rectè dicuntur ociosum est repetere. Relictis igitur primis alimentorum præparationibus, dicimus: alimenta ventriculo recepta, virtute spirituum Mechanicorum resolvi & misceri. Sunt enim in Anatomia ventriculi, Scientiæ Sulphurum, Salium, & Mercuriorum, quæ tales actiones edere possunt. In ipsis quoque alimentis continentur Elementa ac Principia, quæ his actionibus obtemperant. Est enim in omni alimento Balsamus animalis, humana naturæ consentaneus: itaque Elementa sua adjuncta habet & Principia domestica. Hinc alimentum à PARACELSO semen appellatur; cui consonat illud Hippocratis: ab iisdem nutrimur à quibus constamus. Facta resolutione separatur impurum à puro, excrementum ab alimento. Ea enim est proprietas Sulphurum, ut consentanea à suis repellantur globis: separata vero naturali impetu ad notiora feruntur diver-

diversoria. Hoc pacto à puriori alimento, id est, à chylo separatur impurum illud Sulphur & foetidum, quod adhuc ab intestinorum Mechanicis perfectius separabitur, donec ad monoculum pervenerit: eò enim naturali fertur desiderio ab aliorum societate repulsum. Sed una cum hoc impuro corpore Sulphureo, id est stercore humano, & alia quædam impuritas in ventriculo separatur, mucilaginosa & tartarea, quæ omnibus alimentis inest. Hæc, quia in se non habet virtutem expulsiuam, potius stypticam, aluminosam, astringentem, si rectè omnia geruntur, una cum priore impuritate mixta expellitur: alias morbos committet, de quibus in Generatione morborum dicemus. Impuritatibus his separatis, alimentum in ventriculo digeritur, ad maturitatem perducitur, & continua actione spirituum in vaporosos halitus conversum, ad hepatis officinam festinat. Nec ita hoc accipi velim, quòd certa temporum dispensatione, primum universæ alimentorum impuritates separentur, relictis solis puris partibus digestionem & distributionem destinatis: sed continuatur separationi digestio, idque particulatim. Quicquid enim ex alimento separatum fuerit, non expectata aliorum sorte, continuo maturatum, in vapores halituosos resolveretur, & societate aliorum Mechanicorum in novas officinas adduceretur, durabitque talis molitio in consumptionem nutrimenti vel Chyli, Quamvis autem repudiatam rejecerimus corpoream chyli distributionem, quam Anatomistæ imaginantur, ac vaporosam solummodo substantiam ad hepar confluere dixerimus: nihilominus corporea continuitatis vincula huic distributioni necessaria esse, nec frustra à Natura posita, asserimus. Neque enim quæ corporeis vinculis in Natura confluunt, corporibus quoque (nisi spiritualibus) confluere necesse est: neque spiritualia omnia spiritualibus mediis conspirant. Magna est rerum varietas. Magneti ferrum consentit sine solido vel corporeo medio. Torpedo verò piscatoris manuum non afficiet nisi corporeum continuumque vinculum intercesserit. Ita quamvis vaporosum & spirituale sit nutrimentum quod distribuitur, notas tamen vias & familiares continuitate moderante potius ingreditur, quam peregrinas, in quibus continuitatis vincula desiderantur. Hac ratione attractiones naturales quæ spirituum beneficio administrantur, secundum fibrarum rectitudinem absolvi ab Antiquis proditum est. Hæc, quamvis minima sint, plurimis tamen vaporibus viam ostendere possunt, & radiorum confluxus tueri: obstructæ verò vel induratae, officia amittunt ac errores pariunt. Nec valet argumentum eorum, qui spirituales chyli distributionem, & omnium alimentorum invertere conan-

conantur: dicentes , in hepate corpoream substantiam ex chylis absolvi nempe sanguinem: igitur ex corporibus. Næ illi pauca intellexerunt Naturæ opera, si spirituum & corporum reciprocas vicissitudines non admittunt. Mefaraicarum itaque venarum necessitatem & usum exposuimus. Facta hac prima solutione, separatione & digestionem, alimentum ad officinam vel stomachum hepatis (ut loquitur PARACELSUS) attractum in sanguineam substantiam coagulatur idque juxta Scientiam trium Principiorum hepatis: fitque separatio, maturatio & distributio, quemadmodum in ventriculi lithurgia ostendimus. Et quia subtiliora sunt nutrimenta hujus officinæ, subtilioribusque Mechanicis subjecta, excrementum quoque analogum exhibent, urinam scilicet. Hæc naturali impetu ad renes fertur non seorsim & impermixta, sed una cum sanguine ferretur. Nec solum in hepate, sed continenter in massa sanguinis, donec ad renes pervenerit, perficitur separatio. Interea lienis, vesicæ fellis, consentaneum alliciunt nutrimentum, idque non solum ex hepate, sed etiam ex ventriculo. Nec verum est quod dicunt Anatomici, totum sanguinem in liene contentum, excrementum esse: neque fellis naturam in excrementorum familia absolute collocare oportet. Alia est necessitas harum partium, si salium condimenta coquis vicina sunt. Dicent, obstructo emunctorio fellis πέψω χολεήδωχω, per quod excrementa sua deponit, si sanguini permisceatur, symptomata perniciose comitari: similiter ex liene. Hoc verò non sufficit ad excrementi naturam constituendam. Etenim & aliæ partes, quæ citra controversiam ab excrementorum numero excipiuntur, in peregrinas Anatomias illapsæ, morbos & symptomata confestim producant. De sanguine manifestum est: & Hippocrates, in libro de Locis in homine, affirmat: ὅτι μέλεα δὲ σπῆλαι ἐκ τοῦ εἵματος τὰ ἐπερὶ τῷ πύθωι ὁκόπων ἐνθαυ ἢ ἐνθαυ ὀρηγῇ νῆστον παχευτικὰ ποιέει: id est: corporis singula partes altera alteri, ubi hinc vel illinc processerit, morbum statim facit, &c. Quod de famosis illis humoribus dicitur, eorumque generatione in hepate, sanguine scilicet, bile, pituita, melancholia, consideratione dignum est. Ex his enim causas & curationes omnium morborum qui ex materia pendent (ut ipse loquitur) deduxit Galenus. Hoc est illud dogma, pro quo tanquam aris & focus pugnant Medici in hunc usque diem. Caligas potius, quam tam speciosas & proprias morbidas causas appellaciones relinquerent. Hi sunt illi humores, qui toties à PARACELSO repudiati sunt. Operæ precium est depositis affectibus scrutari, in lithurgia humanæ naturæ, quid in hac controversia veritati vicinius sit. Primum quaeremus, an ratione Materia vel Efficientis contingat tanta humorum diversitas. Utriusque opinor: mutuas

enim operas tradunt. *Materiam ex chylo, chylum vero ex vino, pane, carnibus, leguminibus, herbis, piscibus, fructibus, &c. subministrari in confesso est.* Nunc verò si ex iisdem nutrimur ex quibus constamus, quid in his omnibus idem esse potest? Non enim ex carnibus carnes solum nutriuntur, ex ossibus ossa, ex nervis nervi: sed ex uno pane, carnes, ossa, ligamenta, nervi, viscera, sanguis, & universa corporis membra, vitale nutrimentum hauriunt: ex carne similiter, vino, piscibus, & cæteris omnibus. Quo circa non ex individua corporum affinitate similitudinem hanc æstimare decet: durabilior certè & superior affinitas quærenda, quæ mutatis & destructis Individuorum proprietatibus ac surdis societatibus (ut sunt momentaneæ, omnibus impressionibus subjectæ) etiamnum valida virium potestate, consonantem Naturæ similitudinem tueri possit. Tales proprietates in Radicibus, Speciebus, Balsamis solummodo inveniuntur. Ex hoc illud est in omnibus alimentis, ex quo nutri-mur, Balsamus videlicet, Mumia animalis & vegetabilis, vitale illud sulphur quod omnium alimentorum radix est; quo quæ destituuntur nutrire non possunt. Et admiranda est in Natura rerum conspiratio. Vegetabilia, Mineralium & Vegetabilium Balsamo nutriuntur. Animalia vegetali & animali: videnturque Mineralia, vegetabilia ac reliqua animantia hominibus alimenta præparare, i.e. Balsamum illud vitale, ex quo proxime constituuntur universa membra humanæ Anatomix, & constituta assidue nutriuntur. In hoc Balsamo sunt Elementa & tria illa corpora, Sal, Sulphur, Mercurius: sunt excrementa, impurum illud Sulphur ac foetidum, urina, mucilagines tartaræ, sudores, impuritatibus quoque multa species: est succus ille pyrsanæ cremori similis: est sanguis: sunt spiritus, carnes, ossa, ligamenta, nervi: si Mechanicorum adsit industria: qui latentia separare possunt. Impurum illud & foetidum sulphur, humorem pyrsanæ cremori similem, sanguinis rudimenta, urinam, multas Salium, Sulphurum, Mercuriorum species & distinctas prædestinationes, artis ministerio ostendere possumus: pituitæ, bilis, melancholiæ Anatomiam nescimus. Nec enim species nec proprietates in Natura possident: sed nomina sunt inania, fraudulenta ostentatione Principiorum insigniis superba. Quod si horum, id est, Salis, Sulphuris, & Mercurii exercitus repetitum venerit, proprietates, furtivis nudati coloribus humores, risum movebunt posteritati. Dicent nonnulli otiosas esse λογισματίας, nova huiusmodi nomina & Principia à PARACELSO in vanum introducta: idem intelligere Galenum cum dicit febrim oriri ex bile putrida, quod PARACELSUS nova interpretatione declaravit, dicens febrim esse Sulphur nitrosum accensum: ita cum dicit

cit Galenus Colicam esse ex pituita vitrea, idem declarari quod apud PARACELSUM dicitur, *Colicam esse ex mucilagine Tartarea, aluminosa & styptica*: idem significari siue dicatur Calculum generari ex pituita, ut Galenus, *siue ex mucilagine marmorea, alabastrina, arenosa, bolari.* &c. ut PARACEL-
 SUS: siue dicatur Podagram ex sanguine, pituita, melancholia, bile ac-
 ferolis humoribus generari, ut Galenus, *siue ex Sale Mercuriali subtilissimo & acutissimo*, ut PARACEL-
 SUS: siue dicatur Cancrum oriri ex me-
 lancholicis humoribus velata bile, ut Galenus, *siue ex Sale æruginoso & ferru-
 gineo*, ut PARACEL-
 SUS. Sed vehementer errant. Magna est differen-
 tia. Etenim qui dicit ex bile febrem oriri, bilem in mundana Anatomia non
 inueniens, multa caliditatis & siccitatis ope utetur, ut signaturarum ac fe-
 briliū symptomatum causas interpretari possit: sed frustra: imaginarias
 solummodo inueniet. Qui vero ex nitroso Sulphure constitui febrem asserit,
 hujus Sulphuris Anatomiam in multis speciebus mundanæ Reipub. depre-
 hendens si ad incudem reduxerit Astris exaltatis, fructus & symptomata
 febrium in proprietatibus specierum manifestè animadveret. Ita horrores,
 rigores, frigiditates, calores, sitim, vomitiones, sudores, somnos narcoti-
 cos in paroxysmorum initiis, dolores capitis, deliria, & statas accessionum
 repetitiones, quod apud Galenistas miraculosum est, magna facilitate in-
 terpretabitur, proprietatum fideli ministerio adjutus. Rursus qui bilem fe-
 brium causam statuunt, in curatione digestionem, incrassationes, refrigera-
 tiones, attenuationes, incisiones, purgationes, nescio quibus Syrupis & Pi-
 lulis molientur. Qui verò nitrosum Sulphur febres committere pronun-
 ciant, de resolutione & consumptione meditabuntur, qua absoluta, fideli re-
 mediorum securitate muniti, Naturæ loca & vias evacuationis commit-
 tent, siue per alvum, siue per urinas, siue per sudores, siue per insensiles
 transpirationes resolutam materiam propellare voluerit. Sed de his in mor-
 borum & remediorum explicatione tempestivius agemus. Ipsi quoque Me-
 dici vomitione rejectam bilem, æruginis proprietates referre sæpenumero
 animadverterunt: itaque ærugineam bilem appellaverunt. Interdum porri
 qualitates manifeste representabantur, hanc porraceam confestim nomina-
 runt, & dubitationes novas attulerunt, an scilicet in ventriculo talis generari
 posset. Alium conspicaci sunt humorem, terram fermentare, bullas excita-
 re, similitudinem amurcæ, sæcum vini vel Tartari (si licet) ostendere, hanc
 atram bilem dixerunt, quod si fermentaceam vel tartaream dixissent, Naturam
 serè non offendissent. Et quia per vomitum plures humorum species non ita
 frequen-

frequenter rejiciebantur tam claris salium proprietatibus insignitæ, relictis veris nominibus, phantastica introduxerunt, famosas & infames vel majoris ac minoris famæ biles proponentes, vitellinam, adustam, &c. Eodem pacto pituitam salis ac acidam sæpe animadvertunt. Si verò Salium Anatomiam antea didicissent,prehendissent nitrosam, aluminosam, vitriolatam, salgemmeam, & si herbas quoque salium proprietates continere crederent, aronis, urticæ, chelidonæ, flammulæ, brassicæ, soldanellæ, kali, centaureæ, piperis, persicariæ, salia in humoribus tandem admitterent, mixtiones quoque salium cum sulphuribus studiosius inquirentes, salia sulphurea & mercurialia magna utilitate adjungerent. Tandem si seminum signaturas & Generationum lithurgias in humana Anatomia olfacerent, dulcedine veritatis allekti, nulla bilis, pituitæ, melancholiæ feveritate, à tam clara & fecunda Philosophia in posterum absterrentur. Tum verò non solum in hepate, sed etiam in ventriculo, intestinis, carnibus, synovia, medullis, ligamentis, ossibus, nervis, arteriis, in pulmone, liene, cerebro, renibus, vesica, utero, testibus, mammillis, denique in universis partibus humani corporis, æruginosum, vitriolatum, tartareum, nitrosum, aluminosum, porraceum, uricosum, aronicum, peperinum, persicariosum, generari posse sancta fide jurarent: & nudis humorum appellationibus repudiatas proprietates Salium, Sulphurum & Mercuriorum avidè addiscerent. Quod *musti exemplum adferunt ad Generationem quatuor humorum in hepate stabiliendam, sententiam eorum planè evertit. Non enim humorum procreationem, sed excrementorum separationem clarè ostendit: & vigore hujus exempli triumphum ager PARACELsus contra eos qui tartarea excrementa, eorumque separationes, morbos & symptomata derident. Hippocrates longè aliam rationem humorum instituit lib. 4. de Morbis. Primum, fontem omnium, ventriculum tanquam commune penurarium collocavit: quatuor deinceps particulares fontes cor quidem sanguinis, caput pituitæ, folliculum fellis bilis, lienem aquæ, adjunxit. Rationem verò consilii sui paulò post innuit, dicens, in omni alimento inesse quiddam sanguineum, biliosum, pituitosum & aqueum, ac consentanea consentaneis distribui. Quemadmodum in terra sunt facultates omnigenæ & innumerabiles, οὐδὲν αὖτις παρ' ἑαυτῶν ἀναγεθῆναι: unaquæque verò planta similem trahit ac naturæ suæ familiarem. Ubi demonstrat se in humorum dispensatione non Elementis vel nudis qualitatibus animum adhibuisse, sed proprietatibus, iisque variis, omnigenis, innumerabilibus. Hinc proprietatum copiam ad certa quædam genera reducere conatus est,*

tanquam ad matrices & familias in quibus illustra de se testimonia sæpe præberent. Idem manifestius in libro de Humana natura interpretatur: ubi certis anni temporibus singulas humorum species in corporibus abundare, & medicamentorum purgantium diversa facultate, diversos evacuari affirmat, in quibus tamen perpetuò adsint proprietates, quemadmodum in terra dulce, acidum, amarum, acre & omnigenum, quarum separatione & exaltatione morbi contingunt: quod in libro de Antiqua Medicina exposuit. Hac ratione observationes Hippocratis & inchoata Medicinæ theoremata excusare possumus: videlicet, quod multa semina iisdem proprietatibus insignita, in humoribus similibus tanquam matricibus & agris consentaneis fundentur. Quæ semina ac proprietates, ubi ad maturitatem pervenerint, fructus producant tali humorum signatura vestitos. Consentanea verò cum sint huiusmodi semina, iisdem locis vel humoribus recepta, & fructuum similitudine conjuncta, curationes quoque admittunt communes. Quæcunque enim in petuitosis corporibus anatomiam habent (qualia sunt illa quæ hyeme ascendunt) medicamento pituitam evacuante sanantur: quæ verò in biliosis (hæc æstate ad maturitatem perveniunt) medicamento bilem ducente tolluntur: quæ in melancholicis (talìa autumnò resolvuntur) analogo remedio obtemperant: quæ in sanguine (verno tempore huiusmodi exoriuntur) venæ sectione sanantur. At verò ii morbi leviores sunt & anniversarii, Hippocratis ætate consueti. Nostri temporibus graves incubuerunt, quorum generatio laboriosa est & intricata, curatione verò, multorum iudicio, planè desperata: nec veratrum, nec onicum, nec colocynthis, nec ebulus satisfacit. Necessitate igitur adactus PARACELSUS Medicinæ Theoremata dilatavit, morborum semina & Generationes exquisitis rimatus, curationes præstantiores ac remedia altiora adjunxit, morbos, medendi rationes, & remedia Hippocratis ætate consueta sub Diætâ & iusto agrotorum regimine claudens. Interdum quoque humorum mentionem facit, quoties Tincturarum & excellentium Arnacorum virtutes exponit, dicens, harum potestate & usu nec melancholicum nec phlegmaticum quippiam in corporibus coacervari posse: adeoque tutos reddi homines ab externorum Elementorum anniverfariis, mensuris & diurnis impressionibus: quod in Archidoxis præparationum viderelicet. Hanc humorum censuram hoc loco sufficere arbitror: alibi severiorem actionem instituemus. Actionum naturalium administrationes in singulis partibus hoc loco recensere Compendii leges non admittunt. Qui diligenter quæ à nobis dicta sunt examina verit, sine labore aliis accommodare poterit, servata seminum, locorum & Mechanicorum

analogia. Sed unde digressi sumus revertamur, & humanæ Astronomiæ harmoniam adjunctes exemplis illustremus. Superiora Elementa, scilicet Firmamentum & Aër eorumque astra, fructibus ac resolutionibus inferiorum fovetur, inferiora vicissim benignitatem superiorum experiuntur. Ita in corde, cerebro, pulmonibus, arteriis, nervis, &c. naturalium actionum administrationes conspiciuntur, suos habent ventriculos, ut loquitur P A R A-
C E L S U S. & spiritus mechanicos attractionum, expulsionum, separationum, coagulationum, digestionum, distributionum, retentionum, separationum. Ubique verò tales spiritus reperiuntur, ibi concoctiones celebrari, & ventriculi officia absolvi necessarium est. Spiritus enim sunt qui esuriunt & sitiunt, qui saturantur, & saturati fructus emittunt sanitatis vel morborum nuncios. Ita nulla nominum injuria dicemus in sanguine ventriculorum esse, concoctiones, nutritiones, attractiones, separationes, & similes actiones in sanguine administrari. Similiter in Synovia, in ligamentis, in ossibus, in carnibus, & multò magis in vitalibus spiritibus cordis ac arteriarum. Alimenta certè dissimilia sunt, utpote locis & Mechanicis consentanea. Non enim tam crasso & impuro alimento nutritur sanguis quemadmodum ventriculus, intestina, & primæ alimentorum officinæ, nec sanguinis nutrimentum, synovia, carnibus, ossibus, ligamentis accommodatum est, nisi subtiliorum Mechanicorum industriam antea experiatur. Sic Firmamenti astra, vel vitalis spiritus cordis & arteriarum alimento fruuntur puro ac spiritali, ab astris, inferiorum elementorum ante preparato & benigna nutritione ad maturitatem pervenientia, fecunda fructuum resolutione vices rependunt, mutuaque officiorum communicatione societatem humanæ Reipublicæ custodiunt. Nec mirum est tantam Elementorum & astrorum diversitatem, tam amicè conspirare. In una radice fundantur omnia, in Balsomo scilicet animali, cujus prædestinationes, Scientias & officia, diversis disjunctis & sæpe contrariis instrumentis ordinatè absolunt. Omnibus enim Elementis & Astris hujus Radicis vel Balsami conspirantibus ac pensum debitè facientibus Astronomia humana stabili & rata motuum vicissitudine procedit, actionesque ostendit sanitatis indices. Quemadmodum in mundana Anatomia, ortus astrorum certis temporibus fructuum tempestivis resolutionibus, anni salubritatem tuentur. Nunc pluviarum stellæ commodius resolvuntur: nunc ventorum: alias serenitatis, caloris: interdum nivis, frigoris, pruinae: interdum Mannæ species, felicius cadunt: alias Zephyrorum genitalis defluxus desideratur. Et interrestri Astronomia, nunc rosæ, violæ, narcysii germinant: nunc legumina, fru-

frumenta, vites, arbores, &c. & universæ plantæ, singulæ suas periodos observant, nisi sterilitatis ac morborum causæ intervenerint. Ita in humana Anatomia, astra superioris globi, id est vitales spiritus cordis & cerebri, imbribus, serenitate, caloribus, sæcundo roris ac Zephyrorum defludio, fructibusque similibus, inferiorum Elementorum semina benignè irrigant, quibus silentibus marasmi, sterilitates & tabes contingunt, utcumque alimentorum copia colliquecentes partes & ad caviem festinantes, sublevare conentur agroti. Rursus inferiora altra, rosas, violas, melissas, valerianas, vites, fruges, aurum, argentum, rubinos, saphyros; continenter ex alimentis, producant: non quod formarum externas signaturas in homine demonstrent (Transplantatione enim externa vestimenta amiserunt) sed quia proprietates similes in spiritualibus corporibus, humanæ Anatomie domesticis producant, ex quibus superiora astra fomenta recipiunt, ac universa officiis & actionibus opportuna redduntur. Eodem quoque pacto digesta seminum tempora in homine transplantantur: breviores enim habent periodos, easque continuas: quamvis in Olympo etiam reperiantur sydera anniversariis circuitibus ascendentia, mensuris, & diurnis. Sunt & alia quæ longiore intervallo ad maturitatem perveniunt, de quibus in hæreditariorum morborum generatione dicemus. *Menstrua astra in mulieribus manifestè conspiciuntur, & in viris nonnullis.* Hæmorhoides verò annuos circuitus ut plurimum observant. Somni Ascendentia, diurnas habent revolutiones, & proprietates possident papaveris ac lactucarum, quales in Luna nocturnisque syderibus vigere, Sensus testantur & ratio confirmat. Has Astrorum revolutiones in humana lithurgia ante nos adduxit Hippocrates. Ita enim scribit, in libello De Insomniis. *ἄστρον μὲν οὖν ἢ ἔξω περιόδου, ἢ λίαν ἢ ἡμέσῃ. πλήντι ἢ ἡ πρὸς τὰ κρύλα. ὅτι μὲν ἐν δεξιῇ πύντων τῶν ἄστρον σθένος ἢ βλάβη, ἢ ἀφανίσις, ἢ ἐπέχισις τῆς περιόδου, κατ' αὐτὸ τὸ μέρος καὶ τὴν οὐρανὸν περιγράφεται, &c. i. e.* Astrorum circuitus exterior est in corpore, Solis medius, Lunæ verò ob cavitates. Quodcumque igitur horum Astrorum, vel extingui, vel lædi, vel obscurari, vel à circuitu suo (per insomnia sc.) cohiberi videtur, in eadem corporis regione morbum latere significat, Κολίαν appellat ventriculum, intestina mesenterii venas, hepares, lienem, & primas alimentorum officinas. In iis enim ob impuritatem alimentorum, & momentaneam trium Principiorum naturam celeres sunt periodi, plenilunia velocia, ac reliqua tempora similiter. Medium circuitum in corde, cerebro, in sanguine collocat Hippocrates, ubi puriora sunt Elementa, semina & astra, constantioribus Principiis ornata; motus proinde edunt.

edunt stabiles non senescentes, Solis naturam in hoc imitantes. In syno-
 via, carnibus, ligamentis, ossibus, membranis, &c. spiritus vigent me-
 chanici & semina, astrorum diurnos circuitus imitantia. Morborum pe-
 riodi, hanc revolutionum analogiam confirmant. Tarda enim sunt ple-
 nilunia eorum morborum, qui in circuitu astrorum, vel in habitu corporis,
 ut loquitur Galenus, fomites & mineras habent: celeriora eorum qui in
 cavitatibus fundantur. Idem planius interpretatur libro primo de Diæ-
 ta: dicitque Naturam vel ignem in hominis generatione triplices circui-
 tus facultate diversos distingxisse. Ε' ποιήσατο πυρὸς περιόδους τρισσάς, περι-
 νάσας πρὸς ἀλλήλας ἢ εἰσω ἢ ἔξω. αἰ μὲν πρὸς τὰ κοῖλα τῶν ὀργάνων, σελήνης δύναιμι. αἰ
 ἢ ἐς τὴν ἔξω περιφέρειαν, πρὸς τὸν περιέχοντα πᾶν, ἀστρῶν δύναιμι. αἰ ἢ μέσαι,
 καὶ εἰσω καὶ ἔξω περιάουσαι, τὸ θερμότερον καὶ ἰσχυρότερον πῦρ, ὅπερ πάντων ἐπι-
 κρατεῖται, διέπον ἅπαντα καὶ φύσιν. ἀποφον καὶ ὄψι καὶ ψαύσει, ἐν τούτῳ φύχῃ
 νόσος φρόνησις, αὐξήσις, κίνησις, μείωσις, ἀφίλαξις ὕπνος, ἐρηγήσῃς, τὰς
 πάντας ἀφ' ἑαυτῶν κυβερνᾷ καὶ ταῦτα καὶ ἐκείνα, ἃ δέ ποτε ἀτρεμίζων. id est: Fecit
 ignis circuitus triplices, mutua societate tam intus quàm foras conspirantes. Quæ in
 cavitatibus, humiditatum officinis circuitus habent, Lunæ potestatem, motus & ma-
 turitates referunt: quæ verò exterius, ubi solidiora consistunt membra revolutiones
 absolvunt, astrorum imitantur proprietates: quæ in medio consistunt, robustissimi ig-
 nis naturam continent, qui intus & foras per omnia transiens, omnibus dominatur,
 idque occulto silentio, nec enim visu, nec tactu conspicuus est. In hoc igne, id est,
 in astris mediæ hujus revolutionis, Anima, mens, prudentia, augmentum,
 motus diminutio, transmutatio, somnus, vigilia delitescunt. Ibi spiri-
 tus eorum mechanici, Ascendentia, spiritualia corpora, actionum pro-
 xima instrumenta radices habent. Hæc omnia morborum accidentia ma-
 nifestius declarabunt. Nec omnia quæ de his dici commodè possent, hoc
 loco adducere tempestivum est. Itineris solum initia candidè hoc loco
 demonstravimus: progressus & absolutiones ubi visum fuerit adjunge-
 mus. Pœnitentia & grata diligentia, prædestinationum diuturna tempo-
 ra accelerabunt. Interea naturalium facultatum administrationem tali
 formula complectemur.

Actions omnes naturales à spiritibus proficisci iisq, differentibus subtilitate, crassitie
 secundum actionum analogiam. Progressionem seminum & scientiarum distinctionē, par-
 tium necessitatē attulisse in eis tanquā astris & radicibus coacervari & quasi ad centrum
 revocari singulorum spirituum thesauros, indeque perenni radiorum defluxu cuncta fo-
 veri Anatomis eorum consentanea. Concoctionum officinas plurimas esse, commu-
 nesque appellari, in quibus impuratum separationes manifesta & corporea necessario
 contin-

contingerent. Generationem quatuor humorum, sanguinis, bilis, pituita, melancholia in hepate phantasticam esse, in sanguine enim tanquam Elemento innumerabilia semina, eaque proprietatibus trium principiorum insignita contineri, superiorum Elementorum Astra fructibus inferiorum nutriri, & rursus inferiora superiorum favore non destitui, sed cuncta opportunis temporibus debite conspirare, revolutionumque suarum periodos inviolatas custodire, nisi pravaricationes peregrinorum seminum inimica Transplantatione irreperent, de quibus sequenti Capite agemus.

CAPUT XII.

De Morborum Generatione & Transplantatione.

In rerum naturalium contemplatione, de quibus hactenus egimus, eomites sæpe habuimus Philosophos. Sensuum enim ministerio, exigua adjuncta observatione, plantarum & animalium origines deprehendi possunt, seminaque possident manifesta. At verò morborum explicatio quia semina occultiora obtinuerunt, & Generationes Transplantationesque in Natura officina absconditas, nec sensuum arbitriis, nec syllogismorum superbis decretis subjectas, intricata planè, & à paucis comprehensa est. Aristotelici Privationum familia morbos ascripserunt, tanquam defectus & errores Naturæ, in quibus nec formæ nec differentia, nec essentia reperiuntur. Platonici, posteaquam Ideis distituebantur (neque enim defectibus, neque malis Ideas concesserunt) veritine longius ab Entium pulchritudine discederent, morborum contemplationem sterilem reliquerunt præcepti Platonis memores, jubentis, descendentes ubi ad Singularia pervenerint, ea relinquere & infinitati concedere. Medici verò quibus hæc provincia præcipuè commissa fuit, quia Philosophorum patrocinium amiserant, observationibus inprimis contenti, morborum essentiam & naturam tanquam impervestigabilem inter Transcendentia reliquerunt. Itaque ex quibus causis antecedentibus, quales sequerentur ægrotudines studiosè notarunt: & tandem causarum immensam varietatem ad certos ordines reducentes, artificiosas morborum prædictiones, præservationes & curationes inde derivare conati sunt.

Hinc apud Hippocratem distinctiones morborum variæ conspiciuntur, ratione causarum efficientium, à quibus procedunt. In libro De humana Na-

tura, morbi (inquit) alii, à Diata sunt, qua homo utitur: alii à spiritu quem attrahimus. Signa adiungit ubi eodem tempore plurimi uno morbo corripiuntur, à causa maxime communi, qualis est spiritus, tales generantur, cum vero diversi diversos occupaverint à Diata contingunt.

Eodem modo febres tanquam communissimos morbos, libro de flatibus distinguit: alias affirmans communes esse, qua ab Aëre vel spiritu proficiuntur, spiritu dico morbidis excretionibus inquinato: alias verò privatas, quæ à Diata ortus sui primordia acceperunt. In libello de humoribus inquit: Morbi alii cognati sunt, quos ab ipsis agrotantibus interrogando discere licet: alii à regione: nonnulli ex Diata: quidam ex temporum constitutionibus.

Libro de morbis primo, similiter Περὶ παθῶν, De affectionibus statim initio, morbi (inquit) omnes hominibus à Bile & Pituita sunt, tanquam in corpore existentibus excitantur verò hac à cibis, potibus, laboribus, calido supercalefaciente, frigido superfrigefaciente, superexiccante, &c. Hic Bilem & Pituitam tanquam communia Elementa & matrices omnium morborum, qui à femine interno producuntur, constituit. In illis enim, tanquam in terra, omnigenæ facultates latent, acerbum, acidum, austerum, salsum, amarum, acre, &c. Quæ proprietates ubi separantur, & ab aliis sepeata ad Exaltationem perducuntur, morbos pariunt. Separationes verò accelerant vel retardant, admovenda, facienda, & foris incidentia, id est, calidum supercalefaciens, frigidum vehementer refrigerans, cibus, potus, venus, labores, animi affectus, casus, contusiones, vulnera, &c. Rursus de antiqua Medicina: morbi, inquit, alii sunt ὁποῦ δυνάμειον alii ὁποῦ σχηματῶν, Δυνάμειον appellat τὸν χυμὸν τὰς ἀνοήτους & ἰσχυρὸς, id est humorum Exaltationes, summitates, potestates, summas vires, &c. Ubi explicat quo pacto humores morbos generent. Non quia calida & sicca est Bilis, propterea Hippocrati morborum genetrix censetur: sed quia δυνάμειον in se continet, ἡ δυνάμειον μετέωρον ἢ ἀποειλην ἢ ἀνοήτου, Id est, quando exaltata fuerint, incotta & ab aliis separata summas vires ac extremas potestates calamitosa symptomatum perniciem ostendunt. Figurarum & cavitatum morbi, omnibus noti sunt. Libello de alimentis, morborum differentias ex locis & partibus in quibus foventur deduxit. Morborum differentia (inquit) in alimento, in spiritu, in calore, in sanguine, in pituita, in bile, in humoribus, in carne, in pinguedine, in vena, in arteria, nervo, membrana, osse, hepate, splene, cerebro, utero, renibus, ventriculo, intestinis, &c. Empirici Hippocratem secuti causarum morborum & symptomatum concursus collegerunt, illustres differentias longa

longa experientia in singulis ordinibus notarunt, & notatas discipulis suis fideliter communicaverunt. Galenus verò, qui & ipse Præceptoribus usus est Empiricis, longitudinem artis perosus & Experientiæ diuturna tædia, Geometricorum scholas accessit: ubi Demonstrationum vigorem ac Methodorum expeditam brevitatem admiratus, cogitare porro cœpit, an Medicæ arti Geometricorum Methodis operæpretium aliquod adferri posset: habitaquæ deliberatione ad Medicos redire statuit.

Ita Methodorum (rei novæ & apud Meditos ea ætate inauditæ) miraculo insignis artem confusam in ordinem primus revocavit: dubia Demonstrationum lege conformavit: observationes tamen & experientias Hippocratis (quia Principia Demonstrationum habere oportuit) ratas & stabiles ubique concessit. Hanc enim narrationem ac historiam de seipso in omnibus propemodum libris copiosè prosequitur, Quia verò morborum natura ab Empiricis & ipso Hippocrate non satis explicata erat; & differentiæ copiosæ quidem, sed confusæ ab omnibus adducebantur, mirabili investigatione & subtili Methodo obscuritatis opem tulit. Etenim in prioribus libris Methodi medendi, quatuor rerum genera inter se distincta proposuit, Actiones, actionum Proximas causas, Antecedentes, evidentes sive externas: in hisce ordinibus morbum necessario contineri. Cæteris exclusis, in actionum Proximis causis morbos versari demonstravit.

Actionum Proximas causas esse partium diatheses, constitutiones vel dispositiones, &c. Eas autem integrari juxta Elementorum temperie, conformatione & unitate, quorum symmetria sanæ, ametria morbose actiones ederentur. Causas deinde morborum Antecedentes, in humoribus contineri asseruit. Quapropter ex partium numero, pituitam, bilem, melancholiam, sanguinem, & immeritam synoviam secluserit. Vide calamitatem sensibilibus Methodorum in occulta Naturæ lithurgia. Etenim adhuc incomprehensum est in Schola Galeni, quidnam sint Elementa, quomodo misceantur, & an actionum omnium causæ ab Elementorum temperie proficiscantur.

Fernelius certè totam Substantiam, Formam essentialem, proprietatem additam, aliud ab Elementis esse confirmat, divinioremque obtinere originem.

Itaque nova similarium morborum genera posuit, Formæ scilicet vel totius Substantiæ: in quorum familia luem veneream collocavit. Francanzani Vicentinus, in qualitatibus Galenicis mortuus & sepultus est, magna severitate Novatores illos detestatus, qui occultarum proprietatum & totius Substantiæ nomina in Medicinam introduxissent. Se primùm

animadvertisse morbum Gallicum esse intemperiem calidam & siccam, innominatam tamen, opinionemque suam confestim Montano placuisse. Ita quoties alii occultarum proprietatum, & totius Substantiæ appellationibus triumphabant, ipse, veteranus ac strenuus miles, innominatas Temperies opposuit. Obscurum nihilominus & inexplicatum remansit, quidnam in corpore humano esset, in his & similibus morbis, à quo proximè læderentur actiones, sive Occultum sive Innominatum diceretur. Tanta est difficultas, obscuritas ac repugnantia in Diathesi illa Galenica. *Alii Medici, relicta nominum subtilitate, à rebus ipsis veritatem eruere conati sunt.* Quocirca in morbis nonnullis manifestioribus, sensuum propemodum beneficioprehenderunt aliquid, à quo proximè videbantur actiones lædi vel impediri, cui Morbi appellationem confestim imposuerunt, gaudentes se *Διαγνώσκουσιν* obscuritatem, hac rerum evidentia tam facile sustulisse. Hi, humores lateri impactos, hepati, lieni, ventriculo, venis, &c. morbos dixerunt, & Calculum in vesica similiter. Posito enim humore crasso, & mucilaginoso, in hepate, liene, mesaraicis, &c. lapide in orificio vesicæ, proximè nullius interventu lædi vel impediri actiones, constanter asseverabant. Quemadmodum lapillosa mucilagine ante pupillam collocata, confestim impediri visum, qua sublata subito restitui. Sed gaudium eorum non fuit diuturnum. Surrexerunt enim adversus, nominum & Pradicamentorum Detractores, conquærentes universas Naturæ & doctrinarum leges hoc pacto confundi, causarum effectuumque discrimina inconsiderate negligi, Qualitates in Substantia collocari sacrilego ausu. Morbum enim cum Diatheses sit, in Pradicamento Qualitatis contineri: ibique Differentias, species & totam æconomiam possidere, eos verò humores crassos, lapides (substantias planè) morbos nominare. Hinc quæstiones novæ in Medicinam introductæ sunt de causa Continente morborum, & subtilitatibus allatis, quas nulla mentis celeritas assequi posset, omnia repleta. Etenim quia sensuum testimonia urgebant priores, subtili celeritate opus fuit, si à rerum tam manifesta evidentia abstrahi deberent. Ita enim *Frastigiatores, ubi sensum fallere volunt, peregrinis objectis & insueta celeritate utuntur.* Quocirca, quia inter causas Continentes morborum & læsas actiones, in rebus ipsis nihil invenire poterant, quod intercederet, cuius interventu morbi ipsi à causis Continentibus rectè distinguerentur, nomina quædam interpolaverunt subtilitatibus confestim comitata. Inter albugineam & lapillosam mucilaginem ante pupillam collocatam ac videndi functionem impeditam, sensuum iudicio nulla causa effectui propinquior intervenire videbatur, & ratio-

rationis consensus (si precipuè Indicationes curativæ à morbis ipsis sumuntur) accessit. Ablatio enim illius materiei principatum obtinet in curatione prædicti morbi: At vero posteriores, Obstructionis nomen interposuerunt: humorem illum lapideum vel corneum causam esse, Obstructionem vero morbum: im memores quod hoc pacto morbum ex causarum ordine excluderent, de cæteris idem fuit iudicium. Calculum enim in vesica, Continentem esse causam, Obstructionem vero morbum. Sic mucilaginosum & crassum humorem in venis mesenterii impactum, Continentem esse morbi causam, Obstructionem vero morbum, &c. Alioquin videbantur tales morbi in numero esse, & si numerarentur, Substantias ponere, Obstructiones autem cavitatum, & meatuum prævaricationes, ad Qualitatem commodè educebantur. Sed planè ridiculi sunt: nec enim Prædicamenta intelligunt, nec generum & specierum ordinationes instituire sciunt. Etenim si aliquid agit morbus, in causarum numero procul dubio recipietur, siue Relationis siue qualitatis labyrintho claudatur. in causis vero ordinationem Generum & Specierum non animadvertunt. sane quod remotissimum est ab affectu producendo, generis rationem obtinet, quod verò proximum, Individua Speciei. Effectus enim ipsi, in hac coordinatione, Individuorum rationem gerunt. Itaque alpium lapides & montes Averniæ, transcendentia sunt hoc loco: quorum metu deterritos fuisse illos arbitrator, qui lapides in vesica, renibus, intestinis, & similes Substantias à morborum catalogo excluderunt, ne forte lapidum tam immensa copia, tædia & ærumnas Medicis in ævum pareret. mucilagine vero lapidea, tartarea bolares, vel secundum Galeni lyram, pituitosa & melancholica, qua in leguminibus, frumentis, aqua, vino, cerevisia, carnibus &c. continentur, genera generalissima, horum usu, frustrata separatione & expulsionem in corporibus coacervata mucilagine viscida, siue in ventriculo, siue in intestinis, siue in mesaraicis venis, siue in hepate, siue in renibus, siue in vesica, siue in alia quacumque tandem cavitate, Genera sunt subalterna: ubi verò exaltantur, & copia ac qualitate meatus obstruunt, symptomatumque pernicie hominibus innotescunt, species sunt Individua & postrema: actiones verò læsa vel impedita individua sunt, in harum causarum progressionem. Itaque inæqualis fuit sors Generum & Specierum in hac coordinatoone, Species enim & Genera subalterna, quamvis in corpore continebantur, nihilominus quia latitabant, nec sensibilem aliquam affectionem Anatomiis in corpore demonstrarunt, nominum privata insignia amiserunt, & causarum antecedentium collegio ascripta sunt, individua autem Species vel infimæ ultimæ, proximæ (quomòdocumque appellare libuerit) quia corpoream affectionem ostendunt manifesta actionum læsione conspicuam, Obstructionis nomen à similitudine obtinuerunt. Putabant enim Anatomiæ,

materias omnes obstruentes mortuas esse, nec aliis causis symptomatum calamitates ascribere poterant, nisi quia corporea mole transitus humorum impedirentur. Quorum errores manifestius postea detegemus: nunc enim Logici sumus. Et hac ratione inter morbos instrumentarios relatæ sunt obstruções, nomenque Obstructionis, Speciei rationem habet, humores vero mucilaginosi, aluminosi, vitriolati, lapidosi, bolares, arsenicales, antimoniales, sulphurei, vel secundum Galenum, pituitosi, melancholici, in ventriculo, hepate, mesenterio, renibus, vesica, venis, musculis, membranis, &c. Individuorum vel proximarum specierum, Et quemadmodum, dicebat Hippocrates de alimento, τροφή & τροφή, ἢ μὴ διοῦντε ἢ τρεφεῖν, ὥνομα τροφή ἐργον δὲ ἐχὶ ἐργον τροφή, ὥνομα δὲ ἐργον: id est, alimentum non alimentum: si enim nutrire non potest, inane nomen est sine opere & subjecta re, si verò nutritione opus destinatum ostenderit, alimentum est & non inane nomen: ita & nos de Obstructione dicemus: Obstructio non Obstructio: si enim aliquid in causarum ordine deprehenditur opere & potestate præditum cui Obstructionis nomen competit, opus est Obstructio, si verò nihil tale conspiciatur, nomen est inane. Duplicem nunc ordinem demonstrabimus in morborum progressionibus: Primum Realem, ex coordinatione & serie causarum efficientium pendentem, qualem descripsimus. Alterum nominalem in quo morbus, Generis supremi locum tenet, Obstructio Speciei, mucilaginosa materia hepatis impacta, Individui. Similiter morbus genus est, febris species, calor in corde accensus secundum Galenum, Individuum. Quemadmodum autem calor in corde accensorum diversitates, Individuorum classes constituunt in febribus: ita differentiarum materialium mucilaginosarum in diversis locis humani corporis, Individuas Obstructionum differentias pariunt. Aliæ enim sunt inflammatae, aliæ non: quædam acutæ, quædam chronicae. Quæ omnia ex proprietatibus specierum mucilaginosarum proficiscuntur. Arsenicales enim & sulphureæ inflammantur, aluminosæ non: arsenicales acutæ sunt, aluminosæ & vitriolatæ, chronicae, &c. Sed quærent à nobis nonnulli, in quo Prædicamento, nos morbum collocemus. Quibus respondemus, nos Prædicamenta in morbis collocare, non morbos in Prædicamentis, & nomina rebus accommodare, non res nominibus submittere, & signaturas ex radicibus ordinatè educere, non verò radices in signaturarum angustiis collocare. Et nisi multos offenderem, dicerem usum & naturam Prædicamentorum à paucis intellectam, à nullis autem, quod sciam, hætenus explicatam. In libello nostro de nominibus & rebus, copiosè de his egimus:

gimus: quorum umbram huc adducemus, ut lucis imagine à tenebris revocentur plurimi. *Semina, Astra, Radices, Principia rerum, in quibus Prædestinationes, Scientia & Dona continentur, fundamenta sunt corporum, Quantitatum, Qualitatum, ac Relationum.* Quia in suis Scientiis & occultis thesauris infitas habent Rationes omnium. Rationes dico non momentaneas, mortuas & instabiles: sed vivas, efficaces, potestate plenas, astrales planè. Hæ ubi explicantur Elementa & corporum Principia consentanea sibi affiscunt, quemadmodum sæpe à nobis dictum est: & paulatim ex incorporeis corporea constituunt, ex invisibilibus visibilia producunt, idque ordinata progressione, proportionum legibus inviolatis: magnitudines, distantias, numeros, durationes, sapores, colores, odores, calores, figuras, qualitates omnes, conspirationes, repugnantias, & universas signaturas officiis ac prædestinationibus Radicum consentaneas, & Scientiæ conformes, admirandi artificio adjungunt: Astronomiam uniuscujusque Mysterii vel Speciei hoc pacto declarantes. *Quicquid igitur semen in Natura habet, Mysterium, Principium, Radicem: quicquid Generationum & Transplantationum fluxus moderari potest, Scientiam habet, prædestinationem accepit, vitam, potestatem obtinuit, Radices astrales posuit.* Quocirca Prædicamentorum omnium in se rationes continet, tanquam vestimenta & instrumenta Donis opportuna: magnoque errore hujusmodi in Prædicamentorum angustiis clauduntur, cum in suis thesauris, Prædicamenta ipsa & Prædicamentorum fontes custodiant. Atque hæc est ratio Prædicamentorum realium: de nominalibus & abstractis, in libello de nominibus & rebus, differuimus. Quod si morbos semina habere ac Principia in Natura, si Generationes & Transplantationes ratas absolvere docere possimus, utique à Prædicamentorum carceribus nostro præsidio liberabuntur. Et videor nunc ex jocos & ludicris deambulationibus, ad seria negotia, occulto quodam ductu inscius pervenisse. Nec magna rationum deductione opus est, si experientia fidem meretur. *Hæc editarii morbi rata propagationum constantia, seminis præsentem vigorem demonstrant: Contagiosi, Transplantationis documenta ponunt: qui temporum, Regionum, ætatum proprii sunt, radices morborum in Natura contineri, stabili autoritate confirmant.* His & similibus infinitis propemodum testimonio fidem facere possemus, morbos in Natura semina habere, Generationum & Transplantationum circuitus custodire, prædestinationes, Scientias & signaturas Scientiis opportunas possidere. Nihilominus quia Prædicamentorum Philosophia in contemplatione morborum manca est, originem, primas radices & radicum progressiones

fiones breviter adjungemus. *Semina & Principia rerum in thesauris Elementorum invisibilibus ab initio collocato, generationis & multiplicationis vim acceperunt, virtute Verbi illius, cujus imperio universa obtemperant. Fuitque hæc prima rerum facies pura, integra, perfecta, sine corruptione & morte. At verò post prævaricationem Protoplasti, primis illis seminibus, maledictione divina, novæ supervenerunt Tincturæ, quarum mixtione in calamitosam sortem transmutata est totius creaturæ pulchritudo: Remanserunt nihilominus prima semina, sed novis & infelicibus vestimentis obducta. Hæc est Anatomia morborum mortisque: in cujus explicatione Medicos versari oportet. Neque enim satis est, quòd Privationes à nonnullis appellentur, qui nobilitatem & puritatem primorum seminum respiciunt, propterea eorum contemplationem relinquere & infinitati concedere, tanquam sint essentia, natura, ac proprietatibus inania quædam, omnia essent in Subjectis. Acceperunt enim ab eadem potestate, sc. voce divina vim Multiplicationis & Transplantationis, essentiam quoque & proprietates, ex quibus integra constituitur Philosophia, Astronomia, Physica & Alchimia. Etenim, qui stellas posuit in Firmamento, qui mari terminum collocavit, qui terræ pulchritudinem plantarum fecunditate ornavit, idem potestate incomprehensibili, tribulos, & spinas prævaricationum individuos comites adjunxit. Itaque radices acceperunt in abyssis, & temporum certas prædestinationes in ævi consumptionem duraturas. Perfectis verò rerum seminibus miscetur, mixtaque coherent. Et difficile intellectu esset, quo pacto puræ incorruptæque naturæ tanta impuritas misceri posset, quo pacto in vitæ Republica mortis Anatomia hospitia inveniret, nisi infinita ipsius potestas, qui vocat ea quæ non sunt tanquam ea quæ sunt, ab hac nos liberasset dubitatione. Hæc est illa mixtio in qua antea dicebamus imperfecta vel impura perfectis misceri, cujus efficientia fructus omnium Elementorum, mortem vitæ adjunctam habent, separandam secundum digesta temporum momenta. Neque enim solum in homine Anatomia mortis & morborum delitescit, sed etiam in animalibus, in plantis, in mineralibus, in fructibus firmamenti & æris. Quamvis autem Creationis multa mysteria hoc loco opportunè adduci possent, Platoniorumque materiales defectus & Peripateticorum Privationes tempestivè corrigi: nihilominus non sine consilio, contemplationibus VITÆ LONGÆ, reservabuntur. Hic verò Anatomiam mortis in fructibus Elementorum ostendisse, proposito nostro abundè satisfaciet. Dico igitur mortis & morborum semina radicesque, in impurita-*

tibus

tibus consistere arsenicalibus, sulphureis, vitriolatis, æruginosis, mercurialibus, vel in urticosis, spinosis, nappellofis, citutosis, opiatas, &c. quæ impuritates inflammabiles sunt, instabiles, ad corruptionem festinantes: permixtæ tamen cum puris primisque rerum radicibus, quarum prædestinationes digestis dissolutionibus inimicè anticipant. Nec planè affinitate carere debent, si ad mixtionem confluunt, quo fit ut non omnia pura impuris promiscuè copulentur, sed talia talibus, domestica domesticis. Obtemperant enim radicibus rerum in generationum initiis, & fallaci servitutis imagine, opportuna nequitiae tempora expectant: vestimenta quoque fiunt, & signaturas exhibent radicum officiis familiares. Quocirca unicuique speciei & radici mundana, adjuncti sunt bassires, advena, impuritates, quæ sine discordia & lise in scientiis vitalibusque Principiis concurrunt: explicata verò in generationum & augmentationum continuo fluxu, separata & exaltata, inimicitias, dissolutionum mortisque authores, exercent. Ita Mineralium radices, suas habent impuritates adjunctas, quæ digestis temporibus absolutis, rubigine & æruginosa corruptione dissolutionem moluntur. Vegetabilium quoque Balsamus, hospitum & impuratum commercio inquinatus, senectutis, morborum & mortis Anatomiam admittit. Hic corruptionum species variæ apparent, Scilicet: *αἰσχροί*, juxta proprietates & Scientias impuratum. In quibus Mercuriales impuritates & Sulphureæ hospitantur, putredine dissolutionem absolvent, ut herbae ferè omnes, præcipuè Mercuriales, angurix, cucumeres, melones. In quibus verò impuritates Mercuriales non sunt ita copiosa & Salium robustior natura, *αἰσχροί* vel cariem expectant, ut arbores plurimæ fruticesque nonnullæ. In radice vel Mumia animalium, quia Vegetabilibus & Mineralium resolutionibus nutriuntur, similes impuritates reperiuntur, differentes tamen secundum agrorum naturam: facta est enim Transplantatio ex provincia Balsami vegetabilis, in Rempublicam animalis: dissolutiones proinde & mortes similes experiuntur. Humana verò radix, quia omnium favore & ministerio utitur, universis quoque impuritatibus inquinata, morborum & mortis infinitas species obtinuit. Nec ulla est Creatura tot calamitatibus subjecta: & merito: fornicatione conjugia multiplicantur, ac generis nobilitate inquinata, avorum delicta luunt posteri, quorum nepotes, & ipsi parentum scelera nequicquam incusabunt. In fructibus superiorum Elementorum, dissolutiones sunt veloces: aliis enim nutrimenta debent. Nilominus suas habent impuritates admixtas, quarum efficientia morti fiunt obnoxia, ut in pluviiis, manna, rore, ventis, &c. conspicitur.

P

Ta-

Tales corruptiones in fructibus Elementorum naturales sunt & necessariae, quia rationes suas ac prædestinationes in Scientiis vitalibusque rerum Principiis conjunxerunt, adeoque radicem & speciem ipsam suis Tincturis imbuerunt. Quocirca Generum & Specierum mortes corruptionesque rectè dicuntur. Contra has nulla est medicina. Leges enim Naturæ inviolabiles sunt. Temporum nihilominus prædestinationes reliquarumque signaturarum, transplantare licet, societatemque, ad perniciem festinata celeritate ducentem, interrompere. Sunt & alii corruptionum modi, qui ex Transplantatione Individuorum dependent: in quibus radix ipsa non inficitur, sed Individuæ naturæ Principia. Hic Medicinalocum habet. Tales non sunt necessariae, ac Individuis humanæ speciei ob libidinem & intemperantiam, imprimis familiares: quamvis aliarum rerum Individua, sterilitates, pestes, & novas morborum mortisque species, etiam experiantur. In his sæpe usque adeo inquinantur Individuorum radices, ut propagatione in tertiam & quartam generationem conserventur impuritatum impressiones: quemadmodum in morbis hereditariis, accidere videmus. Hi ex seminibus proficiuntur, in quibus Tincturæ validae & constantes vigent. Quæ, etsi specierum radicibus ex necessitate non cohereant, Individuorum tamen Principia, Semina, Balsamum, efficaci mixtione transplantantur. Quicquid enim in parentibus continetur, siue semen siue morbidum, quod valida vitalique impressione, Balsamum & radicem humanæ naturæ afficere possit, Transplantatione hereditarium evadit. Hujusmodi impressiones planè sunt astrales, incorporeæ, spirituales, invisibiles: sed efficaces feminalium Rationum naturas imitantes, Scientiæ & prædestinationum virtute procedentes, in quibus mole corporea non opus est ad corporum constitutiones: quæ sapores, odores, colores, magnitudines, figuras, caliditates, frigiditates, siccitates & signaturas omnes, ex invisibilibus thesauris destinatis temporibus, interdum subito, alias paulatim, magna Medicorum admiratione producere possunt. Hoc pacto multa continentur in parentum seminibus, digesta maturitatum & exaltationis tempora, quieto silentio expectantia, quæ in natorum Astronomia inexpectata symptomatum clade explicantur. Quod ubi contingit, ex parentibus non leprosis, leprosi nascuntur: ex parentibus non podagrici, podagrici: ex parentibus non epileptici, amentibus, epileptici, amentes. Rursus mutata rerum vice, interdum podagrici non podagricos, epileptici non epilepticos, calculosi non calculosos generant: quod quatuor de causis accidere solet.

solet. Vel quia semina & Tinctura horum morborum, Anatomiam Balsami ac Radicis humana, nondum potenter occuparunt, neque adhuc vitalibus impressionibus Scientiarum & predestinationum conjugia contraxerunt. Vel quia seminum efflorescentiis nativitatumque momentis paroxysmorum silentia & sopitas radices habuerunt predicti morbi: alii enim qui perpetuas habent exaltationes sine paroxysmorum requie, ut lepra, perpetuo quoque propagantur. Vel quia potestate naturalis Balsami, supervenientia & peregrina morborum rudimenta in utero superantur: Vel quia ad terminum pervenerunt sterilitatis authorem. Speciei enim non coherent, sed Individuis: ac proinde ætatum manifesta discrimina subeunt, interduum quarta progenie, alias sexta, nonnunquam decima, absoluta revolutione desinunt. In hac avorum & nepotum longa serie, discere licet horum morborum adolescentias, juventutes & languidas declinationes. Fit enim, ut nonnunquam in tribus Individuis adolescentiæ tempora absolvant: in duobus, manifesta symptomatum vehementia, consistentiæ & exaltationis vigorem ostendant: in tribus deinde vel quatuor evanescentis Tincturæ declinationem. Tum verò sterilitates sequuntur, radicibus exhaustis, filiiq; nascuntur à podagricis non podagrici, à leprosis non leprosi, à amentibus vel melancholicis non melancholici, ab epilepticis non epileptici. Hæc de morborum hæreditariorum semine, origine & propagatione hoc loco dicta sufficiant. Testimonia certè continent morbos semina habere, Generationes & Transplantationes moderari: cujus rei fidem nos facere oportet. Accedamus nunc ad illas Individuorum Transplantationes, in quibus impuritates morborum radices hæreditaria non evadunt: sive quia Tincturis prædita sint invalidis & inconstantibus: sive quia exiguo tempore & raro confluant: sive quia consonantiam non invenient in humana Anatomia: sive quia in illis sedibus non recipiantur, in quibus Balsamus, Semen, Mumia, Radix Natura viget: sive quia Astralibus impressionibus destituta, ad corporeas predestinationes declinent. His enim de causis catharri plurimi, febres omnis generis, pestes, prunella, lues venerea, in nonnullis scabies, tabes, lippitudines, dyarrhæa, dissenteria, contracturæ, colicæ affectiones, suffusiones & morbi omnes ex mucilaginis lapidescentibus, lutosis ac bolaribus (posteaquam finita germinatione coagulationis consilia inierunt) ab hæreditariorum morborum classe exipiuntur. Quamvis ex his plurimi, assiduitate, impressionum frequentia, potestate, consuetudine opportunam in corporibus nati, in hæditarios tandem degenerent. Nunc verò, sitales impuritates plurimum inter se differunt: si signaturas diversas proferunt easque stabiles, neque ex eisdem Tincturis pleuritidis produciuntur, ex quibus colica, ne-

chydropes, dysenteria signaturas referunt: nec febres, calculi: si locorum, temporum, alimentorum, certi sunt affectus: utique seminibus non destituentur morbi: sed radices habebunt, Scientias & Anatomiam in Naturæ officina: In vanum laborant, qui tales Anatomias seorsim inquirunt, tanquam certa quædam essent morborum Individua, alia verò sanitatis. Quamvis enim in nonnullis speciebus morborum signaturæ evidentius appareant, ut in arsenico, antimonio, sulphure, mercurio, æruginè, tartaro, napello, urtica, opio, cicuta, mandagora, quemadmodum antea diximus, nihilominus in ipsis quoque radices puræ & sanæ existunt. Ita enim ab arsenico venenum, mortem, impuritatem auferre possumus, pura relicta natura Balsami, humanis corporibus salutaris & amici: cujus virtute plurimorum morborum radices, & tuè & subito tolluntur. Sulphur levi artificio innoxium redditur. Mercurii impuritates profundius admixtæ sunt: attamen ingeniosa adaptatione, ut in cæteris quoque, tolluntur. Rursus quæ sanitatis Anatomiam gerere videntur, ut rosæ, violæ, melissæ, valerianæ, lavendulæ, stœchades, betonica, argentum, aurum, &c. non sunt ab impuritatibus omnino expeditæ, sed morborum mortisque radices adjunctas habent, ut cunque signaturarum familiaritate humanæ naturæ consentire videantur. Aurum, gemmæ, virtute innati Balsami ab impuritatibus admixtis sæpe explicantur, & Individua perfecta evadunt, soli termino subjecta. Quocirca à nobis antea demonstratum fuit, morborum calamitate & superventu Transplantationem Creaturæ factam esse, impuritatem puris radicibus adjunctam, eamque fuisse morborum prædestinationem, ut in aliis perpetuo funderentur, donec fatum expleverint, exhaustis abyssis in ævi consumptionem descriptis. Ita sunt bona mixta malis: neque mel venenata amaritudine destituitur, & à sacchari feculenta impuritate sæpe abhorruimus. Hanc mixtionem si intellixisset Aristoteles, in Privationum pelago non fuisset submersus: Platonici verò si olfecissent, nequaquam innoxiam Materiam toties immerito accusassent. Hastenus ostendimus morborum semina in Natura contineri, & Generationum ac Transplantationum stabili circuitu, radicum ac signaturarum prædestinationes custodire, neque seorsim in certis Individuis consistere, sed permixta esse radicibus fructibusque primæ & puræ naturæ. Opportunum nunc fuerit, ex seminum ac parentum diversitate, morborum differentias, & Generationum ac Transplantationum processus seminibus consentaneos explicare. Quia igitur radicibus & fructibus primorum seminum coherent morbi, eorum familias & distributiones jure optimo imitabuntur Distinxi-

mi.

mus autem antea semina & fructus, ratione Elementorum: secundò, ratione Planetarum. Eodem pacto hic morbos distinguemus, in cœlestes, aëreos, aqueos & terrenos: vel in cœlestes & terrestres, ratione superioris ac inferioris globi: cujus distinctionis comitem & testem antea adduximus Hippocratem. Rursus, morbi siue cœlestes siue terrestres fuerint, ratione proprietatum & trium Principiorum, alii Saturnini sunt, alii Martiales, alii Foviales, alii Veneri, alii Mercuriales. Et inter Saturninos magna est latitudo, signaturarum diversis proprietatibus discreta. Neque enim omnes stellæ Saturninæ ejusdem sunt naturæ: neque herbæ omnes Saturninæ vel Mineralia, iisdem proprietatibus trium Principiorum insigniuntur, sed latitudo est, quæ tamen speciei limites non excedit. Ita hydropis species, quamvis omnes Saturninæ sint: magna tamen signaturarum varietate discernuntur. Ita epilepsie, apoplexie, paralysis, Mercuriales morbi sunt, singuli diversa Individuorum sobole conspicui. Tussis, tabes, peripneumoniæ, asthmata, Foviales morbi. Pleuritides, prunellæ, pestes, febres, Martiales. Dysenteria, gonorrhœa, ulcera, &c. Veneri, eandem analogiam observant. Tales morborum distinctiones non sunt ociosæ. Monent enim proprietates trium Principiorum diligenter inquirendas esse, ex quarum Anatomia signaturarum vel symptomatum, quæ in morbis apparent, radices, fundamenta, causæ & similitudines deprehenduntur: quibus inventis rationum leges non invitæ sequuntur. Sunt & alia morborum genera, quæ ex seminibus non oriuntur, sed quasi lesiones quædam ex generationibus relinquuntur: ex quibus figurarum & cavitarum morbi plurimi dependent: item morbi novi & antiqui, astrales & minerales, ac plurimæ distinctiones his similes: quæ omnes, explicata in morborum seminibus Generationum ac Transplantationum mechanica lithurgia, facile unicuique innotescunt. Seminum verò progressionem explicaturi, à terrestribus & inferioris globi, tanquam notioribus rectius inchoabimus. Itaque semina morborum inferioris globi in alimentis delitefcunt, in cibo sc. & potu. Suntque impuritates illæ, de quibus antea diximus, quæ separantur & consuetis viis expelluntur, quousque omnia in corpore recte administrantur. Subjiciuntur enim alimenta spiritibus mechanicis humani corporis, & facili obedientia, resolutiones, separationes, expulsioniones ac similes dispensationes admittunt. Quæ enim potentioribus tincturis pollent, neque gubernationi nostrorum Mechanicorum subjiciuntur, legesque præparationum aspernantur, non alimenta, sed medimenta, cibi medicamentosi, interdum venena existunt: quorum usu,

morbi subitū in corpore generantur. Alimenta vero consentanea, quamvis & ipsa facultates medicamentosas, morbidas, venenatas, admixtas habeant: nihilominus admixtione benigniorum temperatæ, resolutæ & separatæ, expelluntur: quemadmodum in facultatum naturalium administratione exposuimus. Ubi autem errores contingunt, mediocritate neglecta, vel externarum causarum injuriis, functionibus Naturæ vitiatis, semina morborum radices agunt in humana Anatomia, & generationes morbidas statis temporibus absolvunt. Tum verò pro rosis, violis, bethonica, stœchade, manna, auro, argento, saphyro, smaragdo, urtica, lolium, mandragora, cicuta, aron, vitriolum, nitrum, sulphur, arsenicum, calcedonius, lutum, tartarus, bolus impurus vel lephanteus (si ita appellare libet) & similes fructus in corpore nascuntur. Non quòd talium specierum formæ ac externæ imagines in homine repræsentatur. *Semina enim in novas colonias transplantata, formas & signaturas omnes instabiles ac externas amittunt, servatū internis, in quibus duæque & actionum principia latent.* Ea enim est differentia generationum nostri corporis, & Elementorum, quòd *Microcosmi procreationes sint spirituales, sint in forma liquoris, vel resolutæ, custodita tamen interna Anatomia saporum, colorum & proprietatum; Elementorum verò ad formas & signaturas corporeas procedunt.* Priusquam autem impuritates ac semina morborum, radices in corporibus firmare possint, ea adesse oportet, quæ ad generationem confluere sæpe diximus: scilicet, ut Tincturas possideant, in quibus signaturarum morbidarum prædestinationes & Scientiæ conservari possunt: ut sæpe ac frequenter impressiones repetant: ut agrum, locum, matricem opportunam inveniant. Opportunitas autem, tum ex debilitate innati Balsami & spirituum mechanicorum, tum verò ex proprietate eorundem spirituum consentiente cum seminibus morborum, spectatur. His confluentibus, morborum succedet generatio. Nam parva illa vitia & quotidiani errores, qui leviores sunt, ipsa Natura suis viribus corrigere solet: majora autem, diuturniora & sæpius occurrentia emendare non potest: sed victa, manus dat & hospitem admittit peregrinum, cujus radices, mineræ vel fomites, in certa quadam Anatomia corporum recepti, fructuum Transplantationes, id est, actionum naturalium prævaricationes efficiunt. Quia vero non omnia semina omnibus locis æque nascuntur, sed consentanea, consentaneis: in palustribus enim locis non provenit rorismarinus, spica, thymus, polium, &c. neque in ficis & æditis, salices, parisorix, anagallis: ita in corpore humano, confluentiam locorum & semi-

nam observare oportet. Sunt enim propria seminata tam sanitatis quam morborum, quæ in agro vel Anatomia ventriculi & intestinorum crescunt, differentia ab aliis quæ in hepate, liene, renibus, vesica, sanguine, carnibus, membranis, synovia, cerebro, corde, pulmonibus, &c. fovantur. Ex hac seminum & locorum confluentia, morborum gradus, diversitates, symptomatum differentia, & alia plurima ad curationem in primis necessaria deprehendi possunt. Quo magis fatuitates eorum miramur, qui Phantasticos illos humores, Sanguinem, Bilem, Pituitam, Melancholiam, communes morborum causas statuunt, cum tanta sit locorum vel ventriculorum diversitas in humana Anatomia, quæ semina, subtilitate, crassitie, potestate, penetratione, facili vel difficili resolutione, alteratione, aliisque signaturis vehementer differentia continent. Etenim febres, quæ in ventriculi Anatomia radices sive fomites habent, ex seminibus constant crassioribus, crudis, invalidis, facile resolubilibus, intentionibus medicamentorum respondentes. Quæ verò in Anatomia sanguinis fundantur, & quarum minere in carnibus, synovia, in renibus latent, proprietates Principiorum ostendunt potentiores, & corpora ad altiores præparationum gradus reducta, in quibus resolutiones, consumptiones ac alterationes omnes, difficiles existunt: in quibus nec castiæ, mannæ, nec rhabarbari, nec diacatholiconis imperia, quamvis scammonæ acumen adjungatur, obedientiam inveniunt; sed surdis auribus desideria similium medicamentorum repelluntur, utcunque purgationum insolentia, torminibus, anxietatibus & mille fastidiis immerita intestina in vanum fatigent. Itaque tanta cum sit utilitas in debita explicatione confluentiæ locorum & seminum, exempla quarundam hoc loco adjungemus, ex quibus de aliis ratiocinari licet. Non enim perfectam morborum descriptionem hoc loco pollicemur: sed Ideam & adumbrata vestigia Philosophicæ veritatis. In primis ventriculi Anatomiam examinabimus. Semina morborum, quæ in hoc agro plantantur, in impuritatibus consistunt superficialibus, sulphureis, fetidis, mucilaginosi: in quibus duplicata excrementa commiscetur, humana scilicet & rerum naturalium. Nisi enim inter se miscerentur, & societate expulsionem, solutionem, separationem, molirentur, actionum naturalium administrationes assidue interpellarent.

Antea enim diximus, tartareas mucilagines beneficio alterius ejusdem impuritatis, sulphureæ videlicet expelli. Dicuntur autem excrementa humana, quæ in radice & Balsamo animali ut plurimum reperiuntur, quæ & Mechanicis animalis Balsami subjiciuntur. Rursus, rerum naturalium excrementa ea sunt,

Sunt, quæ Vegetabilium & Mineralium Balsamo coherent. In horum ordine continentur omnes illæ mucilagines, in quibus proprietates ad lapideam prædestinationem desinentes, vel arenosam vel bolarem, delitescunt. Neque mirari debemus tam diversa excrementa in alimentis contineri, *Nutrimur enim non solum ex animalibus, sed etiam ex Vegetabilibus & resolutis Mineralium spiritibus.* Itaque si Balsamum quærimus, cortices utique & impuritates non effugimus. Si sinceræ tales impuritates aliis faciliioribus non permixtæ occurrerent, saporum, odorum, consistentiarum & reliquarum signaturarum dissentanea qualitate, fastidiosam nauseam, naturarum insociabiles proprietates declarantem subito parerent: alimentorum vero Balsamis perfulæ, admittuntur. Differentiæ harum impuritatum ita investigantur.

Aut enim miscentur, aut seorsim consistunt. Ex permixtis morbi generantur sulphurei, fæti, salium symptomatibus comitati, id est, siti, calore, linguæ amaritudine, capitis dolore, frigore, horrore: & similibus. *Hi morbi à Græcis igneum nomen, à Germanis frigidam acceperunt.* Quod Elementum, cur Latini Febrim nominaverint ignoro. Tales appellationes vulgares sunt externæ & mortuæ. Comitantur enim signaturas externas, communes & momentaneas. In Philosophorum vero scholis ab internis proprietatibus, *δυναμειων à Radicibus ipsis nomina derivare oportet: quæ lege Nitrosulphurei dicentur: habent enim radices & semina, in quibus Sulphuris impuro, fætido, & resolato permiscentur mucilagines ac spiritus salium nitrosi.* Etenim si hujus radices in ventriculi Anatomia exaltatæ, fructus inquirere velimus, omnia symptomata quæ febribus ventriculi superveniunt, manifesta facilitate inveniemus. Digestis temporibus adventantibus, dum germinare incipit *Mimera, nitrosi sulphuris, & flores superficiales primum emittere, frigiditatem inducit, horrores, rigores generat: Multæ enim sunt species nitrosorum sulphurum proprietatum robore, sinceritate & exaltatione differentes.* Surda est altera philosophia quæ ex acrimonia bilis carnes pungente, in initiis paroxysmorum febrilium, horrores & rigores accidere proficitur: confluxum & conspirationem humanæ Anatomie negligit: Elementa ignorat. Non enim corporea continuitate, ob dimensionum penetrationes difficili, ubique opus est, ad effectus producendos: sufficit spiritalis præsentia. Satis est Elementa communia vitalis Balsami instrumenta & domicilia, vaporibus & nitrosis spiritibus per omnia penetrantibus, acuta ac valida subtilitate, inquinata esse. Ita enim frigiditates, horrores, rigores, pandiculationes, oscitationes, somnolentiæ, pulsum alterationes & similes motiones quotquot fuerint & subito & potenter causari possunt. Neque mirum est ex eadem

Tin-

Tinctura in vitalibus Elementis recepta, eodem tempore tam diversa accidentia suscitari. *Partium differentia officiis ac trium Principiorum proprietatibus distincta, in causa sunt.* Ita cordis Anatomia occupata, pulsus mutantur, spirituum motui destinatorum & muscutorum provincia labefacta, invita ministeria peraguntur. In cerebri Rempublicam hospites admitti, sensibus ligatis, peregrinum inducunt somnum, laboriosa vigilia permixtum. His superficiebus acetosis, frigidis, mercurialibus exhaustis, vapores ac spiritus sequuntur pinguiore, inflammabiles, sulphuris naturam magis referentes: sulphuris dico salium commixtione transplantati: qui & ipsi vitalium Elementorum Anatomias inquinantes, calorem, sitim, capitis dolores, deliria, pulsum celeritates, frequentias, inquietudines, anxietates, & multas calamitates introducunt: donec exhaustis radicibus, consumtis resolutisque spirituum inimicis Tincturis, & vomitione, alvi excretionem, sudore vel insensibili transpiratione evacuatis, desideratam quietem Naturæ concedant, recidivarum indubitato metu suspectam. De his sequenti Capite copiosius agemus, & memoriam beneficii repetemus, quod hoc loco demonstraverint, radicum proprietates ac mechanicas progressionem, fructuum & symptomatum progeniem, debite declarare. Nunc impuratum plures differentias adjungemus. *Alia impuritates ex seminibus constant, quorum prædestinationes ad coagulationem vergunt: alia vero ex seminibus, quorum fructus in fluidam resolutionem desinunt.* Ex prioribus oriuntur erosiones stomachi, etiam gulam infestantes, compressiones & angustia, colicæ species, & multi alii morbi, de quibus in libello De Generatione morborum diximus: *ex posterioribus diarrhæa, henteria, dissoluti morbi his finitimi.* Harum impuratum species in Mineralibus & Vegetabilibus contineri antea demonstravimus, ubi Corruptionis modos pro *Σημείων & ἀλλοιωσιν* adduximus: Sic enim in fructibus prope omnibus horariis, in vino turbido & crudo, in cerevisia simili, impuritates hæ mercuriales, ad resolutionem inclinantes præcipue dominantur: licet & alia adjuncta sit mucilagionosa illa, coagulationi obnoxia. Et quamvis neque ad coagulationem, neque ad resolutionem tendentes impuritates, in forma resoluta vel coagulata conspiciantur in alimentis, propter mixtionem, præparationem & præsentiam multarum rerum; Scientias tamen ac prædestinationes suas inviolatas conservant, modo in Tincturis fundentur solidis & permanentibus: alioquin impressionem non proferent Transplantationis authorem. Ubi verò Tincturas stables obtinuerint, si ventriculum invenerint consentaneum, i. e. in quo spiritus mechanici confluant cum spiritibus impuratum, frequensque sit usus talium alimentorum, paula-

Q

Paulatim coacervabuntur vaporosæ quædam substantiæ, facultatibus & Tincturis præditæ, idque in vitali spirituum Anatomia, ex quibus assidue tinguuntur spiritus, donec imprægnati fructus producere possint seminibus domesticis, fierique recidivæ generationes, si radices relinquuntur. Fructibus enim exhaustis & generatione absoluta, sæpe beneficio innati Balsami ad pristinam integritatem reversi spiritus, calamitosa fornicationum præmia in posterum exhorruerunt. Interdum verò radicum prædestinationes, unica fructuum profusione exhauriri non possunt, in quibus, digestis temporibus, recidivas expectare oportet. Quod si conjugium stabile invenerint impuratum Tincturæ, cum spiritibus mechanicis ventriculi, mixtione in secundam Transplantationem desinente, relicta gubernatione innati Balsami, & propriis officiis neglectis morbidos Transplantationis fructus assidue proferent: *nec ulla Natura vel innati Balsami industria tales affectus extirpare possunt, nisi Artis ministerio externus Balsamus interno opem ferat.* Validiores enim sunt spiritus Transplantationum authores, quàm innati. Ita ex morbis transeuntibus sunt permanentes: *ex affectu Rei, sit affectus Natura: ex affectu in Diathesi, affectus in habitu.* Morbi enim omnes, qui ex mucilaginis tartareis & impuritatibus corporeis (cujuscunque naturæ fuerint) imperfectè separatis contingunt, paulatim generantur. Clarioris doctrinæ gratia, Colicæ generationem describemus. *Hæc, ex mucilagine tartarea, stypticis, & acerosis spiritibus permixta, hoc pacto producit.* Primum, spiritus mechanici ventriculi & intestinorum proprietates habent trium Principiorum, confluentes cum spiritibus prædictæ mucilaginis. Itaque cæteris causis concurrentibus, ex quibus lithurgia facultatum humani corporis impediri solet, ut assumendorum, faciendorum, extrinsecus incidentium præpostero usu: separationes & expulsiones tartarearum sæcum in ventriculo & intestinis detrimentum sentient, consumtisque sæcibus illis sulphureis, momentaneis, stercoribus humanis, vel seorsim evacuatis, mucilaginosâ impuritas opportunitatem nacta, radices collocabit, continuitatem & retentionem molientibus spiritibus, tam Rei quàm Naturæ, id est, eorum qui in Anatomia intestinorum naturali vigent, & qui in excremento mucilaginoso sedem habent. Radicibus hisce primum positis, continua nutricaoe (etiãsi errores non tam manifesti in Diætâ postmodum contingant) incrementa sument, donec digestis temporibus absolutis, effervescentias vel paroxysmos, generationum comites ostendant. *Oriuntur autem nonnulla semina subito, & paroxysmos, effervescentias vel ebullitiones præcípites proferunt, quàmvis longa habeant silentia ac digestionum tempora.* In his proprietates trium Principiorum Martiales, impe-

impetuosæ, celeres, universim per omnia penetrantes, potentes delitescunt: quales in spirituum fortium præparationibus indies sensibus repræsentantur. *Quidam vero sensim oriuntur, & symptomata præmittunt futurorum morborum signa, de quibus in multis Aphorismis loquitur Hippocrates, Lassitudines spontanea morbos prænuntiant: Non febricitanti cibi fastidium, oris amaritudo, inquietudo, purgatione opus esse significant: Si relinquitur litis, oris amaritudo, vigilia, caros, &c. Continent hujusmodi semina proprietates languidiore, nec tanta celeritate & potestate præditas: sive quia in superficiebus primis impuratum habitent, nec tanta circulatione & digestionem ad superiorum graduum fastigia reducta sint: sive quia spirituum prædestinationes debiliores sortita sunt: neque enim omnia astra potestate Martis insignita sunt: neque mineralia omnia Arsenici ferociam imitantur, & malvas urticis & nappellis sæpe vicinas vidimus: Itaque digestionum & silentii temporibus, quamvis semina hujusmodi in corpore humano fermententur, foveantur & assidua Generationis consilia ineant, nullis tamen manifestis inditiis deprehenduntur: quia Tincturæ illæ perniciosæ & symptomatum patres, nondum liberæ sunt & sinceræ, sed aliarum mixtione temperatæ, ferociam remittunt: deinde, quia etiamnum non satis exaltatæ sunt, neque ad subtilitatem, potestatis authorem, reductæ. In Colicæ vero proprietates trium Principiorum potentes sunt, acuta, subito penetrantes & vaporosa acciditate continuas partes insciant. Resolutiones autem spirituosas, iisdem facultatibus præditas, primis temporibus non emittunt, ex quibus Contractura tandem proficiscitur. Nec omnia quæ Tincturarum potestate pollent, vitalia Elementa humanæ Anatomix, spiritibus & vaporibus ejusdem naturæ inquinare possunt: alioquin Colicæ omnes, contracturas, spasmos, cordis palpitationes, syncopas, catalepses, confestim adducerent. Quapropter universum corpus non inficiunt hujusmodi morbi, spiritibus ejusdem proprietatis cum radicibus, id est, stypticis, acutis, contrahentibus, dolorosa penetratione affligentibus: sed vicinas solum partes, & alias, in quibus confluentiam inveniunt. Centrum enim habent, radices & mineras, ex quibus circumferentias, id est, spirituosos vapores tanquam circulos, ad certam distantiam proferunt, secundum potestatem radicum. Feruntur autem spiritus illi acuti & contagiosi, potius per intestinorum orbes, quia continuitatem corpoream & consentaneam ibidem animadvertunt. Quod si regiones renum & vesicæ, mucilagimbus tartareis obductæ sint, impressione spirituum & minera Colicæ prodeuntium, ad poroxyfimum incitabuntur. Ex iisdem enim impuritatibus, quamvis separationum & exaltationum gradibus differentibus, Colicæ & Nephritides proficiscuntur. Hinc tantus consensus Colicorum & Nephriticorum*

dolorum. Ad ventriculi quoque Anatomiam sæpe perveniunt impressiones Colicorum pontagiosæ, nauseam, vomitum, & alia ventriculi symptomata excitantes. Et quamvis Elementa corporis vitalia tam potentibus spiritibus, in levioribus affectibus colicis & incipientibus, non inquinantur: peregrinis nihilominus vaporibus ac febriculosis, assidue agitantur. Interdum quoque in saevioribus Colicis, ubi Tincturarum potestas major est, insectis spiritibus vitalibus, cordis & arteriarum motiones debilitantur, ac palpitatio-
num frequentia, horrendas Syncopes in horas timere jubet. Inbuuntur enim spiritibus motionum authores, pontagiosis & stypticis Tincturis, motui resistentibus. Durabunt vero hujusmodi Colicæ symptomata, donec exhausti sint fructus, quos hac revolutione ad generationem destinantur radices, recidivisque generationibus, præfinitis temporibus debitum Naturæ absolvent. *Species Colicæ ex differentiis stypticorum spirituum, vitriolorum, acetosorum & simi-
lium desumuntur.* Quemadmodum enim inter se differunt hi spiritus, potesta-
te, sapore, penetratione, mobilitate, & similibus signaturis: ita Colico-
rum symptomata differre necesse est. *Gradus autem Colicæ, tum ex spirituum pote-
state, tum verò ex ulteriore circulatione & exaltatione peti debent.* Sunt enim nonnulla corpora, in quibus spirituum pernicies non deprehenditur, quæ si separentur
& ad exaltationes vel extremitates (ut loquitur Hippocrates) ducantur, ve-
nenatas Tincturas, magno symptomatum Comitatu illico proferunt. Quis
mellis dulcedinem nescit? nihilominus in tanta dulcedine latent spiritus illi acu-
tissimi, qui ubi exaltantur & ad extremitates ducuntur, venenatam perniciem
repræsentant. Mixtione verò, tam gradus quam species morborum ubique
transplantantur. Similes propemodum mucilagines, in quibus tamen spiri-
tuum Tincturæ tam potentes non delitescunt, ubi in Anatomia ventriculi ma-
trices, continuitates, loca, &c. invenerint, radicibus & mineris paulatim
introducitis, adolescunt, ac symptomata tandem proferunt copiosis nominibus
insignita, sed planè rusticis & phantasticis. Rustica sunt, *Imbecillitas, Bradype-
psia, vitiosa concoctio, Cruditas: Intemperiem genuit Phantasia.* Quod igitur no-
men à radicum proprietate derivatum, horum symptomatum morbis imponi
debet? *Sunt morbi macilaginum tartarearum, ex spiritibus aluminosis, vitriolatis, ca-
chymialibus sive bolariis, bituminosis, arenosis, membranosis, &c.* Talia enim sunt
femina, quæ etsi in Generationum initiis, ubi in ventriculo radices agunt, spi-
rituali forma resoluta, vaporosa, aliisque permixta recipiuntur: nihilominus
Scientias & prædestinationes possident ad tales coagulationes & signaturas
tendentes. *Ex horum spirituum ac similium proprietatibus, cause omnium symptomatum*
expli-

explicari debent, quæcunque prædictis ventriculi morbis superveniunt. Inquinatis enim spiritibus mechanicis ventriculi, aluminosis & stypticis Tincturis, ad motiones naturales omnesque alterationes, separationes, resolutiones, digestiones, &c. inepti redduntur. Proinde tarda concoctionum ministeria absolvunt. Quod si potentiores fuerint spirituum Tincturæ, Cruditatem perfectam pariunt, si peregrinis qualitatibus insignitæ, in nidorosa & dissimilam naturam alimenta commutabunt: ructus etiam assidue producent, salium ac saporum testes: inflationes quoque, gravitates, pigritias, & post cibum somnolentias, digestionem excitatis vaporibus tartareis, sulphureis, narcoticis, &c. inedia intolerantiam, quia alimento exhausto sincerarum Tincturarum ferocia ventriculum fatigat, quæ sumto alimento, mixtione temperatur mitigaturque. Quod si vomitivas proprietates obtinuerint, nausæas, vomitus, & infinita huiusmodi tormenta suscitabunt. Interdum obtusa spirituum facultate, nec sapore, nec penetratione insigni, prædita sunt horum morborum semina: itaque compressionis & gravitatis sensum producant. Tales spirituum proprietates in mucilaginis Cachymialibus sive Bolaribus frequenterprehenduntur. Ubi vero mucilagines, Tincturas spirituum fortiores obtinuerint, ut calcis, vitrioli, tartari, vel aronis, urticæ, persicariæ, orexes, ardores, lacerationes & immanissimos dolores, colicis finitimos proferunt. Hac lege ex fructibus mucilaginosarum radicum vel impuratum, in Anatomia ventriculi fundatarum symptomatum omnium causæ explicari debent, quæcunque talibus impuritatibus consentanea & domestica sunt. Idque facilius expedit, quicunque plurimorum spirituum proprietates in mundana Anatomia antea conspexerit. Qui Galenica Principia sequuntur, in his affectibus intemperiem accusant, vel simplicem, vel cum affluxu materiæ. Quia in explicatione naturalium facultatum, neglectis seminibus, mechanicis spiritibus & trium Principiorum proprietatibus, phantasticis Elementis & nudis qualitatibus, actionum causas ascripserunt.

Quod si simplicitate sanitatis decepti, spirituum, seminum, radicum & Principiorum naturam ab Elementis & matricibus discernere non potuissent, atque hac occasione, venia & excusatione digni essent: in morbis certè, ubi omnia ad extremitates ducuntur, & sincera saporum, salium ac proprietatum discrimina tam manifestè representantur, inexcusabiles planè sunt. Ipsi quoque proximas causas actionum, ubique inquirere jubent, & descensum a Generibus ad Individua sine Specierum vel Differentiarum oblivione, gloriosa ostentatione prædicant. Quæ igitur pigritia in Intemperiebus cum materia vel sine materia, biliosa, phlegmatica, melancholica, sanguinea subliterunt?

ibi primùm cursu opus fuit. Illa enim Transcendentia sunt, quamvis imaginaria, in reali morborum coordinatione.

Ad Astra descendere oportuit, ad semina cœlestia, terrestria, aquatica, aërea: ad seminum proprietates & spirituum mechanicas lithurgias in Generationum & Transplantationum progressu. Hic verò defecerunt Canones & mensuræ, quas secum ex superbis Geometricorum Collegiis, ad Medicas contemplationes adduxerant. Dimensionibus enim, ac mortuis corporum signaturis solùm conveniunt: spiritualibus autem & vitalibus potentiis, actionum Principiis, nulla industria adaptari possunt. Sed sæpe diximus, eos Elementa, Mixtiones & Temperamenta non intelligere. Elementa enim matricum & locorum rationem obtinent, & seminibus ac spiritibus trium Principiorum alimenta subministrant. *In spiritibus Dona & officia seminum vigent: horum beneficio actiones omnes administrantur, Mixtiones absolvuntur, Temperamenta, & Individuæ naturæ proprietates constituuntur: ex his proficiuntur sapor, colores, & famosæ illæ qualitates, caliditates, frigiditates, humiditates, siccitates; non ex Elementis.*

Continent enim in suis Scientiis, thesauris & prædestinationibus, Principia vitalia colorum, saporum, caloris, frigoris, &c. duritiei, mollitiei, teunitatis, crassitiei, asperitatis, levitatis, viscositatis, fluxibilitatis, & omnium similium signaturarum, quas ordinatè producant in Generationum & Transplantationum fluxu, idque in spiritualibus primùm superficibus, ad corporeas tamen coagulationes tendentium, diversimodè tamen. *Durities enim, mollities, asperitates, levitates, viscositates, ex spiritali signatura, qua principio præditæ erant, planè corporeas admittunt. Colores & sapor, ad tam crassas coagulationes extremasque corporum superficies non descendunt. Caliditates autem & frigiditates, in spiritualibus solùm corporibus, prædestinationum terminos acceperunt: humiditates, siccitates, medio modo se habent. In seminibus igitur & corporum Principiis delitescunt caliditates, frigiditates, humiditates, siccitates, quemadmodum colores, sapor, odores, & reliquæ signaturæ, ab iisdem quoque fontibus proficiuntur, à quibus actionum causæ procedunt. Transplantatis seminibus novisque introductis, transplantantur quoque signaturæ, colores, sapor, caliditates, frigiditates, &c. Ita discoloratæ, peregrinis saporibus inquinatæ, intemperatæ, segnes, stupidæ, immobiles redduntur partes, vel dissidentis moribus & actionibus contaminantur. Suntque hæc omnia symptomata & fructus seminum Transplantationem causantium. Quo igitur privilegio Intemperies morbos nominabimus, discolorationes*

tiones vero, saporum commutationes, & aliarum signaturarum prævaricationes in symptomatum familiam rejiciemus? Dicent, ex occurſu frigidorum alimentisq; frigidis, generari Intemperiem, ex Intemperie autem actiones debilitari. Dicam ego, *ex decurſu & uſu acidorum generari aciditatem, ex aciditate actiones lædi: & hoc adjungo: niſi in frigidorum occurſu vel uſu, adfuerit Chæriomum vel Aſtrææ quædam ſeminali Tinctura prædita; morbum nullo modo relinqui in corpore: in acidis, acerbis, amaris, acerbis. falſis perpetuo adeſſe. Et adhuc arma deponere non vultis?* Errorum occaſionem duplicem reperio. *Primam*, quia non intellexerunt naturam eorum fructuum vel impreſſionum quas in Capitulo de corporum Principiis dixi magis repræſentare proprietates Elementorum quàm ſeminum. *Alteram*, quia Generationum & Tranſplantationum doctrinam ſine radicum ac ſeminum beneficio, nudis qualitatibus abſolverunt. Ita enim neglectis Principiorum proprietatibus, actionum proximis cauſis, qualitatibus & complexionibus omnia aſcripſerunt, ac Intemperies adduxerunt cum materia & ſine materia: conſultius utique feciſſent, ſi mutata rerum vice, materias propoſuiſſent cum Intemperie & ſine Intemperie. Materias dico vel radices, ſeminales Tincturas, quæ interdum in ſpiritualibus ſolummodo corporibus magnitudine prope deſtitutis latent, ſine corporeis impuritatibus fructibus. Interdum vero copioſas impuritates corporum producunt, ſive continenter, ſive per circuitus: Sæpe enim diximus, in Naturæ officina ex ſpiritibus corpora produci, ex inviſilibus viſibilia. Neque miror eos in ſpiritualibus morbis, in quibus impuritates non adſunt, & in iis, qui ſpirituum Tincturas obtinent non ita potentes vel ſinceras, deceptos fuiſſe. Sed in *Bulimia*, *lupina ac canina fame*, *Intemperiem* accuſaſſe; hoc vero *admirationem omnem ſuperat*. Quæ enim *frigiditas tantam ciborum copiam abſumere poteſt? De caliditatis inſaturabili fame & violenta conſumtione ſæpe apud eoſdem legimus. Frigidum ad omnes actiones ineptum fuit, abolitum & debilitatum, non depravatum faculratum cauſa. Aciditati famelicæ & ſpiritibus inſatialis tales affectus aſcribere oportet. Conquerentur plurimi, nos morborum multiplicare numerum, & obſcuritatem rebus maniſeſtis inducere. Intemperiem certe rejiciamus. Inſtrumentorum vitia, & Continuitatis ſolutionem, inter morbos qui ex ſeminibus naſcuntur, & radices ſeminales in Natura habent, non referimus. Plura quoque morborum ſemina ponimus: neque quatuor qualitatibus ac humoribus, eorumque conjugiiſ & divortiis contenti ſumus: ſed alias impuritatum ſpecies enumeramus, ſpirituum proprietatibus*

comi-

comitatas. Nihilominus Individuas morborum species, prolixa nominum & symptomatum varietate definitas, à multitudinis fastidio ac infinitatis metu liberamus. Etenim ardores vel orexes ventriculi, colicos dolores intestinum, dysurias, strangurias, nephritides, cephalalgias, cephalas, hemicranas, arthritides, podagras, ischiaticos dolores, genugras, chiragras, dentium dolores, & multos hujusmodi morbos, ex dolorosa symptomatum vehementia denominatos ad unam eandemque familiam reducentes, profiteamur ex iisdem seminibus & trium Principiorum proprietatibus generari, ventriculorum solum sive agrorum diversitate distingui. Sic dyarrhoeam, gonorrhoeam, catarrhos, sic febres ventriculi, hepatis, renum, sanguinis, synovia, cerebri, &c. sic epilepsias ventriculi, uteri, synoviae, sanguinis, viscerum, &c. sic hydropes ventriculi, uteri, testium, capitis, ab Hippocrate etiam animadvertas, pulmonis quoque & cordis, ex quibus asthmatis & palpitationis mirabiles species, sic dysenteriam intestinum, ventriculi, gulæ, renum vesicæ, uteri pulmonum, & similes morbos diversis plurimisque nominibus insignitos, à multitudine ad unitatem revocamus: Radicum & proprietatum similitudinem declaramus: Curationum communes leges & Indicationes adjungimus, analogiam locorum ac exaltationem seminum proprietatumque tam in symptomatum consideratione, quam in remediorum administratione ubique conservantes. Hippocratem quoque, si hoc aliquid ad laudem facit, testem adducimus. Ita enim scribit in libro De flatibus: *Ἰάν νυσέων ἀπάσεων ὁ μὲν τρόπος ὁ αὐτός, ὁ δὲ τόπος ὁ ἄλλος, δοκέει μὲν οὖν τὰ νυσήματα εἶδέν ἀλλήλοισιν ἐοικέναι, ἄλλ' τὴν ἀλλοιότητα καὶ ἀνομοιότητα τῶν πέπων, ἐστὶ ἡ μίαν τῶν νυσέων ἀπάσων καὶ ἰδέη καὶ ἀλλή ἡ αὐτή.* Morborum omnium modus idem est, scilicet, qui ex iisdem seminibus & radicibus proficiscuntur. Nequaquam enim specificas morborum differentias neglexit Hippocrates; quamvis ad unam communemque Ideam, omnes qui ex semine nascuntur, reduxerit: locorum verò & Anatomiarum diversitas officiis, proprietatibus ac subtilitatibus Mechanicorum spirituum dissidens, discrimen facit. De his satis. Recensuimus hætenus impuritatum differentias permixtas, resolutioni & coagulationi destinatas. Præter hæc alia sunt, in quibus specifica virtutes principatum obtinent, sive coagulatos sive resolutos fructus producant. Ex his generantur vermes, vomitionis & diarrhoeæ quædam species, ex laxativis & vomitivis specificis dependentes, infantiæ, epilepsiæ, &c. Tales morbi generantur ex specificis Tincturis impuritatum, quæ seminum proprietates universales ad certæ cujusdam speciei procreationem inclinant: eodemque pacto matrices, loca & continuities inveniunt in Anatomia ventriculi ac intestinum, pro ut antea

antea explicavimus. Est & alia impuritas frequens imprimis, quæ nec bolum, nec viscum, nec arenam, nec lapidem constituit, nec planè dissolutos vel coagulatos morbos: sed medium naturæ genus occupat, apostematum, oppilationum, pleuritidis, prunellæ & pestis radix. Ex hac, puris generatio proficiscitur, & spirituum arsenicalium, antimonialium, sulphureorum, similibusque proprietates continet. Quia verò cum proprietatibus trium principiorum, quæ in Anatomia hepatis vigent, confluentiam habet majorem, generationem Inflammationum in hepate describemus. Ita enim Transplantationum & Generationum mechanici progressus in officina hepatis illustrabuntur. *Seminales radices* horum morborum ad matrices perveniunt, non solum in forma resoluta & liquida, sed in forma vaporosa & spirituali: confluentiam namque in hepatis Anatomia, Tincturas suas introducunt & radices agunt, idque citius ac validius, si Altra habuerint potentibus Tincturis prædita. Quod si Tincturæ debilioris fuerint, frequentia & assiduitate opus perficiunt, Transplantationemque absolvunt. Jactis radicibus continua nutrizione & fermentatione digesta maturitatum ac separationum tempora expectant; quibus instantibus, spirituum erumpit ebullitio. Tum verò explicantur signaturæ in spiritibus antea delitescentes, colores, sapores, odores, caliditates & corporum consentaneorum constitutiones. Neque mirari debemus ex spirituum fervore, tam subito, tantam corporum coagulationem, tam solidam, sæpenumero produci posse. In spiritibus enim spiritualibusque corporibus, potestates omnium naturalium actionum vigent: spiritus esuriunt, attrahunt, concoquunt, coagulant, quos potentiores fuerint, eo velocius hujusmodi ministeria absolvunt, & à debilioribus partibus, tam vicinis quam remotis, ab universo vitalium Elementorum ambitu, sementa rapiunt, donec ad maturitatem pervenerint. Ex nutrimentis assidue attractis corpora constituunt Principiorum Scientiis consentanea, purulenta, mucosa, sanguinea, cruenta, coagulata, resoluta, graveolentia, rubicunda, nigra, flava, varia, amara, acrida, erodentia, aspera, & similibus signaturis insignita. Spiritibus deinde revolutione absoluta evanescentibus, corpora hæc sola relinquuntur vinculis & continuitate destituta, ideoque vitalis Balsami imperio subjecta. Hic (nisi antea symptomatum insolentia vehementer debilitatus, desertæ statione mortem expectet) relictam impuritatem sentinam, occulta discussione consumeret, aut per vias convenientes paulatim expellet, mitigatis antea qualitatibus peregrinis benigniorum admixtione. Emergentibus hisce seminibus primos vapores producunt febrium signaturis vestitos, Ita enim in superficiebus sulphureorum spirituum, salium Tincturæ

R

latent,

latent, quæ ubi vitalibus Elementis humanæ Anatomix permiscuntur, frigides, horrores & rigores gignunt. Sequuntur resolutiones & vapores sulphurei, inflammabiles, similes, Elementa humana iisdem signaturis inquinantes. Hinc pulsuum alterationes, sitis, cibi fastidium, vomitus, nausea, inquietudo, vigilia, deliria, tussis, spirandi difficultates, & multa huiusmodi incommoda sequuntur. Neque semper inflammatione vel pleuritide hepatis, sicæ tussis animadvertuntur. Sæpe coagulatis vaporosis spirituum Tincturis in Anatomia pulmonum cruentas, saniosas & purulentas vidimus.

Eadem potestate vomitum æruginosum & amarum absolvi profitemur. Vapores enim ac spiritualia corpora in quibusdam locis corporeas coagulationes interdum admittunt. Hæc est vera Generatio Inflammationum, cuius species ex proprietatibus spirituum sulphureorum peti debent. Arsenicales enim, Bubones constituunt & inflammationes pestilenciales, sive in cerebro, sive in pectore, sive in hepate, sive in liene, sive in sanguine, sive in glandulosis sedibus pone aures, sub alis, in inguinibus.

Auripigmentales, pleuritides constituunt, in cerebro, pulmonibus, corde, pectore, hepate, liene, ventriculo, sanguine, carnibus, &c. Sulphurei, prunellas cerebri, pectoris, ventriculi, hepatis, gulæ, & omnium partium. Permixtis spiritibus, transplantantur inflammationum vel apostematum species, fiuntque pleuritides spuræ: non quia in musculis & carnibus, hepate, liene, pulmonibus, tunica costas succingente, vel aliis locis, radices collocant: sed quia spiritus pleuritidum authores peregrinis conjugis obligantur. Ita Hippocrates libro De morbis & passionibus, varias pleuritidis, peripneumoniæ, icteri & similibus morborum species adduxit, in quibus symptomatum varietatem nulla locorum vel humorum clientela explicare potest. Galenus longè diversam inflammationum nativitatem descripsit, corporum copia & tumorum magnitudine deceptus, Principia quoque corporea adjunxit. Etenim qui Generationum, Mixtionum & Transplantationum leges ignorant, ac spirituum potestates & vicissitudines non animadvertunt, Corpora ex corporibus solum gigni magno errore affirmant. Itaque posteaquam nullam aliam materiam in tota corporis Anatomia ad Inflammationum generationem, sanguine aptiorem invenire potuit, huic causam ascripsit, & modum generationis Atomistica subtilitate adjunxit, venas & arterias majores ubi immoderata sanguinis copia distenduntur gravatas, in minores onus deponere, has deinceps in minimas, ex harum osculis in carni, musculorum, membranarum & fibrarum substantias, poros, vacua spacia incumbere: hinc distentiones, tumores, dolores & calores accidere, prohibita-
que

que rranspiratione, putrescente sanguine, inflammationem & febrim succedere. In sanguine certè quemadmodum in hepate, liene, carnibus, cerebro & aliis partibus, radices & semina Inflammationum latere possunt, digestisque temporibus peractis, ubi generationem moliuntur, in peregrinis Anatomiis fructus proferre solent, in carnibus, visceribus, synovia, prope, procul à centrīs, ratione confluentiæ & continuitatis. Itaque *nappeliosa, tinymassola, sulphurea, arsenicalia, auripigmentalia semina*, à sanguine tanquam Elemento resoluta & separata, in aliorum Elementorum Anatomiis fœtus absolvunt, eosque duplices, Coagulatos & Resolutos. In Coagulatorum familia sunt *Apostemata*, omnesque morbi, quorum semina ad corporeas coagulationes destinatos fructus obtinent. *Febrium radices Resolutos fructus proferunt, Coagulationi non obnoxios.* Instante separatione paroxysmus ebullitionis, frigore, horrore & rigore conspicuus, in sanguine suscitatur: interdum caliditates, lassitudines, somnolentiæ juxta seminum proprietates: in plurimis certe radicibus, primæ resolutiones febriles sunt vel *nitrosulphureæ*. Præsente ebullitione subito germina, *βλασηματα* Hippocrati dicta, proferuntur, in locis scilicet, matricibus, Anatomiis, partibus confluentibus & ad Generationem ac absolutionem fructuum commoditates adferentibus. Hanc confluentiam ex partium imbecillitate, vicinitate, situ proriore, viarum amplitudine æstimare consueverunt Galenici: quorum sententia examinanda est. *Imbecillitas, aut nomen est, aut opus*, ut Hippocratica Methodo procedam. Neque sufficit quòd rusticos adducunt de imbecillitate conquerentes. Nostram Philosophiam jam dudum à rusticorum censuris & societate sejunximus: cœcutiunt enim sensus eorum ad contemplationem earum causarum, à quibus actiones humanæ læduntur vel debilitantur, tanquam oculi vespertilionum ad meridianam lucem. Ineptum igitur est illorum opem implorare in morborum demonstratione & causarum declaratione, à quibus actiones debilitantur. Si Intemperiem adjungunt, similiter procedemus, justissima appellatione Principium aliquod postulantes Reale, quod viribus & potestate pollet, quod effectus producere possit, quod Scientiam habeat, prædestinationes & officia, essentiam quoque, vitam & proprietates, quarum beneficio conspirare ac confluere possit, actionumque & passionum mutua vicissitudine, Generationum fluxus opportuna nutritione, mixtione augmentationeque moderari. Caliditatis, frigiditatis, humiditatis, siccitatis intensiones & remissiones in vanum adducunt. Sunt enim umbræ rerum, quemadmodum colores, nec Radices habent, nec potestates: sed à Radicibus, ut reliquæ signaturæ omnes profluunt. Seminum proinde naturas & trium

R 2

Prin-

Principiorum domesticarum proprietates adducere necesse est, si confluentiarum & conspirationum causas veras interpretari velimus. Ita enim apparebit, quæ occasione hæc germina huiusmodi agros petant. Novit equus præsepe suum. Sic in corpore humano semina omnia unius ejusdemque Reipublicæ cives, domesticas tribus & familias, sive vicinas, sive remotas, sive regias & patentes vias, sive angustas obstrusasque obtineant, & subito & facile inveniunt, cœtusque suos consanguineis ac domesticis porius educantes & ad maturitatem perducendos concedunt, quam peregrinis. *Nec est quicquam Naturæ sursum vel deorsum, circularis cum sit.* Nos, à circulo deficientes angulos obtinuimus, corporumque ponderibus alligati, motuum terminos faciliores & difficiliores animadvertentes, magnâ temeritate, invisibili & incorporeæ naturæ similes passiones ascribimus. Rectius Hippocrates Naturæ divinitatem contemplatus, pronuntiavit, nullas vias esse difficiles. *Omnia spiritualibus Tincturis Naturæ proximis instrumentis patere.* Itaque turgentibus morborum seminibus in sanguine, si germina, fomenta, βλασθήματα vel loca trium Principiorum consentaneis proprietatibus insignita, in hepate invenerint, subitaneo impetu florem præsentis generationis, radices progeniem hepati transmittent, in cujus officina ætatum discrimina & prædestinationum terminos, signaturarum variabili sorte comitatos, absolveret. Continet enim hic flos Scientiam radices suæ, & qualitates ac corpora producit inimica, dolorosa & perniciosa humanæ naturæ. Hinc calores, amaritudines, acrimoniæ, fœtores, inflationes, rubores, vitales pulsus viventium spirituum & etiamnum ebullientium indices: ex quibus calamitatibus exesis & apertis venis, si vicinæ & conspicuæ fuerint, fieri potest ut sanguis profluat ac peregrinas cavitates occupet, sincerusque, vel tussis, vel per urinas, vel per alvum, vomitum, uterum, &c. reddatur. Quod ubi sit, ob morbi vehementiam & magnitudinem mortem brevi expectare oportet. Instabunt Galenistæ ægreferentes tantam Scientiam & seminum præsentiam in generatione Inflammationum requiri: causarumque evidentium & antecedentium, à quibus Inflammationes suscitantur, auctoritate freti, obstinate contendunt, *non ex seminibus, spiritibus, Tincturis, Scientia mechanica & vitali potestate præditis, sed ex sanguine solo putrescente, Inflammationes omnes produci.* Etenim causis præcedentibus quæ copiam sanguinis generare solent, si exercitia immoderata, casus, contusiones, vel similes mutationes accesserint, ex quibus frangi, aperiri vel dilatari solent venæ, Inflammationes utique contingere. Dico illis ex tali sanguinis profusione Inflammationes veras non generari, *nisi in sanguine, semina plenum, prænata, pestis, antea delitescant, quæ occasionem opportunitatemque na-*
ta,

Et, ad ebullitiones & paroxysmos intempestivè excitentur. Sanguinem extra venas in peregrinis Anatomiis quacunquē de causa collectum, corrumpi, resolvi & dissipari concedimus: symptomata verò hisce affectionibus supervenientia, toto genere ab iis discrepant, quæ pleuritidi, pelli & prunellæ perpetuò assilunt, quousque sanguis purus, sanus & syncerus fuerit, peregrinis feminibus non infectus. Quemadmodum vero vulneribus, ulcerum symptomata sæpe superveniunt, quia in sanguine venarum vulneratam, carnibus, synovia, ligamentis, &c. Semina delitescunt cancri, lupi, æstioni, quæ externarum causarum injuriis & violentiis, ante digesta tempora suscitantur & paroxysmos proferunt: eodem pacto inflammationum generatione, semina arsenicalia, antimonialia, sulphurea, & similia, in sanguine latentia, maturatque vicina, levi occasione evidentium causarum excitata, pleuritides, pestes & prunellas produxerunt, cantu, hilaritate, risu, saltu, cursu, percussione, vociferatione, immeritam ferentibus culpam. Ita maturis pomis, etiam oves ad arborem accedentes operæpretium faciunt, motionum & decidentiarum auctores fiunt absurda virium persuasione, in posterum deceptæ. Vereor quoque, ne vinum, alimenta, aer, somnus injustè sæpe à Medicis acculentur, & ne corvorum censuris, quod dicitur, columbæ vexentur. Hos morbos & similes, compositos esse dixerunt Galenici. Magna enim est fertilitas morborum apud illos, & societas facilis: ubique concurrunt intemperies, obstructions, tumores, continui solutiones: si addidissent discolorationes, fœtores, saporum confusiones, multitudinis majore miraculo, plebis animos fascinaissent. Nos verò in his, morbos appellamus Radices, Radicumque effervescentias & spirituum ebullitiones usque ad ἀκμήν & consumtionem eorundem. Materiam verò relictam, sive paulatim à naturali Mumia humani corporis consumatur, sive per vias convenientes evacuetur, sive in puris generationem transeat ulcusque relinquat, læsiones & ἐμπνεύματα dicimus, curationesque proprias habere fatemur. De Generatione morborum in Anatomia hepatis hæc sufficiant. Neque enim universa quæ de his commodè & utiliter dici possent, hoc loco adducere licet, Compendii leges vetant. Quia verò viciniori adducti, morborum originem attigimus, qui in sanguine radices & semina habent, generatione febrium descripta, quæ ex sanguinis Anatomia procedunt, viam aperiemus ad cognitionem & explicationem fructuum Elementi Aquæ in Microcosmo. Antea declaravimus Radices febrium in omnium partium Anatomiis contineri posse, in ventriculo, intestinis, mesenterii venis, hepate, liene, renibus, &c. in sanguine, carnibus, synovia. Nam in his omnibus locis, Nitrosulphurea Tinauta, in Mumia plantari potest. Subtilitatem locorum, Elementorum, Mumia & Mechanicorum

chanicorum perpetuo æmulabitur semen. Quemadmodum enim alimenta diversarum partium, subtilitate, crassitie, potestate, penetratione, constantia & similibus signaturis plurimum inter se differunt: ita quoque morborum semina a alimentis coherentia, impuritates scilicet, ab impuritatibus, crassitie, subtilitate, potestate, penetratione differre necesse est. *Neque spiritus mechanici ventriculi, omnia morborum semina ab alimentis separare possunt.* Relinquuntur certè impuritates, quæ spirituali & vaporosa specie unà cum alimentis ad hepatis officinam, sanguinis, carniū, synoviae, &c. deferuntur: nec solum impuritates, ad resolutionem tendentes, sed etiam tartareæ mucilagines coagulationi destinatae: morbosque proferunt in hepate, renibus, vesica, sanguine, carnibus, cerebro, pulmonibus, corde, synovia, planè corporeos, lapillosos, bolares, tophaceos, bituminosos, &c. Neque difficile est horum morborum semina, cum resoluta sint, vaporosa, spiritualia, alimentorum vaporibus permixta, undique penetrare. Longè facilius *februm rudimenta, quarum impuritates ad tam solidas coagulationes non desinant, distribui possunt.* Quocirca ex diuturno usu alimentorum, in quibus Tincturæ febriles continentur, non in primis illis sulphureis & crudis impuritatibus, ventriculi separatione tollendis, sed in subtilioribus superficiebus, quæ Mechanicos ventriculi subterfugiant, si hepatis officina superata, in sanguine opportunitates generationi consentaneas invenerint, paulatim Tincturas febriles introducent, & Balsamo sanguinis, in certis quibusdam venis, assidua impressione inquinato transplantatoque, radices seminarias figent, digestis temporibus, fructuum perniciofa resolutione, in generationem prodituras. Ita ex corruptis leguminibus, carnibus, piscibus, oleribus, frumentis, vino impuritatibus febrilibus inquinato, febres generantur: modo assiduus sit eorum usus, vel impuritatum Tincturæ potentes, & agrorum confluentia. In his enim alimentis & similibus, continentur impuritates sulphureæ resolutæ, quæ ambigunt quodammodo inter mercuriales & tartareas, immensa specierum varietate: societatemque ac miram Naturæ vicinitatem habent cum radicibus apostematum, pleuritidis scilicet, pestis & prunellæ, in quibus sulphurea resolutio, in purulentam vel saniosam coagulationem definit: à fungosis, mercurialibus, tartareis, salinis, corrosivorum Tinctura insignitis impuritatibus, manifestè differunt. Quamvis sæpe accadat, ut tempore dierumque numero, mutetur febrilis materia in aliam naturam, unde *επενήματα* & læsiones febrium, vel secundarii morbi, abscessus videlicet viscerum vel artuum, icteritiæ, hydropes, dependent. Idem evenire solet ob commixtionem trium Principiorum heterogeneam. Digestis temporibus peractis, Radices febrilium impuratum, in sanguine

ne latentium, effervescent & paroxysmum subito proferunt, horrore, frigore, vel rigore sæpissime comitatum, ob causas ante dictas. Symptomata verò omnia longe vehementiora hic conspiciuntur, quàm in febribus ventriculi, intestinorum, mesenterii, & similium partium. Quia semina & Radices Elementi aquæ, Tincturas habent, terrenis potentiores. Colores igitur, sitis, capitis dolores, inquietudines, anxietates, vigiliæ, deliria, pulsum alterationes, graviores erunt. Ita assidua fructuum resolutione paroxysmum continuabunt, ob similem trium Principiorum naturam, donec fructuum maturitate absoluta, vaporosa resolutione in sudores dissipentur, vel (si coagulationes crassiores obtinuerint fructus febrilium impuritatum, juxta Scientias & proprietates trium Principiorum) per urinas, per alvum, per abscessus, subito paulatimve evacuentur. Interdum in sanguine menstruosis proprietatibus insignito, & propterea evacuationi destinato, radicibus febrilibus contentis, ubi ad effervescentias pervenerint Critica sanguinis profusione per uterum, per nares, per hæmorrhoides, judicantur. In his, ætates, victus rationes, habitus, consuetudines, menstruosi sanguinis testes assistunt. Hisce Generationibus intellectis, carbunculi, anthracis, erysipelatis, & similium morborum nativitates, ob vicinitatem & naturarum societatem, manifestæ sunt. Multa hic de Putredine dicerem, de corruptionum diversis modis, de febrium differentiis, si operis propositi ratio admitteret, & temporis iniquæ brevitate non premeret: quæ omnia in Commentariis nostris de Febribus, suis temporibus, candidè studiosis communicabuntur, modò veritatis iniquum odium tempestivè deposuerint ii, qui claves Scientiarum in captivitate detinentes, ipsi non ingrediuntur, & intrare volentes, quoad possunt, impediunt. *Relictis nunc impuritatibus febrilibus, alias adjungemus, in quibus salium corrosivorum proprietates vigent, quarum prædestinationes, in ulcerationes, erosiones, & tabidas consumptiones desinunt. Rarò in visceribus: in intestinis, renibus, ut vesica, pulmonibus & aliis locis, quæ tartarearum mucilaginum receptacula sunt, interdum confluentiam adipiscuntur.* Quia proprietates trium Principiorum, ex quibus viscera constituuntur, bolares, & cachymiales Tincturas referunt, id est, sulphureas, obtusas, sine manifesta præsentia corrosivorum spirituum. In sanguine verò, carnibus & synovia, agros opportunos habent. Balsamus enim, sive Mumia sanguinis, carni, synoviae, potentibus vitalibusque salium Tincturis peller, quæ tamen dulces sunt, consolidativæ, unitatis custodes. Nutriuntur proinde ex vaporosis spirituum Tincturis, in quibus salium vitales proprietates, impuritatibus analogis permixtæ delitescunt. Separantur deinde impuritates salinæ, ab alimentorum puritate,

ritate, & coagulationem, sed resolutam accipientes, ut plurimum per urinas, sæpe per sudores & insensiles transpirationes expelluntur. Hac naturalium facultatum lithurgia vitiata, ob errores, & assumptorum, faciendorum, forisque incidentium delicta, sive quia ab ortu & hæreditario semine, non omnes obtinuerunt in Balsamo sanguinis, carniū, synoviar, & similium partium, proprietates, trium principiorum, auri, argenti, buxi, ebeni, hedera, pyrolæ, faniculæ, clematidis, &c. sed in nonnullis prædictis Balsamus proprietatibus stanni, cupri, martis, fagi, abietis, pini, vitis, aronis, persicariæ, urticæ, &c. signatus est. Hinc debilitates naturæ, Mumia, Balsami, dependent ex specierum ordinibus, non ex complexionum gradibus. Reperiuntur enim ejusdem familie ciues vel species potentiores & debiliores, secundum Scientias ac potestates trium Principiorum, Radicibus seminibusque coherentium. Et, si faciliores posthac esse vultis, armis que Cyclopitis ac rabie deposita, humanius ad palæstram descendere, dicam benignè, Transplantatione masculinum uniuscujusque radicis Hermaphroditica robur, in feminam molliorem & patiendi facilitatem degenerare. Transplantationes verò modum, & specierum rationes, secunda Olympias securius proferet. Sive igitur innata Balsami infirmitate, in ventriculis, id est, in Mumia sanguinis, carniū, synoviar, defectus & prævaricationes separationis puti ab impuro, expulsiōis & consumptionis contingant, relicta impuritate, salium corrosivorum Scientiis ac prædestinationibus insignita, si frequenter hoc accadat, & potens sit Tinctura seminum corrosivorum, transplantata Mumia sanguinis, carniū vel synoviar, radices introducent, & continua nutritione ex similibus impuritatibus fomentis (sæpe ex ipso sanguine & vicinis partibus, ubi progressus validiores fecerint) acceptis digesta generationum tempora magno desiderio expectabunt: quibus instantibus fructus producent radicibus consentaneos, fructuumque educationes domesticis partibus concedent: vel hoc argumento declarantes, carniū, venarum, ligamentorum, ossium naturas, quamvis similes sensuum testimoniis judicentur, proprietatibus nihilominus diversis differre. Cancris quippe, radices & fructus, salia continent ferruginea, quæ in carniū, venis, membranis, &c. Martis Anatomiam referentibus hospitia domestica nanciscuntur, ut in facie, labris, mammis, pectore, utero interdum. Herpetes, æstioni, lupi, &c. radices habent æruginosas, cancris finitimas: in carniū musculosis artuum, & pectore, sedes quærunt. Hydropica ulcera, crurum propria, aluminosas habent radices. Pruritus, scabies, nitrosis, viriolatis, ac levioribus Tincturarum proprietatibus constant, locisque omnibus fructus emittunt, vaporoso, sed lento sudore, in quo spirituum fortium Scientiæ & prædestinationes

tionem continentur, carnibus & cuti perniciem allaturæ. Dolores, calores, formæ, siccitates, humiditates, ac similia symptomata, ex proprietatibus sonum explicari debent. Nam corrosiva salia in Anatomia sanguinis & carniū contineri posse, demonstrant separationes Spagyricæ. Et urinam colamentum esse sanguinis, carniū, & synoviarum fatentur omnes: in qua, quot, quantæ, corrosivorum salium species occultantur? Quæ, ubi frustrata separatione & expulsionem, quemadmodum antea diximus, in sanguinis vel carniū Anatomia radices fecerint, & longa digestionem, corporum conjugia lenta ac tenacia contraxerint, fructus absolvunt stabiles, nulla innati Balsami virtute resolvendos, sed continua augmentationem, vicinarum partium miserabili erosionem, longa mortis tempora expectant.

Pruritus, scabies, radices habent leviores, facile resolvibiles, nisi leprosa Tincturæ admixta fuerint. Harum procreationum illustria exempla, in Generationem Mineralium & Metallorum, antea proposuimus. In quibusdam enim, fructus stabiles edebantur, ut in Metallis: in aliis momentanei, ut in Thermis & Mineralium resolutionibus. Diversitatis causam, similari naturæ trium Principiorum, vel dissimilari dissentaneorum mixtioni ascribimus, & radicum Scientiis ac prædestinationibus inviolabilibus: sive Generationum alterna revolutionem, silentiis interpositis, fructuum dispensationes custodire teneantur: sive continua fructuum successione, thesauros in abyssi suis contentos, desiderata obedientia exhaurire soleant. Similis propemodum est Generatio podagræ, arthritidis, cephalæ, hemicranie, *κεφαλαίων*, dissolutionis articularum, dolorifica fluxionis, seminum triumque Principiorum servata differentia. Constant enim ex impuritatibus colicis, acutis, quibus Tincturæ salium acerbæ, pontagiosæ, amaræ, salsæ, acres, vel acetosæ, tartariæ, vitriolatæ, nitrosæ, aluminosæ, aronicæ, urticosæ, persicariosæ, &c. delitescunt: quarum tamen prædestinationes ad ulcerationes non festinant, nisi longa circulationem vel peregrinorum spirituum admixtione, ulcerosas proprietates acquisiverint. Neque consequens est, ut quidquid spirituum acutissima, & summè dolorifica facultate præditum sit, idem continuè ulcerationes conspicuas proferat. Alia est proprietas, in qua ulcerationum nequitia vigent. Sæpe obtuso sensu ulcerationes absolutas vidimus, & septicorum proprietates non ignoramus. Etsi enim nephriticorum, colicorum, podagricorum tormenta, omnes omnium ulcerum dolores longè superent, & acutissimorum spirituum præsentiam satis confirmant: nihilominus arsenicale illud virus, septicum, carnibus perniciosum, in seminibus prædictorum morborum desideratur. Præterea spirituum fortissimorum potestas,

ob corrosivas calamitates suspecta, copiosa humiditate synovix, carniū, & sanguinis impeditur, ac humida resolutione comprehensa, ulcerosas corrosiones negligit. In acerosis omnibus inimicitiae ulcerum vigent, acetosaeque carni-
bus, membranis, ossibus, nudis partibus, hostilia sunt: ipsa tamen ulcerum produ-
cendorum facultates non habent. Introducuntur in Anatomiam humanam
hæc semina, ut plurimum hæreditario jure. Vitalia enim Principia corporis
Balsamum, seminale Principium, & Radicem Naturæ obsident. Proinde
Generationum exordiis, effervescentias communes nacta, una cum Princi-
piis humanis propagantur, & destinatis temporibus adolefcunt. Sæpenu-
mero assumenda, facienda, foris incidentia, illegitime usurpata, Transplan-
tationis auctores fuerunt, & sanguinem, carnem, synoviam, peregrinis im-
puritatibus assidue inquinaverunt radicibus Tincturarum acutissimarum &
dolorificarum. Digesta generationum tempora his radicibus, ut cæteris
omnibus, certa sunt. *Quædam anniversarias habent ebulationes: nonnullæ men-
struas.* Sunt & aliæ, quæ Lunæ, ventis, pluviis, certis syderibus, & externo-
rum Ascendentium impressionibus obligantur, paroxysmosque proferunt
confœderatos, præter innatam temporum prædestinationem: de quibus
divina illa Astrologia Hippocratis loquitur, in libro De humoribus, ubi di-
cit: ἐκ τῶν πρώτων ὁδῶν, ὅταν ἐξ ἀνυδροῦς πολλῆς μέλῃ ὕδωρ ἐσεῖται, ἐστὶ περὶ
ὑδρώπων προειπεῖν ἢ, ὅς ταν τ' ἄλλα σμικρὰ σημεῖα φανῇ ἐν νηνεμῇ, ἐν μεταβολῇ.
Ex prioribus (inquit) aquis, sive pluviis, tempestatibus, ventis, siccitatibus, astrorum
ortibus, & occasibus, eorumque confœderationibus & consuetudinibus cum morbis, si quis
diligenter observaverit morborum mutationes, exacerbationes in tempestatibus, pluviis,
pleniluniis, &c. contingentes, in posterum ex hydropicorum, podagricorum
& similium ægrotorum accidentibus, prædicere poterit, quando in longis
ferenitatibus, pluvix venturæ sint. Astra enim hydropis, podagræ, melan-
choliæ, carbunculi, febris, &c. quæ sociabili naturarum proprietate cum
coelestibus, aereis, terrenis, & aqueis syderibus conspirant, effervescentias
genialium, domesticorum, & decretoriorum syderum longè antea perci-
piunt, priusquam manifestis resolutionibus & fructuum dispensationibus
omnia replerint. Eadem ratione, aves & animalia nonnulla tempestatum
instantes mutationes nunciant: Majorem enim societatem, & trium Principo-
rum proprietates magis conspirantes cum mundanis astris habent, quàm
homines, qui adulterinis morborum seminibus non sunt inquinati. Parva
quoque signa negligere non oportet, sive quieto temporum statu, sive in-
mutationibus contingant. Insolentes enim mutationes, morborum externo-
rumque

rūmque astrorum fœdera etiam rusticis ostendunt. In parvis vero consonanti-
am deprehendere, utile & artificiosum est. Ita enim pericula, quæ in gravioribus
mutationibus temporum suspecta sunt, vitari possunt, *Συναντῶν οὐρανὸν καὶ γῆν*
ὁρίσιν ὁδῶν καὶ ἀνέμοισιν αἰνῶσι ἐπισημαίνουσι. Colligendas & notandas præcipit
morborum & externorum Ascendentium confluentias, id est, qui hydropes, plu-
viis instantibus, exacerbantur: quæ podagræ, ventorum imminente tempesta-
te, ad paroxysmos inopinato excitentur. Quibus febiles impuritates in sanguine
delitecunt, ascendentibus astris, in quibus fructuum resolutiones, septentrionales
ventos producant, antequam publicæ ventorum significationes in aere conspiciam-
tur, effervescentias & occultas resolutiones astrorum vel radicum, in sanguine,
carnibus, synovia, visceribus, &c. latentium, animadvertunt, & præsagia ven-
torum, sine artis ostentatione, proferunt. Rursus podagrici multi pluviarum sy-
deribus obligantur, & Astrologi vadunt involuntarii. De his alibi plura dice-
mus: hoc loco adducta sunt, ut paroxysmorum occasiones in podagricis,
arthriticis, hemiranicis, dolorificis fluxionibus vexatis, vel cedmaticis, decla-
rent: paroxysmorum dico, qui neglectis innatis temporibus, aliorum
astrorum societate, ad Generationem & fructuum resolutionem progrediuntur.
Itaque excitatis radicibus podagricorum affectuum, si in sanguine sedes
habuerint, effervescent, & spirituales ac vaporosas Tincturas, Principiis radi-
cum consentaneas, ad loca domestica, suspecta (ut loquitur Hippocrates)
demittunt: ibi fructus radicum matricis nacti, prædestinationum revolutiones,
dolorosa symptomatum calamitate, absolunt. Signaturæ symptomatum
differentias seminum & radicum declarant. Vehementiores dolores sunt vitrio-
latorum, æruginosorum, tartareorum, quam aluminosorum & salgemmeorum
spirituum. Salis communis ac nitri spiritus acutissimi sunt. Acetosæ, aluminosæ,
stypticæ & berberizatiæ Tincturæ, frigiditatis auctores sunt. Tartareæ, ærugi-
nosæ arsenicalium spiritibus permixtæ, rubores, caliditates, inflationes & pulsa-
tiones adducunt. Quamvis digestionem & continua circulatione, narcotica &
frigida Tincturæ, accensæ, caliditatis adulterinam imaginem sæpe repræsen-
tent. Antequam verò ad ipsas matrices, à radicibus in sanguinis Anatomia
habitantibus, pervenerint resolutiones podagricæ, id est, ad articulos vel
synoviam manuum, pedum, obscura vel manifesta de se documenta in itinere
dabunt; secundum analogiam potestatis spirituum & synoviae puritatem, in
membris per se transeunt. Si enim magna fuerit vehementia spirituum, &
Tincturæ acutissimæ in mucilaginosam coagulationem terminantes, si synovia
crurum, brachiorum (quæ ossium membranis undique agglutinatur) impuri-
tatibus

tatibus ejusdem generis, vel consentaneis, inquinata sit, dolorificæ fluxiones
 in iis locis sentientur, calamitatem suspectis partibus mox imminentem nun-
 tiantes. Ita enim appellavit Hippocrates lib. De humoribus, partes illas, quæ
 obnoxia sunt educationibus fructuum podagricorum resolutorum, quas nos
 dicimus uatrices, quia generis affinitatem habent, cujus ministerio hospitem
 errantem admittere possint, in quibus proprietates trium Principiorum cor-
 fluentes cum Tincturis podagricis continentur: serius, ocyus, ad suspectas par-
 tes pervenient resolutiones podagricæ, à radicum mineris, prout resolutorum
 fructuum coagulationes, crassitie, tenuitate, lentore, subtilitate, penetratione,
 & similibus signaturis, inter se distinctæ fuerint. Jam tormenta incipient, in-
 flationes, tumores, calores, rubores: durabitque hæc symptomatum iniferanda
 carnicina, donec effervescentiæ spirituum cessaverint. Tunc verò soluta Tin-
 cturarum sicca & acuta coagulatione, sudores, madores, vel insensiles transpi-
 rationes desideratam quietem restituent. Tales sunt progressionès genera-
 tionum ex radicibus podagricis, in sanguinis Anatomia fundatis. Interdum
 assidua fructuum dispensatione transplantata synovia, radices seminarias con-
 cipit, & proprias generationes in posterum profert: fitque ex affectu per con-
 sensum, ut loquitur Galenus, affectus per se: ex Sympathia, Idiopathia: ex
 prima radice, secunda radix. Nonnunquam à principio, in synovia, prima ra-
 dicum rudimenta implantantur, non aliter ac in sanguine. Suntque tales poda-
 græ vehementissimæ, quia in Elemento potentissimo foventur. Ita Hippocra-
 tes nervorum morbos, venarum morbis difficiliore esse dicebat, libro de lo-
 cis in homine: idque ob alimentorum proprietatem & robur: venarum morbos
 esse fluxiles, nervorum verò stabiles, remediis inobedientes. Horum mor-
 borum origines, ad sanguinis, bilis, pituitæ, melancholiæ, serosorum humo-
 rum defluxiones retulerunt alii, & podagræ differentias, calidas, frigidas,
 humidas, siccas adduxerunt. Ditiores fuissent, si albas, nigras, virides, cæru-
 leas, rubicundas, lividas addidissent: salsas verò, acetosas, pontagiosas, ama-
 ras, acutas, vel vitriolatas, tartareas, aluminosas, nitrosas, berberizatas, aca-
 riosas si intellexissent, sanguinem, bilem, pituitam, melancholiam, tempera-
 mentaque caliditatis, frigiditatis, siccitatis, humiditatis in ævum repudiassent.
 Fernelius facilitatem illam, in reddendis morborum causis, ex defluxione
 bilis, melancholiæ, pituitæ, sanguinis, ex caliditatis, frigiditatis, humiditatis,
 siccitatis intemperie, perosus, fluxionum quoque frequentes, sed inexplicatas
 accusationes averfatus, dum arthritidis, podagræ, chiragræ, ac similium affe-
 ctuum causas novas, & fluxionum modos, à prioribus non animadversos, ad-
 ducere

ducere conaretur, in mirabiles errores delapsus, fluxionem Hippocrati non ignotam, neque prioribus Medicis, distinctione Hippocratica reformatam, proposuit: podagrasque universas, frigidas proclamavit, non ex sanguine vel humorum in venis contentorum de fluxu, sed ex serosis humoribus, extra calvariam in pericranio congestis, indeque ad articulos defluentibus, proficisci, multis inditiis, sed incertis tamen, demonstrare conatus est. Fortunatus certe hic error ipsi fuit: invisus alioquin fuisset mortalibus, hoc sæculo tam fecunda nativitate morbi perniciosissimi proposita. Et veniam hoc quoque nomine meruit. Facili enim curationis spe proposita, ob veras causas à se inventas & explicatas, avida Medicorum & grotorumque expectationi satisfecit. Sed de his alibi. Epilepsia, melancholia, mania, convulsionis, tetani, opisthotoni, emprosthotoni, catalepsis, apoplexia, paralytis & similium morborum generationes (quia prædictis vicini sunt, in iisdem agris, vel similibus, ut plurimum fundati) adjungerem, si particulatim singulos morbos describere liceret. At vero, clarioris solummodo doctrinæ gratia, & ut generationes morborum, qui ex seminibus inferioris globi, ortus sui primordia ducunt, manifestius cognoscerentur, hæc exempla a nobis adducta terminos, constituunt, & origines aliorum morborum, qui ex seminibus ac resolutionibus Elementorum superioris globi procedunt, mox adjungendas suadent. De morbis igitur ex resolutionibus aëtorum superioris globi posthac agemus, talique utemur exordio. *Ex iisdem nutrimur, ex quibus sumus: cujus oraculi explicationem ex superioribus petite. Porro, ex iisdem, ex quibus nutrimenta haurimus, morbos, morborumque semina pariter accipimus.* Ostendimus enim morborum radices, in certis Individuis vel speciebus seorsim non consistere, sed implantatas & permixtas esse puris primisque rerum seminibus. *Nutrimenta vero rerum naturalium, fructus sunt seminum, in quatuor matricibus vel Elementis vigentium.* Semina enim Elementorum, consensus & conspirationis authores sunt, repugnantia quoque & dissensionis, mixtionum supervenientium efficientia: seminum resolutione, ac fructuum vicissitudinaria fomentatione, cuncta nutriuntur: *alimentaque omnia, semina sunt, sed impuritatibus permixta.* Proinde, si non solum ex fructibus Elementorum inferioris globi, id est, ex cibo & potu nutrimur, sed cœlestium aëreorumque seminum resolutiones & fructus magna necessitate continenter expetimus, ut alimentorum, ita morborum quoque semina ex iisdem hauriemus. *Alimenta hæc, quia invisibilia sunt permixta, & plane (sensuum judicio) unita, communi appellatione spiritus dicuntur, quos inspirando attrahimus, Quorum, vel cujus inevitabilem necessitatem,*

Hippocrates, libro de flatibus, ita exposuit: *Spiritus necessitas mortalibus omnibus tanta est, ut quamvis aliis omnibus abstineat homo, neque cibum sumat neque potum, possit tamen dies duos, vel tres & plures ducere: si cui verò spirituum meatus, per quos in corpus ingrediuntur, intercipientur, momento unius horæ moritur.* Rursus, à cæteris operibus feriantur homines, à spirandi verò functione nulla animalibus requies conceditur. In utero quoque & generationum initiis prima necessitas, & spirituum, occultæ respirationis & pulsum ministerio attractorum. Quamvis autem invisibile sit hoc alimentum, neque signaturis vel qualitatibus iis præditum, ex quibus discrimina alimentorum inferioris globi constituta sunt, nihilominus consentaneis & propriis signaturis non destituitur. Cibi ac potus differentias, ex saporibus, consistentia, crassitie, tenuitate, lentore, calore, facili & difficili digestionem, ac similibus qualitatibus deduximus: spiritus verò, & resolutiones fructuum superioris globi, nec dulces, nec acidæ, nec amaræ, nec austæræ, nec albæ, nec nigræ existunt. Odorum signaturas sæpe admittunt. Crassitiem quoque & turbulentam aeris confusionem sæpe accusamus. Caliditates, frigiditates, humiditates, siccitates in his fructibus & alimentis triumphant, adeo ut ob penetrationem ac impressionum vehementiam Elementorum privilegiis à multis insignitæ fuerint, qui originem & naturam qualitatuum non intellexerunt. Perniciosæ vero resolutiones ex effectibus solumprehenduntur, ut venenorum nonnullorum facultates, quæ nec gustu, nec odore, nec ullis manifestis qualitatibus, occultatas potestates demonstrant. Recte quoque à multis proditum est, non solum refrigerationem & alterationem spiritibus ac calori innato, id est, vitali Balsamo, ex hoc alimento suppeditari, sed etiam substantiam, corpus, nutrimentum, consentaneum tamen spiritibus & seminibus superioris globi: Corpora enim omnia, quæ fructibus cælestibus debentur, spiritualia sunt, in principio semper invisibilia: nonnulla autem visibilium corporum signaturas in progressu ostendunt, & coagulationes admittunt, ut pluvix, rores, nives. Ex his alimenta rerum naturalium proficiunt. At vero fructus cælestes, ex quibus alimenta animalibus suppeditantur, invisibili corporum specie attrahuntur, & qualitates ac coagulationes corporeas respuunt, quousque ad Anatomiam novam, animalium videlicet, pervenerint. Ibi enim coagulationes & signaturas interdum recipiunt, corporibus visibilibus ac inferioribus proprias: quando scilicet prædestinationes tales attulerint, & consonantiam, prædestinationibus non repugnantem, in animalibus invenerint. Proprietates trium Principiorum, Scientias, & agendi potestates, in corporibus invisibilibus habitare posse, antea demonstra-

monstravimus: in hac morborum generatione, rationibus consentit experientia. Diversi enim affectus, symptomata, alterationes, ex diversorum astrorum resolutionibus, in corpore contingunt; quæ alterationes seminum Scientias, & trium Principiorum proprietates demonstrant. Pigritia, somnus, torpor, membrorum resolutiones, Proprietatibus narcoticis, papaverinis, opiatibus, mandragoratis, sulphureis, vitriolatis, & similibus debentur: non frigiditati vel humiditati, non albedini vel nigredini, non magnitudini vel parvitati, non obliquitati, rectitudini, circulari figurationi, sed potestatibus, vitalibus Principiis, Scientiis, a quibus, ut actiones, ita quoque signaturæ, actionum comites, Advocati, & testes, caliditates, colores, sapes, odores, magnitudines, figuræ, durationes, numeri, proficiscuntur. Si igitur Plejades, Hyades, Piscium constellationes, & similes stellæ, ubi fructuum resolutiones in aëre demiserint, alimentumque spirituum signaturis suis immutaverint, in corpore humano pigritias, somnolentias, dissolutiones adduxerint, proprietates utique trium Principiorum narcoticas, somniferas, papaverinas, mandragoratas, sulphureas, vitriolatas, & Scientiam papaveris, opii, mandragoræ, lactucæ, solani, &c. obtinebunt. Similiter, si Bootes, Ursa, Aquarii stellæ, fructuum resolutione immutatis spiritibus quos in spirando attrahimus, tussis, dysurias, horrores, articularum dolores, in corporibus prodixerint, quis ab iis, acrimoniæ, subtilitatis, penetrationum, aciditatis proprietates auferre poterit, & Scientiam berberis, acetis, acatiarum, aluminis, ac similibus specierum? Quinetiam Scorpionis, Cancris, & Martiales stellæ, ubi morbidis resolutionibus aërem inquinaverint, si febres, carbunculos, parotides, prunellas, pleuritides prodixerint, arsenicalium, auripigmentarium, antimonialium, sulphureorum spirituum proprietates utique obtinebunt, & Scientiam aconitorum, tythymallorum, lathyris.

Nec audiendi sunt, qui mollibus & delicatis rationibus demonstrare nituntur, morborum semina ex astris non derivari. Dico illis, non solum magnas, rores, serenitates, zephyros, pluvias, calores, ex cœlestium syderum resolutionibus ad nos demitti: sed etiam grandines, pruinas, tempestates, nebulas, ignes, ardores, frigiditates extremas. Neque solum proprietates rosarum, violarum, lactucæ, melissæ, valerianæ, stœchadis, betonicæ, tritici, vini, hordei, auri, argenti, aquarum dulcium, in seminibus cœlestibus continentur: sed etiam papaveris, mandragoræ, urticæ, aronis, polypodii, senæ, scammonæ, colocynthidis, agarici, etiam arsenici, nappelli, antimonii, sulphuris, mercurii. Tales verò resolutiones non sunt frequentes: & stellæ, harum auctores,

thores, longa digestionum ac silentii tempora habent, nisi magnis Conjunctionibus & Eclipsibus, contra innatas temporum leges, suscitentur. Rursus secundæ sunt Itellæ, quæ fructus pariunt animalium naturis magis consentaneos, brevioraque & frequentiora plenilunia absolvent. In his fructibus nullæ insignes spirituum proprietates vigent, sed ad eorum corporum naturam accedunt, quæ diximus Elementorum proprietates potius referre quàm seminum, in Capitulo de corporum Principiis, & Elementorum permixtorum natura. Itaque ad certas classes totam varietatem fructuum superioris globi & alimentorum spiritualium hoc pacto reducemus. Resolutiones cœlestium & æreorum seminum, aut conditiones nutrimenti sinceræ referunt, in quibus nullæ proprietates medicamentosæ vel venenatæ, nec sensu nec effectu deprehenduntur. Tales plurimas & frequentissimas esse diximus, ob salutem animantium, & continent aquarum dulcium, tritici, hordei, lactis, vini proprietates, quibus, tanquam domesticis alimentis, spiritus vitales assidue reficiunt. Aliæ resolutiones, admixtas habent Tincturas & proprietates medicamentosas, sed leves. In singulis anni temporibus & hæ frequentes existunt: lactucarum, cassiæ, mannæ, vini meracioris, aceti, agrestis & similium signaturas referentes, ex quibus catarrhi, tussis, horrores, & leviora temporum symptomata proficiuntur. Nonnullæ verò medicamentosæ planè sunt, in quibus, opii, mandragoræ, cicutæ, solani, scammonæ, agarici, flammulæ, persicariæ, aroinis, vitrioli, aluminis, proprietates ostenduntur, ac morbos pariunt temporum tempestatumque comites, de quibus sæpe loquitur Hippocrates. Postremò sunt resolutiones syderum, in quibus, venenatæ proprietates arsenici, auripigmenti, sulphuris, daronici, aconitorum, nappelli, manifestis effectuum testimoniis demonstrantur. Hinc Epidemiæ consuetæ, si certas astrorum revolutiones & temporum insitas prædestinationes sequuntur. De inconsuetis postea in Generatione novorum morborum dicemus. Atque hæ sunt differentix & conditiones seminum cœlestium, à quibus morbi proficiuntur. Generationum & Transplantationum progressus, seminum naturam imitatur. Quemadmodum enim sæpe ostendimus in Generationibus & Transplantationibus inferiorum Elementorum, citius & potentius omnia perfici, si Tincturæ & proprietates radicum validæ sint, si frequenter & continuè adhibeantur, si confluentiam ac locorum familiaritatem invenerint: ita quoque superiorum seminum resolutiones, si validissimis Tincturis præditæ sint, diuque duraverint, si disposita & opportuna corpora invenerint, Transplantationes plurimas & potentissimas subito absolverent, morbosque Epidemicos proferent: debiliores vero resolutiones,

riones, proprietatibus languidis comitatæ, nisi frequenter & assidue contingant, ac confluentiam invenerint, frustra venient, pauciores quoque efficient: quæ mediæ inter has existunt, effectus analogos proferent. Quia verò semina morborum superioris globi, in resolutionibus spiritualibus ac vitalibus deferuntur, ubi corpora invenerint proprietatibus trium Principiorum vitalibus conspirantia, & hospites admittentia, continuò Tincturas & impressiones introducunt, radicesque seminarias agunt, fructuum resolutione, digestis temporibus prodituras. Impressiones syderum debiliores, quæ frequentissimæ sunt, & necessarias temporum vicissitudines moderantur, quarum radices, pluvias, ventos, serenitates, calores, frigora, rores, Etesias, halcyonios, zephyros producant, ubi intemperata fuerint & intempestivæ, morborum semina in corporibus introducere possunt: tempestivæ verò & moderatæ earundem resolutiones salubres existunt: haud secus ac alimentorum etiam salubrium, immoderatus vel intempestivus usus, morbos gignit, moderatus verò, sanitatem & vitam tuetur. Hinc fit, ut temporum tempestivis constitutionibus immitatis, morbi consentanei sequantur. Et huc referri debent libri Epidemiorum Hippocratis, in quibus temporum constitutiones primùm describit, & intemperatas ac intempestivas syderum resolutiones: deinde symptomata & morbos subjungit, temporum constitutionibus & Transplantationibus supervenientes. Impressiones vero & fructus cœlestes, non calefactione, humectatione, exiccatione, refrigeratione, morborum causæ sunt, sed quia proprietates & Tincturas trium Principiorum introducunt sulphureas, mercuriales, aluminosas, acetosas, utricosas, mannæ potestatibus insignitas, lactucosas, papaverinas: vel, si placet, febriles, catarrhofas, podagricas, tabidas, pleuriticæ, &c. Caliditates, siccitates, humiditates, frigiditates, tanquam externæ signaturæ concurrunt, & potestatum, proprietatum, ac Tincturarum comites sunt & umbræ. Ita scribit Hippocrates, in Thaso, autumnii tempore, circa æquinoctium & sub Pleiades, aquas multas, assiduas, molles, velut in austrinis contigisse; hyemen austrinam, Veri similem, Ver austrinum, frigidum, parvis pluviis conspicuum, æstatem quoque nubilam cum aquarum inopia supervenisse, Etesias, parum, modice, & sparsim spirasse, totamque anni constitutionem austrinam fuisse, & cum siccitatibus, concludit. Ex his signaturis & qualitatibus temporum, id est, ex austrinis, siccis, tepidis resolutionibus, ratiocinari oportet de proprietatibus & Tincturis seminum, à quibus Transplantationes, & morbi Transplantationum comites, proficiunt. Nisi enim semina & proprietates adfuerint, steriles erunt humiditates,

T

tates,

tates, austri, calores, pluviae, siccitates, & signaturæ similes. Austrinae verò radices & stellæ proprietates continent sulphureas, mercuriales lactucosas, tithymallosas, vel febriculosas, catarrhofas, tabidas: interdum arsenicales, auripigmentales, leviores vel graviores, pleuriticæ, parodicas, anginosas. Itaque tales impressiones si diuturnæ fuerint, seminarias radices in corporibus introducent, citius in iis, in quibus confluentiam & hospitalem locorum societatem invenerint, serius in aliis: in quibusdam frustra venient, ob potestatem innati Balsami, & puritatem peregrini impressionibus repugnantem. *Locorum enim vel agrorum diversitas, in causa est, quod non omnes homines, ex temporum constitutionibus immutatis, ægrent: & quod inter eos qui ægrorant, morborum ac symptomatum diversitas contingat.* Quales igitur morbi constitutionem illam austrinam insecuti sunt, & quas ortuum vel paroxysmorum occasiones habuerunt? Ante Ver, inquit, ex priore statu sub contrario & aqilonio fiente, paucis subortæ sunt febres ardentes, non mortales, tubercula circa aurem, sine febre, quæ ad suppurationem non pervenerunt, ut ea quæ ex aliis causis oboriuntur: sed sine inflammatione & dolore obscure paulatim evanuerunt: plurimis, tussis sicca, & voces raucosæ ex quibus perniciosæ tabes, multis subsecutæ sunt, qui ad tabem prontores erant. Primum causas demonstravit, ex quibus latentia morborum semina ad effervescencias & paroxysmos suscitantur. Digesta maturitatum tempora, societates ac conjugia cum aliis astris antea attulimus, diximusque eorum efficientia, morborum ebullitiones contingere. Hic tertiam causam adjungit Hippocrates, contrarietatem scilicet & Tincturarum repugnantias. Frequenter enim impressiones, & proprietates hostiles, inimicum quiescentem à somno intempestivè excitant. Morbos deinde enumerat spurios, qui exquisitas signaturas & extremas non referunt. *Nomina enim ac descriptiones morborum, iis accommodantur, in quibus exaltata, sincera, & extrema sunt omnia accidentia.* Pleuritis dicitur ubi acuta febris cum tussi, dolore lateris pungente, spirandi difficultate, subito invadit. Parotides similiter vel tubercula post aures, anginae, prunellæ & apostemata omnia, febres acutas & malignas adjunctas habent, doloresque vehementes: quod contingeret, si semina horum morborum pura, exaltata, extrema, & potentissima fuerint, id est, arsenicalia, antimonialia, sulphurea, vitriolata, auripigmentalia, nappellosa: si en locis suspectis confluentiam nacta fuerint. Quod si *Tinctura arsenicales, antimoniales, sulphurea, &c.* Leviores fuerint, ex seminibus non ita potentibus, vel permixtione aliorum mitigatæ & immutatæ, si locis peregrinis, consen-

consentaneas matrices invenerint, pleuritidum signaturæ apparebunt, sed transplantatæ, parotidum signa, sed illegitima. Sic prunella, tabis, febrium hydro-
 pis, dysenteria, & reliquorum morbo-rem. Elementorum quoque dissimilia
 natura, & fructuum diversitates, ex Elementis superioris inferiorisque globi
 prodeuntium, morborum signaturas variant. Febres enim quæ ex resolutioni-
 bus & impuritatibus levioribus fructuum cœlestium generantur, cito solu-
 untur, mansuetæ sunt, nec crassas coagulationes in corpore admittunt: sym-
 ptomata quoque levia profertunt, nili semina febrilia inferiorum Elemen-
 torum, cum cœlestibus, conspiraverint. Sic parotides, ex levioribus resolu-
 tionibus superiorum Elementorum (medicamentosis, sc. non planè venena-
 tis) dependentes, sine vehementibus doloribus, sine febribus malignis con-
 tingunt, ad suppurationem non perveniunt, sed occultè evanescent. Sic ca-
 tarrhi, pleuritides, tabes, eandem analogiam retinent. Neque hoc pacto mor-
 borum gradus intelligi debent, ut morbi omnes ex cœlestibus seminibus
 orti, gravissimi sint, & supremorum graduum, ex terrestribus verò, leves &
 primorum graduum producantur. Paria paribus conferri debent, analogi
 analogis, si veritatem tueri velimus. Ita melissæ cœlestes, potentiores erunt
 terrenis, urticæ similiter, papavera, &c. Arsenicum cœleste, vehementia, ve-
 locitate, penetratione, Tinctura, aqueum longè superat, & fulminis instar agit,
 mortalesque omnes momento tolleret, nisi aliorum fructuum resolutione & com-
 mixtione pernicies retunderetur. Atque sic, ratione spirituum proprietatum-
 que spirituales impressiones comitantium, cœlestia terrestribus videntur
 esse fortiora, & superiorum graduum. Rursus, si duplicatorum corporum
 perniciem & potestatem consideres, terrestria ac aquea, cœlestia longè supe-
 rabunt, sed non tam latè serpent, neque tam communes effectus producent.
 Explicata morborum Generatione, qui ex seminibus & impuritatibus cœle-
 stibus, levioribus, procedunt, faciliè intelliguntur procreationes eorum qui ex
 petentioribus & validissimis resolutionibus constant, ut pestis, pleuritidis,
 prunellæ, & similibus. Tales quoque morbi, ex resolutionibus astrorum
 universalium inferioris globi, produci possunt, quas diximus, in Cap. de Ge-
 neratione, vicinitatem habere cum cœlestibus & aëreis. Hujusmodi astra oc-
 culta sunt, & tamen mundanas habent prædestinationes, digesta tempora, ex-
 altationes, & fructuum resolutiones, ex quibus novæ Generationes ac Tran-
 splantationes contingunt: magnæque officiorum, proprietatum, prædestina-
 tionum & signaturarum varietate distincta sunt. Nonnulla perpetuò cum mor-
 talibus negotiantur, ex quibus Endemii morbi, consueti & perpetui, depen-
 dent:

dent; ex quibus locorum Individuæ proprietates, & seminum particularium inclinationes proficiuntur. Ex horum enim resolutionibus, tanquam universalibus, aquarum, leguminum, cerealium, vini, carniū, piscium, & omnium alimentorum radices inquinantur. Quod si superioris globi resolutiones consentaneæ, cum his conspirent, multiplicabuntur, accelerabuntur, & deteriores reddentur, sicutque ex Endemiis Epidemici, & pro natura seminum, tempus morborum, vel vernum, vel autumnale, vel hybernū, vel solstitiale obtinebunt. Ita nonnullis locis, perpetuū autumni temporibus vigent tertianæ febres, erraticæ, continuæ, interdum perniciosæ, catarrhi, tussis: alibi menstruorum suppressiones. Strumosi morbi & similes, tempora non habent, sed continenter durant. Sunt & alia astra his occultiora, quæ mundana conjugia perpetua aspernantur, temporum nihilominus prædestinationes custodiant, quibus adventantibus, fructuum efficaci validaque resolutione, invisam novitatem rebus inducunt, durabilem vel momentaneam, juxta Tincturarum, Scientiæ, & prædestinationis, condiciones. Hinc novorum morborum Generationes dependent. Nec solum in inferiori globo vigent resolutiones talium astrorum, sed etiam in superiori. Quemadmodum verò visibilibus astrorum distinctas proprietates, officia, tempora, indies conspiciamus: ita invisibilibus distinctiones, prædestinationum & resolutionum varietates, admirari non debemus. Scientiæ, vitæ, potestatis, termini, durationis, obedientiæ insignia, invisibilia, utpote fontibus viciniora, visibilibus procul dubio eripient. Sic morborum mortisque Anatomix novæ, in mundanam scenam, singulis seculorum revolutionibus, introducuntur: interdum evanidæ, momentaneæ, sine Tinctura permanente, ex quibus Transplantationes steriles apparent, ut pestis insuetæ species, subito accedentes & desinentes. Iterdum verò Anatomias introducunt stables, Transplantationesque fecundas absolvunt, ut Gallici morbi resolutiones, lepræ, prunellæ Ungariæ: quamvis & hæ, tempora & terminos quoque contineant, diurnos vel breves, ratione Tincturarum & prædestinationum. Quia verò tales resolutiones, Generationes & Transplantationes, in hoc differunt à cæteris creaturis, quod non habeant propria Individua, quemadmodum antea dictum est, sed in aliorum Individuorum radicibus recipiuntur: idcirco, quo tempore exaltantur, quæcunque regiones, ætates, & hominum Individuæ naturæ confluentiam majorem attulerint, in iis, hospitia quærunt, Tincturas introducunt, radicesque seminarias, stables vel momentaneas, ponunt. Sic in castris & congregationibus hominum, magnis civitatibus, Epidemiæ ut plurimum germinare incipiunt, quia agros opportu-

nos,

nos, ob intemperantiam, hospites peregrinos assidue accersentem, inveniunt. Sic nominum opprobria, nationibus, ob paucorum delicta attribuantur, morbosque Gallicos, sudores Anglicos, prunellas Ungaricas, catarrhos Pedemontanos, multorum injuria sæpe appellamus. Frustra quoque accusamus Martis conjunctiones, Veneris exaltationes, Solis Eclipses, in horum morborum nativitatibus, quamvis signa sint invisibilium astrorum, & occultas temporum prædestinationes præfigurent. Quinetiam Epidemicorum morborum causæ sæpe exsistunt, sed consuetorum, ex quibus Seculorum mutationes, & morborum innovationes non dependent. Sed de his alibi. Qui morbi artificum proprii sunt, ut metallicorum fossoribus, Separatoribus, Aurifabris, salium, aluminum, aquarum fortium Præparatoribus, ex Endemiis intelligi debent. Proficiscuntur enim ex resolutionibus spirituum & radicum Mineralium, alimentumque spirituale inquinant, ac morbos producant, in pulmonibus, articulis, nervis, carnibus, ligamentis, synovia, ventriculo, visceribus, coagulatos vel resolutos, juxta prædestinationem spirituum, à quibus semina acceperunt. Ita contemplationem de Generatione morborum hoc tempore claudemus, collectamque suppellectilem conjungentes dicemus:

Morbos ex Seminibus produci, Seminaque & Radices in Natura habere non in certis quibusdam Individuis seorsim, sed aliorum Radicibus adhærere: maledictione divina, primis purisque rerum seminibus supervenisse, scientias, prædestinationes & signaturas scientiis consentaneas accepisse & quia fructibus Elementorum, à quibus alimenta haurimus, conjunguntur impuritates morborum authores, differentias eorundem fructuum imitantes, Elementorum ac Seminum proprietates diversas ostendisse, repudiatis classibus intemperierum, humorum, & obstructionum. Generationes quoque & Transplantationes, consuetas, Perpetuas, insuetas, & novas ut & alia Elementorum Semina, obtinuisse.

De locis & temporibus morborum cæterisque Signaturis, in Mechanico Generationum progressu supervenientibus.

UT alia res universæ quæ ex seminibus nascuntur, ubi mundanam Anatomiam ingrediuntur, distantias & corporum dimensiones admittentes, locis temporibusque confestim obligantur: ita quoque morbi, ex occultis, sæpe invisibilibus seminibus prodeuntes, in corporibus humanis loca consentanea adipiscuntur, secundum analogiam seminum inter se differentia: tempora quoque, continua vel interrupta, velocia vel tarda, in fructuum resolutionibus & officiorum dispensationibus ostendunt. Nec solum temporum & locorum Scientiis ornata sunt semina, sed magnitudinum quoque figurarum, saporum, colorum, caliditatis, frigiditatis, humiditatis, siccitatis, coagulationum, resolutionum, & similium signaturarum facultates vitales efficacesque possident, quibus tanquam vestimentis fœtus suos ornant. Non omnes signaturæ, in omnium radicum resolutionibus vel fructibus, æquè conspiciuntur, sed ratione Elementorum & seminum, insignis diversitas apparet. Cœlestes enim fructus, saporum & odorum signaturas nesciunt, quæ in terrenis præcipuum locum obtinent: & in ipsis fructibus terrenis, quidam saporum discrimina non ostendunt, in quibus tamen reliquæ signaturæ manifestæ sunt. Rursus signaturarum beneficio, radices innotescunt, & inter ipsas signaturas, extrema & externa, primas, interiores, & occultiores demonstrant. Loca & tempora morborum ad signaturas referimus, quia significationes & testimonia radicum suarum continent, seminibusque in Generatione progredientibus accidunt. Principia quoque obtinent in Scientiis & prædestinationibus radicum: alioquin fortuito accederent. Quamvis autem signaturæ sint occultæ, tamen in plurimis morbis existunt, aliarum ministerio inquirendæ. Neque super vacanea est locorum & temporum investigatio. Magnas enim commoditates in administratione remediorum demonstrant, & morborum gradus, curationum facilitates vel difficultates indicant. Loca hic dicimus, matrices, agros, ventriculos, Elementa, in quibus foveri possunt semina, & continuitatem, retentionis authorem, proprietatum conspirantium beneficio invenire. Itaque quot sunt ventriculi in corpore humano, quot matrices, Elementa proprietatibus seminum insignita: toditem

tolitem loca morborum constituimus: nec sanguinem nec synoviam excipimus, neque cordis & arteriarum spiritus: sed in omnibus his, ut sanitatis, ita morborum quoque semina contineri posse asserimus. In quibusdam morbis, inquit non est difficilis, ut in iis, qui ventriculi, intestinorum, renum, hepatis, mesenterii Anatomias occupant, præsertim si ex mucilaginibus tartareis contingant. *Ardores enim & erosiones stomachi, Orexes PARACELSO dictæ, compressiones thoracis, & symptomata his vicina, ut nausea, vomitus, cibi fastidium, ructus, inflationes, pigritia, indicant radices morbidas in ventriculi Anatomia contineri.* Colici dolores, hepatis, lienis, mesenterii, compressiones vel obstructiones, renum, vesicæ orexes vel colicæ, id est, dysuria, stranguria, calculus, arena, bolus, &c. dignotiones habent faciles. Mineras enim, in quibus foveantur, confestim indicant, quia ex seminibus constant, quorum fructus ad coagulationem destinantur. Tardas quoque generationes obtinent, & immobili ac pigra fructuum præsentia, lentam radicum naturam significant, siue temporis continuitatem in resolutione fructuum custodiant, siue rupta continuitate, paroxysmorum repetitionibus debitum naturæ absolvant. At verò morbi qui ex impuritatibus constant levioribus, molibus, nec ita fixis, quorum fructus ad tam crassas & immobiles coagulationes non desinunt, quorum generatio subitanea est, & impressiones veloces, per omnia penetrantes, etsi in prædictis Anatomis matrices sæpe habeant, difficultur tamen deprehenduntur. Consensus & sympathia partium difficultatem augeat. Ita febres tentianæ, quotidianæ, quartanæ, continuæ, spuria, erraticæ, hæctica, quoque (ignoscite PARACELSO mapes Galini) in ventriculo, intestinis, mesenterii venis, hepate, liene, renibus, fomites habere possunt: qui propterea non facile discernuntur, quia in intermittentibus silentii temporibus, ut plurimum nulla partium manifesta symptomata relinquuntur, ex quibus de suspectis Anatomis conjecturæ rationales desumi possent, Paroxysmorum quoque insultu, subito omnia in consensum trahuntur, quia resolutiones febriles, Elementa vitalia corporis nostri, Tincturis Chæroniis, id est, quæ proprietatibus trium Principiorum insigniuntur, inficiunt. Deinde si impuritates helleborinæ in ventriculo, colicæ in intestinis, bituminosæ in mesenterio, hepate, liene, tartareæ in renibus contineantur, omnes ex impressionibus & resolutionibus Tincturarum febrilium irritabuntur, & symptomata relinquent post Paroxysmos, in locis innoxiiis, id est, in quibus febriles radices non foveantur. Hinc nausea, cibi fastidia, vomitiones, compressiones ventriculi, hepatis, lienis, dolores colici, dorsii, renum, in febribus apparent, & sæpe in paroxysmorum silentiis relinquuntur, quamvis

quamvis in aliis sedibus radices febrium delitescant, suspectamque facilitatem horum Aphorismorum in mineris morborum inquirendis arguunt: *Vbi dolor, ibi morbus: Vbi tumor, ibi morbus, &c.* Neque circuituum signaturæ difficultatum expediunt. *A veritate alienum est, tertianas omnes in hepate, quotidianas in ventriculo, quartanas in liene, formites obrinere.* Excrementa quoque (nisi artificiosa separatione ad incudem revocentur, idque non semper) dubitationem in explicatam relinquunt. Scio interdum in his morbis, usque adeo manifesta, perpetua, & certa esse matricum, locorum vel minerarum signa, ut plebeios etiam non lateant. Et tertianam febrem, quæ in ventriculo radices momentaneas posuerat, vidi ego aliquoties per vomitum rejectam, in forma viscosæ & viridis mucilaginis, nitrosa ac sulphurea amaritudine ægrotum fatigantis. Quæ mucilago posteaquam rejecta erat, etiamnum vitalia motus vestigia, febrili horrore aliquantis per demonstravit, magna astantium admiratione, quam auxit ægrotus, inexpectata hilaritate, sanctè affirmans se febrem rejecisse: idque subita virium restitutione & symptomatum propulsatione testabatur. Nos verò stulte veritatem risimus, Galenicis decretis, iis temporibus imbuti, apud quem didiceramus, febrem esse calorem in corde accensum, intemperiem calidam & siccam, quæ per vomitum rejici nullo modo posset. Alios quoque vidimus, in quibus febrium seminaria in ventriculi Anatomia radices altius egerant, nec una vomitione rejici poterant, in quibus manifesta & perpetua testimonia, fomitis vel mineræ in ventriculo fundatæ, aderant. *Quartana quoque febris radices, in renum Anatomia legitimis indicis sæpe deprehenduntur; præcique ubi partes vicinæ, hepar scilicet, lien, mesenterium, ventriculus, ab impuritatibus immunes fuerint.* Anatomiam renum cum dicimus, intelligimus non solum cavitates & circumscriptam substantiam, sed etiam vicinas partes, carnes, humiditates, aerem quoque & quidquid renibus vicinum est. In his febribus, genuum dissolutiones, lumporum, spinæ colli, capitis dolores, artuum confractiones, urinæ tenuissimæ, planè aquosæ ab initio, in quibus tamen progressu temporis manifesta febrilium impuritarum rudimenta conspiciantur, præsertim si artificiosa separatione examinentur. Ita enim nitrosa & sulphurea salia demonstrabunt, quæ nec in ventriculi, nec lienis, nec hepatis, nec intestinorum Anatomia mineras & matrices obtinere poterant. Certiores verò erimus mineram quartanæ in renibus fundari, si nulla suspectarum partium, ut hepatis, lienis, ventriculi symptoma dura bilia & dubia adfuerint. Quòd si paroxysmorum silentiis, renum, lumborum ac spinæ dolores, genuum dissolutiones, urinæ difficultates remanserint, dubitationi exiguus relinquetur locus. Nihilominus præcipua

præcipua signa ex quibus minera & fomites morborum deprehenduntur, etiamnum in recessu custodiuntur, quæ mox opportunius adducuntur. *Febres quæ in hepatis regione radices habent, discolorationes, icteritia & cachexia comites, ostendunt.* Obtusiores quoque sunt, quia spirituum salinorum acrimonia & vehementia destituuntur: siticulosæ, compressionibus vel obstructionibus dextri hypochondrii conspicuæ. Si reliquarum partium symptomata non repugnauerint, & ante febrem suspecta alioquin etiam levissimis occasionibus fuerint Anatomia hepatis, urinæque testimonia addixerint, veras matrices harum febrium nos invenisse existimabimus. In febribus lienis similis est ratio. Quamvis raro contingat in una solummodo Anatomia, cæteris illæsis & incontaminatis, talium impuritarum radices stabiliri. Partes enim in eandem molitionem conspirantes, communemque impuritarum sentinam separantes, facillimè compatiuntur. Ubi una radices & hospites receperit, destructa lithurgia & consonantia actionum prædestinatarum, reliquæ quoque fornicariæ evadunt. Hinc difficultas in minerarum morbidarum exquisita cognitione, multa radicum consentanearum sobole, diversis in locis iisdem temporibus germinante. Sic febres lienis, quartana, tertiana, quotidiana, raro conspiciuntur sine symptomatibus quæ febribus renum superveniunt. Neque tam exquisita dignotio ad curationem utilis est: sufficit eas mineras deprehendisse, quæ legitimis, puris, perpetuis & indubitatis signaturis Anatomias suas ostendunt. Laboriosam, difficilem ac obscuram minerarum morbidarum inventionem, utili & subtili machinatione mox levabimus, ubi diversitatem locorum ostenderimus. Non enim eadem ratione radices agunt, loca occupant, Elementis inhærent omnia semina. Prædictorum morborum fomites, Elementa, matrices deprehendi possunt, & sensuum analogis sæpe repræsentantur. At verò Astralium morborum loca, in quibus impuritarum vel seminum Tinctura planè spirituales existunt, sive fructus resolutionesque producant ad corporeas coagulationes desinentes, sive spiritualibus & vaporosis resolutionibus evanescentes, difficulter inveniuntur, ut epilepsiæ, melancholiæ, mania, palsy, apoplexiæ, hydropis, tabis, podagræ, catarrhi, apostematum, ulcerum, & febrium quoque nonnullarum. Dicent nonnulli, in podagra, hydrope, cancro, herpete, æsthiomeno, fistula, paralyti, locum esse manifestum. Nos verò non locum postremum vel ultimum inquirimus, sed fomitem, fontem, Principium, Radicem: non fructuum diversoria, sed seminum hospitia; non secundarum radicum agros, sed primarum. Fatemur nonnullos morbos habere viviradices & fecundas Transplantationes, in quibus fructuum vaporosæ resolutiones vitale illud Principium gerunt, quod locis consentaneis,

suspectis, ejusdem generis & familiæ receptum, generationum nova consilia
 inire possit, & hæc loca, locorumque proprietates, meatus, conformatio-
 nes, ut synovia, carniū, ligamentorum, venarum, viscerum, studiosè obser-
 vari volumus. Nihilominus primarum radicum sedes, Elementa, hospitia,
 imprimis inquirimus. Ita enim curationum leges rectius instituimus, & prædi-
 ctionum postulata prudentius discernimus. Quia verò de locis seminum & cor-
 porum quæstio est, explicatione brevi ambiguitatem & obscuritatem tolle-
 mus. Longè enim aliter de loci natura ac proprietatibus sentimus ac plerique
 Peripatetici, qui Mathematicas descriptiones rebus naturalibus adaptare co-
 nantur. Apud nos, *Elementa, matrices, minera, loca sunt rerum, non ociosa, sed suis*
proprietatibus instructa, quæ vitam & alimentum exhibent suis locatis, id est seminibus, ut ea
de se proferant, quæ in thesauris & penetralibus recondita observant. Pro rerum itaque
 differentia & conjunctione, diversitas quoque erit in loco essendi. Longè ali-
 ter in terra esse dicitur truncus cariosus & rancidus, lapis demortuus vitalique
 spiritu destitutus, ac arbor radicibus & fibris suis terræ infixæ, ab ea tanquam
 matrice, nutrimentum hauriens: & adhuc aliter spiritus quidam mineralis in
 abyssi terræ delitescens ad tempus digestum & prædestinatum, unde anniver-
 sariæ repullulationes, novarum Generationum & Transplantationum origi-
 nes dependent. Quemadmodum enim inter se differunt tria illa prædicta,
 subtilitate, spiritualitate, crassitie, coagulatione, vita, potestate, ita loca &
 tempora eorum differre necessarium est. Eodem pacto, in Anatomia Micro-
 cosmi, locorum differentias ostendunt, lapis in vesica vel renibus coagulatus,
 mucilago lapidosa etiamnum spiritibus vitalibusque Tincturis prædita, & spi-
 ritus tartari vel mineralis: Similiter tophi podagricorum, & mucilagines flui-
 dæ, in quibus adhuc vivunt vigentque spiritus Tincturæque salium, & ipsum
 Astrum vel Radix prima, quæ in Thesauris vel Abyssi habitare solet. Sic in
 ulceribus caro demortua vel rancida, sal corrosivum, viscidum, dolore, calore,
 erosione, & similibus signaturis, vitæ præsentiam demonstrans, & hujus Prin-
 cipium vel Radix in sanguine, carnis, vel synovia delitescens. Sic spiritus
 arsenicales, antimoniales, sulphurei, vel Tincturæ pestis, pleuritis, prunellæ,
 aliter in sanguine foventur: aliter quoque harum Tincturarum resolutiones in
 locis suspectis continentur, id est, in vitalibus Elementis corporis humani, in
 pectore, collo, hepate, adenibus, quousque spirituum vitalium præsentia fo-
 veantur: aliter deinde corporeæ & purulentæ coagulationes, post spirituum
 consumptiones in membris relictæ. Postrema hæc corpora, mortua, emerita,
 spirituum favore & continuitate destituta, faciliè tolluntur, & à locis suis sepa-
 rantur,

rantur, idque sectione, uisione, manuum ministerio, sæpe leni purgatione vel mundificatione. Media verò, in quibus spirituum conjugia etiamnum vigent, difficilius evelluntur, Principia, Radices, Semina, ab Elementis & matricibus suis difficillime. Rursus loca postremorum, quia coagulationem corpoream obtinent, & passionibus ac affectibus corporum subjiuntur, facile deprehenduntur: corporeis quoque analogis, sensuum ministerio procedentibus inquiruntur, ut ab affectione læsa, ab excrementis, à doloris specie & situ, à tumore, ac aliis accidentibus proprietates morborum consequentibus. Sic enim deprehenditur, spiritus arsenicales diversoria invenisse in regione pectoris, musculorum, membranarum, arteriarum, nervorum, venarum, carniarum, aeris, & ossium intercostalium, ex tussi, dolore lateris pungente, sputo cruento & purulento. In regione hepatis, ex prædictis inditiis in dextro hypocondrio apparentibus, ex alvi excrementis, & doloris specie. Podagræ, canceri, cephalæ loca ultima ipsi ægroti magna anxietate ostendunt. Sed in omnibus morbis hæc generationum continuatio & series non deprehenditur. In melancholia enim, epilepsia, mania, non fit generatio substantiæ planè corporeæ fecunda, vel permanentis, & propterea tales morbi longè aliter in locis collocandi & inquirendi sunt. Sic in generationibus terrenis, aliorumque Elementorum, quædam semina in tribus locis consistunt, in Elementorum abyssi, in Individuis, & in propriè horum corporibus demortuis: quædam verò nullum post se relinquunt corpus, sed una cum vitalibus Tincturis & resolutionibus, tota abeunt in dissolutionem, ut in meteoris fere omnibus & generationibus superioris globi apparet. Hujusmodi generationibus assimilantur morbi illi astrales, epilepsia scilicet, melancholia, mania, & apoplexiæ ac febres nonnullæ, in quibus fructuum resolutiones corpora vitalia vel manifesta post se non relinquunt. In his mineræ, & Radicum matrices, difficillimè inveniuntur. Neque enim sufficiunt Canones, signaturæ & Indices Galeni, quibus utitur in locorum affectuum inquisitione, & proportionem non habent cum seminibus seminumque proprietatibus, ex quibus prædicti morbi derivantur. Etenim in epilepsia, dum locus affectus inquiritur, nec dolores, nec situs, nec excrementa, nec tumores apparent. Itaque ex sola actione læsa, scilicet animali concludit Galenus, affirmant Galenistæ, in ventriculis cerebri, maximeque in posterioribus, esse fomitem morbi. Miror quòd in corde non collocaverint. Læduntur enim actiones cordis, æquè ac cerebri, & cordi alioquin insens videntur, tam multarum & diversarum febrium invisa hospitia per vim ibi collocantes. Qua animadversione demonstrare possunt, cerebrum per se affici, cor verò per consensum?

sum? De iis enim epilepsijs loquimur, quæ subito irruunt, nullarum partium conspicuis symptomatibus præcedentibus, in quibus momento, præter omnem ægroti expectationem vel scientiam, universæ facultates miseranda symptomatum clade obruuntur, ubi ventriculi, uteri, manuum, pedum, iniquam communicationem accusare non licet. In his certe, cordis palpitaciones, pulsuum depravaciones, suffocationes, confestim apparent, nec sequuntur vertigines, Imaginationum, & interiorum sensuum obumbraciones, vel convulsionum violentas impulsiones. Sæpe ob cordis anxietatem & suffocationis imminenti periculum, vehementes convulsiones manuum, pedum, colli, capitis, diaphragmatis, conspiciuntur, Imaginatione adhuc illæsa, & dubios eventus timido silentio expectante. Tales epilepsię, in somniis, multis accidunt, levioresque existunt, ex resolutionibus æreis profectæ. Vigilantibus quoque eadem supervenisse symptomata animadverti, in quibus non solum Imaginationo, sed visus quoque & Memoria illæsa permansit. Quinetiam, ubi epileptici restituuntur, morbi decrescente vehementia, primum Imaginationis officia in paroxysmorum insultibus custodiuntur, vertiginosa affectione sensibus adhuc implicatis, quæ paulatim evanescente, palpitaciones, comprehensionses & anxietates cordis, ad extremam consumtionem persistunt, testanturque fomitem morbi in capite non delituisse, sed aliunde irrepsisse, donec resoluta Tincturarum & fructuum potestate, tam latè progredi ulterius non posset.

Scio morborum quorundam semina Anatomias habere consentaneas in corpore, cum quibus, ratione proprietatum trium Principiorum confluent. Antea quoque declaravimus fructuum resolutiones sive spirituales permanent, sive corporeæ evadant, ad nota & domestica diversoria potius quam ad peregrina festinare: ut *cancerosa* radices, fructuum sobolem ad carnes faciei, pectoris, ad mammillas ordinariè transmittunt. *Styrmose* resolutiones ad colli Anatomiam pergunt, quia carnes, adenes, venas, humiditates domesticas ibi inveniunt. *Varicose*, ad tibias: *podagrica*, ad articulos: *arsenicales*, *sulphurea* vel *pestilentes*, *pleuritica*, *febriles*, ad cor, pulmones: *papaverina*, *cicutosa*, *vitriolo sulphurea*, vel *epileptica*, *vertiginosa*, *narcotica*, ad cerebrum. In quibus omnibus, itinerum exordia latent, termini apparent, fructuum impressiones percipiuntur, Radicum mineræ occultæ manent. Nos verò fontes quærimus, unde veniant impressiones, symptomata, actionum depravaciones, non quo vadant, vel ubi sensibus se patefaciant. Ipse quoque Galenus, in quibusdam epilepsijs, melancholiis, & similibus affectionibus, aliarum

rum partium affectuum indicia deprehendit, ut ventriculi, matricis, artuum: proinde duplicem epilepsiam introduxit, per se scilicet, & per consensum. At certè, unus idemque est morbus, ab eodem semine, radice, principio procedens: fomites verò, matricis, & agri, differentiam faciunt, & symptomatum signaturas, vehementia, celeritate, frequentia, duratione, ac similibus alterant. Semina enim epileptica debiliore, nec tanta impressio- num celeritate & potestate vigentia, ubi in prædictis locis fovetur, dum effervescent, sensibili fructuum resolutione ad cordis & cerebri officinas per- gunt, quò posteaquam pervenerint, symptomata epileptica leviora infe- runt. Ita afficiebatur puer ille, à cujus pede frigida aura, per tibias, crura, spinam, ad cerebri arcem ascendebat. Cujus auræ fomitem vel radicem, Quintius Galeni Præceptor, mole dicebat exiguum esse, sed potestate ma- ximam. Tales epilepticos, nos quoque sæpenumero conspeximus, non- nullosque ad sanitatem, sine magno sudore, revocavimus. Et robusti cujus- dam rustici aureis pollicitationibus olim decepti fuimus. Etenim, postea- quam artis beneficio, in paroxysmorum apprehensionibus, Imaginationis & sensuum officia à perniciè vindicata animadvertisset, relictamque cordis palpitacionem & comprehensionem simili eventu cessaturam sibi persuasis- set, anxia & sordida excusatione, magnis pollicitationibus satisfacit. Suffo- cationes quoque uterinæ, hysterica affectiones, convulsiones epileptica, ventriculi, intestinorum, epilepsia, sæpe manifestis inditiis deprehenduntur, nisi ex seminibus constent potentioribus, quorum resolutiones fulminis instar, momento, vitalia Elementa universi corporis occupare solent. Talia enim semina, sive in pedum Mumia, sive in utero vel menstruo, sive in san- guine, sive in synovia, sive in carnibus, sive in ventriculo, intestinis, corde, cerebro consistant, ex sensibilibus analogis deprehendi nullo modo pos- sunt. Frustra læsarum actionum testimonia adducuntur. *Spirituales enim Tin- ctura, & aëria semina, non ita locis inhaerent, quemadmodum corpora, neque oculis vel manibus diversoria sua patefacere volunt.* Relicta igitur corporeorum loco- rum inani inquisitione in his morbis, Elementalia quærere oportet, in qui- bus spiritus spiritualesq; Tincturae, spiritali modo delitescunt: non quem- admodum lapis in vesica, mucilagines tartareæ in intestinis, ventriculo, hepa- te, liene: sed quemadmodum spiritus minerales in Elementis. Hoc verò nec oculis nec manibus deprehendi potest. Perspicacioribus oculis, altiori ingenio, subtilioribus Inquisitoribus opus est, si spirituum penetralia de- prehendere velimus. Quid igitur reliquum est, cujus ope, ductu spirituum

tam

tam occultæ latebræ investigari possint? Sunt spiritus, iisdem vel domesticis proprietatibus insigniti: sunt semina, in quibus communes scientia & potestates vigent: sunt astra, quæ locorum, temporum, motuum, prædestinationes similes obtinuerunt. Horum oculis, & certis radiorum applicationibus, nihil occultum esse potest. Si corporum motus stabiles sunt, si gravia deorsum, levia sursum tendunt, spiritibus, Scientiæ ac potestati vicinioribus constantes motiones, & motionum termini infallibiles, utique non deerunt. Si ad cadavera congregantur aquilæ: si ferrum magnete tinctum, Septentrionem monstrat: si ventorum motus certi sunt, neque omnium astrorum resolutiones ex quibus venti prodeunt, ad Austrum vel Septentrionem pergunt, sed destinatas habent vias, notos terminos: si consentanea consentaneis, domestica domesticis, naturali desiderio sese applicant: ductoribus sanè, & inquisitoribus, in morborum occultis mineris inquirendis non destituemur; si tamen Mundanam Anatomiam cum Microcosmi debite conferrè possimus. In illa enim nuntij deprehenduntur & Parmenones, Veneti, Romani, Mediolanenses, Florentini, Neapolitani, vel capitales, hepatici, cordiales, stomachales, lienares, sanguinales, synoviales; & inter Venetos, alij Augustanorum, alij Antverpiensium, alij Viennensium; sic in corpore humano inter synoviales nuntios, alij epilepticorum, alij podagricorum, alij febrium, alij ulcerum, alij melancholicarum, &c. Nec obscuri sunt nuntij, sed à Natura, domesticis signaturis insigniti, quarum beneficio in tanta rerum multitudine inveniri possint. Itaque ubi de minera, loco, vel fomite epilepsiæ in homine dubitamus, sensuum analogismis relictis, principio nuncium in Anatomiam mundana, vel in Repub. Mineralium, Vegetabilium, & Animalium inquiremus, idque signaturarum & proprietatum ministerio, quæ in tribus Principiis reperiuntur. Tum verò ex familia, præparatione, & exaltatione Inquisitorum vel remediorum, Elementales astralium morborum mineras inveniemus, sive in potentioribus Elementis profundius inhæreant, sive in levioribus superficies solum occupaverint. Atque hoc pacto, si ex Vegetabilium Internuntiis, crudis, vel præparatis & exaltatis, ex symptomatum remissione & Transplantatione, inventam esse mineram concederimus, dubium non erit, radicem talis epilepsiæ in agris delituisse, quorum Elementa, & Principia Elementis consentanea, invalida existunt: vel si in agris validiorum Elementorum & Principiorum habitaverit, in superficie saltem hæsisse, nec profundas radices egisse. Rursus, si Vegetabilium legationes vanæ fuerint, neque postulatis precibusque eorum inclinentur paroxys-

roxyfmi, sed signaturas immutatas prioribus planè similes produxerint, subtilioribus Internuntiis opus est, qui altius penetrare possunt, & diversoria potentiorum Elementorum inquirere, quæ sitaque immutare, mitigatis radicibus. Tales ex Mineralium familia peti debent. Nuntios verò præparare, itineri accommodare, & innoxios reddere, à carceribus & captivitate expedire, hoc opus, hic labor est. Qui hanc provinciam difficultate perterritus recufaverit, frustra morborum loca inquit. Similiter in febrili, si manna, cassia, diacotiliconi, agarico, rhabarbaro, scammoniis, & similibus obtemperaverint, argumentum est, earum radices in partibus foreri, quarum Elementa & Principia debilia sunt, ut in ventriculo, intestinis, mesaraicis, vel superficialiter in potentiorum partium Anatomiis, ut in renibus, sanguine, visceribus, synovia, receptas esse, idque ob Tincturarum debilitatem radicibus & seminibus inhaerentium. Quod si talium remediorum impressiones neglexerint, in partibus fovebuntur, quarum Elementa & Principia validiora existunt: vel si debiliorum Anatomias occupaverint, radices profundas posuerunt, & longa circulationis digestionem, seminum suorum Tincturas ad exaltationem perduxerunt, superficiebus illis consumtis & relictis, quæ purgationibus vel per alvum vel vomitum tolluntur. Itaque nuntios subtiliores requirunt, non semper ex Mineralium familia desumptos, sæpe ex Vegetabilibus præparatis, exaltatis & ad potentiores gradus deductis. Horum remediorum prædestinationes, urinas, sudores movent, & subtiles consumptiones molliuntur, quibus officiis febrilium radicum occulta diversoria patefaciunt, gradus quoque & exaltationes Tincturarum febrilium. Atque hæc est vera Methodus in investigatione minerarum morbosarum. Est & alia, obscurior tamen ac incertior, quæ ex symptomatum vehementia & remissione dependet. Quemadmodum enim Hippocrates genitale semen ex partibus, in quibus Elementa & Principia totius animalis potentissima vigent, derivari, hoc inditio confirmavit, quia impressiones vehementissimæ effervescentias seminis comitantur, & quia tam pusilla materia evacuata, tantæ sequuntur in toto animali mutationes: ita quoque vehementissima symptomata testantur morborum mineras in partibus delitescere, quarum Elementa & principia validissima sunt, nisi astringentium potentes impressiones sequantur, ut in venenis apparet. Diuturnitate, reciduarum frequentia, & evidentium causarum animadversione, hæc distinguere licet. Qui morborum generationes, semina & radices ignorant, longè aliter in locorum inquisitione procedunt. Philosophicis enim Methodis destituti, sensuum mancipia sunt: morborum notio-

notiones sensibiles, subjectis corporeis inhærentes proponunt: intemperies, obstructions, tumores, ulcera, & melancholiam cum comitibus adjungunt, causasque morborum Antecedentes & Coniunctas, inde deducunt: tum vero loca affecta rusticè inquirunt, cum in omnibus morbis astralibus, quæ Elementa vitalia potentibus impressionibus tingunt, universa afficiantur, mineras inquirere oportuit, radices, & fontes morborum. Neque per se, & per consensum affici, inquisitionis facilitatem excusare potest. Si enim per se affici dicuntur partes, in quibus fomites morborum fundantur, si tales præcipuè inquirimus, quid Analogismorum prolixis & nudis subtilitatibus, partes compatiens, ac conspiratione mutua condolentes, investigamus, steriles verò signaturas earum partium, in quibus radices latent, adducimus? Non sufficiunt symptomatum antegressiones, perpetuitates, conspirationes, reliquæ, neque aliarum partium libertates suspectas, morborum servitute obligare possunt. Hinc errores, fatuitates, & miseriæ infinitæ: morborum rationibus confusis, & ob affectionum evidentiam perperam descriptis. Nam quia in febribus cor precipuè affici videbatur caliditatis intemperie, neglectis febrium radicibus, ex quarum vaporosis resolutionibus, non solum caliditates, sed etiam frigiditates, & universa febrium symptomata procedunt, febrim esse calorem in corde accensum pronuntiaverunt. Si frigiditatem in corde introductam dixissent, Analogismorum conjecturis æquè muniti fuissent. Præcedit enim frigus, & ut plurimum gravius affligit, in omnibus intermittentibus, quo superato, vaporibusque natura frigidis accensis, falsa caloris imago repræsentatur. Ita in omnibus intermittentibus febribus, & plurimis continuis, cor per consensum saltem afficitur, & vaporosis resolutionibus febrium radicum, alibi mineras habentium. Dicent Galenistæ, nos causarum & morborum discrimina negligere: se quoque fateri, ex putrescentibus humoribus, in venis, ventriculo, visceribus, purgatione, vel venæ sectione tollendi, febrilem calorem in corde suscitari: tales verò humores, ad causarum collegia, non ad morborum ordines referri. Præterea, constare nos ex tribus, continentibus, contentis, & impetum facientibus: contentorum vitia vel humorum, ut ipsi exponunt, causas existere: continentium vel solidarum impetus apparere. Qua fronte Hippocratem, Præceptorem salutare audent, tam adulterinam huius Aphorismi interpretationem adducentes? Qua verecundia decreta ipsius repetunt, quæ libello De flatibus, promulgavit: ubi morbos omnes ἀπὸ θινδράτων, à spiritibus, flatibus, vaporibus, proxime proficisci ostendit: Febrium quoque exempla adducit, epilepsiæ,

epilepsia, hydrops, & fluxionum, magna observationum ac rationum mole contendens, actionum omnium debilitationes, depravationes, & abolitiones, à spirituum potestatibus, & vitalibus impressionibus proxime proficisci. Itaque si morbos appellant, à quo proximè læduntur actiones, cur in continentibus, vel crassis, & immobilibus corporibus potius quàm in spiritibus, morbos collocaverunt? Sed relictis nominibus, rerum differentias paulisper scrutemur. Tria enim hæc, *Causæ scilicet antecedentes, Morbi, & Symptomata*, non differunt genere, essentia, vel proprietatibus specificis, sed potestate vel actu solùm: quemadmodum Medicus dormiens, à vigilante: sulphur non accensum, ab accenso: sal non resolutum, à resolutum; mercurius non sublimatus, à sublimato: quemadmodum non matura, à maturis: ascendens, à quiescentibus: exaltata à delitescens: astralia vel in actum reducta, à feminalibus, vel in potestate manentibus: quemadmodum semen carniū, à carne differt: saliva, à salvia: urtica, ab urtica. Quia igitur talia in corpore continentur, quæ putredine, digestionem, separationem, exaltata & in actum reducta, febrilia symptomata perpetuo producere solent, si nomina iis imponenda sunt, unde quæso nominum insignia mutuabimur? Ex Radicibus procul dubio, & proprietatibus innatis, perpetuis, specificis, siue actu nunc appareant, siue in potestate radicū delitescant. Hac lege dicemus in corpore latere radices, semina, impuritates nitrosulphureas vel febriles, quæ digestis temporibus separata, exaltata, suscitata, accensa, vel in actum reducta, horrores rigores, frigiditates, somnos narcoticos, calores in corde, pulsuum alterationes, producere possunt. Quod si tales radices causas antecedentes febrium nominare libet, licet: nihilominus iisdem radicibus progredientibus, ad maturitatem pervenientibus, exaltatis, accensis, morborum appellationes nulla ratione eripiemus, morborumque symptomata, actiones læsas, calores, colores, sapores, ex proprietatibus radicū produci, constanti varietate asseverabimus. Quinetiam radicibus adhuc silentibus, & occultè in corpore latitantibus, morborum insignia concedemus, & paroxysmorum intermissionibus, ubi nullus in corde accensus est calor, nihilominus febrem in corpore latere, rectius quam Antecedentem causam, dicemus: epilepticos quoque epilepsiam in corpore circumferre, quamvis longa habeant paroxysmorum silentia. Manet enim in corpore radix epileptica, vel vitriolum mercuriale, in quo symptomatum signaturæ, vitali potestate continentur. Aut igitur Soritica dubitationes, in rebus naturalibus locum habebunt: aut causis Antecedentibus morborum appellationes concedere oportet. Dubitavit quidem Galenus, lib. De locis affectis, quando di-

cenda esset dysenteria: an incipiente exulceratione intestinorum, quæ adhuc non manifestè læderet actiones ægrotantis: an verò postea, ubi virium manifestæ læsiones apparent. Quæ dubitatio ridicula planè est. Progressiones enim Naturæ, continuæ sunt, nec recipiunt Soriticas dubitationes, ut artificum intermissa opera.

Domus namque dum exædificatur, nominum insignia, magnitudine, & certa operis absolute mutatur: morborum verò generatio naturalis est, & nomina radicum retinent, nisi continuitatem Naturæ, violenta nominum interpositione, turbare velimus. Hæc de locis morborum dicta sufficiant: de temporibus posthac agemus. *Fundamenta temporum in Donis & Scientiis seminum continentur: ibi termini, hora, minuta, menses, anni, lustra, secula, longè antea definita sunt.* Et unicuique semini, ut colorum, saporum, figurarum, caliditatis, frigiditatis, duritiei, asperitatis, levitatis, coagulationis, resolutionis, magnitudinis innatæ leges existunt: ita quoque temporum prædestinationes, silentii, ortus, maturitatis, senii, adjunctæ. *Tempus enim non est aliud à progressionem & fluxu seminum, ex Orco vel Illado, in Rempublicam Iovis.* Quocirca semina diversa temporum quoque varietatem ostendunt. In cœlestibus seminibus vel astris, manifesta sunt motuum & maturitatum tempora: de quibus antea diximus, Capite de Generatione. Vegetabilia omnia certis temporibus germinant. Mineralium & metallorum tempora, quia ex radicibus procedunt invisibilibus, paucis comperta sunt, tarditate & raritate difficultatem augente. In his omnibus duplicia tempora observare licet, Digestionum vel maturitatum, & Resolutionum. Differunt enim inter se plurimum: nec omnia quæ tarda habent digestionum tempora, tardas quoque fructuum resolutiones ostendunt. Digestionum tempora in omnibus continua sunt: Resolutionum verò in multis interrupta. Metalla longa habent Digestionum tempora. Seculorum enim terminis Plenilunia describunt, Resolutionum deinde tempora, continua quidem, sed tarda adjungunt. Mineralium Digestiones breviores sunt, Resolutiones verò ut plurimum interruptæ, ut in Thermis, certis anni temporibus effervescentibus, & similibus salium radicibus apparet. Vegetabilia, Digestionum tempora, annua, menstrua, bimestria, trimestria obtinent, Resolutiones deinde continuas vel interruptas, citas vel tardas, demonstrant. Digestionum quippe temporibus, sobolis fecunditatem, fructuum numerum, Resolutionum repetitiones & durationes decernunt, & consilia ineunt futuræ progressionis: ita prædestinatione accepta, mirabili desiderio ad officia & terminos festinant. In arborum Resolutionibus, continuas ma-
jor.

jor apparet. Fructus enim omnes, ut pyra, poma, castaneæ, nuces, glandes, simul serò erumpunt, & continuitatem maturationis expectant: rosæ verò, violæ, crocus, coronariæ omnes, interruptas habent Resolutiones, & paroxysmorum repetitiones. Fructus enim vel flores, qui maturitati viciniore sunt, erumpunt posthabita aliorum sorte. Transplantantur etiam tempora tam Digestionum quam Resolutionum. Vegetabilia enim quæ ex semine procedunt, tarda habent Digestionum vel fermentationum tempora, insitione verò accelerantur. Hujus beneficio Plenilunia lustrorum in annua mutantur, & quæ septimo anno (interdum decimo) ex semine, fructuum germinatione, sobolem pollicebantur, si insitione serantur, consentaneas & hospitaes radices nacta, prædestinationes accelerant, festinata mercede diligentiam humanam compensantia. Desiderium quoque totius Naturæ demonstrant celeritate gaudens, ut prædestinationibus Mundanis absolutis, beatiora receptacula repetere liceat, perpetua quiete ornata. Resolutionum vel germinationum momenta iisdem de causis accelerantur, retardantur, immutantur. Ita cerasorum tempora, in pyrorum mutantur, uvarum maturitates, prunorum comites fiunt. Locorum, radicum, & proprietatum confluentium admixtiones negotium hoc absolunt. Hæc temporum rudimenta, si ad Anatomiam humanam debite accommodentur, sanitatis & morborum periodos, paroxysmorum circuitus, silentia, Plenilunia, decrescantias, Crises, & Decretorum dierum rationes, magna facilitate demonstrabunt, multisque difficultatibus & obscuritatibus sublatis, à Pythagoricorum numerorum injustis usuris, à melancholiæ & humorum phantasticis commixtionibus, à Mensis medicinalis laboriosa computatione, ab excrementorum Geometricis fluxionibus, & expultricis facultatis ociosa patientia, nos excusabunt. Nec oportet formas ipsas & externas signaturas rerum naturalium, in Microcosmi Anatomiam inquirere: sufficiunt proprietates, Scientiæ, Dona, prædestinationes, Tincturæ seminales, vitæ & potestatis custodes. Vanum est, bovem in homine inquirere, cupressum, sagum, triticum, vitem, aurum, smaragdum: proprietates vero & Tincturas radicales, actionum fontes, uvarum, tritici, hordei, auri, smaragdi, rosarum, violarum, qui quarit, inveniet. Neque horum solummodo proprietates, sed etiam in quibusdam, vitrioli, sulphuris, nitri, mercurii, arsenici, antimonii, nappelli, urticæ, aronis, opii, mandragoræ, cicutæ, deprehendet. Resoluta verò sunt semina rerum naturalium, & spiritualia, in generationibus ac transmutationibus Microcosmi, & Transplantatione externas illas signaturas figurarum, coagulationum, magnitudinum, amiserunt, intrinsecis servatis, in quibus

temporum, saporum, odorum, colorum, caliditatis, frigiditatis coagulationes, sed non mundanæ figuræ, sed non externæ, proprietates constantes custodiuntur. Semina igitur morborum quæ ab ortu accepimus, longa habent digestionum tempora, ut epilepsia, podagra, lepra, melancholia. Quædam septimo anno ad effervescentias perveniunt, quædam decimoquarto, alia vigesimo sexto, alia trigésimo oriuntur, & digestionum tarditatem, fructuum constanti & difficulter dissolubili progenie refarciunt. Qui verò morbi in alimentis semina habent, sive inferioris globi, sive superioris, infusionum leges imitantur, & digesta tempora citius absolvunt, præsertim si confluentiam in Anatomia Microcosmi invenerint. *Locorum quoque vel agrorum diversitates, tempora digestionum variant.* Citius enim fermentantur, & ad effervescentias promoveantur, quæ in ventriculi Anatomia inferuntur morborum semina, quam quæ in hepatis, renum, synovia, sanguinis & similibus partium Elementis recipiuntur: servata tamen seminum analogia. Citius enim febrilia semina in renum Anatomia implantata, ad germinationes venient quam colicæ Tincturæ, in intestinis vel ventriculo: & in ventriculo citius tertianarum radices, quam quartanarum, digestionem absolvunt. Ita ephemera febres, id est, æthereæ, velocius ascendent, fermentatione peracta, quam hectica vel ignea. Sic podagra serius Digestionum tempora conficiet, quam pleuritides, dysenteria, prunellæ: & inter podagras, aereæ, & terrestres citius quàm ignea & aquea. Talis analogia in omnibus morbis servatur. Quia verò in febris, tempora Digestionum & Resolutionum manifestissima sunt, & circuitus paroxysmorum constantes, consideratione dignum est, quæ ratione regionum, ætatum, sexuum, alimentorum, consuetudinum neglecto discrimine, quartani, tertiani, & quotidiani circuitus perpetui, & constantes, in tanta agrorum & seminum diversitate, custodire possint. Principio causæ communium & frequentium morborum occurrunt, seminum videlicet copia nascendi facilitas, locorum opportunitas. Hæc omnia in febris intermittentibus concurrunt. *Semina enim & impuritates febriles, sulphurea nitrositates, in omnibus alimentis copiosissima inveniuntur, in vino, pane, leguminibus, carnibus, piscibus, cerevisia, oleribus, Italicis, Hispanicis, Germanicis, Anglicis, Arabicis, Asiaticis, Indicis, & omnium nationum alimentis.* Rursus, in corporibus juvenum, senum, mulierum, virorum, Italicorum, Danorum, Germanorum, nobilium & rusticorum, separari debent in horas tales impuritates ab alimentorum puritate. Frustrata separatione, ob errores & delicta vivendi frequentissima, semen relinquitur, loca consentanea, repetita impressionum assiduitate constituens;

tuens; quibus receptum, digestiones & fermentationes, breves non difficiles, ad exaltationem, fructuum resolutiones, ac effervescencias requirit. Atque sic causas frequentis & communis calamitatis febrium inveniemus. Circuitum vero æqualitas idcirco ubique ostenditur, quia ex proprietatibus specificis, intrinsecis, constantibus, fluunt Individuæ naturæ proprietates mobiles, externæ, & momentaneæ: in corporibus, alimentis, morborum seminibus, actionibus naturalibus, ratione locorum, ætatum, sexuum, consuetudinum, & similibus assidue mutantur; internæ vero signaturæ, specierum & Principiorum radicibus coherentes, permanent. Neque externis impressionibus transplantantur, nisi interiorum, & potentiorum astrorum Tinctura conspirent, quibus conspirantibus, quia radices febrium intermittentium hermaphroditicae sunt, æquivocas generationes admittent. Ita tertiana in quartanas & quotidianas degenerant, & quartana rursus in tertianas, erratica in quartanas, intermittentes in continuas, & vicissim. Spuriæ quoque febres ob Transplantationes faciles, frequentissimæ existunt, in quibus circuitum signaturæ immutantur, sive assumendorum, faciendorum & foris incidentium efficientia Transplantationes contingant, sive impuritatum diversarum mixtione, sive ulteriori circulatione & exaltatione primarum radicum. Qua ratione semina morborum delitescant in corpore, & sine sensu, hostem ac mortem sæpe circumferamus, & semina subito oriantur, quæ sensim, neutrali constitutione præmissa, superiori Capitulo exposuimus. Causas quoque sæpe adduximus, ex quibus transplantantur. Digesta morborum tempora, id est, ex quibus accelerantur vel retardantur. Sic quotidianæ repletiones & commestationes, semina latentia ad messem accelerant, ut calx ad radicem arboris aspersa; sic intempestiva exercitia, venus, animi affectus, ira, timor. Sic athleticum corporis habitum damnavit Hippocrates, quia ex tanta potestate caloris digerentis, alimentorum & exercitiorum robustissimorum assiduo usu excitati, semina gravissimorum morborum (sine quibus non vivitur) ad exaltationes & extremitates calamitosas subito promoventur, quæ alioquin ad tantas potestates non pervenirent, sed vel leviores morbos producerent, vel paulatim à natura devicta propulsarentur. Absolutis Digestis temporibus effervescunt radices morborum, & fructuum Resolutiones instituunt, continuas vel interruptas. Si enim Tincturas seminales efflorescentes, homogeneas, æque maturas obtinuerint, continuitatem temporis in resolutionibus fructuum custodient. Tales radices ex impuritatibus constant sulphureis, arsenicalibus, auripigmentalibus, antimonialibus, in quibus salum validæ Tincturæ non sunt admixtæ, vel si admixtæ sunt, in primis saltem superficie-

bus hærent, rigores, horrores, frigiditatesque producentes, donec consumtæ, puras, similes, impermixtas & continuas relinquunt sulphurearum radicum Tincturas. Hæc est causa continuitatis febrium ardentium, hecticæ, pleuritidis, prunellæ, pestis & similium morborum. Salia quoque si similem sulphurum naturam, longa Digestione acceperint, continuitatem Resolutionum æmulantur, ut in ulceribus apparet. Rursus, radices morborum heterogeneæ, Resolutiones interruptas producant, & paroxysmorum circuitibus fructuum prædestinationes absolvunt. Sed quo pacto observatur certa proportio circuituum, si impuritas, vel radix, non est homogenea, sed heterogenea? Dico, illam heterogeneitatem non esse in specie, sed in gradibus, non quia radix contineat Tincturas diversarum specierum, sed quia continet Tincturas, efflorescentia fructuum in lucem proditura, alias maturitati viciniore, alias verò remotiores. Inde fit, ut hodie partes maturæ efflorescant: cras, perendie, vel tertio die, quibus secundæ maturitatis sortes obtigerunt: tertio circuito, quæ prædestinationes tertias acceperunt, idque continenter, in consumptionem omnium Resolutionum, in revolutione radices definitarum. Ita nonnullæ radices, quarto circuito debitum naturæ perficiunt, & in consumptionem, fructibus exhaustis, abeunt: nonnullæ septimo, decimo, decimoquarto, vigesimo, &c. Huc Aphorismus Hippocratis: *Tertianæ exquisitæ quatuordecim circuitibus terminantur.* Quartanæ vero exquisitæ, plures circuitus requirunt, antequam in radicem thesauris definitam fructuum sobolem exhaurire possint. Tales Tincturæ vel superficies resolvendæ continuantur in Scientia radices, & prædestinationes locorum ac temporum ordinatas, certis numerorum proportionibus descriptas, ab initio Digestionis acceperunt. In fermentationibus enim seminum vel radicum, Resolutionum circuitus numerantur, & decreta temporum valida peraguntur, quæ in Scientiis Tincturatum resolvendarum inscribuntur: ita stationes accipiunt ordinatas, primas, secundas, tertias, quintas, &c. quibus instantibus, servata progressionum proportionem, & continuitate, emergunt, & destinata officia peragunt. Itaque post primam sobolem Resolutionum, exhaustis primis satellitibus, Tincturis, superficiebus, si secundæ, vicinæ, continuæ superficies vel Tincturæ, viginti quatuor horis ad maturitatis terminum destinantur, si Elementa & Principia corporum quibus obligantur resolutioni accommodata tanto temporis spacio reddere possint, circuitus quotidianos ostendent, tertianos, quartanos, quintanos, sextanos, menstruos, anniversarios eadem ratione: servabunturque circuituum proportionem, ut qualis fuerit proportio

tio primi ad secundum, talis erit secundi ad tertium, tertii ad quartum, & sic deinceps: proprietatibus tamen universalium temporum, & motuum naturalium analogiis non neglectis. Ita enim circuitus qui in principiis morborum contingunt, si cum iis comparentur, qui in consistentiis vel declinationibus apparent, anticipationum, durationum & declinationum collocationibus plurimum distabunt. At verò si proximi circuitus proximis conferantur, exigua dissimilitudo apparebit. Transplantantur quoque hæc circuituum vel resolutionum ordinata tempora, ex iisdem causis, ex quibus digesta tempora antea declaravimus immutari. Sæpe sanguinis missione, purgatione, & similibus machinationibus, circuituum numeri abbreviantur, immutantur, ad exaltationes destinatas pervenire non permittuntur, magna ægrotorum commoditate. Etsi opportuna remedia exhibeantur, resolutis & consumptis radicibus, universæ prædestinationum leges fermentationum diuturna & dura decreta tunc ac citò tolluntur. *Crises in iis morbis contingunt, in quibus radices; posteaquam ad certum maturitatis gradum Tincturas resolvendas perduxerint, subita effervescentia universam sobolem cum tota radice resolvere possunt, idque vel corporea vel vaporosa resolutione, resolutaque impuritate, vel per sudores, vel per sanguinis fluxum, vel per alvi excretiones, raro per urinas, confestim evacuare.* Vocabulum Hippocrates non à Iudiciis, sed separationibus potestatum vel spirituum, à continuitate minerarum, desumpsit. In continuis febribus, & exquisitis tertianis, tales radices Crises perfectas sæpe ostendunt. Apostematum verò radices, ut pleuritidis, prunellæ, pestis, carbunculi, & febrium nonnullarum continuarum, minus exquisitarum, sæpe imperfectas crises, per Depositionem, ut loquitur Hippocrates, & transmissionem resolutarum Tincturarum ad suspectas partes, per urinas, & imperfectas evacuationes, relinquunt. Tales morbi, ubi prima germinationum rudimenta emiserint, quod in plurimis quarto die contingit, in nonnullis tertio, quinto, sexto, septimo, octavo, &c. certa inditia futuræ resolutionis demonstrant. De quibus copiosius in nostris De febribus agemus: nunc omnia adferri non possunt. Multa quoque dicenda essent de temporum Transplantationibus in morbis, de mixtionibus impuritarum, de locorum proprietatibus quæ tempora variant, de continuis morbis, à principio decrescentibus ad solutionem usque, vel augeſcentibus, vel in eodem statu permanentibus, de circuituum mixtione & præsentia in continuis morbis: quæ omnia locis & temporibus opportunioribus explicabuntur. Galenus causas circuituum ad partium dispo-

dispositiones, trahentium, generantium, suscipientium, mittentium excrementa, retulit. Partes enim quæ aluntur, quoad similem habuerint dispositionem ab eodem nutritæ alimento, æqualia quantitate, similia qualitate, & eodem temporis tractu, excrementa colligere, hæc deinde vel copia, vel qualitate, expultricem facultatem stimulare. Mirum quod antea paulatim non aggrediatur expulsionem, priusquam tanta coacervetur copia, quæ sæpe naturæ vires superare solet, & noxia symptomata inferre. *Subita mutationes, & precipites actiones, Natura sunt invisa: paulatim opus aggreditur & securitatem magis quam celeritatem amat.* Dispositionem partium ubique inexplicatam reliquit, cui tamen excrementorum procreationem attribuit. Neque se res ita habet. Etenim incipientibus paroxysmis, in mineris non adest tanta excrementorum copia: sæpe exigua admodum impuritates animadvertuntur, quæ Tincturas habent copiosa vaporum sapellectile fecundas. Vaporosæ verò Tincturæ, quia Chærionium habent admixtum, non solum excrementa intestinorum, ventriculi, renum, viscerum, sanguinis, synoviar, carniū, inquinare possunt, sed etiam vitalia Elementa totius Anatomiar humanar. Quinetiam accensis & exaltatis Tincturis sulphureis in morborum mineris, trahendi validam facultatem concedimus. Continentenim sæpenumero spiritus insaturabili fame præditos: & antea diximus, spiritus solum esurire, & sitire, non corpora, potentioresque à debilibus trahere, idque posteaquam exaltati fuerint, & in actum positi. Proinde non mirum est, si ex radicibus mercurialibus in capite resolutis, spirituumque famelica attractione, tanta serosi catarrhi copia, brevi tempore, per capitis emunctoria evacuetur, quanta in totius calvariar capacitare comprehendere non possit. Neque mirari oportet, si in pleuritide sputi tanta copia, brevi tempore tussiendo rejiciatur, quanta in membranis & musculis intercostalibus nulla ratione contineri poterat. At verò multi existunt morbi, in quibus spiritus famelici non adsunt, quorum resolutiones non permiscetur excrementis, ut melancholia, epilepsia, mania, in quibus circuitus custodiuntur ordinati, sine excrementorum adminiculo. Similiter si dispositionem partium morbosam, id est, radices, semina, Elementa, mineras, Tincturas, potestates, astra morborum, olfecisset Galenus, facultatibus certè quæ partibus sanis insunt, morborum gubernationem non ascripisset. *Silent Natura prioris ministeria, & hospitum potentiorum satellitibus provinciam concedentes, incognitas eorundem molitiones, & novas progressionis anxie admirantur.* Non est illa facultas in posterioribus ventriculis cerebri, alimentorum impuritates paulatim, quoad sanitate fruitur animal, expellens, quæ tantas convulsiones, manuum, pedum, capitis, & totius corporis,

poris, in epilepticorum paroxysmis molitur: validiores adsunt vires, quarum efficaci potentia universum animantis robur obtemperat: quarum hostili & dolosa apprehensione, gloriosa illa statura tam superbi animalis, subito prosternitur, & deformi ac horrenda agitatione, miserabiliter laceratur, ipso pavore altantium satis attestante, sacrum quippiam, dæmoniacum, potes, & humanis viribus superius, adesse. Quocirca, neque expultrici facultati partium (cujus proprietates & naturam non explicavit Galenus) neque excrementorum collectionibus vel transmissionibus, circuitus morborum ascribi debent. Nec qualitates excrementorum, crassities, tenuitates, visciditates, caliditates, frigiditates, rectè adducuntur. Sunt enim signaturæ & umbræ earundem proprietatum & potestatum, quæ temporum circuitus gubernant. Et quemadmodum colorum, saporum, figurarum Scientias continent, ita quoque coagulationum, & corporum consentaneorum signaturis, non destituantur. Neque proprietates quæ crassas corporum coagulationes obtinent, tardiora perpetuò digestionum & resolutionum tempora ostendunt. In spiritualibus corporibus temporum diuturna silentia sæpe existunt, ut in morbis astralibus apparet: crassa verò & corporea semina in ventriculo, intestinis, & vicinis partibus, celeres habent periodos, & Lunæ circuitus, ut ait Hippocrates, imitantur. Tempora certè rerum omnium, post habitis corporibus & extremis spirituum coagulationibus, in spiritualibus Tincturis radici vicinioribus perpetuò delitescunt. Quod ad reliquas morborum signaturas attinet, dolores, pulsuum immutationes, urinarum & aliorum excrementorum alterationes, concoctiones, cruditates, calores, horrores, rigores, frigiditates, somnos narcoticos, vigilias, deliria, insensibilitates, in summa, ad actiones lasas, excrementa immutata, & externa corporum accidentia, quia temporis angustia, itineris necessitas, & compendii leges, non admittunt, singulatim hoc loco explicari non possunt. Nihilominus si diligenter considerentur ea quæ de morborum Generationibus & Transplantationibus, actionum naturalium administrationibus, à nobis prodita sunt, non erit difficile symptomatum omnium generationes & progressus invenire. Exempla & Methodos inveniendi, antea posuimus: hinc quoque nonnulla adjicientes, finem huic Capiti imponemus. Itaque dolorum causas in primis adjungemus. Hi omnes, à spiritibus salium resolutis proficiscuntur, in quibus saporum extremitates adsunt, ut austeritatis, aciditatis, acrimoniæ, falsedinis & similium: ut vel hinc palàm fiat, quam ineptè contra Archigenem disputet Galenus, secundo De locis affectis, quòd saporum nomina doloribus accommodaverit: acerbum, austerum, acidum, mordax, salum, dulce,

dulce, amarum, acre, lingua judicari: siccum, humidum, calidum, frigidum, asperum, leve, tactu: dolorem verò tactus esse symptoma: proinde ex objectis tactus, differentias & nomina dolorum desumi debere. Næ ille subtili lingua præditus fuit, si saporum differentias sine tactu deprehendere potuit. Tactum sanè omnibus sensibus communem concesserunt Philosophi. Neque ullam actionem vel passionem sine tactu fieri posse, asserunt Peripatetici, confirmant Platonici. Sapores verò, amaros, acidos, austeros, acres, linguæ dolores inferre differentes, etiam pueri sciunt: catarrhos, dolores falsos producere, & falsedine asperam arteriam ac pulmonum cannas fatigare, multi ægroti conqueruntur. Facilius quoque intelligitur dolores colicos ex acetosissimis, pontagiosis, & acutissimis Tincturis per omnia penetrantibus proficisci, quam si ex frigiditate (quæ tanta in vivente esse vix potest, ut tam immanes dolores ciere possit) siccitate vel asperitate, oriri dicantur. Ex esu acidorum dentes & gingivæ dolent, dolorisque speciem nomine insignunt ex saporum proprietatibus desumpto. Rursus, usu salforum, lingua, palatum, gula, dolent, dolorisque diversam à priori speciem, diverso quoque nomine expriment homines ita affecti. Dicunt enim se tristi sensu, id est dolore, eoque falso, laborare. Idem contingit ex usu acrium, ut zingiberis, piperis, aronis, persicariæ, &c. amarorum quoque, ut absinthii, fellis, centaureæ. In omnibus sanè, differentes dolorum species representantur, saporum proprietatibus coherentes. Quod si similes dolores, proprietates, in aliis quoque partibus contingant, quis similibus affectionibus, causis, effectibus, similia nomina rectè accommodari posse negabit? Neque proprietates, & objecta sensuum ea ratione confundentur. *Lingua officium est, saporum discrimina interpretari, affectiones verò, & impressiones saporibus coherentes, non solùm lingua, sed & alia multa partes, etiam invita, percipient.* Sapores etiam extremos, & ad summam exaltationem ductos sæpe continent, quales, si linguæ repræsentarentur, dolores maximos & intolerabiles sæpe inferrent. Injustè igitur Archigenem accusat Galenus, quod dolorum differentias saporum beneficio declaraverit, & nomina ex affectionibus saporum desumpta doloribus accommodaverit. Immemor procul dubio fuit, etiam Hippocratem febrium differentias, quæ tactu dignoscuntur, mordaces appellasse, acutas, & saluginosas. Dulces verò sapores propterea non inferunt dolores, quia non sunt extremi, sed medii, maturi, æquabiles, permixti, sine valida salium Tinctura, à qua dolores & extremi sapores proficiscuntur. *Loca autem quæ vehementissimis doloribus confluantur, confluentiam habent cum salibus potentissimis, ut ortificium ventriculi, intestina, renes, vesica, synovia.* Continent enim mucilagines, in quibus spiritus

ritus salium acutissimi & extremi sæpe latent, & longa digestionem separantur, ac ad exaltationes ducuntur. Hinc arthritides, chiragrae, podagrae, Cedmata Hippocratis, dolorificae fluxiones, cephalæ, hemicranæ, dentium dolores, ob confluentiam spirituum salis cum synovia, in qua vaporosa resolutione recepti, lentas coagulationes admittunt, salium potentibus Tincturis & saporibus insignes. Viscera verò tantis doloribus non affliguntur, quia non habent confluentiam cum spiritibus & Tincturis salium, id est, non constant ex proprietatibus trium Principiorum, quæ salium insignes proprietates demonstrant, magis boli, cachymia, sulphurearum terrarum naturam referunt, in quibus spiritus obtusi, inspidi, graves ac tardi, deprehenduntur. Atque hæc vera ratio est, quare dolores graves in visceribus contingant, non nervorum copia, vel penuria. *Qui dolores à contusione, sectione, unctione externa calefactione vel refrigeratione contingunt, Relollacei sunt*, id est, à corporibus vel qualitatibus mortuis producti, toto genere ab iis discrepantes, quos hæcenus descripsimus, qui à Tincturis Chæroniis, vel qualitatibus vitalibus in corpore nascuntur. *Stupores, insensibilitates, somni narcotici, à spiritibus sulphureis proficiuntur*, in quibus proprietates papaverinæ, mandragorinæ, cicutarinæ, hyoscyaminæ, & similes, vigent. Pulsuum motiones ordinatas & naturales antea diximus à spiritibus vitalibus proficisci, non à corde vel arteriis. Ablatis enim spiritibus, vel silentibus, arteriæ vel cor, in æternum non movebuntur. Itaque à spiritualibus Tincturis & vaporosis resolutionibus morborum transplantantur, & admixtione spirituum narcoticorum, quales in principiis paroxysmorum febrilium resolvi diximus, tardi redduntur, parvi, contracti, pigri, quia styptica vis, & frigida cum narcoticis spiritibus vel vaporibus conjungitur. Accenso sulphure febrili, quia celeres motus habet & magnos, similiter alterantur pulsus, & inæquales redduntur, ob admixtionem petegrinarum Tincturarum, in quibus est potestas contrahendi, exiccandi, calefaciendi. *Immutantur pulsus à resolutionibus & spiritibus omnium morborum, qui vitalia Elementa penetrare, inquinare, & afficere possunt, & secundum proprietates spirituum resolutorum, vitalibusque Elementis permixtorum, mutantur pulsus.* Horum proinde proprietatibus & legibus obtemperabunt necessitates & instrumenta. Robusti pulsus, qui digitorum carnes validè feriunt, & iusta profunditate ingrediuntur, observandi sunt. Indicant enim Elementa vitalia non esse admodum inquinata, nec potentibus Tincturis hostilium spirituum occupata, nisi in arsenicalibus, auripigmentalibus, antimonialibus, nappellois, & similibus morbis, ut in peste,

pleuritide, febribus malignis. Talium enim morborum Tincturæ, quamvis pulsum motiones non variant sensibiliter (ob motum sulphuris hujus accensi, motibus naturalibus pulsum similem) nihilominus præsentem perniciem ac celerem resolutionem vitæ moliantur. Languidi quoque non semper læthales existunt. Sæpe ex resolutionibus spirituum mercurialium insipidorum, humectati spiritus vitales falsam debilitatis opinionem pepererunt. *Pulsant etiam inflammata partes, non propter compressionem arteriarum, quia in unguibus, & digitorum extremitatibus manifestissimi pulsus in inflammationibus apparent, quamvis arteriæ nullæ ibi conspiciantur: sed quia sulphur ibi continetur accensum, cujus natura est agitari, moveri, & pulsare. Ordinatè verò pulsat, quia continuitate vitalis Elementi fruitur, cujus ordinem imitatur.* Miror industriam Galeni, & sensuum exquisitam subtilitatem, in pulsum tam obscuris, latentibus, vix mente comprehensibilibus differentiis dignoscendis. Certè, multos vidi Medicos, in Germania, Italia, Gallia, totius vitæ decursu in artis operibus versatos, qui sanctè affirmabant, & adhuc multi affirmant, omnes illas differentias à Galeno non fuisse tactu deprehensas, sed Geometricis & Musicis rhythmis descriptas, ut gloriam aliis eriperet, & judicandi subtilitatem ostenderet: earum rerum dignotiones sensibiles jactasse, quæ, quia à nullis sentiri possunt, reprehensionem non admittunt: perinde, ac si quispiam naves in cælo, vel novas stellas, vel Satyros infra terram saltantes se aspicere, obstinatè affirmaret, à nullo mortalium redargui posset, nisi quis ejusdem sapientiæ afflatu bearetur.

De calore, rigore, horrore, frigore, & similibus morborum accidentibus, sæpe antea dictum est: & jam nox humida cælo præcipitat, suadentque cadentia sydera somnos. Itaque brevi repetitione, rationes dispersas conjungentes, dicemus:

Loca morborum diversa esse, seminumque conditiones & progressiones imitari, quæ ex spiritualibus Tincturis, ad corporeas coagulationes sæpe desinentes, locorum dissimiles societates ostendunt, actiones læsas, non mineras morborum, sed consensus & sympathias partium declarare, excrementa, dolores, tumores in corporeis & postremis affectibus solummodo significare: in primis verò radicibus & spiritualibus Tincturis, Elementalia loca, remediorum beneficio & symptomatum vehementia rectius inquire. Tempora deinde morborum, tam digestionum quàm resolutionum, ex Scientiis, & donis Seminum prædestinationes accepisse. Esseque in familia earum signaturarum quæ speciei vel radici, non
Indi-

Individuis coherent. Transplantari tam loca quàm tempora morborum efficientia causarum, quæ Transplantationes efficere solent. Postremò signaturas & symptomata reliqua morborum, ut actionum læsiones, excrementorum immutationes, calores, dolores, colores, ex spiritualibus & vaporosis resolutionibus morbidarum radicum proficisci.

Ita natos ac educatos morbos, posthac Curatoribus concedemus.

CAPUT XIV.

De Curandi Ratione, & legitima Indicationum ac Remediorum administratione.

DEmonstratis morborum seminibus, radicibus, principiis, differentiis ac proprietatibus, Generationibus quoque & Transplantationibus expositis, tempestivum nunc fuerit curationum leges & Methodos adjungere. Ita enim difficultates, & occultæ Mechanicæ obscuritates, in morborum natiuitatibus ac Transplantationibus, manifestius explicabuntur, veritatemque invisibilis Theoriæ, sensiles actiones & effectus confirmabunt. Itaque, quia morborum omnium impuritates, radices, & semina, in humanam Anatomiam, vel ab ortu, vel postea alimentorum usu, implantantur, primum & præcipuum curationis vel sanationis consilium erat, tales impuritatum mixtiones auferre. At verò dissimilis est conditio harum mixtionum. Quadam enim ipsis radicibus humanæ naturæ proxime adherent, & Scientias conjuxerunt cum invisibilibus & primis Principiis Microcosmi, naturalibus tamen. Tales, quia Speciei junguntur, & Scientiarum ac prædestinationum mixtiones admittunt, sensibilibus actionibus non subijciuntur, nec ulla artificum vel Naturæ industria separari possunt, sed prædestinationum terminos, immutabili necessitate constituunt. Ita, quæcunque nascuntur, morti confestim obnoxia fiunt. Neque Medicina conjugium vitæ & mortis separationi destinatum, perpetuum efficere potest. Pauci quoque hujus mixtionis necessitate vitæ usuras relinquunt. Alia mortis species accedunt, plures mixtiones superveniunt, parentum culpa, propria intemperantia, & novis ac noxiis Elementorum resolutionibus, quæ in sæculi consumptionem, singulæ, suis temporibus, adferunt. Hujusmodi mixtiones, Individuorum sunt, Speciei vel Radici inseparabiliter

biliter non cohærent, nec necessaria, natura & nativitatis ratione, nisi temporis diuturnitate conjugia inseparabilia contraxerint. Sive igitur hæreditario parentum semine, sive alimentorum culpa, sive externarum impressionum injuria, impuritates & radices morborum in humanam Anatomiam introducantur, Medicinam in Natura habent, cujus beneficio separari possunt, resolvi, aboleri, illæsa & constante radice prima, specifica, & pura humanæ naturæ. Levioribus remediis auferuntur, ultimarum vel postremarum mixtionum impuritates, quæ alimentorum exiguo brevique delicto, vel temporum mutationibus consuetis implantantur. Potentiora verò requiruntur ad primas, hæreditarias, connatas impuritatum mixtiones tollendas. Quocirca nec podagra, nec hydropes, nec lepra, nec epilepsia insanabiles sunt, sive hæreditaria, sive alimentaria existant, sive leviores, sive graviores, sive incipientes, sive confirmata, nisi occulta prædestinatione, mortalibus incomprehensa, insanabiles evadant. Accidentia supervenientia, & morbi secundarii, vel læsiones, ut calculus adamantinus in vesica, bolus consumatus in hepate vel liene, topi podagricorum lapidescentes, remedium ope vix resolvuntur. Carnes quoque in ulceribus corruptæ non restituntur, quia vitæ continuitatem amiserunt. Sed hæc symptomata morborum, hi effectus, non impediunt, quo minus radices, causæ, principia, à quibus diuturna temporis decursione proficiuntur, remediis tolli possint. Quidquid in Natura radices habet, quidquid seminales Tincturas Transplantationum auctor possidet, quidquid mixtione peregrinas provincias occupavit, separationi obnoxium est, & separatores, prædestinationum abbreviatores, durationum, magnitudinum, colorum, saporum, coagulationum Transplantatores & destructores obtinet: alioquin Transplantatio nomen inane erit sine subjecta re. Ut autem consilia curationum, & Indicationum rationes rectius intelligi possint, sanationum Ideas, morborumque differentias, hisce contemplationibus opportunas, Remediorum facultates, & agendi modos, ordinatè proponemus. Quibus declaratis censuram Indicationum diversarum sine injuria breviter instituemus. Sanationes quæ manuum ministerio perficiuntur, ut luxatorum artuum repositiones, fracturarum convenientes deligationes, sectiones, ustiones, venarum incisiones, sacrificaciones, & similes operationes, artificiales plane sunt, externa, corporum agilitate, exercitatione, & consuetudine, potius quam Naturæ potestate, absolvendæ. Aegritudines quoque, vel morborum læsiones, hisce curationibus obtemperantes, externæ sunt, sensibus subjectæ, in quibus communi sensuum judicio insinuantur agendi rationes, id est, repræsentantur Indicationes etiam rusticis: habilitas verò, consuetudo & exercitatio perficiendi propositi, artifices

ees constituit, qui gloriæ & avaritiæ stimulis incitati, officiis suis sæpe abutuntur, secantes, urentes, & extrahentes, ubi nec sectione, nec ulatione, nec extractione opus esset. Quia ferò fracturis, contusionibus, & luxationibus, sæpe supervenerunt symptomata, ut inflammationes, exulcerationes, dolores, & fluxiones, non solam repositionem vel deligationem sufficere, sed remediis, & Naturæ adminiculo opus esse intellexerunt. In his symptomatibus obscuræ erant causæ, nec sensuum externis & nudis conjecturis, agendorum rationes statim demonstrabantur. Itaque subtiliore inquisitione causas & generationes symptomatum vel ipsi quæsierunt, vel à prioribus quæsitæ acceperunt, remediumque naturas ac facultates talibus affectionibus resistentes. Casus certè, & fortuita experientia, in his & similibus, magis quàm ratio ac rerum scientia, magistra fuit, quemadmodum in vulneribus quoque apparet, quorum curationes his vicinæ sunt. In iis enim remedia Antiquorum, & Empiricorum præstantiora sunt, quàm Dogmaticorum & Neotericorum Indicationes requirunt. Alii morbi, qui ex semine nascuntur, qui mixtiones & insitiones impuritatibus sequuntur, ut ulcera, febres, podagra, epilepsiæ, hydropes, colicæ, pleuritides, sanationes difficiles, obscuras, sæpe desperatas obtinent, quia Indicationes, quæ ex sensuum analogiis ducuntur, in his steriles sunt, & nativitates eorum difficulter intelliguntur: Remediorum verò naturæ & præparationes, quibus tolluntur, difficillimè investigantur. Hinc tantæ curationum diversitates, & incurabilium morborum novæ Centuriæ defluerunt. Quos Labyrinthos, & inexplicatos nodos, proposita sanationum infallibili, naturali, ac consentanea Definitione, hac lege expediemus. *Sanatio Universalis & perfecta, est ablatio impuritatibus, vel Radicum morbidarum, mixtione non necessaria humana Anatomia insitarum, quæ Balsamo naturali remedium, humanæ naturæ consentaneo, perficitur, resolvente, consumante & dissipante impuritatibus seminarias Tincturas, corroborante verò, consolidante & custodiante innatum Microcosmi Balsamum. Particularis est, in qua non semper radices ipsæ, vel seminales Tincturæ morborum tolluntur, sed sæpius fructus, symptomata, paroxysmi, dolores mitigantur, prohibentur, ad exaltationes pervenire non permittuntur, excrementorum evacuationes instituuntur, & debilitatæ naturæ corroborations adiunguntur. Tales curationes, gradus habent, altiores & inferiores, pro ut magis accedunt vel recedunt ad proprietates & conditiones universalium curationum, fiuntque Genericæ, Subalternæ, Specificæ, Individuæ, ratione graduum & proprietatum. Triâ enim hæc, Morbi, Remedia, Sanatio, analogias habent consentaneas & reciprocas, præcipuè ve-*

rò.

rō, *remedium & curatio*. Differentiæ proinde remediorum, curationum vā-
 rietates pariunt, & morborum naturæ, exaltationes, loca, generationes, cu-
 rationum ac remediorum ordines, demonstrant, & vicissim. *Sic morbi hære-*
darii, ubi ad exaltationes pervenerint, & alii quoque morbi consumati, ut epi-
 lepsiæ, podagræ, lepræ, hydropes, *sanationem Universalem requirunt, & re-*
media perfecta. Quæ verò podagræ, epilepsiæ, lepræ, hydropes, & horum
 morborum affines, febres, apoplemata, icteritiæ, cachexiæ, ulcera, scabies,
 tubercula, fluxiones, paralyfes, catarahi, colicæ, cephalæ, nephritides, non-
 dum ad extremitates venerunt, minus Universalibus remediis, & curationi-
 bus sæpe Particularibus obtemperant. *Optanda quidem esset Universalis cu-*
randi ratio, sed paucis concessa fuit: nihilominus particularis non est contemnen-
da. Sæpe enim in morbis, etiam gravissimis, Universalis officio fungitur, im-
 puritatum radicibus consumtis, & Balsami virtute confirmata. Hujus diffe-
 rentias & rationes paucis exemplis illustrabimus, & viam veritatis, quoad li-
 cet, aperiemus. Demonstravimus antea, actiones omnes naturales à spiriti-
 bus spiritualibusque Tincturis proficisci, in quibus mechanicæ Scientiæ trium
 Principiorum vigerent. Ita enim morbi implantantur in *Mumias, Elementa*
& Anatomias partium Microcosmi, ex vaporosis Tincturis alimentorum, in
 quibus impuritatum & morborum Scientiæ ac prædestinationes latent: ita di-
 gestionum temporibus fermentantur, augentur, & ad generationes perducun-
 tur, quibus instantibus, resolutione vaporum & spirituum paroxysmos &
 symptomata omnia pariunt: ita remediorum actiones ex spiritibus vitalibus-
 que spirituum Tincturis procedunt, non ex corporibus, vel mortuis Relolla-
 ceisque qualitatibus. Spiritus sunt qui resolvunt, qui vomitiones, alvi excre-
 tiones, urinas, sudores, insensibiles transpirationes, menstrua promovent;
 spiritus mundificant sanguinem, & vitalia Elementa clarificant, spiritus con-
 solidant, tonum & robur vitali Balsamo impartiuntur: Spiritus somnum gene-
 rant, fluxiones sistunt, dolores demulcent: spiritus morborum diversoria soli
 sciunt, & Scientiam resolvendi, evacuandi, consumendi impuritates morbo-
 las soli possident. In summa: quæcunque ad curationem requiruntur, omnia
 in spirituum potestate continentur. Itaque spirituum differentias & proprie-
 tates, de quibus sæpe diximus, repetere oportet, si sanationum mysteria in-
 telligere velimus. *Sunt autem Spiritus, aëthalia vel invisibilia corpora, accensa,*
resoluta, sublimata vel in actum reducta, proprietatibus trium Principiorum in-
signita, quibus actionum causas ascribunt. Discrimina Spirituum plurima sunt.
Quidam arctiora conjugia cum corporibus contraxerunt, qui corporei quo-
dammmodo

dammodo, crassi, & tardi evadunt. *Quidam* vero corporibus subtilioribus ad-
hærent: alii puri sunt, alii permixti, alii salium proprietates magis referunt,
alii sulphurearum specierum, alii mercurialium. *Actiones* quoque & impressi-
ones *spirituum diversæ* contingunt, spirituum differentiis analogæ. Nam *cor-
porei*, in partibus vicinis solummodo imprimunt, & saporum ac salium crassio-
rum proprietatibus agunt. Hi in ventriculo & intestinis impuritates sulphu-
reas, crassas, vomitioni destinatas, vel alvi excretioni, resolvunt. *Alii* verò
qui corporum crassorum commercia non habent, colorum, lucis, & subtilissi-
morum saporum Tincturas, impressiones & actiones imitantur: tales clarifi-
cant, consumunt, mundificant, subtilium Tincturarum & impuratum resolu-
tiones moliantur, & volatilitate ac facili penetratione præditi cum sint, vita-
lia Elementa universi corporis tingunt, locisque distantibus facile actiones im-
primunt. *Potestates* quoque horum *spirituum differunt*, nec omnes qui subti-
liores sunt, validioribus quoque proprietatibus insigniuntur, neque morbi
omnes qui in sanguine, synovia, carnibus, visceribus consistunt, graviores
sunt iis, qui in ventriculo, intestinis, vel mesenterio fundantur: alioquin fru-
stra adhiberentur spiritus Vegetabilium in morbis sanguinis & remotarum
partium. Tales actiones, & actionum authores intelligere oportet, priusquam
Curationum leges explicari possint. Morborum quoque differentias & pro-
prietates præmittere convenit, quas antea ex impuratum diversis seminibus
deduximus, inhærentium in Balsamo vitali & Mumia partium humani corpo-
ris, quæ abluui, resolvi, & consumi debent, remedium consentaneis spiritibus.
Declaravimus enim, morbos verè universos radices habere similes, locis solum
differre, adeoque morborum summa genera, primas radices, ad quas reliquæ
tanquam ad fontes & principia reducuntur, non esse multas. Hic verò quatuor
morborum omnium Mouarchas constituemus, impuratum radicibus mani-
festè differentes. Ad horum deinde familias, morbos reliquos obscuriores,
inferiores, debiliores, & imperfectos, magna curationis commoditate, redu-
cemus. Quæcunque enim morborum semina in humana Anatomia fructus &
symptomata proferunt, affinitatem habent vel cum Lepra, vel cum Podagra,
vel cum Hydrope, vel cum Epilepsia. Lepræ insignia gerunt, ulcera omnia,
pruritus, scabies, alopecia, furfures, squammæ, scissuræ, cutis fœditates, postu-
læ, malum mortuum & similes affectus. Podagræ signaturas ostendunt, colicæ,
nephritides, oresses, dentium dolores, artbritides, dolorificæ fluxiones, cephalææ,
hemisphericæ, &c. Hydrops affines sunt febres omnes, apostemata, icteritiæ, ca-
chexiæ. Ad Epilepsiam referuntur catarrhi, paralyses, palpitationes cordis,
Z spasmi,

spasmi, vertigines, melancholia, apoplexia, suffocationes uterinae, & vicini morbi. Transplantationes quoque horum considerare utile est. Conspirant inter se omnium morborum radicales impuritates, & mixtiones Transplantationum autores facile admittunt. Ita sæpe conspiciuntur catarrhi podagrici, paralyseis leprosa, apostemata, icteritia, cachexia, ulcerosis proprietatibus inquinata, febres arthritica, paralytica, catarrhos, ad prædestinationes leprosas inclinata. Sic novorum morborum resolutiones, sive Transplantationes constituent foecundas, sive evanescentes, vel subito vel tardè, ut morbi Gallici, sudoris Anglici, pestis petechiosa, prunellæ, dysenteria, pleuritidis, & similium Tinctura Epidemica, in radicibus antiquarum impuritatum implantata (cum iis enim confluent) mirabili mixtione adulterinas morborum species proferunt, symptomatum insueta pernicie, vehementia & copia comitatas. Magnum operæ precium ad veras & legitimas morborum curationes adferunt hæ distinctiones. *Longè aliter tractandi sunt morbi permixti & transplantati, quàm simplices & legitimi.* Quamvis autem absoluti hydropes, perfecta lepra, consumata podagra & epilepsia, Universali solummodo curationi subjiciantur, in qua Indicationum pluralitates, particularitates, ordines, locum non habent, sed una eademque Medicina resolutiones, consumptiones, regenerationes & corroboraciones absolvantur; nihilominus, quia talium Tincturarum (scio multos pluralitate offendi) occultæ prædestinationes, quarum potestate Universales illæ curationes perficiuntur, in majestate Naturæ latent, dispensationibus mundanis non subjectæ, & paucissimis concessæ, si minus Universales, Particulares, Subalternas, Specificas, Individuas curationum species attingere liceret, beati utique essemus. *Particulares dico curationes, quæ tamen conditiones & proprietates Universalis illius & summæ, legitime, quoad fieri potest, imitentur:* quæ relictæ Individuorum infinitate ad Specierum & superiorum Generum simplicitates, unitates, & potestates ascendunt: quæ fastidiosam Indicationum copiam, debilitatem, & virium extremam egestatem, insociabilem & implacabilem repugnantiam, ordinationem diuturnam, sæpe lubricam & perniciosam, superarunt depositis ac destructis remedium Individuis Tincturis. Tales curandi rationes sæpe Universalium officia absolverunt: podagras, lepras, hydropes, epilepsias, sustulerunt: ulcera, febres icteritias, apostemata, colicas, catarrhos, unicæ Indicationes potestate sanaverunt. Neque difficultates, Elementa, gradus & exaltationes morborum aliunde rectius deprehenduntur, quàm ex Particularium curationum & remedium effectum, impressione & potestate. Ita Particulares curationes

tiones & curationum authores ostendunt, Quartanas, interdum epilepsiis, icteritiis, hydropicis & podagricis affectibus obstinatiores, validioribusque Tincturis ac vinculis Elementa sua, & mineras occupasse. Ita Particulares Curatores declarant nonnullos morbos in ventriculi & intestinorum Anatomia fundatos, difficiliorese, ægrius tractari, resolvi, consumi & destrui, quàm alii in sanguine, synovia, carnibus, visceribus recepti. Ita Particularium remediorum Scientiæ & agendi proprietates, magna Medicorum admiratione demonstrarunt, esse impuritates morborum in ventriculi & intestinorum Mumia radicas, quæ per urinas, sudores, insensiles transpirationes evacuari volunt, frustra que in his expectari vomitiones, vel alvi excretiones. Rursus, in sanguine, synovia, carnibus, visceribus, sæpe contineri impuritates, quæ naturales evacuationum vias, per alvum & vomitum, obtinent. Ita consensum ac conspirationum Naturæ aperiunt, ac infinitas difficultates & obscuritates sola ratione comprehensibiles, facili ac manifesta actionum evidentia explicant. In huiusmodi enim remediis, Scientiæ continentur immutabiles, locorum, radicum, resolutionum, expulsionum, & similium actionum ac prædestinationum duces. Horum beneficio discernuntur morbi dependentes, secundarii, à solitariis & primis, in quibus fomites ac Tincturæ aliunde non accedunt, quæ recidivis & inexpectatis paroxysmorum recursionibus, curationes reddunt difficiles. Temeritatem quoque eorum Medicorum accusant, qui Individuæ particularitatis remedia interdum nacti, posteaquam febrium quartanarum vel tertianarum, icteritiæ, adulterini hydropis, podagræ, epilepsiæ, &c. curatores extiterunt, gloriosa ostentatione, immerita remedia infamarunt. Quia enim in aliis morbis qui leviores censebantur, frustra exhibita, opem degenerant, abutentium errores & peccata sustinere coguntur. Neque enim ita ad Specierum & Generum provincias exaltantur remedia, ut si hydropes adulterinos curant, etiam inferiores omnes morbos evincant, ut febres, cachexias, icteritias: neque si quartanas aliquando abstulerunt, etiam tertianas & quotidianas omnes auferant: sed quartanarum, hydropum, & similium morborum radices, semina, Elementa, tempora, mineras, exaltationes, antea consideranda sunt, & remediorum naturæ, ordines, præparationes, exaltationes, gradus, compositiones, &c. Ita enim justius provinciæ distribuuntur, & latiora imperia potentioribus Curatoribus æquissimè cencentur. Quia igitur ratione & Methodo deprehendi possunt leges Particularium curationum? Sanè si Exemplaris, Ideæ, vel Generis perfectionem æmulari debent, & proprietates Universalium sanationum, quoad fieri potest,

potest, imitari: si conditiones, quas antea in Idea perfectæ curationis conjunximus, distribuas explicaverimus, & certis differentiis, in Natura facultates & radices habentibus, Generis potestatem resolverimus: Species omnes, tam Subalternas, quàm Individuas, Particularium curationum, ordinatè inveniemus, quas postea, singulis morbis, prout necessitas & usus requirit, artificiosè & debitè accommodabimus. In Universali curatione diximus fieri ablationem, resolutionem & consumptionem impuratum, quæ mixtione necessaria radices egerunt in humana Anatomia. Hujus ablationis, resolutionis, vel consumptionis differentias illustres, ex specierum & remediorum Particularium proprietatibus, si adduxerimus, curandi rationes Subalternas & Individuas utique constituemus. Deprehendimus in ordine Vegetabilium, Mineralium, & Animalium, proprietates trium Principiorum, quæ resolvere, abluere, & consumere possunt impuritates febriles ad coagulationem non tendentes, & mucilaginosas, coagulatas plus minus, sive ad bituminosas, sive ad volatiles, sive ad lapideas, sive ad arenosas coagulationes declinent, nisi ad ultimam materiam pervenerint, & prædestinationis terminum attigerint. Tunc enim, Naturæ legibus, non conceditur regressus. In his proprietatibus, plurimas differentias conspeximus. Quædam enim, impuritates ablutas & resolutas vomitione rejiciebant, in quibus antimoniales & helleborinæ facultates vigeant: quædam, per alvum, quæ scammonieatis & colocynthiacis viribus pollebant: quædam verò per utraq; vias. Morbos deinde nonnullos, sed paucos, vidimus obtemperare actionibus harum proprietatum. Itaque conjunximus & correximus, non communi Methodo: contundantur, misceantur, fiat pulvis: neque Recipe radices, flores, semina, fructus, cortices, aromata: decoquantur secundum artem, fiat Apozema: nec simplici infusione & expressione, sed alia ratione, de qua sequenti Capitulo dicemus. Ita, quæ debiliora erant frustra in morbis omnibus gravioribus adhibeantur: quæ verò validiora, quamvis sæpe opem tulerint, nihilominus, quia symptomatum perniciem & virium dejectionem, semper fugiendam, adduxerunt, ab usu eorum destitimus. Aliam deinde rationem purgantium quælivimus, in quibus non dejectionum numero vel copia, facultatum potestatem & præstantiam æstimavimus, sed ubi morborum radices, impuritatesque ablatas, ex symptomatum remissione & virium restitutione animadvertissemus, officium absolvisse hæc remedia judicavimus, sive absoluta consumptione sine sensibili excretionem, impuritates tollerent, sive urinas, sive sudores, vel dejectiones moverent. Eadem ratione, diuretica & diaphoretica quælivimus (non enim per alvum excerni volunt omnium morborum impuritates) & similes differentias deprehendimus. Mundificancia

ficantia quoque, & clarificantia Balsamum, spiritus, & Elementa omnia Microcosmi, adjunximus, Rursus, in Universali curatione, non solum ablationes impuritatum, sed etiam corroborationes Balsami innati, consolidationes, regenerationes, virium refectiones, humectationes, mitigationes, sedationes, administrabantur, & ablatis symptomatum cruciatibus, amica quies naturæ reddebatur, videbaturque Universalis curatio, corroboratione Balsami, mitigatione, & quæta Transplantatione, hostiles impuritates superare. Sæpe enim resolutiones & fructus morborum, ipsis radicibus perniciosiores existunt. Vitalia enim Elementa tingunt, ad quæ radices ipsæ, in silentia & digestionum temporibus, vix perveniunt, & syncopas, virium resolutiones, palpitationes cordis, anxietates, inquietudines, deliria, vigilias, somnos narcoticos, fluxiones brevi mortem allaturas, intolerandos dolores, calores ardentissimos, frigiditates extremas, sitim intolerandam, interdum lupinam famem, & similes calamitates adducunt, ægrotumque in extremo discrimine constituunt, mortis horrendis & certis nuntiis representatis. Quocirca curationes, quæ corroboracione, sedatione, & mitigatione absolvuntur, tutiores sunt, præstantiores, altiores, utpote ad Balsami innati naturam ac proprietates proprius accedentes, & quoad fieri potest cum prioribus curationum Indicationibus, id est, purgantibus, resolventibus, ablucantibus, cum ureticis, diaphoreticis, & mundificantibus, misceri & conjungi debent. Hoc ordine continentur anodyna, somnifera, humectantia, calores & sitim resolventia, fluxus sedantia, sanguinis missiones, quæ morborum exaltationes impediunt, evacuant, fluxus retrahunt, inflammationes, dolores, & symptomata leniunt, & aliæ quoque machinationes his vicinæ, ut scarificationes, hirudinum, cucurbitularum appositiones, balnea, fomentationes, restaurantia, confortantia, mitigantia. Tales proprietates in *Vegetabilibus, Mineralibus, & Animalium partibus plurimas invenimus, sed quæ præparationes, separationes, & exaltationes requirebant, antequam latentes & ligatas virtutes explicare poterant.* Frustra oxyrhodinum, cum unguento populeo & papaverino, ad vigilias mitigandas, sæpissime adhibuimus. Periculosas opii & opiatorum exhibitiones sæpe exhorruimus. Ridiculi aliquoties fuimus in podagricorum doloribus leniendis, cum unguento rosaceo, liliorum alborum, piguedine anserina, humana, taxi, vulpis. Sitim febricitantium & intolerandos calores, syrupis acetosis, acetositæ citri, acetogranatorum, epithematis cordialibus, sedare, in vanum conati sumus. At verò, posteaquam præparationes Philosophicas, & separationes puri ab impuro didicimus, fatuitates, errores nostros, & stolidas persuasiones, salubri poenitentia

nitentia irrisimus. Hisce remediorum ordinibus constitutis, & debitè ex Universalis curationis proprietatibus derivatis, ut perfectius curationum Particularium species, exaltationes, potestates, & latitudines inveniremus, aliam Anatomiam aggressi sumus, quæ latam provinciam prioris, certis morborum impuritatibus dispensaret. Ita enim via ascendendi ad superiora remedia opportunè demonstrabatur, & canones ostendebantur in censuris remediorum utiles. In priore Anatomia, purgantia, resolventia, diuretica, diaphoretica quæsimus: in hac verò, febriles purgationes, resolutiones, & febrilia diuretica ac diaphoretica, studiose indagavimus, & consonantiam proprietatum nitrosarum & sulphurearum, quæ in Vegetabilibus, Animalibus, & Mineralibusprehenduntur, secuti, voti compotes facti sumus, idque Spagyricæ artis beneficio. Sic resolventia, colica, nephritica, podagrica, hemicranica, arthritica, inquiri debent, & mitigantia quoque ac anodyna: sic apostematum defensiva, mitigativa, sedativa, diaphoretica: sic ulcerum mundificativa, mitigativa, consolidativa: sic epilepticorum affectuum resolutive, consumptiva, sedativa, cohibitiva, & mitigativa: sic hydropum, icteritiæ, cachexiæ resolutive, corroborativa, constructiva, sine tædio investigare oportet. Harum proprietatum & remediorum copiosam supellestem ubi collegerimus, tum demum censuram facere oportet, & provincias, latiores vel angustiores, singulis distribuere. Eleotuarium de succo rosarum, de psyllo, manna, cassia, rhabbaro, agarici infusum, sena, & diacatholicon, cum diaphænicone, & terribili diatubith, in purgationibus febrilibus, ne dicam colicis, podagricis, pustulosis, epilepticis, hydropticis, in quibus rarè ad censuras admittuntur, porcorum & caprarum provincias (liceat joculari in arduis negotiis) sortientur. Individuorum enim angustas egestates, & tardas providentias censoribus ostendunt. Extractions verò helleborinæ, centaureæ, chelidonæ, cyclaminis: adderem (si scirem vos æquiores futuros, & tempestiva penitentia ab erroribus citius destitutos) præparationes & compositiones scammonæ, aloes, myrrhæ, ladanii & similium, non vulgares illas extractions & præparationes intelligo, in quibus vel symptomatum pernicies (ut in extractione hellebori, in panchymagogo) etiamnum relinquitur, vel virtutes & proprietates rerum destruuntur: hujusmodi Curatores, digniores & latiores provincias obrinebunt, quia potentiorum, & multorum hostium insidiis, subita & celeri providentia occurrere possunt, civesque suæ tutelæ subjectos, benignè refo-cillare, symptomatum clade unà mitigata. *Ex Mineralium familia nonnulla fi*

pra-

præparentur, & ad altiores ac innoxios ordines ducantur, Regum provincias occupabunt, & Semimonarchæ, in purgandis impuritatibus, non solum febrilibus, sed & aliorum plurimorum morborum, evadent. Eodem pacto ordinare oportet purgantia, podagrica, hydropica, leprosa vel pustulosa, & epileptica: mitigativa quoque, diaphoretica, diuretica, anodyna, confortativa, & similia remedium genera.

Ita enim Particulares curationes, legitimas, Universalibus similes, debite instituens, Sanationum modos, & remedium classes breviter nunc exposuimus: reliquum est, in exemplis quorundam morborum exercitari, & curationum leges, ac remedium applicationes, paucis illustrare. Nec particulares curationum Methodos in omnibus morbis describere necessum est. Qui in paucis exercitatus fuerit, si remedium præparationes non neglexerit, & ea quæ à nobis hoc Capitulo declarata sunt, prope didicerit, aliorum quoque leges & tractandi rationes non ignorabit. Etenim, ubi in remedium præparationibus progressus fecerit, & altiores ordines invenerit, ab Indicationum multitudine assidue explicatur, relictaque paulatim Particularitate, & tædiofa Singularitate, ad Universaliores & faciliores curationes accedet. Quibus igitur Indicationibus febrium curationi satisfaciemus? Si simplices fuerint, incomitata, in primis Anatomiis, ut ventriculi, intestinorum, mesenterii fundatæ, sæpe sufficit sola purgatio febrilis, bis terve repetita, ratione Tincturæ & gradus impuritatis. Si verò altiores radices egerint, vel in Anatomiis potentioribus receptæ fuerint impuritates febriles validiores, validioribus, quoque purgationibus, resolutionibus, ablutionibus, & consumtionibus opus est, quæ non solum superficiarias impuritates, per alvum exeuntes, tollere possint, sed etiam profundiores, per urinas, sudores, consumtiones, & insensiles transpirationes, evacuari solitas. Repetitiones, ordines, & gradus remedium, ostendunt impuritatum Tincturæ, facile vel difficulter tractabiles: mineræ quoque, & loca impuritatum, siue in potentioribus Elementis & Principiis partium humani corporis, siue in debilioribus contineantur. Et vicissim, remedium ordines, exaltationes & gradus, morborum Elementa, gradus, & impuritatum classes, sine fallacia demonstrabunt. Rursus, si comites habuerint vel dolores, vel vigilias, vel immoderatos calores, sitim inexhaustam, anodyna & somnifera accersimus: venæ quoque sectione interdum utemur. Quod si Anodyna mundificativa, Diaphoretica confortativa, & similia remedia diversis facultatibus insignita, habere possumus (sunt certè in potestate Naturæ) febrium & apo-

stematum

stematum perniciosos comites, una cum radicibus, tuto & subito utique tolleremus. In hydropo & similibus morbis, in quibus resolutiones, & fructus impuritatum copiosi, in corporibus & cavitatibus continentur, primum evacuatio impuritatum instituenda est, purgationibus hydropicis, per alvum, urinas, sudores, interdum chyrurgie ministerio: deinde ad radicem & impuritatum hydropicarum resolutiones, consumtiones, & ablationes accedendum. Hisce Indicationibus satisficient proprietates illæ, quas diximus resolvere & consumere hydropicas Tincturas. Ex Mineralium familia tales ut plurimum petuntur, propter gradum, mineram, & exaltationem morbi; & sine præparatione exhiberi non possunt. Sequitur confortatio, & Balsami innati consolidatio. Quæ exterius adhibentur, fomentationes, cataplasmata, unctioes, prædictis Indicationibus inserviunt. Podagricorum affectus, si leviores fuerint, neque radices & fontes habuerint in sanguine, carnibus, vel synovia aliarum partium (quod paroxysmorum signaturis, insultu, & remedium idoneorum usu discernitur) resolvablentibus, mitigantibus, & corroborantibus sanabimus. Ostendimus enim podagricos morbos, ex Tincturis & spiritibus salium acutissimis, pontagiosis, vel amara & penetrabili austeritate insignitis, originem suam habere: differentias quoque podagræ, ex horum spirituum diversis proprietatibus, mixtionibus inter se, & cum spiritibus sulphureis ac mercurialibus, rectè desumi, ex quibus dolorum diversitates (ut saporum in lingua, & affectionum saporibus supervenientium) calorum, colorum, inflationum, & omnium symptomatum, dependent. Quia igitur in omnibus speciebus podagræ, Tincturæ salium duras & siccas coagulationes moliantur, quamvis ex resolutione suarum radicum astrum receperint, & ad effervescentias ascenderint, resolvi utique debent, humectari, & sudore, madore, vel insensibili transpiratione discuti: ita tamen, ut mitigatis unâ doloribus, caloribus, & dolorosis omnibus symptomatibus, violenta fluxionum attractione sopita, requies Naturæ concedatur, & corroborata synovia vicinisque partibus, tam inimicos hospites in posterum non facile admittat. Tria verò hæc, Resolventia, Mitigantia, & Corroborantia, mixtionem admittunt, & uno eodemque Balsamo absolvi possunt. Talia unguenta, præparata scilicet & exaltata, podagrica sunt, & incipientes podagras vel leviores, radicitus sæpe sustulerunt: in confirmatis vero & difficilioribus, symptomatum & dolorum immanes cruciatus mirabiliter mitigarunt. Hæc podagra, confirmata scilicet, quæ radices difficulter resolvablentes vel in sanguine, vel in carnibus, vel in ipsa synovia posuerunt, non solis externis Balsamis resolvablentibus, mitigantibus,

tibus, & corroborantibus curari possunt: plures requiruntur copiar, potentiores legiones, priusquam tam obitinati hostis castra expugnari possint. Itaque purgationes podagricas adjungemus, mundificantia, diaphoretica, diuretica, per madores, insensiles transpirationes, consumptiones & perfectas ablationes evacuantia, podagrica tamen & consentanea accersimus. Hujusmodi sive ex Vegetabilium, sive ex Animalium, sive ex Mineralium œconomia advocentur, præparaciones & virtutum exaltaciones requirunt.

Radices enim podagricæ, in Anatomia humana, longa circulatione & digestionem, ad exaltaciones & extremitates, potestatum fixarumque Tincturarum auctores, pervenerunt, nec crudis ac indigestis medicamentorum spiritibus obtemperare volunt. Frustra ministeria pilularum aggregatarum, scætidarum, ex hermodactilis, etiam cum radicibus hellebori, trochiscis Alhandal iracundiora reddita, advocantur: frustra innoxia intestina clysteribus acutissimis, suppositoriis, & mille tormentis fatigantur. Dico vobis, si debiliora à fortioribus attrahuntur, radices & Tincturas podagricas, ubicunque castra collocarint in corpore, universa acumina & venena pilularum, una cum leniorum societate citius attracturas, devoraturas, & consumpturas, quàm minimum Centurionem, pilularum at tractione, sibi eripi permittant. Quis corporeos spiritus, spiritualibus Tincturis rectè unquam opposuit? In vanum surrexerunt *Gygantes adversus Iovem. Rectius Pygmei cum grævis certamina instituunt. Elementum illud mucosum, intestinis & ventriculo necessarium, ad separationem, resolutionem, & quotidianam excrementorum expulsionem, stercorea humana & mucilagines stercoreis vicinas, similiaque Elementa & excrementa aliarum partium pilulæ attrahent, & copiosa sæpe dejectione, nigra, carulea, flavæ, viridi, albæ, rubæ, (qualia pigmenta interdum in intestinis & corpore latent, frequentius verò in potestate hellebori, scammonæ, aloes, rhabarbari, cassiæ, continentur) Medicorum fatuitatibus patrocinantur: qui non necessaria, & indecora officia subeuntes, scætores, & turpes inspectiones admittunt, ut aliquo tamen miraculo, inscitæ, & avaritiæ infames exprobraciones devitent. Consultius agerent, si carbonum nigredines, & argillæ fastidia, interdum sustinerent. Cognitis enim remedium præparationibus, ab excrementorum inspectione confectum exciperentur.*

Etenim remedium fidei & salubri potestati, securius universa negotia committerent, locorum scilicet explorationes, morborum gradus, & debitas curationes. Neque eorum laudamus temeritates, qui phantasticis & imperfectis Præparationibus, Vittrificationibus, Sublimationibus, & nescio quibus Præcipitationibus utentes, periculosas

culosas purgationes, vel resolutiones morborum administrant. Virium dejectiones & symptomata, venenatarum proprietatum etiamnum relictarum testimonia, perpetuò fugienda sunt. Licet mitigantibus, validissimarum impuritarum resolutiones, ablationes, destructiones, & consumptiones perficere. Interdum quoque in vehementissimis podagris, ubi dolorum comites vigiliæ, viriumque resolutiones adfuerint, *Anodyna intrinseca* administrabimus, quæ tamen podagricæ appropriata sunt. Quod consilium, in omnium morborum curationibus locum habet. *Epilepsia*, & similes morbi, qui paroxysmorum vel symptomatum vehementia & perniciæ infames sunt, duplices habent Indicationes particulares. Quædam enim paroxysmos præcipuè respiciunt: quædam verò radices ipsas. Sedariorum spirituum effervescentium; constrictio, mitigatio, ligatio, &c. paroxysmos præcipuè respiciunt: resolutionem autem Tinctura epileptica, consumptio, ablatio, ipsas radices. Et hæ quoque Indicationes, faciles admittunt mixtiones, ac uno eodemque remedio omnia absolvi possunt. *Ulcera*, *pustule*, *pruritus*, *mundificationes* primum requirunt, vel externas, vel internas, vel utraque: deinde confortationes & consolidationes: in nonnullis mitigationes quoque manifesta necessitate adjunguntur, in quibus dolorum carnificina ægrotum fatigat. Ita Curationum leges rectè instituuntur, Indicationes in Naturæ proprietatibus fundatæ, debite adhibentur, & omnibus ægrotorum querelis fideli celeritate occurrunt, Oraculum quoque Hippocratis inviolatum custoditur, dicentis, *Contraria contrariorum esse remedia*, ablatione videlicet impuritarum morbosarum, viriumque & Balsami immati refectione, non calefactione, refrigeratione, humectatione, exiccatione: non abstersione, incisione, attenuatione, & similibus Relollaceis, mortuis, & externis qualitatibus impressionibus, in quibus non sunt *Ανάρκεις* Hippocraticæ vel Chæroniæ PARACELSI. Ita enim ipse Hippocrates exposuit Medicinæ officium, libro De flatibus, ubi inquit: *Fames morbus est*. Quicquid enim hominem molestat, confestim morbi appellationem meretur: Pharmacum verò hujus morbi est, quicquid famem sedat: talia autem sunt alimenta. Alimentis idcirco hic morbus sanandus. Sic alimenta, Hippocrati remedia existunt. Habent enim proprietates & Tincturas seminales, ex quibus defectus ac debilitates immati Balsami restaurantur, & officia illa Universalis curationis, quæ diximus præcipua esse maximeque optanda, absolvunt. Rursus, sitim potus sanat. Antea verò diximus, sitim cum liquore desiderato, vel cum potu, idem esse, sicut nutrimentum, cum eo quod nutriturum est. Quare cum dicit PARACELSIUS, Similia Similibus curari, non insanit, non stultè loquitur, sed rectè sentit, & Philosophicè pronunciat: non adversatur Hippocrati assayeranti, famem cibo, sitim potu, repletionem evacuatione, inanitionem refectione.

refectione, laborem quiete, quietem labore, &c. curari, & in universum, Contraria Contrariorum esse remedia, Medicinamque nihil aliud esse, nisi appositionem eorum quæ desiderantur, ablationemque eorum quæ redundant: sed Galeno manifeste adversatur, qui Contrarietatem Hippocraticam ad nudas illas qualitates, ab Hippocrate libro De antiqua Medicina damnatas, præcipuè accomodat: primas enim & præcipuas Curationum Ideas, ad refrigerationes, calefactiones, humectationes, exiccationes, harumque complicationes, refert. Quem secuti Arabes, & hodierni Medici, pro Curatoribus Calefactores & Balneatores evaserunt. Ipsa facilitas harum Indicationum suspicionem erroris inducit. Longè aliud est auferre morbum, desiderium morbi vel symptomatis lenire, mitigare, quàm hostili contrarietate, calida refrigerare, humida exicare, &c. Non enim sitis esurientibus & panem petentibus, scorpionem porrigimus, neque sitientibus acetum felle inquinatum offerimus, sed consentaneos, similes, eosdem liquores exhibemus: similia alimenta, ex eadem familia & Anatomia, adducentes, desideratam quietem confestim naturæ restituimus. Similiter, sitim febricitantium, non syrupus rosaceus, acetosus, ex acetositate citri, non ptyzana, non vinum, non cerevisia sedat: non si aquam frigidam ad repletionem usque ventriculi hauserit æger, propterea à sitis tormento explicatur. Spiritus enim sitientes, liquores altiores desiderant, similes ex eadem familia, æquè maturos, exaltatos, & ad extremitates duos. Talium liquorum, vel spirituum guttas aliquot si obtuleris, confestim sitim levabis, spirituumque sitientium siccæ coagulationes, benigna, simili, & consentanea humectatione resolves. Ita dolores, vigilæ, & calores sanantur. Fiunt enim ex spiritibus sitientibus, & consentaneos ac similes liquores requirentibus, quos posteaquam obtinuerint, mitigata ferocia resolvuntur, & prædestinationibus confectis evanescent, vel per sudores, vel vomitiones, vel urinas, vel insensiles transpirationes. Proinde similia dicuntur morborum remedia, quia ex eadem Anatomia Natura ducuntur, quia signaturas, proprietates & radices similes continent: contraria verò quia defectus & desideria resarciunt, quia amica saturitate, spiritus & impuritates consentaneas delinientes, resolutiones, consumtiones, & tacitas ablationes moliantur. Et in Anatomia Natura, hæ locutiones, quamvis specie diffimiles repugnare videantur, admittuntur: Contraria Contrariorum sunt remedia, & Similia Similium. Galenus verò, nominum errore & angusta egestate deceptus, Indicationes medendi Hippocraticas, injusta metamorphosi ad calefactiones ac refrigerationes retraxit. Quid illi in mentem venit, si librum Hippocratis De antiqua Medicina perlegit, ubi ex professo contra eos disputat, qui novas hypotheses & Indicationes,

in curationibus proposuerunt, qui calefactiones, refrigerationes, humectationes, exiccationes, morborum causas & curationes esse dixerunt: demonstrans, nec generationes, nec curationes morborum, illis qualitatibus rectè attribui, neque reperiri quippiam in Natura, quod per se, vel sine Potestatum admixtione, calidum sit, vel frigidum, humidum, siccum, & qui frigido morbo laborat, juxta illos qui novas hypotheses introduxerunt, calido remedio curari debere: sed quali calore? alii enim sunt falsi, alii amari, alii austeri, alii acres, alii acerbi, alii aliis potestatibus insigniti: itaque delirare eos in suis Methodis phantasticis & effictis. Ibidem asseverat, *homines ob calorem non febricitare, neque solum calorem esse causam febris, sed quia idem sit amarum & calidum, acutum, acre & calidum, salum & calidum, & quia alia facultates infinita, calori permixtae sint*: ab una enim radice, semine, impuritate, fluunt signaturæ colorum, saporum, odorum, figurarum, coagulationum, & similibus: quemadmodum saepe antea exposuimus. Eodem pacto frigidum aliis potestatibus coniungitur. Itaque in morbis, Potestates, quia radicum proprietates magis referunt, symptomatum esse auctores: *salum, amarum, acre, acutum, austum, Potestates habere, dolores inferre, concurrere vero calores, siccitates, frigiditates, humiditates, acuentes & augentes Potestatum effectiones, Potestatum tamen nullam, radicali proprietate & scientia insignitam, possidere*. Copiose deinceps Demonstratione, ex curandi ratione, morborum generatione, aliisque indicibus desumpta, Galenica Theoremata intemperie laborantia, ipse Hippocrates, prædicto loco confundit. Et miror Galenum, libellum illum, ad familiam adulterinorum, supposititiorum, non relegasse, posteaquam tam manifestè, quasi ex diametro, cum tota ipsius Medicina pugnet: id quod clarius in Paraphrasi super eundem librum Hippocratis, patefecimus. In leniendis doloribus & caloribus unum habent commune remedium cum veris Medicis, venæ scilicet sectionem, quo si destituerentur, planè deplorati essent. Sed neque in omnibus doloribus vel caloribus locum habet. Et interdum noxia optimi sanguinis iactura, calores tolluntur, qui tempestivioribus remediis feliciter obtemperarent, sine injuria & dispendio aliarum partium. Indicationum quoque multitudine obruuntur. A causis enim Antecedentibus, Continentibus, ab ipsis morbis, & interdum symptomatis Indicationes consentientes, repugnantes, præcedentes, consequentes, & mirabili subtilitate coherentes, deducunt. Stupent ægroti tam duricertaminis eventum, si Proæmiorum difficiles ostentationes futurorum præfagia firma demonstrant. Ita urgentiori, periculosiori symptomati, morbo, affectui, causæ, confestim occurrunt, quamvis aliorum dispositionibus noceant. Ita mitigantur dolores, augentur morbi

morbi morborumque causæ, auferuntur causæ, neglectis ad præsens viribus. Si vero sanationes legitimas Indicationes in Naturæ proprietatibus fundatas, remediumque Præparationes addiscere vellent, has confusiones, contrarietates, absurdas ordinationes, & periculosas obliviones, facile evitarent. Sunt enim mitigantia, anodyna, somnifera, radicibus vel causis Antecedentibus, Continentibus morbis, consentanea: quæ mitigando mundificant, purgant, resolvunt, consumunt, & quæ resolvendo ac mundificando corroborant, mitigant, calores & dolores sentiunt. Rursus, in omnium morborum curationibus, qui cum materia conjunguntur, concoctiones, viarum præparationes, attenuationes, incisiones, lenes evacuationes, syrupis, decoctionibus, confectio- nibus, & fomentis moliantur, & concocta solum medicanda esse, nisi turge- ant, ex Hippocratis Decreto præcipiunt. Illud certè oraculum Hippocratis, incitiæ & simplicitati Medicorum patrocinari cogitur. Hujus falsa interpre- tatione, auxilium quod Naturæ à Medico debebatur dolosum evasit. Destitu- ta Natura, sola certaminis discrimen sustinet: si labascit victa, superbo decre- to, deplorata pronuntiatur. Si verò victoriæ signa & salutis profert, Metii illi Sufferii, infidi auxiliatores, caudas verrunt, cristas erigunt, se eventuum fe- licitatem prævidisse, & opportuna Electuorum & Pilularum tempora ex- pectasse. Næ illi Hippocrati injuriam faciunt. Primum enim, concoctiones sive maturaciones, Indicationes sunt curativæ apud Hippocratem. Et modi sanationum morbi que reperiuntur, qui concoctione & maturacione sanari vo- lunt. Proinde, si jussit concoctionem morbi expectandam esse, antequam pharma purgantia exhibeantur, non concessit ferias Medicis, neque Justiti- am indixit, sed alias leges curandi proposuit. Dicent, se syrupis & decoctis concoctiones moliri. Id certè non continget syrupis incidentibus, attenuan- tibus, aperientibus, oxymelliticiis, scylliticis radicum, & similibus. Quæ e- nim maturanda sunt, intus claudere oportet, incrassare & temperare. Syropo quidem rosaceo, violaceo, cappillorum veneris, liquiritiæ, in levioribus qui- busdam morbis, catarrhis scilicet, vel superficialiter ventriculo aliisve parti- bus inhaerentibus, concoctiones, mitigationes, contemperaciones absolvent: at verò in talibus morbis, curationes maturativæ non requiruntur. Licet confestim purgantia vel resolventia exhibere: impuritates enim superficiariæ sunt, & facilè mobiles. Quid sit concoctio apud Hippocratem, & qua ratio- ne absolvatur, ipse exposuit, in libro de antiqua Medicina, inquiens: τὸ περ- θήναι γίνεται ἐκ τῶν μίχθηται κρηθῆναι καὶ ἀπὸ ἀλλοιοῦ συνεψηθῆναι: id est, Concoctio- nes perficiuntur ex mixtione, contemperacione, & mutua permixtarum rerum digestionem.

Ira enim potestatum acrimonia mitigantur, extremitates & exaltationes contemperantur, dolores, calores, & universa symptomata leniuntur. Equipollent igitur hæ Indicationes curativæ, per Mitigativa apud PARACELSUM, curare per Concoctiones apud Hippocratem, per Epicrasin apud Galenum. Neque in omnium morborum curationibus necessaria sunt. Antea diximus, in morbis qui constant ex impuritatibus mobilibus, superficialiis, qui non egerunt fixas radices, quales sunt febres plurimæ, catarrhi, tussis, raucedines, & similes affectus, non opus esse hisce Indicationibus. Tuto tolluntur, & subito, purgantium vel mundificantium ope. Rursus, vehementiores & periculosiores affectus, ut febres nonnullæ & apostemata, in quibus impuritatum resolutiones mobiles sunt, facile obtemperantes, neque ad difficiles coagulationes destinata, quod ex dolorum signaturis & symptomatum inconstantibus & turgidis effervescentis deprehenditur, etiam in principis purgationes admittunt, quarum efficientia sæpe sublatis morborum fervidis & mobilibus impuritatibus, concoctionis officia supervacanea postea relinquuntur. At verò impuritates febriculose & inflammatoriae, quæ Tincturas habent difficiliores, quarum resolutiones & vapores, coagulationes admittunt fixas, difficulter resolubiles (tales in suspectis partibus & consentaneis mineris perpetuo recipiuntur) per Epicrasin, Concoctionem, vel Mitigationem tutissime curantur. Non enim obtemperant facultatibus crudis purgantium medicamentorum communium, quæ corporeis & crudis spiritibus agunt, quæ spirituum morbosarum effervescentias exasperant. Posteaquam verò spirituum fervores cessaverint, resolutaque materia coagulationem consentaneam acceperit, quia vinculis spirituum destituitur, faciles admittit purgationes. In morbis chronicis, ut epilepsia, quartanis, colicis, podagris, in hyprope, & leprosis affectibus, impuritates radicales, resolutione, non concoctione, propriè & primo curantur: fructus verò, paroxysmi, & fructuum effervescentia, in nonnullis speciebus prædictorum morborum, concoctionum & contemperatum Indicationes recipiunt. Frustra concoctionum signa in epilepsia, podagra, lepra, in quartana, colica, nephritide, in omnibus affectibus tartareis expectantur. Resolutione confestim instituenda est curatio, consumptione, destructione, ablatione. Si mitigatio confluxerit, felicius propositum assequemur. Hoc quoque adjicimus, non omnia curationum Mysteriorum, Indicationum compendia, remedium Arcana, ab Hippocrate descripta esse, & potuit quædam ignorasse. Secula certe proficiunt. Iniquum proinde esset, in omnibus ipsum imitari. Paucas remedium facultates exposuit. Curandi rationes mirabiles, quibus hoc seculo uti non licet, multis in locis demonstravit. De remedium Præparationibus, exaltationibus, Indicationum compositionibus, in quibus uni-

versa

versa Medicina fundatur, nihil ab illo proditum est. Principia nihilominus Medicinæ, Naturæ legibus consentanea, nobis etiam communia demonstravit. Feliciori seculo, novorum morborum difficillimis resolutionibus non inquinato vixit: nobis & Nepotibus nostris, aliorum remediorum inquisitiones, sine invidia reliquit. Hanc admonitionem necessariam hoc loco adjoinxi, ne aliorum observationes, præcepta, vigilia, & commentationes, posteris socordia occasione in posterum præberent. Non excusamur in Curatione epilepsiæ, quæ post annum vigesimum quintum adultos adortur, ob Decretum Hippocratis dicentis, Epilepsias quæ post vigesimum quintum annum adveniunt sanationem non admittunt, sed ad mortem comitari. Idem de similibus est iudicium. Nec plura hoc tempore de Indicationum & curationum ordinibus, facultatibus, mixtionibus, censuris, adducere licet. De permixtorum morborum curationibus & temporibus, in quibus opportunè administrantur remedia, idque præcipuè in chronicis morbis, qui per circuitus repetunt, alibi tempestivius agemus. Fontium derivationes, liberales & humanæ existunt, Domini verò jura & libertates ubique concessæ. Itaque contemplationem de curatione morborum hac formula claudentes, dicemus:

Sanationes omnium morborum duplices esse, universales & particulares. In universali & perfecta, uno eodemque remedio absolvi resolutiones impuritatum morbosarum, purgationes, consumptiones vel ablationes, & restorationes, mitigationes, corroboraciones innati Balsami. Particulares verò curationes, quæ veræ & legitimæ existunt, pluribus indicationibus, & diversis remediorum proprietatibus, actiones tamen, & conditiones universalis curationis, quoad fieri potest, imitantibus, absolvi. Indicationes curativas veras, in proprietatibus vegetabilium, mineralium, & animalium fundari, facilesque mixtiones in debitis præparationibus admittere. Universalium curationum officia ex particularibus indicationibus remedisque in morbis non consummatis, & extremis, sæpe adimpleri, esseque gradus particularium remediorum, superiores & inferiores, calefactiones, refrigerationes, humectationes, exiccationes, phantasticas indicationes ostendere, & proprietatibus naturæ radicalibus Scientiæ & potestatis dispensatoribus, cavere.

CAPUT XV.

De Remediorum Differentiis, Proprietatibus, Compositionibus & Preparationibus.

Remediorum Natura morborum medicatrices sunt. Morbi enim de quibus hoc loco præcipue loquimur, occultas habent Generationes, in silentio Naturæ abditas, neque sensibus humanis accedere licet ad invisibiles lithurgias & Mechanicas morborum. Altiores oculos adhibere oportet, copiosa proprietatum animadversione illuminatos. Ita invisibilia videntur, occulta manifestantur, dubia explicantur, & difficilia perficiuntur. Quocirca, relictis externis Sensuum subtilitatibus, & corporeis ac superficialiis actionibus, internas & constantes rerum proprietates scrutemur, si occultas morborum provincias accedere velimus. Hisce comitibus, ducibus & nuntiis, occultas morborum radices, inveniemus, & inventas placide auferemus. At verò alii morbi, qui externarum causarum violentiis insiguntur, ut luxationes, contusiones, vulnera, fractiones, calefactiones, refrigerationes, exiccationes, humectationes, lassitudines, inanitiones, repletiones, vigilia, sitis, fames (hæc enim omnia hominem molestant, & ablationem postulant) quia generationes habent sensibiles, Indicationes quoque manifestas demonstrant, & remedia, sensuum analogismis subiecta requirunt, nisi occulta symptomata accedant, ut in ulatione, vulneribus, refrigeratione, & cæteris omnibus externis lationibus sæpenumero contingit. Hæc enim, quia occultiora sunt, Indicationes manifestas non admittunt, sed proprietates postulant, & arcanas Naturæ Potestates. Qui penetrabili extremoque frigore affigitur, Indicatione facili & aperta, calefactionem desiderat, qua nacta, subito restituitur. Si verò symptoma supervenerit, destructa innata Mumia vel radicali humore extremarum vel aliarum partium, resolutisque sæpe infectis salium spiritibus, huic calefactiones, fomentationes, & similes machinationes, sensuum analogismis inventæ, non sufficiunt: artificiosioribus Indicationibus, & proprietatibus, non ita publicis, opus est. Symptomata enim refrigeratorum, leprosas peltes imitantur. Similiter, qui Solis ardore vehementer incallescit, communi animi norione, refrigerationem requirit, qua tempestive oblata (subita enim mutationes periculosa sunt) reficitur. Interdum quoque leviora symptomata accedentia, ut ephemera febres, iisdem remediis obtemperant.

perant. Si verò perniciosiora & difficiliora symptomata confluerint, vel feminibus morborum latitantibus antea in corpore excitatis, vel una cum calore ex resolutionibus astrorum arsenicalium infecto introductis, vel innati Balsami destructione, refrigerationum Indicationes silebunt, & omnes sensuum subtilitates obstupescunt, mirabunturque ex tam levibus occasionibus, tantas calamitates supervenisse. Etenim febres petechiosæ, prunellæ, pleuritides, carbunculi, anthraces, Persici ignes, mania, melancholia, vehementium calefactionum comites sæpe fuerunt. In his symptomatibus vel morbis (utriusque enim nominis privilegia adsunt) Indicationes corroborativæ, sedativæ, mitigativæ, anodynæ, consumtivæ, mundificativæ, & similes, locum habent, quæ proprietatibus Naturæ internis, vitalibus, perfectis, præparatis & exaltatis, absolvuntur. Rursus, *vulnera simplicia & solitaria, communibus remediis, vulgariter notis, facile sanantur*, deligatione, larido, telis araneorum, albumine ovorum conquassato, ablutione urinæ, aqua falsa, & mille hujusmodi mediis, quamvis omnia non approbem: herbis quoque vulgaribus vulnerariis, butyro, melle, cera, terebynthina exceptis: commodius & citius, si potiones & emplastra ex iisdem simplicibus, & similibus, adjungantur. At verò, si vulnera comitata fuerint: si symptomata surrexerint, ardores, inflationes, dolores, fetores: si ulcerum signaturæ apparuerint, vel aliorum morborum, ut tabes, epilepsiæ, febris, spasmi, &c. si vel telis vel instrumentis hostilibus veneno infectis, si vel morboris impuritatibus in corpore latentibus, excitatis: non sufficient ad curationem vulnerum remedia: Indicationes novas, symptomatibus præsentibus consentaneas, & proprietates Naturæ potentiores, mitigantes, mundificantes, consumentes, corroborantes, consolidantes, advocare oportet, si vel in externis solum remediis contineantur, si vel internis præsentī necessitate conjungantur. In vulneribus solitariis, conservationis, mundificationis, & consolidationis officia absoluebantur, butyro, melle, larido, cæra, sevo & pinguedine animalium, vel solis, vel permixtis, & herbarum virtute exaltatis. In comitatis verò, in quibus accidentia supervenerunt, ad mundificationem, mitigationem, corroboracionem, conservationem, resolutionem, consumtionem, &c. requiruntur potentiorum Vegetabilium proprietates: pro butyro, bdellium, sagapenum, galbanum, oponacum: interdum Salia, Olea, Mercurii Mineralium & Metallorum. Admittuntur quoque consolidæ & serpentina, sed præparata, exaltata, & in Balsamum conversæ. Rursus, lassitudines ex laboribus, exercitiis, aliisque causis evidentibus profectæ, sola quiete, balneo, cibis, & somno restituantur: si symptomata accesserint, difficiliores habent

B b

bent sanationes. Eadem est vigiliarum, sitis & famis, ac similium læsionum ratio. Si quis usu horariorum fructuum, ut melonum, peponum, cucumerum, piscium semiputridorum, carniū, ovorum, & similium alimentorum, impuritatibus repleatur febrilibus, ob frustratam separationem & expulsionem, levi occasione febricitat. Tales febres, confestim purgatione tolluntur. Hic triumphant, manna, cassia, rhabarbarum, sena, polypodium, diaphoenicon, diacatholicon, electuarium de succo rosarum de psyllio, &c. At vero si symptomata supervenerint, altioribus impuritatibus, antea in corpore latentibus ex repletionem & intemperata vivendi ratione, excitatis: in his Indicationes purgandi, resolvendi, abluendi, & consumendi impuritates, non perficiuntur crudis illis & impotentibus laxativis. Subtilioribus & potentioribus mundificantibus opus est. Rectè igitur *remediorum differentia, ex diversis morborum nativitatibus, & curandi rationibus desumuntur: ut sint alia, ΑΙΟΥΡΗΤΙΚΑ*, i. e. quæ solo regimine, & debita administratione rerum non naturalium, curationes perficiant: appellabimusque hujusmodi *remedia, Alimentaria*, quia proprietates alimentorum imitantur, & sunt alimenta, morbosque alimentarios solummodo curant. *Rursus, alia remedia, sunt Medicinalia*, altiora & inferiora, in quibus potentiores proprietates conspiciuntur. Hæc remedia, sola & sincera difficulter assumuntur, & symptomata gravia adducunt, nisi præparatione innoxia reddantur, quia vires Mechanicorum humani corporis excedunt. In morbis gravioribus adhibentur talia. Nonnulla, venenata planè sunt, ut antimonium, mercurius, sulphur, vitriolum, Mineralia ferè omnia, helleborum, tithimallus, colocynthis, scammonia, opium, mandragora, cicuta. Horum usus in morbis gravissimis necessarius est, si debiliora à potentioribus transplantari debent. Sine præparatione hujusmodi nullo pacto adhiberi debent. Frustra, lacte & cytoniis nutriuntur; frustra odoratis & cordialibus amica redduntur. Quod si crudis his uti velimus, magna præcautione opus est. Vires ægrotantis, ætas, habitus, morbus, consuetudo, & hujusmodi circumstantiæ convocandæ sunt: ex harum collatione decernendum, an admitendus sit usus illorum, vel relinquendus. Neque excusamur ab usu horum remediorum, repetito usu leviorum. Differunt non solum actionum vehementia, & gradibus, sed etiam coeteris proprietatibus, in quibus Indicationes & sanationes morborum fundantur. Quotidianus usus foliorum senæ, rhabarbari, agarici, polypodii, cassiæ, mannae, electuarii de succo rosarum, de psyllio, diacitonites, diatarbith, impuritates illas non solvent, con-

consumunt, vel mundificabunt, quas unica exhibitio antimonii vitrificati, mercurii præcipitati, non vulgariter tamen vitrioli crudi vel colcotharini, tartari, & similibus, magna ægroti anxietate, viriumque consternatione auferet. Spiritus horum remediorum in ventriculo resoluti, in vapores conversi, potentius penetrant, minerales corporis impuritates non solum vegetabiles, resolvunt, consumunt, in vapores convertunt, ad effervescentias excitant, ægroto molestias allaturas. Impuritatibus his resolutis, in vapores, & spiritus aquosos conversis, impetus apparent, ad Monoculum, ad gulam, ad vitalia Elementa cordis & cerebri, unde palpitationes cordis, deliquia animi, vertigines, sæpe convulsiones perniciem promittentes, proficisci solent. Inanitis verò, consumtis, & ablatis tam difficilibus impuritatibus, ex insperato, sanitas restituitur, actionum & facultatum potentiore robore insignita. In quibusdam corporibus, in quibus hostiles impuritates non inveniuntur, vel leviores, scilicet non Minerales, tanta symptomata, ex usu prædictorum remediorum non suscitantur. Quinetiam, unus idemque homo, interdum lenes & faciles purgationes, ex usu vehementissimorum remediorum, interdum verò difficiles, & symptomatum comitatu graves, experitur, quod iisdem impuritatibus hostilibus & inimicis non perpetuò inquinetur. Hæc tria remediorum genera, proprietates similes continent: sed robore, & agendi potestate differentes. *Sunt enim Alimentaria remedia, quæ purgant*, manna, cassia, pruna, olera ferè omnia, locustæ vel prima germina plurimarum herbarum & fructuum.

Sunt Diuretica, ut vinum oligophorum, vinum anacardorum, asparagorum & lupulorum decocta vel acetaria, & similia. *Sunt Diaphoretica*, ut aromatica & odorata nonnulla. *Sunt menstruis appropriata*, quæ non solum sanguinem menstruum movent, sed etiam clarificant, confortant, consolidant, mundificant. *Sunt Somnifera*, ut lactucæ, papaveris semina: sunt *Sedantia & Reprimentia*. *Mitigantia, corroborantia, contemperantia, concoquentia, in hoc ordine solum reperiuntur.*

Remedia enim Medicamentosa, & Venenata, symptomata, dolores, calores, saliumque exasperationes proferre solent. In secundo remediorum genere, proprietates purgantes, resolventes, mundificantes, diureticæ, diaphoreticæ, constringentes, attrahentes, sistentes, anodynæ, somniferæ, prioribus similes reperiuntur, sed validiores, in quibus spirituum coagulationes, calores, sapes, odores, Mechanicis Vulcanis, vel Archæis humanæ Anatomiz, difficulter obtemperant. diorum.

diorum. Impuritates enim, quæ validiores radices posuerunt, Alimentariis remediis non cedunt. Venenata quoque, eadem necessitate, in curationibus sæpe advocantur, vigiliis & doloribus opiata postulantibus, morborumque fixis radicibus, purgationes antimoniales, vitriolatas, mercuriales requirentibus. Hæ necessitates, Compositionum, & Preparationum leges introduxerunt: de quibus mox dicemus, absoluta proprietatum explicatione. *Itaque remedium proprietates à nobis enumerata; adhuc confusa sunt, innumerabiles, non satis explicata, ad propinquiores classes curationi oportuniore revocanda.* Neque enim omnes facultates purgantes omnibus morbis purgatione opus habentibus, æque conveniunt. Impuritarum differentia, locorum diversitates, distributiones specificas monstrabunt, proprietatum confluentis experientias moderante. Quamvis plurimi fortuita experientia, sine aliis adminiculis vel gubernatoribus specificas purgationes, consolidationes, resolutiones, mitigationes, sedationes, specifica, diuretica, diaphoretica, menstrua, anodyna, id est, pleuritica, prunelloso, febriculoso, icteritia, hydropica, colica, podagrica, epileptica, paralytica, hysterica, hepatica, stomachica, cephalica, cardiaca, &c. invenerint, interdum ab iis inventa didicerint. Apud Nobiles, Rusticos, Plebejos, huiusmodi remedia plura inveniuntur, quàm apud Galenicis Doctores, qui caliditatum & frigiditatum superbis ac temerariis censuris, experientiæ laboriosas sedulitates, injustè exagitant. Hippocrates certè, ex caliditatum & frigiditatum analogismis, remedia non est mutuatus, sed ab experientia, vel sua, vel aliorum. Ipse quoque Galenus vix unum medicamentum specificum & legitimum monstrabit ab Empiricis non acceptum utcumque fecunda complexionum & graduum Methodo in compositionibus medicamentorum, secundum Genera & Loca triumphet. *Hisceremediis abundavit Bartholomæus ille Characterius,* qui multas Simplicium facultates, salutare & appropriatas, longo medendi usu invenit: nec dubito quin plurimas ab aliis inventas acceperit. Causas quoque & Principia proprietatum adjungere conatus est, sed quæ non satis in Natura fundata sint, corruptis & integris conjuncta. Ita ad Sympathia, Antipathia, Harmonia leges, ad materia & spirituum abundantias & defectus, in herbis & Vegetabilibus, compositiones & correctiones remedium accommodavit, & Simplicia, vino ac aqua, sine melle vel saccharo, ad tertiae partis vel medietatis consumptionem decoxit. Pulveres quoque radicum, herbarum, & seminum, pane affato inspersos adjunxit, & continuo usu, sine intermissione, ægrotorum patienti obcedentia fectus, sanationes

tionones difficilium morborum sæpe absoluit, Galenicisque documentum dedit, ut relicta ociosa Syruporum copia, in proprietatibus Simplicium inquirendis diligentiores essent. In iis enim Specifica & appropriata omnium morborum recipiuntur, purgationes scilicet hydropicæ, resolutiones colicæ, mitigationes podagricæ, sedationes & consumptiones epilepticæ, diaphoretica & diuretica similia. Calefactiones, refrigerationes, humectationes, exiccationes, in proprietatum medicinalium numero non recipiuntur, neque Indicationes curativas constituunt, quia non habent proprias radices, Scientias, & prædestinationes in Natura, sed aliis proprietatibus ministrant, veluti colores & coagulationes. Omnino, *quæcunque remedia vehementer calefacere, refrigerare, exiccare, vel humectare videntur, proprietates habent principales, radici viciniores Chæronias, in quibus Scientiæ, & sanationum prædestinationes vigent.* Ita attrahentia, sistentia, diuretica, purgantia, diaphoretica, somnifera, anodyna, dissipantia, & consummentia, calefactiones, humectationes, refrigerationes & exiccationes adjunctas habent, tanquam umbras, & actionum ministras. Rursus, *calefactiones & refrigerationes, qualitates sunt momentaneæ, Relollacæ & ultimæ, quæ in præparationibus & separationibus virtutum à corporibus evanescent.* Proprietates verò ex quibus Indicationes curativæ constituuntur, stabiles esse debent, Chæroniæ, vitales, potentes, quæ separationem admittere possunt, & corporum postremorum, ac crassorum conjugia relinquere, illæ prædestinationibus & actionum Scientiis. Scio nonnullas caliditates constantiores esse, difficulter auferri in præparationibus, frigiditates quoque: nihilominus solitariæ non sunt, sed proprietatibus coherent. Est, ubi PARACELsus calidorum & frigidorum remediorum ordines, gradus, compositiones, & doses describit, ut in libro de Gradibus & Compositionibus: id solum clarioris doctrinæ causa ab illo factum est, ut differentiam illam in remediorum proprietatibus declararet, quam nos in corporum & spirituum explicatione aliquoties monstravimus: videlicet, *esse quædam remedia, quæ simplicitatem Elementorum magis imitentur: quædam rursus, in quibus trium Principiorum proprietates manifestius deprehendantur: hæc Planetaria appellat, vel Specifica, illa verò Elementaria: quamvis utraque, tam proprietatibus trium Principiorum, quam Elementorum conditionibus sint insignita.* Sic Philosophico loquendi more, Corroborantia, Calefacientia appellantur, Balsamûsque natura calefacere dicitur & humectare, quamvis caliditates & humiditates morborum tollat.

Ex his apparet, in quanto errore versentur illi, qui caliditates & frigiditates, Causas, Principia & fundamenta proprietatum medicinalium constituunt, saporumque & externarum applicationum non satis fideles experientias, ad internas & principales remediorum facultates dijudicandas, advocant. Confortativa, somnifera, purgantia, resolventia, caliditatis & frigiditatis ministerio nunquam inveniuntur, neque si corporum universas coagulationes adjunxeris, tenuitates, crassities, lentores, durities, molliities, asperitates. Hæ enim qualitates omnes, umbræ sunt rerum postremæ & instabiles, nec radices habent, in quibus seorsim, & sinceræ demonstrari possint. Aspicite aronis radices & folia, quantam calorum potestatem, acri & exulcerante sapore promittant, leni verò adhibita digestionem, & saporis acrimonia, & caloris inditia tolluntur, quia superficiali extiterunt qualitates, Radici non coherentes. Piperis vero & Zingiberis acrimonia constantior est, quia in sale fundatur, vel in radice ac Principio, quod ad corporum constitutiones concurrere oportet.

Sulphuris præparati sapor, interdum astringentem aciditatem, obscuram tamen, repræsentat: nihilominus, *diaphorica & consumptiva facultate* pollet: Antimonii vitrum, insipidum plane est, vomitionum tamen, & purgationum suspecta vehementia, infame evasit. Chelidonia, in præparatione, mirabiles saporum & odorum differentias, sæpe contrarias, ostendit. Quid cupri pontagiosa amaritudine ingratus excogitari potest? nihilominus dulcedinē, etiam saccharo gratiorem, ex cupro, præparatione eduximus. Itaq; linguæ, & externorum sensibilibus ac sensuum inanes censuras, iis relinquimus, qui linguæ sapientia, & sensuum tam exquisita subtilitate pollent: nos verò, stables & sinceræ proprietatum radices inquiramus, ex quarum certis & infallibilibus signaturis facultatum origines inveniēmus. Tales radices non sunt peregrinæ, sed sunt Principia illa ex quibus omnia corpora componuntur. *Quæcunque enim facultates cum corporibus conjugia contraxerunt, corporumque alterationes moderantur, in Sale, Sulphure, vel Mercurio fundantur, non in Sale vel Sulphure simpliciter, sed in tali Sale, in tali Sulphure, in tali Mercurio.* Ita Sulphura conspeximus attrahentia, ut resinosa: repellentia quoque, sistentia & continentia, ut narcotica: ita somnifera, anodyna, mitigantia, concoquentia, consolidantia Sulphura inveniuntur. Rursus, Salium resolutiones frequenter apparent: mundificationes quoque ex quibus purgationes proficiuntur. Neque enim aliud est Purgatio, quàm resolutio, ablutio, vel mundificatio. Coagula-

gulationes vicissim & consolidationes, à Salibus non sunt aliæ. Diaphoretica & diuretica Salia, frequentissima sunt. Mercurii confortantes, mitigantes, clarificantes, exhilarantes, confumentes, & regenerantes, reperiuntur. Horum Principiorum Anatomias inquirentes, facultatum causas inveniemus: Ignis verò Sectionem & Separationem absolvet. Alia quoque necessitate Præparationum labores suscipiuntur, de qua antea dixi. Quia enim ab usu Venenatorum remediorum non excusamur, & venenata omnia Balsamum habent humanæ Naturæ consentaneum, impii utique essemus, & officiorum desertores, nisi Separationi strenuam operam navaremus, ut ablato veneno, puris & salutaribus Balsamis, amicas Naturæ curationes, tuto instituere possimus. Separationem vero fieri posse, secundo Capite hujus libri demonstravi. In aliis remediis, in quibus manifesta venena non apparent, adsunt ut plurimum coagulationes, sapor, odores, caliditates, frigiditates, & proprietates narcoticæ, diaphoreticæ, diureticæ, catharticæ, resolutoria, vomitiva, quarum violentas impressiones, humana Natura, sine gravi clade, ferre non potest. *Perfectissimorum* deinde corporum Balsami, & desideratæ Proprietates, tam duris corporum carceribus continentur, ut favorem & benevolentiam, quam humanæ Naturæ debent, demonstrare non possint. Ita corallorum, perlarum, gemmarum, auri & argenti, reliquorumque Metallorum virtutes, dolent se frustra in mundanam provinciam venisse, & mortalium scelestam temeritatem continenter accusant, quod tantarum prædestinationum immemores, ad quas Naturæ providentia destinabantur, in peregrinos & infames usus, tantarum rerum majestatem commutaverint. Impuritatem pellis, incitiam mentis tegere coguntur, & dolosa avaritiæ, superbiæ, luxuriæ, perfidiæ, adulterii, discordiæ, & mortis ministeria subire. Hoc est in non naturalem usum res transferre, iniquas usuras exercere. Inveni postea sunt Medici, qui aurum decoquere jusserunt, & cum capone, ut virtutes magis conjungerentur: qui folia auri electuariis & tabulatis miscuerunt, qui pulveres corallorum, perlarum, & gemmarum, etiam ad confortationes cerebri & cordis, magna simplicitate exhibuerunt. *Infelix mortalitas*, inutilibus quæstionibus & disputationibus vitam traducemus? Naturæ præcipuos thesauros in quibus gravissimorum verborum Medicinæ ab Altissimo collocatæ sunt intactos relinquimus. Nec ipsi solum relinquimus, sed alios inquirere volentes, prohibemus, impedimus, condemnamus, irridemus, & mille ludibriis afficimus. Avorumque fidelem veritatem, & divinam Scientiam stulte irridemus.

demus. Tunc verò oculares demonstrationes postulamus, & manifestos operationum modos. Interdum minis, violentisque objurgationibus, pro maiestate nostra decernimus, ut Carbonii isti Præparationes suas nobis ostendant, Aurum potabile, liquorem perlarum, dulcedinem cupri, antimonii, mercurii, essentias herbarum, específicas compositiones diaphoreticorum, diureticorum, purgantium, anodycorum & similium, Extractions debitas lachrymarum, resinarum, gummarum, succorum, &c. quod nisi fecerint, infamiae, invidiae, inscitiae, & fraudis notas iis inurimus. Næ illa ratio adiscendi nova est. *Modestam gratitudinem, submissionem, ignorantiae confessionem, discendi cupiditatem ingenuam, non dolosam, laudabant Antiqui in discipulis.* Tales solummodo admittebant, iisque juratis & perpetua gratitudine ac fide obligatis *Præcepta dabant, multo adhuc sudore emulcanda.* Quis enim aliter sincera ingenia, ab adulterinis discernere posset? Itaque, sive voce, sive scriptis, discipulos receperunt instituendos, qui genuini & legitimi evaserunt, ab iis desideratam gratitudinem, ac sanctam fidem reportarunt, & in ævum reportabunt. Sacramentum posuerunt, se Patrum, & Præceptorum vestigia immixtuos, nec ulla temeritate, servatam à Seculorum exordiis Naturæ virginitatem prophanaturos. Credite mihi, qui ad Dianæ Balneæ admissi fuerunt, aliis, sive leonum, sive vulpium, sive luporum, sive canum pellibus occurrerint, sine veste Dianam nunquam monstraturos. Quod si hæc via non successit, aliam tentemus, & deposita ferocia, simplicitatis & inscitiae salutari confessione, multaque laborum patientia onusti, Præparationum provincias aggrediemur, & immensa gratitudine eorum benevolentiam prosequemur, qui micæ ex mensis Dominorum cadentes, nobis communicarunt: qui occultas solummodo agendorum rationes, & Præparationum scopos ænigmaticè insinuarunt. Hujus itineris prima diverticula, consuetarum Præparationum delicta citò demonstrabunt, delictorumque correctiones. Decoctiones herbarum, seminum, radicum, florum, corticum, in vino & aqua, hoc nomine redarguent, quòd plurimarum & præstantissimarum virtutum dispendia contingant: quòd impuratum non fiant separationes: quòd saporum, odorum, caliditatum, frigiditatum, & similium signaturarum ingratarum impressiones relinquantur, quas frustra albumine ovorum, saccharo, melle, syrupis, & cinnamomo corrigere conantur Medici. Præparationum pia assiduitate, naturaliumque causarum diligenti contemplatione juncta, compendiosiores Decoctionum vias utique deprehendemus, quarum

rum beneficio, servatis Simplicium virtutibus, saporumque & coagulationum ac odorum ingratitude ablata, exigua puri liquoris quantitate (in qua tamen genuinæ Simplicium virtutes ad exaltationes, & altiores gradus deductæ, manifestè demonstrentur) Decoctionum universis intentionibus tutò & subitò satisfiat. Sympliciorum necessitates, scilicet, ut conserventur Simplicium vires, & dulcedine obscurantur amaritudines, inanes esse, tum demum intelligemus, ubi Salia, Olea, & Mercurios herbarum, radicum, & similibus separare poterimus, non communi destillatione, ustione, viriumque destructione, sed artificiosa, Principiis, proprietatibusque uniuscujusque herbæ & radice consentaneæ. Aliam enim separationem requirit chelidonia, diversam salvia, longe dissimilem ebenus, &c. Discrimina quoque sunt Salium, Sulphurum & Mercuriorum; neque epileptica symptomata, Sulphuribus vel Balsamis vulnerum sanari cupiunt. Conservationum diuturnitate, agendi potestate, saporum, odorum & consistentiarum amica familiaritate, Sympliciorum greges longe superant. Salia illa, Olea, & Mercurii. Caliditatū querelis fatisscerunt, posteaquam sitim & calores febricitantium benignè mitigarunt: somnū conciliarunt, suavem rorem naturæ communicarūt. Sacchari & mellis præsentia sæpe noxia fuit. Si spiritum mellis acutissimum & venenatum, si sacchari abominabiles fæculentias conspexissent Arabes, parciores & cautiore procul dubio fuissent, in proluxa & nimis ampla Sympliciorum ostentatione. Electuaria purgantia, ut diacatholicon, diaphœnicon, diaturbith, diacitonites, diaprunis, de succo rosarum, de psyllio, confectio Hamech, Indum majus & minus, multis nominibus accusabuntur: quòd crudis radicibus, corticibus, fructibus & foliis naturam fatigent: quòd impuratum non sint factæ separationes: quòd dissentaneorum rerum mixtiones committantur. Tardarum actionum accelerationes, statuum discussiones, amaritudinum, erosionum, & acrimoniæ mitigationes, aliter emendari possunt, quàm admixtione cassiæ, mannæ, thamarendorum, prunorum, rosarum, anisi, veniculi, cymini, ameos, cinnamomi, caryophyllorum, nucis muscatæ, dactylorum, jujubarum, pinearum, passularum &c. *Tales Mixtiones & Compositiones remedium, non sunt Naturæ legibus consentaneæ.* Ipsa, Cyclaminum in Germania produxit, Polypodium in Dania, quorum usu, si flatus suscitantur, tormina, erosiones, difficiles & tardæ purgationes, non propterea jussit, ex Arabia dactylos, ex India cinnamomum, caryophyllos, nucas muscatas, ex Italia anisum, cyminum, fœli, ameos, ex Hispania saccharum, advocari: sed ligna conjunxit, ex quibus carbones fieri voluit: silicem quoque,

Cc

&

& herbas, vitri materiam subministraturas, & argillam, fornacum constructi-
onibus obtemperaturam. Postea concoquere iussit, cruda maturare, imputa se-
parare, amaritudines in dulcedinem transmutare, erosionum, calorum, sapo-
rum, odorum, coagulationum tædia mitigare: & nos Ministros esse præcipit
ac Separatores, non Magistros vel Compositores, nisi ad ipsius leges spiritu-
alia Conjugia instituere possemus. *Pilularum fere omnium compositionem, in quibus
venenata illa Simplicia ingrediuntur, quis unquam laudare potest? Colocynthidem, hel-
leborem, turbith, hermodactylos, succos tithymalorum, elaterium, scam-
moneam, euphorbium, tam manifesta venena, cruda, & impura continent,
frequenter dissentaneis rebus ad mixtionem non tendentibus, ut resinis, gummatibus, se-
rapino, hammoniaco, galbano, &c. permixta: nisi quantitatis exiguitate ex-
cusarentur, exhibitiones jamdudum ab ægrotis repudiatae obsolescerent. Try-
pherarum, etiam Andromachalis Theriacæ censuras, hoc loca non adjunge-
mus. Accusationum copia sæpe Judicibus fastigiosa & suspecta extirpit. Con-
fectiones latificantes, electuaria de gemmis, diamargaritones frigidi, & cali-
di, nulla ratione intentionibus compositorum satisfacere possunt. Si enim læ-
tificare debent, confortare, exhilarare, regenerare, quæ spirituum vitalium
sunt officia, quomodo corporibus tam solidis, tam non ab humana natura se-
lubilibus, spirituum ministeria absolventur? Externi quidem sensus, splendore &
clangore auri delectantur, interni verò spiritus ab Avaritia crimine planè sunt expediti.
Omnino corpora spiritualia reddi debent & volatilia, si spirituum actiones, & legitimas lan-
guorum sanationes ab iis requirimus. De Unguentorum, Emplastrorum, Oleorum,
Compositionibus & Præparationibus copiosus est PARACELSUS in Chi-
rurgicis libellis, faciliq; explicatione defectus & errores communium Me-
dicorum ostendit. Fatemur, hisce Remediis utcumq; compositis & præparatis, morbos
nonnullos sanari, Alimentarios scilicet, in quibus impuritatum radices, faciles admittunt re-
solutiones, purgationes, consumptiones & ablationes: & nos quoque iisdem sæpe sa-
nitatem ægrotis restitimus, & febres leviores, ictericias, pleuritides, catar-
rhos, tussis, jugulavimus. In gravioribus verò morbis, in quibus fixæ radices aderant,
exaltata, & ad extremitates ducta, usus honorum, remediorum, ac similium, votis ægrotan-
tum satisfacere non potuit. Proinde potiora quæsiimus, & potentiora, exquisi-
tius præparata, & feliciter composita. Neque censuram horum Comitiorum
subterfugient famosa illa remedia, quæ nunc per universam Germaniam lau-
dantur ab his, culpantur ab illis. Inter quæ, primo Antimonii vitrum produ-
cemus, quod accusationem meretur, quia puri ab impuro separationem non
recepit: quod resolutionem debitam, & digestionem non sustinuit: quod fusio-*

fusionem vitrificatoriam admittit, in omni remediorum Præparatione fugiendam. *Fusiones Spirituales requirimus, non Corporeas.* Frustra quoque purgationes alvi, per antimonium obstinatè instituuntur: altioribus prædestinationibus destinatum fuit. *Vitrioli spiritum emendatum, ad odoris suavitatem, & dulcis aciditatis gratiam reductum, in qua sensibilis corrosio in lingua non appareat, nec tarda austeritas, sed spiritualis aciditas, tanquam utile medicamentum, in multis affectibus & curationibus necessarium admittimus.* Digestionum leges, ignium administrationes, vasorum idoneorum adaptationes, magnum hic operæpretium habent. Nihilominus asseveramus, veram volatilitatem vitrioli, in qua Arcanum epilepsie, suffocationis matricis, palpitationis cordis, corroborationis spirituum cerebri & cordis delitescit, destructam esse in tali Præparatione & Reiteratione. Incognita desideria labores reddunt difficiles. *Sulphuris flores, à colcothare sublimati & reiterati, innoxii sunt: impuritates febriles, pestilentes, pleuriticæ, peripneumonicas, leviores, tutò & subito auferre possunt: tussis antiquas, & asthmaticos affectus egregie sublevare.* Ponderum proportionibus commensuratus ignis, & instrumentorum idoneorum adhibitiones, in hac Præparatione, fata regunt. *Cave autem ne arbitreris, te genuinos flores sulphuris, fixos scilicet, & ab impuritatibus perfectè separatos, hoc pacto invenisse.* Ridet Natura avaras spes. In Mercurii Præcipitatione, & Turbith mineralis præparatione, peccant vehementer quamplurimi. Non enim satis est, aqua salis nitri, vel aliis fortibus aquis, ex vitriolo, alumine, nitro, & similibus, in pulverem rubicundum vel flavum præcipitasse Mercurium. Neque ablutiones per aquas albuminum ovorum, per vinum sublimatum, etiam si vigelies repetantur, venenatas impressiones aquarum fortium auferre possunt: etiamnum cruditates & venenatæ impuritates, vomitionum, resolutionum, palpitationum cordis, difficilimarum purgationum, authores relinquuntur, & corrosivæ proprietates vehementissimæ, quarum beneficio, opem ferente volatilitate Mercurii, pustulosæ impuritates leviores sæpe auferuntur, relictis tamen radicibus, recidiva symptomatum repetitione redituris. Ita quoque externæ pustulæ & scabiosæ cutis defædationes, spiritibus aquarum fortium, thermis & balneis similibus tolluntur, quamvis recidivas promittant. *Præstantior est altera Præcipitatio, quæ longiori tempore absolvitur, cum foliis auri, idque donec in aqua calida albuminum ovorum non reviviscat amplius.* Aptà instrumenta, ignis mediocritates, & assidua reductiones, postquam ascenderit, hanc provinciam moderantur. Estque medicamentum hoc utilissimum, fere necessarium in morbis plurimis, tam acutis, quam chronicis. Innoxius est priori. Attamen & hic cruditates relinquuntur, neque facta est separatio puritatum à venenis. Arcanum certè Mercuriale,

le, tali venatione non capitur. Multi, instrumentorum artificiosa machinatione, Præcipationum compendiosas vias invenerunt, sed inutiles. Ubique Mercurius mirabilis est, & actionum efficaci potestate, ac sanationum virtute, utcunque Præparationum inclinationes acceperit, Artificum industriam, & laborum patientiam excitare potest, ut altiores Præparationum modos indefesso studio inquirant. Crocus Martis, innoxium planè est medicamentum, in plurimis affectibus, tam internis, quàm externis, utilissimum. Hic, ignis temperamentum, fornacis commoda constructio, primas tenent: quamvis emixtiones & imbibitiones non sint inutiles. De Auris Diaphoreticis corrosivis, Tincturis corallorum, resolutione Chrystallorum, de oleo arsenici, plumbi, & similibus, alibi tempestivius agemus. Neque omnia nunc recitare, consilium est. In his exemplis qui probè exercitatus fuerit, de plurimorum Remediorum Præparationibus haud iniquam censuram ferre poterit. Sunt & alia Remediorum genera, quæ Præparationum ratione à prioribus differunt. Quemadmodum enim de alimento dicebat Hippocrates: *Alimentum est quod nutrit, id est, quod in spirituales vapores conversum est, ab impuritatibus separatum, digestum & maturatum, à talibus enim vaporibus nutriuntur spiritus vitales, actionum authores: deinde alimentum est & illud, quod nutrit quidem, sed obscure, æquivocè, quod adumbrata imagine veram nutritionem æmulatur: in hoc, exquisita separatio & digestio non est absoluta: tertio, alimentum est, quod nutriturum est: tale corporeum existit, & primum subjectum quod resolutionem, separationem & digestionem requirit; ita & nos de Remediis dicemus: alia remedia sanare morbos, alia veluti sanare, quædam sanatura. Quæ spiritualia sunt & morbis consentanea, sanant: in quibus vero impuritates corporeæ & cruditates etiamnum relinquantur, sanant quidem, sed non perfectè, id est, veræ sanationi simile quippiam ostendunt. Cruda vero, corporeæ & immatura remedia, postquam præparata fuerint, sanationis officia absolvent. Morbotum gradus, Anatomia, exaltationes, Elementa, &c. subtilitatum & Præparationum terminos in remediis constituunt. Febres enim non requirunt tam Spiritualia remedia, quemadmodum epilepsia, podagra, hydrops: neque ventriculus & intestina, synovia vel sanguinis alimentum expetunt. Hæc causa est, cur in multis morbis, corporeæ quodammodo remedia curationi satisfaciant, sicut in vulneribus, febribus, ictericis, levioribus cachexiis & similibus affectibus apparet. Spirituum quoque differentias antea exposuimus, quas hic repetere non oportet. Vicina sunt huiusmodi remedia, gradibus vel exaltationibus, non semper proprietatibus differentia, quo fit, ut in spiritualibus remediis eadem differentia admittantur, quæ in corporeis vel crudis*

crudis antea adducebantur. Itaque in spiritualium remediorum ordine, Specifica quæque reperiuntur diaphoretica, anodyna, purgantia, confortantia: item febrilia, epileptica, podagrica, hydropica, & similia. Talia remedia, universales curationes sæpe æmulantur. Sunt enim exaltata, ad generum potestates & amplitudines deducta. Individuorum tardas & angustas proprietates deposuerunt. In his, spirituales virtutes, post corporum & impuritarum separationes, miscentur. Cruda vero, Specifica, & corporea, difficiles habent mixtiones. Proinde ex crudis Specificis, spiritualia præparanda sunt. Potens est Natura metamorphosin sustinere, virtutum servata integritate. Actionum particulares & Individuæ proprietates, in Præparationibus sæpe mutantur, universales tamen & primæ, à quibus veræ morborum sanationes dependent, in legitimis Præparationibus permanent. Ita mundificantia, nunc per alvum, nunc per urinas, nunc per sudores & insensiles Transpirationes, impuritates morborum auferunt. In februm ordine, nonnullæ purgatione per alvum sanantur, aliæ per urinas, quædam per sudores & insensiles transpirationes. Una etiam eademque febris, quæ ab initio, electuariis de succo rosarum, de psyllio, cæterisque per alvum purgantibus, sanari poterat, progressu temporis, impuritatibus exaltatis, non per alvum, sed per urinas, per sudores, per insensiles transpirationes mundificari cupit. Rursus, unum idemque remedium, vomitus & alvi purgationes ciet, diureticum postea evadet, vel diaphoreticum, consumtivum, mundificativum, consolidativum, mitigativum, & confortativum. Ita chelidonium transformare licet, asarum, cyclaminum, centauream, urticam, & multa Vegetabilia: ita vitriolum, antimonium, tartarum, Præparatione, diversis remediorum ordinibus adaptantur. Sunt & aliæ Præparationum differentiæ, & Compositionum leges: de quibus suis temporibus & locis agemus. Interpretationes enim faciles aspernantur: difficiles, imperitis odiosa existant. Quocirca, si meis monitis obtemperare voluerint, in hisce remediorum differentiis, Proprietatibus, Præparationum scopis, & compositionum modis, de quibus non solum hoc Capite, sed etiam aliis locis, in hisce Commentariis, occultè aliquoties egi, exercitentur. Ita enim paulatim deposita corporum gravitate, spirituales rerum Mechanicas facilius percipient. Generales certè Præparationum Intentiones, & remediorum proprietates, ad Particulares omnes curationes suffecturas, demonstravi, de quibus hanc Summam facio:

Remediorum differentias morborum naturas imitari. Simplicitates, compositiones, potestates & exaltationes, secundum morborum Analogiam admitte-

re: esseque remedia alimentaria, medicamentosa, & venenata. In singulis easdem proprietates vigere, agendi tamen potestate & virtutum robore differentes. Specificas facultates in natura contineri, quæ certas impuritates respiciant. Caliditates, frigiditates, &c. sapores, & externas applicationes in remedium proprietatibus dijudicandis inutiles esse censors: Corporum Principia, proprietatum radices rectius monstrare. Quia verò à venenatorum usu nulla ratione excusetur, præparationum & compositionum necessitatem irrepsisse, in qua cruditates maturantur, impura separantur, corpora solvuntur & spiritalia redduntur, calores, sapores, odores & similes qualitates humanæ naturæ infestæ corriguntur, mitigantur, tolluntur, illæis virtutibus morborum curatricibus. Compositiones faciliores in spiritalibus remediis quam in crudis existere, quarum necessitates Præparatione sepe auferuntur: servarique in Præparationibus specificas proprietatum vires, quamvis actionum Individuæ proprietates varientur. Ita immensa absoluta navigatione, qui naviculam benignè direxisti, Hymnum meruisti, Noctis quiete gaudentem.

PERORATIO.

I Deam Philosophicæ Medicinæ proposui, fundamentaque solida collocavi, ex quibus universa Artis officia ordinate deduxi. Consensum Hippocratis & Antiquorum Philosophorum passim adjungens, demonstravi Methodos Medicinæ quibus nunc triumphat Seculum, nulla Antiquitatis autoritate stabiliri. Errorum causas & correctiones frequenter explicavi. Equidem arbitrabar totius Naturæ lumen, in solo Galeno, non fuisse exhaustum, sed adhuc relicta semina in Sapientiæ thesauris, quæ temporibus & nationibus in seculi consumptionem immutabili lege destinata sunt. Proinde, si judicii libertate fretus, contra Archigenem, Asclepiadem, Herophilum, Protagoram, Erasistratum, Quintium, Præceptorum suum, etiam contra Moysen, viventis Philosophiæ interpretem, sæpe frivole disputavit: quæ religio est, ipsius scripta, quæ nobis non magis quàm uris & apris destinavit, tanquam Evangelica oracula venerari? Quæ impietas est, Hippocratem ad Galenum conferre, non Galenum ad Hippocratem? Libertatem humani ingenii, Naturæ lumen, discernendi, judi-

Judicandi facultatem, homines hominibus eripere non debent. Desit Monarchia Græcorum. Turpe est ex aliorum vigiliis, laboribus, & observationibus, nostræ socordiæ & ignaviæ patrociniâ quærere. Laudo industriam Galeni, ingenii subtilitatem, & celeritatem admiror: observationes quoque, quas paucas, illaudatas, suis Hypothesibus accommodatas adjunxit, admitto, neque omnes curationum Indicationes vel locorum affectorum dignotiones, quas ipse proposuit, contemno. Declaravi in his Commentariis, in quibus morbis, qua ratione locum haberent dignotiones & Indicationes Galenicæ. Erant, qui subito universas medendi leges longa consuetudine receptas, nos demoliri velle arbitrantur. Tutius est consilium, paulatim errores corrigere, Medicorum industriam strenuè excitare, ad Naturæ & Proprietatum inquisitiones, à quibus sanationes, & omnes vitales actiones procedunt, clanculum adducere: ita enim officium majori gratitudine absolvetur. Proinde, qui nunc in Arte consueverunt, utantur Syrupis, Conditis, Trageis, Electuariis, Pilulis, Epithematis, Cucuphis, Oxyrrhodynis, unguentis, in morbis quibus sciunt. Prudentiores enim sunt, quam ut meis admonitionibus in hoc negotio egeant. Diætam ordinent, venas incidunt, & magnorum morborum, si non Curatores saltem Adulatores sint. Interea, pietatis & præceptis memores, juniores ad altiora remedia, ad potentiores medendi rationes, indefessis laboribus & vigiliis inquirendas, candidè adhortentur. Benignum & plenum humanitatis est fateri per quos non profeceris, vel saltem, quantum & quousque profeceris, quatenus votis & expectationibus tuis responderint eventus. Ita maturescentibus illis, & monita majorum, tempestivæ poenitentiae principia repetentibus, immortalis memoriæ gratiam referent. Invidia aliorum ab hac provincia absterre eos non debet. Scio & ego, quantis fluctibus me objecerim. Sed tela adversariorum prævisa sunt: minus ferient. Scutum objeci quod aciem facilè retundet. Fuci verò, magnitudine solum terribiles sunt, aculeis destituuntur. Quòd si aculeos strenuè quæserint, depositis ignaviæ signaturis, subito in apes transplantabuntur, & nobiscum grata concordia ad mellificum conspirabunt. Tum verò fortiores & plures redditi, ignavum pecus à præsepibus arcebimus. Veritatemque in umbrarum carceribus detentam liberabimus, & liberatam benignè posteritati communicabimus. Itaque admoniti vigilate, & stationis vestræ memores, diligentius Naturæ mysteria inquirete. Proprietates Salium, Sulphurearum specierum & Mercuriorum addiscite.

Relin-

Relinquitte fatales illas Hypotheses Caliditatum & Complexionum, in perniciem totius Medicinæ inventas. Surgite à somno. Vita enim vigilia est. Papaveris Urbana pocula admisistis: ex horum fornicatione & somnolenta ebrietate, occasione nacta, Erratica supervenerunt: & nisi æquiora diligentioraque officia posthac vobis cordi fuerint, tertium illud proculum, cujus nomen Verecundiæ vinculis etiamnum commitemus, brevi aderit. Hujus violentia Metamorphoses contingent, quas veniens ætas longa admiratione ridebit. Absit omen; meliora me sperare jubent multorum voluntates humaniores quodammodo redditæ, & censurarum violentiæ nonnihil mitigatæ. Deus Optimus Maximus errantes in viam revocet, & disjunctas hominum mentes discussis tenebris conciliet, ut beata illa Unitate, quam in Filio suo unigenito proposuit, adepta, Socii & Cives Cœlestis Hierusalem redditi, æterna Veritatis cognitione gaudere possimus: Amen.

A N A C E P H A L Æ O S I S

Precipuas totius Philosophiæ Medicinæ Conclusiones, juxta ordinem in superioribus Capitulis servatum, continens.

Medicina morborum omnium, ab Altissimo creata est, & in Natura collocata, quæ debite præparata, & ab Elementis impuritibusque admixtis separata, potestate & vitali robore, universos humani corporis languores auferre potest: idque non calefaciendo, refrigerando, humectando, siccando: non abstergendo, incidendo, penetratione, sed longè altiore actionum proprietate: fundaturque in vitali Principio Semine, Balsamo, Vegetabilium, Mineralium & Animalium: cui omnium actionum in Natura Principium acceptum referimus: adeoque legitima hujus Naturæ præparatio & administratio Medicam constituit Scientiam & Medicos rectè appellat.

Quia verò actionum omnium naturalium fundamenta, in materia illa radicali, Balsamo, & vitali Sulphure continentur, debet Medicus proprietates, differentias, præparationes & administrationes hujus Naturæ, omni sedulitate, cura & diligentia investigare.

Elemen-

Elementa sunt loca, matrices & domicilia, vitali validaque potestate munita, quæ semina Generationi consecrata fovēt, digestis temporibus suscitant, ad maturitatem promovent, & emeritis receptacula concedunt immutabili quiete beata. Et quia loca sunt, incorporea ut sint, necessitas jubet. Nisi enim essent à dimensionum legibus absoluta, nequaquam corporum, Principiorum & seminum tantam multitudinem tam facile reciperent. Infinita tamen non sunt, vitali virtute fines & terminos præscribente: quibus non solum ipsis standum est, sed etiam seminibus, Principiis, etiam corporibus, utcunque superba dimensionum explicatione triumphent. Vacua, vel inania sunt, simili propemodum providentia: alioquin inæquali favore, quibusdam seminibus plus obligata, aliorum Rationes obscurius recepissent, & minimè sinceras representassent.

Semina, sunt vincula utriusque Naturæ visibilia invisibilibus conjungentia: in quibus motuum leges, temporum prædestinationes, Generationum & Transplantationum lithurgiæ, & universæ mundanæ Anatomix dispensationes continentur, tanquam in vitalibus potentiis incomprehensibili sapientia decoratis. Quorum ministerio, Agentium impressiones, à Patientibus, admittuntur vel repelluntur, summa infimis conjunguntur, & totius Naturæ sympathia custoditur: ex quibus, sapes, odores, colores, & qualitates vitales omnes, quantitates, numeri, conformationes & signaturæ cæteræ, in mechanico Generationum & transmutationum processu procedunt.

Principiorum & Elementorum permixtorum naturas, ipse in Capitulo septimo inquire. Recapitulationes enim difficiliore, non sine causa, obtinuerunt.

Generatio, progressio est seminum, in qua, ex fontibus, Abyssis, & vitalibus Principiis, ordinata corporum explicatione, in hanc mundanam scenam, definitis temporibus progredientia, Individuorum renovatione, Specierum perpetuitatem custodiunt: fiuntque in hac lithurgia, ex invisibilibus visibilia, ex incorporeis corporea, potestate vitalis immortalisque Scientiæ, in universa Natura vigentis. Cujus efficientia, Elementa, & corporum Principia officiis consentanea, colores, sapes, odores, caliditates, frigiditates, humiditates, siccitates, magnitudines, situs, conformationes, consensus durationes, digesta tempora, & omnia corporum ornamenta, admirando ordine producantur. Diversi quoque generationum sunt modi, ratione Elementorum & seminum: adeoque in

D d

qui-

quibusdam planè neglecta sunt sexuum discrimina: in nonnullis obscura rudimenta apparent; in aliis verò, sexuum perfecta separatione, Individuorum proprietates manifestius explicantur.

Mixtio, est seminum ad Generationem procedentium instrumentum, cujus ministerio, Elementa & corporum Principia feminibus domestica, colligata, unitatem suorum Exemplariorum æmulantur. Varianturque Mixtionum uniones ratione subjectorum. Spiritualia deinde corpora, veram Mixtionem, à penetrationis dimensionum periculis expeditam constituunt: idque virali virtute mechanicorum spirituum. Transplantatio Generationi, interveniente Mixtione accidit, communisque est Generationum omnium ordinibus, sive levioribus Tincturis Individuæ naturæ proprietates immutentur, sive validioribus, Specierum signaturæ transplantatæ, novæ familiæ insignia demonstrent. Postremò, validiorum oculorumque astrorum resolutiones, Transplantationes tam potentes comitantur, ut novarum Generationum appellatione, vigorem Principiorum declaraverint.

Generationis humanæ radix, fundamentum, Principium, in Balsamo illo virali continetur, quod universi corporis Anatomiam occupavit: idque tam in foeminis quàm in maribus viget, mutuòque congressu effervesceat & suscitatur, foecundæque spirituum Mechanicorum sobole, ad testium Anatomiam, & hinc ad materiam naturali impetu confluit, unà cum materia seminali, quæ in testibus præparata, spiritualia Principia felicius custodit. In spiritibus verò mechanicis, viget Scientia, cujus potestate, Elementa corporum Principia consentanea, ex alimentis opportuna Mixtione aucta, ex invisibilibus invisibilia, ex incorporeis corporea tandem evadant. Partiumque numerus, situs, consensus, figuræ, magnitudines, reliquæque signaturæ, secundum prædestinationes dictæ Scientiæ, definitis temporibus absolvuntur. Sexuum discrimina ex supervenientibus Tincturis pendent, in communi verò radice & Principio unita conspirant.

Actiones omnes naturales à spiritibus proficiuntur, iisque differentiis, subtilitate & crassitie, secundum actionum Analogiam. Progressio seminum, & Scientiarum distinctio, partium necessitatem attulit. In iis, tanquam astris & radicibus coacervantur, & quasi ad centrum revocantur singularum spirituum thesauri: indeque perenni radiorum defluxu cuncta foventur Anatomis eorum consentanea. Concoctionum officinæ
pluri-

plurimæ sunt: Communēsque appellantur, in quibus impuritatū separationes manifestæ & corporeæ, necessario contingunt. Generatio quatuor humorum, sanguinis, bilis, pituitæ, melancholiæ, in hepate phantastica est. In sanguine enim, tanquam Elemento, innumerabilia semina, eaque proprietatibus trium Principiorum insignita, continentur. Superiorum Elementorum astra, fructibus inferiorum nutriuntur, & rursus inferiora, superiorum favore non destituuntur, sed cuncta opportunis temporibus debite conspirant, Revolutionūque suarum periodos inviolatas custodiunt, nisi prævaricationes peregrinorum seminum inimica Transplantatione irrepant.

Morbi ex seminibus producuntur: seminæque & radices in Natura habent, non in certis quibusdam Individuis, seorsim, sed aliorum radicibus adhærent. Maledictione Divina, primis purisque rerum seminibus supervenerunt. Scientias, prædestinationes, & signaturas Scientiis consentaneas acceperunt. Et quia fructibus Elementorum, à quibus alimenta haurimus junguntur impuritates, morborum authores, differentias eorundem fructuum imitantes, Elementorum ac seminum proprietates diversas ostenderunt, repudiatis classibus intemperierum, humorum, & obstruccionum Generationes quoque Transplantationes, consuetas perpetuas, insuetas, & novas, ut & alia Elementorum semina obtinuerunt.

Loca morborum diversa sunt, seminūque conditiones & progressiones imitantur, quæ ex spiritualibus Tincturis, ad corporeas coagulationes sæpe definentes, locorum dissimiles societates ostendunt. Actiones læsæ, non mineras morborum, sed consensus & sympathias partium declarant. Excrementa, dolores, humores, in corporeis & extremis affectibus solummodo significant. In primis vero Radicibus & spiritualibus Tincturis, Elementalia loca, Remediorum beneficio, & Symptomatum vehementia, rectius inquiruntur. Tempora deinde morborum, tam Digestionum, quàm Resolutionum, ex Scientiis & Donis seminum, prædestinationes acceperunt, suntque in familia earum signaturarum, quæ Speciei vel Radici, non Individuis cohærent. Transplantantur tam loca, quàm tempora morborum, efficientia causarum, quæ Transplantationes efficere solent. Postremo, Signaturæ & symptomata reliqua morborum, ut actionum læsiones, excrementorum immutationes, calores, dolores, colores, ex spiritualibus, & vaporosis resolutionibus, morbidarum Radicum proficiuntur. Curationes omnium morborum duplices sunt:

D d 2

Uni-

Universales, & Particulares. In Universali & perfecta, uno eodémque ré-
medio, absolvuntur Resolutiones impuritatū morbosarū, purgationes,
consumptiones vel ablationes, & restorationes, mitigationes, corroboratio-
nes innati Balsami. Particulares verò curationes, quæ veræ & legitimæ exi-
stunt, pluribus Indicationibus, & diversis Remediorum proprietatibus, actio-
nes tamen & conditiones Vniversalis curationis, quoad fieri potest imitanti-
bus, absolvuntur. Indicationes curativæ veræ, in proprietatibus Vegetabi-
lium, Mineralium, & Animalium, fundantur, facilēsque mixtiones in de-
bitis Præparationibus admittunt. Vniversalium curationum officia, ex Par-
ticularibus Indicationibus, remediisque in morbis non consumatis & extre-
mis, sæpe adimplentur: suntque gradus Particularium Remediorum, supe-
riores & inferiores. Calefactiones, refrigerationes, humectationes, exicca-
tiones, phantasticas Indicationes ostendunt, & proprietatibus Naturæ Ra-
dicalibus, Scientiæ & potestatis Dispensatoribus, carent.

Remediorum differentiæ, morborum naturas imitantur: simplicitates,
compositiones, potestates & exaltationes secundum morborum Analogiam
admittunt. Suntque remedia Alimentaria, Medicamentosa, & Venenata.
In singulis eadem proprietates vigent, agendi tamen potestate & virtutum
robore differentes. Specificæ facultates in Natura continentur, quæ cer-
tas impuritates respiciunt. Caliditates, frigiditates, &c: sapores, & externæ
applicationes, in Remediorum proprietatibus dijudicandis, inutiles sunt Cen-
sores. Corporum Principia, Proprietatum radices rectius monstrant. Quia
verò à Venenatorum usu nulla ratione excusetur, Præparationum & Com-
positionum necessitas irrepfit. In qua, Cruditates maturantur, impura sepa-
rantur, corporea solvuntur & spiritualia redduntur, calores, sapores, odores,
& similes qualitates humanæ naturæ infestæ, corriguntur, mitigantur, tollun-
tur, illæsis virtutibus morborum Curatricibus. Compositiones faciliores in
Spiritualibus remediis, quàm in crudis existunt, quarum necessitates Præpa-
ratione sæpe auferuntur: servarique in Præparationibus, Specificas Pro-
prietatum vires, quamvis actionum Individuæ Proprietates varientur.

E I N I S.

E L E N C H V S
CAPITUM, HOC OPERE
Contentorum.


D E ortu & progressu Artis Medicæ, Medicorumque diversis Sectis. Cap. I.	Pag. 1
Quid sit Medicina, & quæ fundamenda habeat in Natura. Cap. II.	5
Quod sit officium Medici, & quæ in Medico requiran- tur. Cap. III.	16
Universalis totius Medicinæ adumbratio. Cap. IV.	19
Elementorum condiciones & officia. Cap. V.	21
De feminibus & Astris, Radicibus rerum, eorumque pro- prietatibus & differentiis. Cap. VI.	25
De Principiis corporum, & Elementorum permixtorum natura. Cap. VII.	31
De Generatione rerum naturalium, & Seminum Mecha- nica lithurgia. Cap. VIII.	41
De Mixtione, & hujus comite Transplantatione. Ca- put IX.	69
De Generatione humana, & Transplantationibus Ge- nerationi supervenientibus. Cap. X.	76
De usu partium, actionumque omnium administratione, & de fructibus Astrorum, in Revolutione humanæ Anatomix. Cap. XI.	88


Dd 3

De

De morborum Generatione & Transplantatione. Caput XII.	105
De locis & temporibus morborum, cæterisque signaturis, in Mechanico Generationum processu supervenientibus. Cap. XIII.	150
De curandi ratione, & legitima Indicationum ac Remediorum administratione. Cap. XIV.	173
De Remediorum, Differentiis, Proprietatibus, Compositionibus, & Præparationibus. Cap. XV.	192

F I N I S.





Tabula plana Verorum tum Compositorum Entium in septem Ordines dispositorum.

Primus ordo est Entium Verorum, & sunt se stantium Elementorum, seu substantiarum radicalium, ab infinito spacio, in infinitum spaciū fluentium.


Secundus erit Elementorum Seminariorum, partim se stantium, partim alistantium, & extremitates se stantes, cum alistantibus vincientium.

Tertius ordo est Elementorum alistantium, hoc est concretorum, & à radicalibus & seminariis fluentium, & stantium.

Quatuor reliqui ordines sunt sensuum & rerum sensibilibum.

Quæ omnia originem habent ex Dei voluntate, & sui scientiæ voluntati finis, sui scientiæ infinita potentia respondet, ex quibus primum Ens Metaphysicum, & ab eo sex alia Elementa, seu Entia radicalia primi ordinis fluunt.

Potentialia	Media	In actum reducta	Ex aqua	Ex vitri	Ex nu-	
Primus ordo ex fine & infinita potentia per Ens increatum & dicitur	Secundus ordo ex spatio infinito fluit.	Tertius ordo ex fluore infinito mediantibus spacio & aliis seminariis fit finitus.	Ex concretis Elementis & Mineralis sunt sensus septē mediantibus radicalibus & seminariis Elementis in Vegetabilibus, Mineralibus & Animalibus.	Ex aqua mediantibus sensibus apparet.	Ex vitri scoria fit	Ex nubibus immediate
Hic est ordo septem Entium Elementorum seu causarum radicalium & firmamentum super quas quasi causas exemplares in quibus causata manent & ex quibus secunda Entia seu verorum Entium simulastra producuntur & a quibus causata prima progrediuntur aut peregrinantur, ut septem ordines seminatioium Elementorum aut Astorum constituant, & corpora quasi horum fructus, istis scientiis conformia, producant & nutrant.	Hic est ordo seminatioium rationum, astorum seu primarum causarum in Elementis radicalibus ut primis causis mantentur & ab eisdem virtute spirituum Mechanicorum progredientium, ut ex incorporeo incorporea corpora, & inde corpora incorporea producant, & corpus tandem quod cum incorporeo, quasi insensibilem cum sensibili natura, scientiis co nexu vincant, copulent, cum & principia corporum & Elementa concreta constituant.	Hic est ordo Principioium hypostaticorum corporis floris seu Mercurij, ignis & aeris, cum hypostaticorum corporum salis & sulphuris, cum concretorum Mineralisatorum Elementorum terræ & aquæ ut pterum fructus a spiritibus rationum seminatioium fluentium ad mixti productio-nem a quibus per conuersionem fit resolutio & reditus causarum ad primas causas unde veniunt, ut sit solen ad diastolen totius mundi referant.	Fluor Mercurius seu Spiritus aliorum causa fixus & volatilis.	Diaphanum.	Opacum.	Fiunt tenebræ & res sensibiles.
Ens seu primum mixtum Metaphysicum, legatur Articulus de Ente.	Spacium finitum in quo	Ignis seu firmamentum intentionis fixus & remissus volatilis.	Visus tangendo objectum è remoto agit & patitur recipiendo species.	Ex Diaphano fluit lux ætherea.	Umbrositas.	Principia colorum ut in Irinde.
Essentia de qua in progressu.	Lex subprimæ seu essentia lux, unde & in quo	Aer summe volatilis & remissus fixus.	Auditus tangendo objectum minus æthereum agit & splendor patitur recipiendo species.	Ex luce	Spiritus volatilis.	Sonus.
Vita, legatur articulus de vita.	Splendor subprimæ seu vitæ splendor, unde & in quo	Sal fixum quod tamen volatiliari potest.	Gustus tangendo objectum in propinquo agit & patitur recipiendo species.	Ex splendore æthereo fit lumen Elementare in quo sunt salia omnia composita	Fluores Metallici.	Saporiferum inæquabile, asperum grave dæsum aut compactum.
Intellectus, legatur quæ de intellectu.	Lumen subprimæ seu intellectus lumen, unde & in quo	Sulphur volatile quod tamen fixari potest.	Odoratus tangendo objectum in mediocri distantia agit & patitur recipiendo species.	A lumine Elementari sunt sulphurea omnia fixa	Fuligo.	Odorifera & colorata.
Anima de qua in progressu.	Calor subprimæ seu animæ calor, unde & in quo	Terra seu arena fixa.	Tactus in propinquissimo tangendo objectum agit parum & patitur recipiendo species multum.	Ex sulphure fixo vitrum, Gemmæ & lapides prætiosæ.	Nubes	Tactibilia
Natura seu spiritus de quo in progressu.	Scintilla sulphuris fixi seu naturæ scintilla, unde & in quo	Aqua volatilis.	Sensus resolutionis seu privationis in particularia, per quem sentimus res deficere in aliquibus sensibus & redire in suas causas.	Ex vitro	Materia in crustatoria.	Æquabile, leve & rarum
Materia de qua in progressu.	Atomus seu primus humor matericæ.			fit vitri scoria.		





005644522
005644523

